

HISTORIA  
CONCILIORUM  
GENERALIUM.  
LIBRI QUARTI,  
PARS ALTERA.

AUCTORE

Magistro EDMUNDO RICHERIO,  
Doctore ac Socio Sorbonico.



COLONIÆ;  
Apud BERNARDUM HETSINGH.  
Clō. Idc. LXXXIII.



# HISTORIA

## Conciliorum generalium, LIBER QUARTUS,

### PARS ALTERA.

#### CAPUT IV.

- I. *Historia Lateranensis Concilii, & de Agidii Viterbinensis perpolitae & Libera Oratione in Concilio exorsu: qua quidem acta militaria Julii oratoris laudando vehementer vituperat.*
- II. *Secunda Sessio exhibetur Mandatum Regis Hispaniarum cum Oratione Thomae de Vio Generalis Dominicanorum, qua Oratio septem capit Argumenta dogmaticè examinata.*
- III. *Sessio quarta refertur Edictum quod tribuitur Ludovico XI. Galliarum Regi, pro abrogatione Pragmaticae: atque insuper Dies Peremptoria dicitur Regi Galliae & ejusdem subditis, ut se sistant Roma; & Pragmaticam abrogari videant.*
- IV. *Dum quinta Sessio haberetur Julius vitam cum morte commutavit, priusque Bullam contra eos divulgavit, qui ambitu & Simoniam viam sibi faciunt ad Pontificatum.*
- V. *Sexta Sessio celebratur sub Leone X. continetque saluum conductum factum Nationi Gallicanae, ut se ad Synodum Lateranensem, conferret, exceptis Schismaticis, id est, qui Pisano Concilio adhæserant.*
- VI. *Septima Sessio prorogat Vadimonium dictum Gallis in facto abrogationis Pragmaticae.*
- VII. *Octava Sessio, Ludovicus XII. Francia Rex mortuo Julio, atque una odio cum similitudinibus qua inter eos intercesserant extinctis, Pisana Synodus renunciat, & Lateranensi adhæret &c.*

- VIII. Nona Sessio Gallia Prælati Pisano etiam renunciant Concilio, & Lateranensi adhærent, petuntque absolutiorem ad Cautelam.
- IX. Decima Sessio eriguntur Montes Pietatis, & dies Peremptoria dicitur Gallis, ut se sistant Roma, & causam dicant cur Pragmatica abrogari non debeat.
- X. Franciscus I. Gallia Rex, parva memorabili Victoria Marignensi, hortatu & consiliis Leonis X. Ludovici Sabaudia Matris & Cancellarii à Prato, Sanctionem Pragmaticam abrogat.
- XI. Leo X. Sessio XI. Concilii Lateranensis, potestatem facit Regi Francisco irrogandi censuras Ecclesiasticas, & procedendi omni via juris & facti contra renitentes abrogationi Pragmatica Sanctionis: & de quatuor Episcopis generosis qui dixerunt hac tantum conditione sibi concordata placere, modo acceptarentur à Gallis.
- XII. Argumenta Sessionis XI. Synodi Lateranensis, quibus adversarii probant Papam potestatem habere super omnia Concilia; & Sanctionem Pragmaticam jure abrogatam, analytice examinantur.
- XIII. Summa eorum quæ gesta sunt in Parlamento pro & contra publicationem Concordatorum & abrogationem Pragmatica.
- XIV. Appellatio Universitatis Parisiensis de Pragmatica Sanctionis abrogatione.



IN Procemio Synodi Lateranensis enarratur Julium II. indixisse ejusdem Concilii initium in XIX Aprilis 1512. illudque prorogasse in Calendas Maji, deinde in tertium diem Maji propter Ravennatense prælium; in quo Pontificis atque Hispanorum exercitus die sancto Paschæ à Gallis profligatus est. Præterea ibidem Julius declarat se etiam cum esset in minoribus, id est, antequam creatus esset Pon-



## CONCILIORUM GENERALIUM. 5

Pontifex semper de celebranda Synodo cogitasse : sed hoc suum propositum post assumptionem suam ad Pontificatum retardatum atque impeditum propter Bella quæ inter Principes Christianos fervebant, quorum pacandorum & Pacis desiderio tenebatur. Deinde subicit Hæresi repente suborta, (sic enim Pisanum Concilium nominat) animum adjecisse ad Concilii celebrationem ut illam Hæresim facilius exstingeret. Quocirca Deo bene propitio sperare se dicitur, ut omnes sentes ac vepres ex agro Domini penitus exstirpentur, depravati mores emendentur, Pax inter Principes Christianos concilietur, expeditiones contra fidei hostes instruuntur. Quocirca omnes exhortantur ut illum præ oculis habeant qui est Via, Veritas & Vita, libere consulant, & Deo quam hominibus magis placere studeant. Quod ut effectum sit Lector cognoscet ex actis hujus Synodi, & verissime dictum à Guichardino, Julium in Synodo Lateranensi omnino alienum habuisse animum ab iis quæ in speciem fiebant: & præter Bellica studia nihil quicquam aliud cogitasse.

Dehinc sequitur Oratio Ægidii Viterbensis Generalis ordinis Augustinensium admodum elegans, polita, & liberior quidem quam Julius & illa tempora ferrent: quoniam per Schematismum acriter & liberè animum militarem & gesta Bellica Julii reprehendit: ne-

que in tota hac Synodo quicquam Synodica libertate dignius occurrit hac memorabili oratione: in qua primo mirum in modum dignitatem, necessitatem, & libertatem Conciliorum celebrat: aitque Ecclesiam absque cura Synodorum probe agere non posse: idque ipsi Ecclesie usui esse. Sicut pratis imbrem, hortulis rivos aquarum, agris culturam, putationem vineis, alimenta hominibus, adeo ut quoties à Synodis cessatum, toties Ecclesiam sponsam à sponso Christo derelictam, & sponsam jacere sicut hyeme frondes arborum viderimus. Addit nec absque Synodis fidem stare Catholicam: continuoque sine illis saluos nos esse non posse: idemque de aliis virtutibus Temperantia, Iustitia, Sapientia, &c. tenendum. Cum enim omnes à natura desiderium pro labore, otium pro negotio, voluptatem pro sollicitudine expectamus, quam primum animadvertimus futurum quandoque ut Censuræ habeatur, ut morum & vite nostræ ratio exploretur, quod sit in Synodis, ut improbi deprehendantur, judicentur, plectantur: Contra probi alliciantur, foveantur, attollantur: Incredibiles stimuli appetendæ virtutis incendantur, ut homines colligant sese, meliora deliberent, vitia relinquunt, virtutem capestant, nihilque non honestum & magnificum moliantur. Subtexit hanc eximiam virtutum omnium Officinam à Constantini Magni temporibus reservatam tot clarissima Ecclesie lumina nobis peperisse Athanasios, Basilios, Nazianzenos, Chrysostomos, Damascenos, Hieronymos, Ambrosios, Augustinos, Gregorios

gorios disciplina Synodorum innuitos, &c. Quibus verbis, vir ille optimus mirum in modum Sessionem XXXIX. Synodi Constantiensis de frequentandis Conciliis Generalibus Curie Romanae usque adeo formidolosam illustrat atque explicat. Postea transit ad gesta militaria Iulii quae primum in speciem laudat, ut ea securius acriusque labefaceret: siquidem conversa Oratione ad Iulium, Dedit tibi Deus, inquit, facultatem quantam nulli majorum tuorum unquam, ut domi Templum omnium quae usquam visa sunt magnificentissimum, excitates: militia, (quod nemo ante hac potuit) Ecclesiae arma magnis Regibus metuenda faceres: ut Imperium propagares, ut Ariminum, Faventiam, Ravennam, & alia permulta recuperares. Quae etsi eripere tibi hostis potest: quintamen primus Pontificum hac omnia gesseris efficere non potest. Magnorum enim Principum virtus, non ex casu, apte ex eventu, sed ex Consiliis Actionibusque censenda est. Nunc tuis rebus gestis haec duo deernunt, ut Synodum convocares, & communi Christianorum hosti Bellum indiceres & quae initio semper cogitasti, semper spondidisti, decrevisti, jam tuae praestes, tum pietati, tum fidei, &c. ille Deus petit mandatque, ut duo illa animo volutes, & quemadmodum Propheta jubet, destruas, evellas, cruas errores, luxum, vitia: Instituas, aedifices, plantes, moderationem, virtutem, sanctimoniam: ad haec vero agenda, cum alia permulta, tum praecipue amissus exercitus excitare nos debet: quod equidem puto divina providentia factum: quo ar-

*mis Ecclesia alienis freti non crederemus : ed ad  
 nostra redeuntes victores evaderemus. Nostra au-  
 tem arma sunt Pietas, Religio, Probitas, Sup-  
 plicationes, vota, Lorica fidei, atque arma lucis,  
 ut Apostoli verbis utar: ad quæ si Synodi opera re-  
 dibimus, ut armis non nostris inferiores aliquo  
 hoste fuimus, ita nostris erimus omni hoste supe-  
 riores. Veniat quæso in mentem Mosis Bellum  
 XVII. quod adversus Amalech Regem gessit: vi-  
 debis populum Deo charum gladiis fidentem vinci  
 semper: contra semper vincere precibus supplican-  
 tem. Dum Moses manus attollebat, Dei exercitus  
 vincebat, dum manus remittebat exercitus inclina-  
 bat. Quibus verbis monet Deus utramque Eccle-  
 siam & Mosis & Christi militiæ armis vinci: Pietat-  
 is autem studio vincere: superavitelitis decertando,  
 sacra faciendo superare. Freta initio suis armis Ec-  
 clesia. Africam, Europam, Asiam occupavit non  
 Vi, non Bello, non Ferro, sed Religionis actionibus  
 & sanctitatis opinione, per universum orbem Chri-  
 stiana signa circumtulit: At ubi sponsa quæ tunc  
 undique vocabatur, accersebatur, expectabatur in  
 vestitu deaurato, aureum paludamentum ardentis  
 Spiritus ferreis Ajacis in ani armis commutavit.  
 Imperium duodecim ducum partem sanguine amisit,  
 Asiam & Hierusalem perdidit, Africam & Ægy-  
 ptum relinquere coacta est: Europa cum Bizantino  
 Imperio sibi eripi partem vidit: Et nos vidimus  
 cum Religio vota ferro commutavit, toto fere orbe  
 pulsam, ejectam, explosam Ecclesiam, aucto  
 in immensum Mahomete. Quod nisi ferro relicto,  
 rur-*

## CONCILIORUM GENERALIUM.

rursum in pietatis sinum ad aras, ad Deipulvina redeamus: crescet in dies magis, subigee Imperio omnia, orbem univrsam nostra impietatis ultor impiissimus occupabit; video video, nisi vel hoc Concilio, vel alia ratione nostris moribus modum imponamus, nisi nostram humanarum cupiditatem malorum omnium fontem cedere divinarum amoru compellamus, actum de pietate, actum esse de iis ipsis opibus, quas Patres divini cultu aucto peperire, nos contra neglecto amissuri sumus. Quæ opes ita ab extrema pauperie pervenire ad summum, ut non ita multo post interitura esse videantur: ac nisi receptui canamus, nisi rationibus nostris consulamus, infula illa ditissima cuius ad ornanda Sacerdotis tempora usus fuit, vix ad operiendâ inveniatur. Audite divinas voces undique sonantes, undique Synodum, Pacem, Sanctam illam expeditionem efflagitantes. Quando enim vita nostra mollior? Quando ambitio petulantior? Quando audacia adversus pietatem loquendi, disputandi, aut frequentior aut securior fuit? Quando in Populis rerum sacrarum, quando Sacramentorum, quando & clavium & sanctorum Preceptorum non modo negligentia, sed & contemptus major? &c. Tum Epanorthosi ad Julium. Hæc igitur mala, quæ hodie fieri cernimus, ait, voces Dei sunt monentis ac præcipientis ut Synodum habeas, ut Ecclesiam emendes, ut utriusque Hominis Bellum tollas, ut sponsa tuæ undique lacescita Pacem restituas, ut gladio avertas, Urbi, & Italiae jugulis imminentes: ut nostram frænes vivendi

R

licen-

*licentiam, Ecclesie viscera majoribus vulneribus ferientem. Non enim multi refert quantum agri possideamus, sed quam iusti, quam pii, quam divinarum rerum studiosi simus, &c. Audis Petre, auditis Augustissima semper capita, tutela ac praesidium Urbis Romae, in quem malorum cumulum Ecclesia vestro fundata sanguine deducta sit? Videtis acies utrinque profligatas? Videtis caedes? Videtis clades? Videtis campos occisorum acervis opertos? Videtis terram hoc Anno plus cruoris hausisse quam pluvia, minus imbrium bibisse quam sanguinis? Videtis tantum occubuisse Christiani roboris, quantum fuerat ad fidei hostem debellandum satis? Nihil nobis nisi exitium, nihil nisi interitum superesse? Ferte opem, juvare, succurrite, &c.*

Cætera prætermitto, ut Lector aliquid habeat quod faciat: neque enim eum pigebit unquam tam luculentam perlegisse Orationem.

Sessio prima Synodi Lateranensis celebratur die X. Maji 1512. continetque Bullam Julii super indictione hujus Concilii, datum XV. Calend. Augusti Anno 1511. ut jam supra monui. Qua in Bulla Cardinales qui Roma decesserant & Pisanam Synodum convocarant, comparantur Lucifero, Dathan, Chore, & Abiron, Dioscoro, Acacio, atque aliis Schismaticis aut Hæreticis. Præterea Julius causas & rationes quibus prædicti Cardinales impulsæ sunt ad Pisanum Concilium indicendum examinat: Cujusmodi sunt  
Ca-



Caput frequens *Sessione XXXIX. Constantien-*  
*si* : Item votum atque Sacramentum quod  
ante suam electionem ad Pontificatum solen-  
niter cum aliis Cardinalibus ediderat & alia  
ejusmodi depellere conatur : quæ quidem  
Ca. ite præcedenti enucleata sunt, partim in  
explicanda Historia Synodi Pisanae. Porro  
mirabile est Onuphrium Panvinium & Ciaco-  
nium qui vitam Julii conscripserunt de indu-  
stria oblitterasse hoc Julii II. Sacramentum :  
quod proculdubio magnum est peccatum in  
Historiæ scriptoribus : cum rem tam notam  
& omnibus perspectam ignorare non potue-  
rint. Idque arguit, illos potius ad Curia Ro-  
manæ gratiam quam ad solidam veritatem  
scripsisse : præsertim Ciaconium : quem mi-  
nime puduit contra veritatem eorum quæ  
Guichardinus testis oculatus narraverat mul-  
ta fingere & cumminisci : quo Julium ex-  
cusaret atque omnem culpam in Ludovicum  
XII. piissimum & innocentissimum Princi-  
pem transfunderet. Quotusquisque ferat con-  
tra omnem Historiæ fidem memorare Julium  
studiosum pacis Conciliandæ, sed Ludovi-  
cum noluisse ad studia pacis animum adjicere:  
quodque à scriptoris Ecclesiastici munere  
plane abhorret, figillatim pugnam Raven-  
natensem eo tantum consilio describendam  
sumpsisse videtur, ut Gallorum & nomina-  
tim Ducis Nemorensis laudi & gloriæ detra-  
heret : quem ait *ab agmine hostium circumven-*

*tum, se Poisseium Hispaniaque Regina Fratrem clamatasse & vitam deprecatum fuisse.* Certe Historiæ nostræ testantur Lautrecum Fratruelem Ducis Nemorii cum hunc unum & solum equo prostrato & confosso peditum animose decertare contra hostes innumeros, atque in maximo vitæ discrimine versari cerneret, multoties quidem exclamasse atque ita Hispanis dixisse, *Ne illum occidatis, Frater est Regina vestra.* Itaque Ciaconius id Duci Nemorosio, quod est Lautreco referendum attribuit. Sed hæc præter oleas, ut dicitur; quæ à me commemorantur ut omnes cognoscant quantum insit fidei Ciaconio: cui toto suo in opere hoc præsertim videtur propositum, ut absolutam Curia Romanæ Monarchiam fulciat: & probet, Romanos Pontifices plane esse infallibiles; adeo ut eis per omnia & in omnibus obtemperandum, nec cuiquam fas sit illis dicere cur ita facis? Quod certe non modo falsum, verumetiam Legi Evangelicæ penitus contrarium atque erroneum est.

II. Secunda Sessio referatur die VII. Maji, nihilque habet aliud notabilius præter Regis Hispaniæ literas quibus Synodo Lateranensi adhæret: & Thomæ Cajetani Generalis Dominicanorum Orationem: qui pro Argumento hunc locum Apocalypseos exhibet: *Vidi Civitatem sanctam Hierusalem novam descendentem de Cælo*, ac primum ostendit ver-

ba



ba hac nullomodo Pisana Synodo quadrare posse: Cum unius tantum sit Gentis & Nationis, vel potius dimidiata Nationis, imo nullius Gentis: non enim sancta aut legitima est, quando à Sanctitatis candore recessit ut ad sordes errorum accederet: eo-que tanto plus accedit quanto magis & Petrum Ecclesie, & Papam Concilio, & summum, verum ac certum Domini nostri Vicarium suo Conciliabulo subicere, & ita natura ipsius ac rationis ordinem pervertere, & Filios Patri & membra Capiti, & servum Domino & militem Duci, & Pastorem gregem præficere conatur. Insuper dicit novam Hierusalem illi Ecclesie nequaquam convenire: propterea quod nec Pacem habeat nec ordinis tranquillitatem: quem ordinem confundere & subvertere nititur: ut pote quæ contra Romanam Ecclesiam rogata armataque Bella commovit. Hac itaque nunc Pisana novitas Constantie tunc ortum habuit & evanuit: Basileæ repullulavit & explosa est: atque his etiam temporibus si vos viri eritis, interibit: quemadmodum sub Eugenio IV. summo maxime hujus Sedis Pontifice repressa est: neque enim de Cælo descendit atque ob id diuturna non est: Deinde per Apostrophem Julium velut segnem atque desidem sic inflammat: Atqui ut in primis ipsius Dei Potentiam, Perfectionem, Sapientiam, imiteris, accingere Pater S. gladio tuo, tuo inquam accingere, binos enim habes, unum tibi reliquisque hujus Mundi Principibus communem: alterum tibi proprium: atque ita tuum, ut illum alius nemo nisi à te habere possit. Hoc itaque Gladio tuo,

*qui Ecclesiastica potestatis est, accingere potentissime, & accingere super semur tuum, id est, super universas humani generis potestates: cumque accinctus fueris tum intende contra Errores, contra Hæreses, contra Dissensiones, &c. Nec intende solum, sed etiam procede & regna. Procede in primis & prospere; procede Gentes quæ Bella volunt dissipando, tam regna Sacerdos & Rex quæ pacis sunt cogitando, inquirendo, persequendo, &c.*

Verum in hac Cajetani oratione septem potissimum observatione digna se offerunt. Primum, quod Pisanum Concilium unius esse nationis dictitat, non videt posse in Synodum Lateranensem retorqueri: quæ Julio armato habebatur Romæ, in qua vix alium quam Aulicum Episcopum reperias: Aulicos Episcopos voco qui ordinarie Curiam Romanam sequebantur. Unde facile fuit Leoni qui Julio successit, Lateranense Concilium ab Anno 1512, in Annum 1516. continuare cum istos Aulicos ad manum haberet.

Secundo cum perhibet, idem omnino esse Petrum Ecclesiæ & Papam Concilio subjicere, quam Patrem Filio, caput membris, dominum servo, militem duci, & ovibus Pastorem: Certe fingit Petrum & Papam esse internum atque essentiale non ministeriale caput Ecclesiæ: quasi eadem esset ratio Petri & Christi, Oeconomi & Domini. Profecto Papa qui est Pars, & membrum Ecclesiæ, ejusque externum, Symbolicum, & ministeriale

steriale Caput, necessario subicitur Ecclesiæ & Generali Concilio Ecclesiam repræsentanti sicut Pars toti, Instrumentum Artifici, oculus homini, & medium fini suo. Quam ob causam tenetur ab Ecclesia remissionem peccatorum suorum more aliorum hominum petere, huncque Articulum fidei quotidie celebrare : *Credo Sanctam Ecclesiam Catholicam Sanctorum Communionem, remissionem peccatorum* ; quod est identidem inculcandum : alias docui, hæc & similia argumenta, corpus sine Capite, palmes sine stipite, rivus sine fonte, radius sine sole subsistere nullomodo potest, absolute quidem & simpliciter vera esse de Christo : de Petro autem & Pontifice Analogice tantum & secundum quid : ratio est, quoniam Papa inter causas essentielles Ecclesiæ nisi tanquam minister & Instrumentum, non ut causa efficiens gratiæ referri non potest.

Tertio, falsum est Patres Pisanos bellum contra Ecclesiam Romanam excitasse : cum Ludovicus XII. nunquam armis usus sit ut lacerasset aut offenderet, sed ut se & suos tueretur ac Pisani Concilium ab armis Julii protegeret : Hic observabit Lector, id solenne semper esse Italis Scriptoribus ut Curia Romanæ artes, sub nomine & Persona Ecclesiæ involvant ac venditent : quamquam tamen longe aliud sit Curia & Ecclesiæ nomine adversari : quia ut docet Joannes Major Cap.

**XVIII.** *Commentariorum in Matthæum, stat aliquem Papæ adversari & tamen esse in Ecclesia, & in statu salutis.*

Quarto, quo spiritu Cajetanus ducatur aperte ostendit, asserens Pisanam novitatem ortum habuisse Constantiæ, & repullulasse Basileæ atque ab Eugenio repressam esse, &c. quoniam quæstio Juris Constantiæ & Basileæ accuratissime tractata & constituta, tandemque ab Eugenio via facti atque violentiis & non aliter oppressa est. Idque ipsum Cajetanus æmulandum proponit Julio: quod maxime alienum est ab Officio Pastoralis & mansuetudine Legis gratiæ.

Quinto, quod venditat Papam geminum habere Gladium Spiritualem & Temporalem scilicet, loquitur quidem ad mentem Bonifacii VIII. Extravagante UNAM SANCTAM, non ad normam Evangelii, quæ docet, potestatem Ecclesiasticam pure Ministerialem Spiritualem esse, vacuum omni dominatu, & potestate cogendi absolute quod imperat per vim externam, ut alias demonstrabitur.

Sexto, falsum est pariter omnes Episcopos Gladium habere Spiritualem à Papa: cum Sacra Scriptura doceat, Claves aut potestatem Jurisdictionis datam in commune omnibus Apostolis, quibus Episcopi successerunt. Bellarminus lib. quarto de Romano Pontifice, Cap. XXIII, explicans Locum

D.

D. Cypriani relatum in Decreta, Can. *Loquitur XXIV. questione I. Vides, ait, idem dari Apostolis per illa verba Joannis XX. Ego mitto vos : quod Petro fuerat promissum per illud, Tibi dabo claves, Matthæi XVI. Constat autem per illa, tibi dabo claves, & per illud, pascere oves, intelligi Jurisdictionem plenissimam etiam exteriorem. Quo modo autem hæc non impendant Petri Primatum alibi satis ostendimus. Hæc Bellarminus.*

Septimo, dum Julium excitat ad dissipandas & perdendas gentes quæ bella volunt: Classicum videtur personare ad illum magis ac magis studiis bellicis quibus deperibat inflammandum : quod certe parum congruit Viro Religioso & Theologiæ Professori : potius quidem Ægidii Viterbiensis imitatione debebat Cajetanus Papam inducere ut pacem daret Christianis & Sanguini Christiano parceret.

Sessione tertia habita III. Decembris 1512. Literæ Maximiliani Cæsaris referuntur quibus per Gurcensem Episcopum Procuratorem suum Synodo Pisanae & Turonensi renunciat, & Concilio Lateranensi adhæret: Hoc autem Guichardinus factum à Maximiliano, narrat, spe quarundam urbium Italiae recuperandarum. Insuper eadem Sessione totum Franciæ Regnum Ducatu Britanniae excepto, subjicitur Interdicto, & Nundinas Lugdunenses Julius transtert in

Civitatem Gebennensem tertio Nonas Decembris Anno 1512. Inter alia hoc memorabile occurrit quod Julius Nundinas Lugdunenses Gebennam transportet : quasi ei liceret se immiscere Temporalibus : quæ egregia sunt Curia Romanæ non Ecclesiæ Instituta : Unde Cajetanus paulo ante utrumque Gladium Julio tanquam Sacerdoti & Regi Temporalis arrogavit.

III. Sessione quarta X. Decembris 1512. primo mandatum Rei publicæ Venetæ pro Lateranensis Synodi Celebratione occurrit.

Secundo, Edictum Ludovici XI. Regis Franciæ, pro abrogatione Pragmaticæ tempore Pii II. promulgatum iteratur : de quo vide quæ supra Cap. I. hujus Libri numero VIII. notavimus.

Tertio Julius edit monitorium contra pragmaticam ejusque assertores & fautores : id est, adversus Regem & Prælatos Galliæ : quos peremptorie citat in XIV. Calendarum Martii, ut antiquari & cassari videam Pragmaticam velut corruptelam abusivam & ruinam dignitatis atque unitatis Ecclesiæ Romanæ, factamque à non habentibus potestatem. Quæ Citatio Sessione quinta XIV. Calendas Februarii iteratur. Porro de hujuscemodi gestis in Synodo Lateranensi, Triumviri Regii Parlamenti Parisiensis statim atque illis innotuerunt, ad Concilium provocarunt, ut proprio loco declarabitur.

IV. Quinta Sessio celebratur XVI. Februar. 1513. absente Julio propter adversam valetudinem : continetque bullam de non committenda pravitate Simoniaca in Electione Summorum Pontificum : quod tanto est mirabilius, quod rumor esset illum largitionibus sibi viam ad Pontificatum munivisse, auctore Guichardino lib. sexto. At quicquid sit, laudanda maxime pœnitentia est in melius. Cæterum die Lunæ XXI. Februarii Julius vitam cum morte commutavit : & in ejus locum Joannes de Medicis, qui Leo X. vocari voluit, die Veneris IV. Martii ejusdem, sex tantum & triginta annis natus ad Cathedram B. Petri evehitur.

V. Sexta Sessio habetur sub Leone X. die Veneris XI. Martii, continetque Mandatum Florentinæ Reipublicæ quo Florentini declarant se Lateranensi Concilio adhærere : necnon etiam Salvum conductum pro natione Gallicana, ut se ad Concilium conferat exceptis Schismaticis, & aliis qui Jure communi aut alia speciali causa impediuntur quominus illuc accedant.

VI. Septima Sessio peragitur die XVII. Junii 1513. Exhibet vero Regis Poloniae & quorundam aliorum Principum mandata quibus declarant se hærere Lateranensi Synodo : Verumtamen nullos illuc miserunt Prælatos : quare hæc Synodus ex solis Curiae Romanæ affeclis conflata est, ut jam superius observavi.

In

In hac eadem Sessioe vadimonium Gallis indictum in Causa Pragmaticæ Sanctionis prorogatur in Sessionem proxime agitandam post Calendas Novembris. Deinde Sessio octava indicitur in diem XVI. ante Calendas Decembris.

VII. Sessio VIII. habetur XIX. Decemb. 1513. In qua primo editur mandatum Ludovici XII. Franciæ Regis cum Procuratione facta Cardinali Sanctæ Severinæ, Claudio Siffillio Massiliensi Episcopo, & Ludovico de Soleriis Oratori ejusdem Regis ad Pisenum Concilium ejurandum. Enimvero Rex desiderio recuperandi Ducatus Mediolanensis atque alias suas Italiæ Dynastias (mortuo Julio II. una cum odio quo Julius Ludovicum prosequabatur) Leonis X. amicitiam sibi conciliare tentabat: Itaque memoratis suis Procuratoribus hanc mandat Provinciam, ut protestentur, Ludovicum XII. nunquam Synodo Pisanae adhæsisse ut ab Ecclesia Romana & SS. Apostolica decessionem faceret: sed duntaxat, quo se adversus Julii injurias & violentiam defenderet. Itaque causa omnis odii & simultatum cum Julii morte confepultis, *libere, pure, & simpliciter Pisano Concilio renunciat, & Sacrosanctæ Synodo Lateranensi tanquam veræ, unicæ & legitime adheret; polliceturque se illuc quosdam Gallie Prelatos missurum.* Qua in Declaratione Regis Franciæ, obiter notandum, aliud esse SS. Apostolicæ, &



& personæ privatae Pontificis aut Curiae Romanæ adversari : quoniam aliud est Papa, & aliud sedes Apostolica, item aliud Ecclesia & aliud Curia Romana : ut docent Canonistæ *Cap. Gratiöse. de rescriptis. in sexto. Nam Sedes errare non potest. XXIV. quæst. I. Can. Quodcunque, in Glossa. Can. si Papa XL. distinct. 5. XIX. Can. Anastasius : notaturque in Glossa XXIV. quæst. I. Can. Arcela.*

Secundo, hac eadem Sessione, iidem Procuratores Regis Christianissimi nomine sui Magistri & totius Gallicanæ Ecclesiæ vadi-  
monium Gallis indictum in facto Pragmaticæ diffundi & prorogari flagitant : quoad Ecclesia Gallicana posset debite congregari & mittere Romam, ne indicta causa damnaretur. Cujus suæ postulationis sibi fieri & dari Instrumentum tempore & loco profuturum & valiturum petunt.

Tertio, D. Marius Procurator Ffiscalis Concilii Lateranensis expostulationem habet adversus Parlamentum in Provincia : quoniam Ecclesiasticos tanquam Regis Franciæ subditos coram se litigare cogeret sub ficto colore possessorii, eoque Sedem Apostolicam adire prohiberet : Similiter etiam quod in tota Provincia Pragmaticam damnabilem aliaque similia in magnum libertatis Ecclesiasticæ detrimentum servare juberet. Quocirca memoratus Procurator petiit à Pontifice ut huic malo provideat. Pontifex autem sa-

lecta constitutione, ubi Pontifex petiit à patribus an eis hæc placerent, omnes responderunt : placet : excepto Episcopo Bergomenfi, & Thoma Cajetano Generali ordinis Prædicatorum : qui dixit, sibi non placere, quod Philosophis præciperetur ut publice persuadendo docerent veritatem fidei, id est, animæ Immortalitatem & mundi interitum. Hæc & similia ibi. Fama est Petrum Pomponatium Leonis X. Præceptorem, tum ejusdem Leonis jussu scripsisse librum de Animæ Immortalitate qui multorum manibus teritur, quem ego legi.

Quinto, ut frequentibus querimoniis contra exactiones Curiae Romanæ obviam iretur Pontifex, narrat se constitutionem sanxisse, qua omnia figillatim ad primævam Institutionem reducerentur; petitque Bullam suam de hac re à sacro approbari Concilio, qua re audita Prælati id sibi placere responderunt. Exceptis Reverendis Patribus D. Episcopo Potentino qui dixit sibi placere Bullam, sed vellet ut videantur Articuli Reformationis, & alius dixit, placere Bullam, non tamen Reformationes, donec audiantur, & publicentur. Alii dixerunt. placere; dummodo fiat Reformatio Generalis.

Verum attendat Lector, quantum hæc distent ab antiquorum Patrum Conciliis dum Aristocraticum regimen Ecclesiæ floreret: Nam singuli Patres rebus accurate exploratis  
&

& perpenſis, ſententiam ſuam ſigillatim dicebant & actis ipsis ſubſcribebant. Subductisque omnium ſuffragiis ex votorum pluralitate Synodalis conclusio edebatur. Hic autem ſolus Papa tanquam abſolutus Monarcha Eccleſiæ, illa quæ domi in ſecreto & Oligarchico Concilio, vel potius quidam ejus miniſtro proprio motu & ſpiritu conſcripſerunt, ad Synodum adferuntur, ut tacito aſſenſu abſque ullo examine comprobentur & vim Synodalis Decreti obtineant. Quam agendi rationem, Cardinalis Bellarminus ut omnium optimam laudat lib. priore de Conciliis & Eccleſia Cap. IX. & maxime ſervandam aſſerit: quod nemini mirum videri debet, cum hoc pernecellarium ſit, ad imaginariam infallibilitatem abſolutæ Monarchiæ Curialium propugnandum: alias enim rueret niſi hoc ſulta eſſet tibiaine.

Dum hæc Romæ agerentur, Ludovicus XII. Princeps optimus viam univerſæ carnis menſe Decembri 1513: ingreſſus eſt, cujus infortunia iſtuc noſtri referunt, (ſi tamen de ejusmodi Arcanis licet hominibus judicare) quod Ludovicus Alexandrum VI. cum ejus ſceleratiſſimis liberis impenſius exornarit, atque Caſari Borgiæ generis humani monſtro, ut Alexandri Patris gratiam ſibi conciliaret, nihil non indulſerit deſiderio potiendi ducatu Mediolanenſi & Regnum Neapolitanum recuperandi: eo ipſo tempore quo potius in  
ſtu-

studium Ecclesiæ reformandæ debebat incumbere. Hinc autem posterius cognoscant quam hominum nefariorum amicitia & societas præsertim Regibus atque Principibus Christianis pestifera sit: Cæterum Ludovico Franciscus I. in Galliæ Regno circa decimum octavum ætatis annum successit.

VIII. Anno 1514. die 5. Maji. Sessio nona peragitur, in qua primum occurrit alterum Regis Portugalliæ mandatum de sua adhæensione Concilio Lateranensi: Item Procuratio Prælatorum Galliæ: qua declarant se in obeundo itinere Romano quatuor & amplius menses consumpsisse: tum quia Maximilianus Sfortia detentor Principatus Mediolanensi eos transitu ordinario prohiberet: tum etiam quia dum iter facere vellent per Genuam impediti fuerint propter dissidia, factiones & bella Genuensium, incursiones vicinorum, atque confœderationes quas Maximilianus Sfortia habebat cum Genuensibus: denique protestantur, se nomine totius Ecclesiæ Gallicanæ, tum Ecclesiasticorum tum secularium cujuscumque sint gradus, status & dignitatis, qui in Pisana interfuerunt congregatione, obtemperando mandatis Apostolicis & Regis Franciæ exhortationibus, Pisano Conventui jam dissoluto renunciare, & Lateranensi Concilio adhærere: atque eodem nomine petere absolutionem, *si forsan occasione dictæ Congregationis Pi-*  
*Lib. IV. Pars. II. C sana,*

*sanc, & gestorum in ea aliquas Censuras à Jure, vel ab homine aut alias quascumque pœnas, de Jure aut de facto incurrerint. Hoc Canonistæ & Theologi vocant petere absolutionem ad Cautelam: de qua re jam disputavimus supra. Porro Franciscus I. quia exercitum suum instruebat ad irrumpendum in Italiam: quoad paratus & armatus esset, hos Procuratores ad Lateranense Concilium miserat petitum absolutionem ad Cautelam.*

Tertio, hac eadem Sessione Bulla Leonis X. legitur qua omnibus Christianis edicitur, ut pro pace inter Principes Christianos constituenda preces fundant ad Deum pro expeditione contra Turcas: quam in rem Indulgentiæ promulgantur: quæ causam præbuerunt Schismati Lutheri Anno 1517.

Quarto, habes Bullam Reformationis Curiae Romanæ in varios distributam Articulos, quam quidem Leo de proprio motu promulgat; vide supra Articulum quintum octavæ Sessionis. Et hæc illa est eximia & tantopere à Christianis nationibus ducentis ab hinc annis exoptata Reformatio, vel ut verius dicamus, abusuum Curiae Romanæ incrustatio atque involutio.

IX. Sessio decima celebratur. IV. Maji 1515. in qua editur Constitutio Montium pietatis, ut vocant: qua Constitutione perlecta cum peteretur, an Prælatis grata esset: omnes responderunt, placere; excepto Tranenſi

nenſi Archiepiſcopo : qui dixit, ſibi non placere, quoniam experientia didiciſſet iſtos montes pietatis multo plus damni quam utilitatis adferre. Quod ipſum Dominicus à Soto Libro ſexto de Juſtitia & Jure quæſt. I. & VI. comprobat : reſpondetque omnia Concilii Lateranenſis Decreta minime approbari. Verum ſi ille hoc aſſerit de nona Sèſſione : quanto certius & verius nos de undecima Sèſſione id contendere poſſumus, in qua Apoſtolica diſciplina & juſ commune Synodo Conſtantiènſi & Baſileenſi poſtliminii jure revocatum, & à Gallis in rem judicatam miſſum, Schiſmatis, Hæreſeos, atque erroris damnatur : & ſtatus Univerſalis Eccleſiæ abrogatione Sacrarum electionum labefactatur?

Secundo, ſequitur Bulla contra eos qui prætextu exemptionum quas à Pontifice obtinebant, omnem ordinariorum Jurisdictionem & correctionem devitabant, atque hujusmodi exemptionibus velut quodam Aſylo impunitatis utebantur. Statuit autem Pontifex ut Ordinarii lites contra exemptos inſtruant atque omnem proceſſum ſuper ea re inſtructum, concluſum, & ſuo ſigillo munitum impenſis exemptorum ad Curiam Romanam mittant : Quæ mera eſt Jurisdictionis Eccleſiaſticæ illuſio, viaque certiffima ad confirmandam abſolutam Monarchiam Pape : quoniam hac ratione Epifcopi efficiun-

tur velut delegati Procuratores , & Commissarii Papæ ad lites instruendas & mittendas Romam. Quod autem ait , ut id fiat Impensis Exemptorum ; hoc est falcem in messem alienam injicere , & tribuere Episcopis potestatem in res temporales & cogendi Exemptos ad pœnas pecuniarias. Quid si Exempti , ut Mendicantes & plurimi alii nulla bona temporalia possideant ? Oporteret quidem Episcopos propriis impensis lites informare. Verum hac perfecta Bulla : Omnes Episcopi responderunt sibi placere , excepto Tranensi : qui dixit sibi non placere onus instruendæ litis eamque mittendi Romam Ordinariis imponi , &c.

Tertio , Bulla super librorum impressione vulgatur : qua Pontifex cavet , ne quid in urbe Typis edatur , nisi ante probatum fuerit aut vicario Summi Pontificis , aut Magistro Sacri Palatii. In aliis autem urbibus & Diœcesibus , ab Episcopo vel ejusdem Vicario : alioqui præter Confiscationem & publicam Combustionem librorum , Typographi damnantur ad solutionem centum ducatorum Fabricæ Principis Apostolorum , &c. Responsumque est ab omnibus Patribus ejusmodi Bullam sibi placere , excepto Melitano Episcopo , qui dixit sibi placere de libris qui de novo componerentur , non de antiquis Patribus , &c. Cæterum hic notandum venit , Pontificem ut Episcopus & Pontifex est,

est, non posse pœnas pecuniarias irrogare, sed duntaxat ut Princeps Politicus. Itaque ejusmodi Bullæ extra Curiam Romanam obligare non possunt.

Quarto, alia Bulla editur super vadimonio aut die peremptoria Gallicæ Nationi in dicta octava Sessione: qua Bulla alia dies peremptoria decernitur in ultimum diem Septembris proximi 1515. ut Galli tum Ecclesiastici cum Laici se Romam conferant, & causas explicent quare Pragmatica abrogari non debeat: Idque nisi faciant die præstituto, & vadimonio sistant: decernitur, futurum ut definitiva sententia contra hoc monstrum Sanctionis Pragmaticæ pronuncietur. Hac autem Bulla perlecta Ludovicus de Soleriis Regis Christianissimi Orator accessit ad pedes Pontificis, suavitque neminem citatum, teneri se periculo Maris, Latronum, inimicorum atque Itinerum exponere: nullum latere inimicos Regis Christianissimi interclusisse omnes vias, præsertim inter Delphinatum, Provinciam, Liguriam, & Lombardiam: Ita ut Prælati Galliarum tutus accessus ad urbem nullo modo pateat. Quocirca postulavit à Summo Pontifice, ut Prælatos Galliarum excusaret, aut saltem illis de tuto & libero comœatu provideret: juberetque actum hujus postulationis & supplicationis conscribi à Notariis & sibi Oratori Regio illius daretur exemplum ad Cautelam amplior-



rem Ecclesiæ Gallicanæ, & aliorum quorum interesse poterat. Ad hæc autem Pontifex respondit, facilem & tutum patere transitum per januam, seque provisurum de salvo conductu per januam, & si opus esset de tutiore: velle autem Gallos se sistere Romæ ad diem peremptoriam: alioqui causam pragmaticæ definitum iri. Et ita Pater Leonem voluisse Gallos se exponere maris periculo cum terra minime illis pateret transitus in Italiam. Hoc autem quam sit æquum & legi gratiæ mitissimæ ac perfectæ libertatis congruum judicabit lector.

X. Hercle quidem, omnes viæ atque aditus Italiæ tum ita obstructi erant Gallis ut Francisco I. Regi Franciæ necesse fuerit viam sibi armis facere, totamque hanc controversiam bello periculosissimo decidere. Siquidem Mense Augusto 1515. Alpes partim ab Helvetiis, partim à Copiis militaribus Pontificis, Maximiliani Sfortiæ, & aliorum Italiæ Principum obsessas Franciscus contra omnium expectationem pertransivit, & XIV. Septembris parta illa memorabili victoria Marignensi ducatum Mediolanensem recuperavit. Ita ut Leo X. pacem à victore petere coactus sit: tantumque apud Ludovicam Sabaudam Francisci Matrem & Cancellarium à Prato Pontifex valuit, ut Francisco qui vigesimum ætatis annum minime compleverat, persuaderent, impossibile esse Galliæ Regnum

gnum pace potiri, & Francisco Mediolanensem ducatum servare: nisi Romanum Pontificem cum sua Curia fidelissimos & amicissimos haberet: Id autem frustra sperari, quandiu Sanctio Pragmatica, id est, Constantiensis & Basileensis Concilii decreta vigerent in Gallis: Cum Romana Curia incredibili odio ejusmodi decreta prosequeretur, sicut tot gestis atque oppositionibus ejusdem Curiae hac Synodo consignatis notissimum est. Hæc amplius Regi persuaserunt, scilicet nihil quicquam illi fructuosius, & ad omnes Ecclesiasticos Regni sui in officio validius continendos posse contingere: quam si ex animi sui arbitrio de omnibus Regni sui pinguioribus Sacerdotiis & Beneficiis disponderet; eaque quibuscumque vellet dispartiretur: sic enim promptum & paratum semper habiturum ærarium locupletissimum, quo nobiles atque alios regni sui subditos absque ullo populi aut ærarii sui dispendio vel detrimento abunde locupletaret. Denique ut Leo Regem facilius alliceret, eidem Mundi Imperium pollicebatur: jamque per anticipationem vanum atque inanem Titulum Constantinopolitani Imperatoris conferre volebant: hoc enim Scriptores illius temporis & inter alios Belleforestus narrat. Concessa insuper Francisco potestas exigendarum decimarum super Clerum specie armandi contra Turcam. Hoc ergo incentive hisque egregiis Consiliariis Franci-

cus in primo flore adolescentiæ persuasus vel potius deceptus & circumventus, consensum præbuit ut sanctio Pragmatica antiquaretur: cujus rei obtinendæ causa, centum ferme annis Curia Romana temporalibus atque spiritualibus armis acriter decertavit: quantum autem hæc abrogatio ei cordi fuerit, vel sola hæc Synodus Lateranensis declarat: in qua illa abrogatio promovetur quarta, quinta, octava, nona, & decima Sessionibus, & tum demum finis operi imponitur undecima Sessione die XV. Decembris 1516. Ad hæc vero qui animum cogitate appulerit, non dubium est, quin Genebrardi nostri animi impotentiam improbet: qui pruritu bacchandi in Franciscum Galliæ Regem & colore excusandi Leonem X. contra publicam fidem, & lucem Actorum scribit, *Leonem à Francisco I. circumventum, ut abrogationi Pragmaticæ assentiretur Lib. de Sacris Electionibus Capite tertio: quo in opere multa alia mendacia adversus Franciscum & ejus prolem commemorat, cujusmodi id est unum ex Francisci liberis oppressum scrinio è superioribus contignationibus decidente, & alia ejusmodi.*

XI. Sed revertor ad Bullam abrogationis Pragmaticæ & Institutionis Concordatorum inter Franciscum & Leonem: Quamprimum enim lecta & publicata est in Lateranensi Concilio cum peteretur à Patribus eisne placeret, placere sibi omnes respondent, dempto

pto Lucerino Episcopo qui dixit, sibi placere, modo tamen Galli acceptent ejusmodi Pragmaticæ revocationem: in eadem quoque sententia fuerunt Episcopus Brumatensis, Castellimaris, & Æsculanus: recte quidem: sciebant enim leges nullum robur habere nisi recipiantur & in mores hominum transeant.

*Dist. IV. Can. in Istis §. leges instituuntur cum promulgantur, firmanur cum moribus utentium approbantur.* Cæterum Leo X. cum cerneret hanc suam Bullam Oligarchico, non Aristocratico Ecclesiæ Concilio conditam. Haud receptum iri à Gallis tum Clericis cum Laicis: quippe qui indicta causa contra jus divinum & naturale damnarentur: *Francisco Regi Galliarum in virtute sanctæ Obedientiæ mandat, quatenus per se vel alium seu alios in dignitate Ecclesiastica constitutos, præsentis literas ac omnia & singula in eis contenta, quando & quoties opus fuerit publicari & inviolabiliter observari faciat per Censuras Ecclesiasticas, & Pecuniarias Pœnas, aliaque juris & facti quævis opportuna remedia, appellatione qualibet omnino postposita, compescendo. Non obstantibus supradictis, aut si aliquibus communiter vel divisim ab eadem sit sede indultum, quod interdici, suspendi, vel excommunicari non possint per Literas Apostolicas, &c.* Quibus verbis Pontifex Franciscum Regem facit Apostolicum, ei tribuendo facultatem excommunicandi etiam Ecclesiasticos & alios quoscunque, qui se abrogationi Pragmaticæ opponere vellent:

item imponendi Pœnas pecuniarias, quasi ad hoc sese potestas Ecclesiastica diffunderet: Similiter dat quoque potestatem procedendi omni via facti contra repugnantes: Et hæc sunt intolerabilia Gravamina penitus ac essentialiter mitissimæ potestati Spirituali Ecclesiæ opposita; ex quo nemini mirum videri debet, quod Curia Parlamenti & Universitas Parisiensis ad Concilium proximum de his omnibus provocarit, ut statim ostendetur.

XII. Verum jam animus est aliquot Argumenta ducta ex XI. Sessione Lateranensis Synodi examinare: quibus Curiales absolutam Papæ Monarchiam undequaque munitissimam effici arbitrantur. Nam Bellarminus Lib. II. de Conciliorum auctoritate Cap. XVII. urget *sub Leone X. Sessione XI. Synodi Lateranensis diserte & ex professo statutum Pontificem esse supra omnia Concilia: Et hac ratione contraria Decreta facta in Constantiensi & Basileensi Concilio reprobata fuisse, &c.* Quæ ut accuratius cognoscantur, genuina verba Concilii adscribam: *Leo Episcopus Servus Servorum Dei ad perpetuam rei memoriam: Sacro approbante Concilio, Pastor æternus gregem suum usque ad consummationem seculi nunquam deserturus, &c. migraturus ex hoc mundo ad Patrem in soliditate Petre Petrum ejusque Successores Vicarios suos instituit: quibus ex Libri Regum testimonio ita obedire necesse est, ut qui non obedierit moriatur. Et ut alibi legitur in Ecclesia esse non potest qui Roma-*  
*ni*

*ni Pontificis Cathedram deserit, &c. Deinde aliquanto post narrat, Pragmaticam Sanctionem Regni Franciæ corruptelam, Sedis Apostolicæ detrimentum & vilipendium, Schisma manifestum fovere & continere: Schismatis tempore factam à non habentibus potestatem: reliquæ Christianæ Republicæ, Ecclesiæque sanctæ Dei nullatenus conformem: à claræ memoriæ Ludovico XI. Rege Francorum revocatam, cassatam, atque abolitam, velut auctoritatem, libertatem, & dignitatem Sedis Apostolicæ violantem, diminuentem, & Pontifici Romano auferentem facultatem providendi & conferendi Ecclesiastica Beneficia S. R. E. Cardinalibus, pro universali Ecclesiæ assidue laborantibus: necnon aliis viris doctis & personis quibus abundat Curia & à quibus Apostolica & Romani Pontificis atque universalis Ecclesiæ auctoritas & potestas conservantur. Item Pragmaticam illam præbere causam Ecclesiasticis qui eam tuentur ut sanctum nervum Ecclesiæ Disciplina & Obedientia. Frangant, & violent, & contra Summum Pontificem & Apostolicam Sedem Matrem suam cornua erigant, &c. Quapropter S. Leonis I. imitatione, qui in Synodo Chalcedonensi ea abrogavit quæ in pseudo-Synodo Ephesina Decreta fuerant, Leo X. enunciat se salva conscientia proprioque honore & ipsius Ecclesiæ dignitate, non posse aut debere diutius pati Pragmaticam inveterascere: neque quicquam referre, quod illa omniaque contenta in ea ex Decretis Synodi Basileensis prompta & in Bituricensi congregatione condita & recepta fuerint: Cum hæc omnia contigerint*  
*post*

post translationem ejusdem Synodi Basileensis Eugeni-  
 nii auctoritate factam : & ab eo tempore congrega-  
 tionem Basileensem nomen mereri Conciliabuli aut  
 potius Conventiculi : ideoque nullum robur habere  
 posse. Cum præsertim, præbe aures Lecter, solum  
 Romanum Pontificem tanquam auctorita-  
 tem super omnia Concilia habentem, Conciliorum  
 indicendorum, transferendorum ac dissolvendarum  
 plenum jus & potestatem habere, nedum ex Sacra  
 Scriptura testimonio, dictis sanctarum Patrum &  
 aliorum Romanorum Pontificum etiam prædecesso-  
 rum nostrorum, sacrorumque Canonum Decretis ;  
 Sed & propria etiam eorundem Conciliorum Con-  
 fessione manifeste constet : quorum aliqua referre  
 placuit : reliqua vero utpote notiora silentio præte-  
 rire. In Alexandrina enim Synodo Athanasio ibi-  
 dem existente, Felici Romano Pontificias eadem Sy-  
 nodo scriptum fuisse legimus, Nicanam Synodum  
 statuisse non debere absque Romani Pontificis au-  
 thoritate Concilia celebrari : Neque nos latet etiam  
 eundem Leonem Pontificem secundam Ephesinam  
 Synodum ad Chalcedonem transtulisse. Martinum  
 etiam Papam V. presidentibus suis in Concilio Se-  
 nensi potestatem transferendi Concilium dedisse nulla  
 consensus ipsius Concilii mentione habita : Ephesi-  
 nam quoque primam Synodum Cælestino ac Chal-  
 cedonensem eidem Leoni, sextam Agathon, septi-  
 mam Adriano, octavam Nicolao, & Adriano Ro-  
 manis Pontificibus : prædecessoribus nostris maxi-  
 mam reverentiam exhibuisse : eorundemque Ponti-  
 ficum Institutionibus & Mandatis in Sacris Conci-  
 liis

*liis per eos editis & factis reverenter & humiliter obtemperasse, &c.*

Hæc est summa rationum, quibus Bulla Leonis firmatur, ut Pragmaticam sanctionem cum Synodi Constantiensis & Basileensis Decretis abroget: quæ Argumenta ad unum & viginti revocabimus. Primum, quod venditat constare ex Libris Regum, illos qui Romano Pontifici obedire detrectarint Letho dari oportere: nusquam legitur in Libris Regum: nedum quidem Cap. XVII. Deuteronomii quod ad oram Sessionis XI. minutis Literis citatur. Quamquam autem in Deuteronomii Libro statuatur, illos qui Sacerdotis Imperio minime obtemperarint capite mulitari oportere: hoc tamen ad rigorem Literæ de sola antiqua lege, non de Evangelio, cuius potestas tantum spiritualis & ministerialis est, intelligi debet: Siquidem Lex gratiæ temporales pœnas, nedum capitales irrogare potest, ut alias probabitur.

Secundo, quemadmodum fatemur, necessum esse Catholicis ut B. Petri & Romanæ Sedis Cathedram agnoscant, eique fideliter adhæreant: ita monitum volumus Lectorem, diligenter secernat Cathedræ & Sedis Apostolicæ Decreta à Curia Romanæ aut absolutæ infallibilis Monarchiæ placitis: quoniam illa divinæ sunt Institutionis, nec se eis sicut absolutæ Monarchiæ Institutis imaginariis opponere licet, cæterum illa à Cathedra manare



nare dicuntur, quæ juri Divino, Naturali, & Canonico plane consentiunt: quibus quidem Curia Romanæ adinventiones omnino contrariæ sunt: ut sanctionis Pragmaticæ, id est, sacrarum electionum abrogatio: qua status universalis Ecclesiæ ab Apostolis constitutus, & mille quadringentis annis servatus, aut intra illud temporis intervallum quoties de Ecclesia melius regenda actum est, semper restitutus, omnino evertitur, ut absoluta infallibilis Monarchia asseratur. Hic ego statum Ecclesiæ universalis appello, regimen Aristocraticum, jus commune, sacras electiones, permultaque alia, quæ Synodo Constantiensi & Basileensi recuperata, & sanctione Pragmatica in rem judicatam missa erant. Jus autem Canonicum vocant, quod est Canonicè conditum atque receptum secundum leges Aristocratici regiminis positas à Christo Matthæi XVIII. & ab Apostolis servatas in Actis Apostolorum: quæ genuinæ sunt notæ Euangelii, à quibus absoluta infallibilis Curia Romanæ Monarchia toto Cœlo discrepat.

Tertio, negatur Pragmaticam esse corruptelam Regni Franciæ cum potius rerum illius extiterit palladium adversus Anglorum invasiones: unde quandiu viguit omnia fausta & felicia Carolo VII. contigerunt.

Quarto, mera sunt convitiâ, dicere Pragmaticam esse Sedis Apostolicæ detrimentum,

tum, vilipendium, & schisma manifestum fovere, &c. Hæc enim & multo plura Cardinalis Senensis effudit quæ superius Cap. I. hujus Libri propulsata sunt. Annuo quidem, Pragmaticam esse Curia Romanæ detrimens, merito quidem: idque Leo X. non obscure docet cum ait se ad ejus abrogationem præsertim accinctum quod facultatem auferret Pontifici conferendi beneficia Cardinalibus, & Curia Romanæ Afflicis. Verum si hæc ratio Leonis aut Lateranensis Synodi obtineat: insurgit tempore octo primorum Conciliorum Generalium, quo Regimen Aristocraticum, jus commune, & sacra electiones stricte accurateque servabantur, Patres sanctissimos, qui tum vivebant, fuisse Schismaticos & Apostolicæ Sedi infestos quo etiam in numero reponendi erunt innumeri Pontifices Romani, qui suis Decretis sanxerunt, ut Jus commune, & sacra Electiones servarentur: idque dum fieret, Ecclesia & Religio Catholica de hæresibus atque nefariis moribus triumphabat: curiaque Romana spoliis aliarum Ecclesiarum non splendebat ut hodie.

Quinto, pura est quæstio facti Pragmaticam conditam fuisse tempore Schismatis: id est, post dissolutum Basileense Concilium ab Eugenio. Certe quæstio juris eo redit, nimirum ut argumento ad hominem convinamus, Pragmaticam esse Canonice conditam: eo quod omnes ejusdem tituli decerpti sint ex

De-

Decretis Synodi Constantiensis & Basileensis: quæ à Martino V. & Eugenio IV. probata sunt: ut supra docuimus. Accedit insuper Leonem causam suam jugulare, dum ait, Pragmaticam conditam post translationem Synodi Basileensis ab Eugenio factam: & ab eo tempore congregationem Basileensem mereri nomen Conciliabuli aut Conventiculi. Ita enim fatetur, Concilium Basileense legitimum fuisse antequam transferretur Ferrariam: sicque à primo ad ultimum relinquitur; Decreta quæ illam translationem præcesserunt esse legitima: hæc autem sunt ex quibus Pragmatica concinnata est, ut Libro III. docui.

Sexto, minus veritati consonum est, Pragmaticam conditam à non habentibus potestatem: siquidem, Ecclesia Gallicana in Synodo congregata potest communioni consensu statuere de Disciplina Ecclesiastica collapsa recuperanda: & antiquis Canonibus Conciliorum revocandis in integrum: quanto ergo magis de mittendis in rem judicatam constitutionibus Synodi Constantiensis & Basileensis: cui sanctissimo Gallorum proposito, non Sedes Apostolica sed Curia Romana & absoluta Papæ Monarchia sese opposuit, sua lucra & commoda non quæ Christi sunt quærens, quotusquisque nescit, antiquis Canonibus constitutum, ut cuncta negotia Provinciæ Synodo Provinciali definirentur, Canone quinto

quinto Nicæno, & secundo Constantinopolitano?

Septimo, ut verum est Ludovicum XI. abrogasse Pragmaticam, ita certissimum, eandem paulo post in integrum revocasse. Quod autem in diplomate abrogationis legitur *Pragmaticam insensam Sedi Apostolica, licentia Templum praelatis erigere, tollere conformitatem ad alia regna, &c.* Hæc quidem Lodovicus non tam ex sua quam ex Pii II. relatione enunciat: quoniam Pius exemplum istarum literarum Regi Franciæ miserat per Atrebatensem Episcopum: ut claret ex Epistola Ludovici ad Pium II. in qua hæc leguntur: *Illud enim exoritur quod idem Consiliarius noster nomine tue sanctitatis astruxit: ut dum per Pragmaticam ipsam summa in Ecclesia tue Sedis auctoritas minuitur, dum Prælati in regno nostro quoddam licentia Templum per illam præstruitur, dum congruens unitas ad alia Regna conformitasque tolli videtur abroganda sit, &c.* Hic per Consiliarium Atrebatensem Episcopum intelligit; hujus autem Epistolæ supra memini, extatque inter Epistolas Æneæ Sylvii 388.

Octavo, quod asserit, Pragmaticam reliquæ Christianæ Reipublicæ, & Ecclesiæ sanctæ Deinullatenus conformem, &c. Respondeo, Curiam Romanam hoc semper in votis habuisse ut omnes Ecclesias suo absoluto & despotico Imperio subderet; Gallicanam autem Ecclesiam, semper suas libertates contra ejus-

Lib. IV. Pars. II. D modi

modi abusus vindicasse: & quantum valuit regimen Aristocraticum & jus commune retinuisse: tandemque ope & potentia Caroli VII. Pragmaticam in Synodo Bituricensi condidisse: hacque ratione tantum Juri Divino, Naturali & Canonico concordem esse, quantum ab Curia Romanæ & absolutæ Monarchiæ placitis dissentiens est. Quæcirca hic illud B. Petri effatum usurpandum est, *obedire oportet Deo magis quam hominibus, Actor. V.*

Novo dum prohibet eo ipso abrogandam pragmaticam, quod facultatem auferat Pontifici conferendi Beneficia Cardinalibus atque aliis Curia Romanæ ministris: causam suam prodit. Bone Jesu, tantine temporalis splendor & commoda Curia facienda sunt, ut eorum causa omnes aliæ Ecclesiæ in luctu perpetuo esse: & status universalis Ecclesiæ ab Apostolis constitutus, id est, Regimen Aristocraticum, Jus commune, & sacra Electiones a Christo & Apostolis institutæ everti debeant?

Decimo, quod labores Cardinalium atque illis auctoritatem & potestatem universalis Ecclesiæ conservari venditat. Rependo hic, Curiam Romanam pro Ecclesia obtendere certumque esse, nunquam prius consultum Ecclesiæ, quam ab eo die, quo Pontificum Collegium Cardinalium, ad eam speciem quam oculis intuemur, conflatum est. Profecto ex Christi Institutione Matthæi XVIII.

&amp;

& praxi Ecclesiæ Canone quinto Nicæno, & secundo Constantinopolitano : Synodi Provinciales institutæ & continuatæ sunt ad conservandam auctoritatem Ecclesiæ, omniaque negotia spiritualia dirimenda & regenda. His vero abrogatis seculo Gregorii VII. Collegium Cardinalium erectum est, ut formam quandam regiminis & temperamenti Aristocratici constitueret in Ecclesia : sed tandem sese totum Monarchiæ absolutæ Pontificis ita mancipavit, ut multo magis Cardinales solliciti sint de augenda & conservanda Curia Romanæ Monarchia, quam de Ecclesiæ dignitate vel auctoritate propugnanda : idque quotidiana experientia satis demonstrat. Legendus in eam rem Gersonius de examine Doctrinarum parte secunda consideratione quinta.

Undecimo, si Jus Commune & sacras Electiones, id est, sanctionem Pragmaticam servare, est nervum obedientiæ ac disciplinæ frangere, & contra Papam atque Sedem Apostolicam cornua erigere, &c. Oportet quidem Apostolos & omnes Patres sanctissimos Ecclesiæ primitivæ, imo etiam omnes Pontifices qui sub octo primis Generalibus Conciliis floruerunt, disciplinam Ecclesiasticam violasse & cornua in Sedem Apostolicam erexisse : quod dicere Hæreticum est, videre responsionem ad quartum Argumentum : & nota Curiam Romanam hic semper proponi

sub Ecclesiæ persona ut facilius ignaris illudatur.

Duodecimo, longe diversa est ratio pseudo-Synodi Ephesinæ quam Leo magnus damnavit, & Concilii, Basileensis, Bituricensis, aut Pragmaticæ sanctionis: sicut omnibus exploratum est. Siquidem pseudo-Synodus Ephesina Christo, ac si fuisset naturæ humanæ expers, unicam voluntatem divinam addicebat. At Basileense & Bituricense Concilium, quantum iniquitas temporum pati potuit, Aristocraticum regimen, Jus Commune, & sacras Electiones cum Disciplina Apostolica, quasi jure postliminii revocat: atque Annatas, & spolia omnium Ecclesiarum Romam deferri, & beneficia pacto pretio conferri prohibet: idque si Schismaticum Curialibus videtur, præstat. Cum Apostolis & antiquis Patribus qui solam Christi gloriam quærebant hac in parte errare, quam cum hominibus sua tantum privata commoda ambientibus bene sentire.

Decimo tertio, quod urget nihil referre Pragmaticam omnesque Titulos eadem contentos, ex Synodi Basileensis Constitutionibus deceptos esse: cum hæc omnia condita fuerint in schismate post Synodi Basileensis translationem Ferrariam, depello ut superius ad quintum.

Decimo quarto, quod ait, post translationem Concilii Basileensis Conventum Patrum

trum



trum Basileensium mereri nomen Conciliabuli aut potius Conventiculi : explicatum est superius in Historia Basileensis Synodi : ubi Argumento ad hominem probavimus ex ipsismet Decretis ab Eugenio probatis, eidem Eugenio minime licitum dissolvere aut alio transferre Concilium absque ipsius Concilii auctoritate & consensu : nam quæstio juris istuc pervadit.

Decimo quinto, tametsi Bellarminus Lib. secundo de Conciliorum auctoritate Cap. XVII. asserat, nihil posse responderi ad locum quo perhibetur constare solum Pontificem Romanum habere potestatem super omnia Concilia ut ea convocet, transferat, & dissolvat plenitudine potestatis, &c. nisi vel Concilium Lateranense non fuisse generale, vel non fuisse ab Ecclesia receptum, vel non hæc definivisse tanquam de fide, &c. Nihilominus ipsemet tanquam sui immemor duobus in locis hanc diluit objectionem : Primum eodem Capite quo hanc excitat objectionem. Ubi perhibet Decretum Lateranense esse de fide : *Nam inquit tale est hoc de quo agimus.* Deinde hæc alia refert : *Quid vero Concilium Lateranense rem istam non definierit, proprie ut Decretum fide Catholica tenendum, dubium est : & ideo non sunt proprie Heretici qui contrarium sentiunt : sed à temeritate magna excusari non possunt.* Quæ Oratio est hominis valde perplexi atque anxii. Quid enim est, hoc



quo de agit tale esse, id est, ad fidem pertinere: & Concilium Lateranense rem istam non definivisse proprie, ut Decretum fide Catholica tenendum: & proprie Hæreticos non esse qui contrarium sentiunt? Hoc vero quamquam dubia sint, tamen adhuc incertiora sunt quæ idem Bellarminus eodem Libro Cap. decimotertio scribit: *Quamvis postea in Concilio Florentino & Lateranensi ultimo, ait, questio de superioritate Papæ definita videatur: tamen quia Florentinum Concilium non ita expresse hoc definivit; & de Concilio Lateranensi, quod expressissime rem definivit, non nulli dubitant an fuerit vere generale: ideo usque ad hanc diem questio superest etiam inter Catholicos.* Quibus ex Bellarmini responsionibus implicatis & velut contrariis duo manifeste colligimus. Primo dubitari an Lateranense Concilium sit universale: Secundo hoc Leonis X. Decretum non esse de fide: ac propterea non illos obligare qui contra sentiunt: quæ à me dicuntur Argumento ad Hominem, id est, ex propriis adversariorum concessis. Hercle Magister Andræas Vallius quarta parte, Quæstione septima Libri de Suprema potestate Papæ, rem hanc accuratissime evolvit, atque omnem causam dubitandi tollit, & præterea temeritatis maculam qua nos conspurcare vult Bellarminus, plane delet. *Ad Concilium Lateranense, inquit, quod multo expressius loquitur quam Florentinum variae sunt responsiones: quidam enim ajunt non fuisse*

fuisse vere & proprie generale, cum ei vix centum Episcopi interfuerint. Alii dicunt Caput illud XI. in quo de auctoritate Concilii supra Pontificem mentio fit, à Concilio non fuisse discussum, aut examinatum; sed tantum perlectum coram Prelatis Concilii: qui sine previo examine illud approbaverunt: ideoque dici non posse Conciliariter conclusum & definitum, sicut de Concilio Constantiensis definitione dictum est. Alii si rem expediunt, etiam si inquirunt, Concilium absolute fuisse generale (quod adhuc propter Episcoporum paucitatem relinquitur incertum) tamen rem ipsam ut Decretum Fidei Catholice non definiunt: nulla enim in verbis Concilii nota apparet ex qua fidei definitionem colligamus. Nam nec Anathema pronunciat in eos qui contra sentient: nec dicit se hoc expresse aut proprie definire: aut esse de necessitate salutis ita credere, vel quid simile, ex quo expressa definitio colligatur. Alii denique respondent, Concilium eatenus auctoritatem Papæ supra Concilium definire quatenus id ex Scripturis, Patribus & antiquis Canonibus manifeste constare censetur. Ad hæc enim si omnia verba attente expendiantur vim sue definitionis, SI QUÆ SIT, Concilium revocat. Atqui quod res illa de Fide sit, ex nullo Scripturæ, Patrum, aut antiquorum Canonum Testimonio constat, igitur non potest illud dici à Concilio Lateranensi tanquam de Fide definitum. Cæterum NON TANTUM NEUTRA HARUM OPINIONUM HERETICA EST, SED ETIAM NEUTRA EST ERRONEA, ET TEMERA-

Hucusque Vallius nimium quantum distri-  
ctus, in tuenda & explicanda Bulla Leonis  
X. quæ quidem puram continet narrationem  
Historicam non fidei aut Concilii Decretum.  
Certe more puerorum nuncum Castella quæ  
ædificant evertentium, illa ipsa hoc in loco  
subruit, quæ alias magno hiatu & molimine  
architectari voluit. Si enim neutra harum o-  
pinionum temeraria aut erronea est: cur ergo  
tantum evomuit billis atque convitiis ad-  
versus Vigorium & Richerium, quoniam Sy-  
nodi Constantiensis & Basileensis Decreta  
tuerentur? Cur eos passim Hæreticos & Schi-  
smaticos aut quid simile vocitat? Saltem, ut  
reliqua illorum firmamenta prætermittamus,  
hoc ipso illi Vallium superant, quod Decre-  
tis Concilii Constantiensis legitimi atque in-  
dubitati nitantur: Vallius autem præter De-  
cretales Pontificum & putidos elenchos à pe-  
titione principii, nihil habet quo suas opini-  
ones imaginarias munire valeat. Quod autem  
asserit undecimam Sessionem Lateranensis  
Synodi non factam Conciliariter, nihilque in  
ea Synodice discussum & examinatum, certe  
nobis Officinam instruit unde tela promamus  
quibus totum Lateranense Concilium labe-  
factetur: quoniam nulla est Sessio in qua ali-  
quid Synodice conditum fuerit: sed cuncta  
despotico Imperio, edicta & conclusa sunt  
etiam

etiam à Julio & Leone X. armatis : itaque ut hæc locum habeant antea adversariis probandum venit Christum noluisse Sanctorum communionem & consensum Catholicum Ecclesiarum bello atque armis cogi.

Decimo sexto, utrum ex locis sacrae Scripturae probari possit Papam auctoritatem habere supra Concilia, sicut Leo venditat, ipsummet Vallium judicem fero, qui paulo ante laudatus docuit, *Ex nullo Scriptura, Patrum, aut antiquorum Canonum Testimonio id constare.*

Recte quidem : quia hic Textus, *Tu es Petra aut Petrus, & super hanc Petram, &c. Pasce Oves meas, &c.* sunt Metaphorici & Allegorici. Ex quibus post multam rationem nihil quicquam aliud præter primatum extundi potest. Cæterum primatui, sicut & omni generi potestatis Ecclesiasticae dominatus aut absoluta plane Monarchia essentialiter ac intrinsicè repugnat quoniam potestas Ecclesiastica quanta quanta ministerialis spiritualis est, omni facultate absolute aut temporaliter cogendi divinitus privata, quocirca absoluta nullo modo esse potest : quod identidem dicendum est.

Decimo septimo, quonam modo capiendum sit Alexandrinam Synodum Felici Romano Pontifici scripsisse, & Synodum Nicænam statuuisse Concilia haberi non debere absque Pontificis Romani sententia, explicatum est Capite primo Libri prioris hujus Hi-

storiæ Conciliorum Generalium. Insuper observandum venit, longe aliud esse Synodum haberi non posse absque Episcopi Romani sententia : & Episcopum Romanum plenitudine potestatis, ut vocant, Concilia posse dissolvere & quocumque voluerit transportare : quoad primum ordinarie & regulariter verum, secundum autem absolute falsum est: quia absolutam imaginariam supponit Monarchiam.

Decimo octavo, quid tenendum sit de Indictione primæ Synodi Ephesinæ, item de pseudo-Synodo Ephesina & Chalcedonensi Concilio repetes ex primo Libro hujus Historiæ.

Decimo nono, acta & exordium Synodi Basileensis liquido demonstrant Senense Concilium Basileam translatum fuisse, non quidem unius Martini V. auctoritate, sed communi consensu deputatorum singularum nationum, ex quibus tum Synodus coaluerat. Attende Lector ad hæc acta genuina: *Quibus Decretis & Literis Apostolicis Martini V. sic lectis & publicatis, prædicti Domini quatuor Præsidentes ibidem præsentis, per organum dicti Reverendissimi Patris, Domini Petri Archiepiscopi Cretensis, unius ex præsidentibus in ipsum locum, videlicet Civitatem Basileensem, sicut præmittitur PER IPSOS DOMINOS DEPUTATOS ELECTAM consenserunt, ac eandem Civitatem Basileensem in Provincia Bisuntiana consistentem,*

UNA CUM DICTIS DOMINIS DEPUTATIS  
NATIONUM, ET IPSI DEPUTATI NATIO-  
NUM, *videlicet Italia de extra Territorium Senen-  
se, Gallicana, Germanica & Anglicana, juxta  
dicti Decreti Constantiensis Concilii vim, formam,  
& tenorem, ac potestatis à Domino nostro Papa  
prædicto eis tradita & concessa elegerunt, & nomi-  
narunt, &c. Protestantes tamen quod propter hoc  
ipsum Concilium Senense non censeatur dissolutum  
esse: sed quod ipsi præsidentes cum inclitis Nationi-  
bus ad omnem reformationem hic possibilem con-  
currere vellent. Et hoc idem præfati deputati per  
ordinem similiter protestati fuerunt: quilibet pro  
sua natione, quod ad reformationem hic possibilem  
attendere vellent, &c.*

Quæ acta de translatione Senensis Concilii  
Basileam; Decreto quidem Synodi Con-  
stantiensis Sessione XXXIX. usquequaque  
congruunt: quo Decreto nominatim cavetur,  
ut Papa de Consensu Concilii aut Nationum  
ex quibus Concilium coalescit, futuram Sy-  
nodum indicat: quod fuse superius in Hi-  
storia Constantiensis & Basileensis Concilii  
probavimus. Cæterum hæc alia verba: *Quod  
ipsi Præsidentes cum inclitis Nationibus ad omnem  
reformationem hic possibilem concurrere vellent,*  
declarat quanto desiderio tum & dehinc om-  
nes Christianæ Nationes ad Ecclesiæ re-  
formationem anhelarent. Cui sanctissimo af-  
flatui & proposito Deus bone quantis est il-  
lusum modis! Quæ Machinæ & Balistæ ad  
id

id impediendum & disrumpendum non paratæ atque instructæ fuerunt? Eoque ventum, ut si qui hodie viri pii & boni eam in rem verba cum aliquo commutare audeant infra Schismaticos & Hæreticos amendantur. At hoc dicere non est Patrum pudenda detegere, sed pridem detecta & propudiose oculis hostium Ecclesiæ exposita velle sanare, more Prophetarum veteris Legis. Utinam quidem hic per ignorantiam nostri peccarent sicut Noë: qui cum vim atque usum vini ignoraret, postquam est egregie epotus, dormiendo verenda nudavit. Quocirca non tantum inter liberos proprios, sed etiam inter barbaras Nationes misericordia & venia dignus erat. S. Bernardus Epistola XLII. ad Henricum Senonensem Archiepiscop. : *Non valde ait, Romani curant quo fine res terminentur sed quia valde diligunt munera, sequuntur retributiones, de Curialibus loquitur: Nude nuda loquor nec retego verenda, sed inverecunda confuto. Utinam privatim & in cameris hæc fierent: utinam soli viderimus, & audierimus: utinam nec loquentibus crederetur; utinam nobis reliquerint moderni Noë unde à nobis possent aliquatenus operiri. Nunc vero cernente orbe mundi fabulam soli tacebimus? Caput meum undique conquassatum est, & ego sanguine circumquaque ebulliente putaverim esse tegendum? Quicquid apposuero cruentabitur, & major erit confusio voluisse celare cum celari nequeat.* Vigesimo, sicut nullus inficias it, quin  
prima



prima Ephesina, Chalcedonenfis, fexta, feptima, & octava Synodus Generalis merito fingularem habuerit honorem Epifcopis Romanis tanquam primis Patriarchis; & eorundem Conftitutiones cum debita reverentia fufceperint: ita pernegamus hos tanquam Monarchas abfolutos infallibiles unquam ab antiquis Patribus cultos aut agnitos fuiſſe. Idque ſatis claret ex priore Libro Hiftoriæ Conciliorum Generalium: quo Ecclefiæ Romanæ primatum etiam contra Hæreticos aſſeruimus.

Ultimo, cum ex viginti Articulis ſuperius propoſitis & ex Leonis X. Bulla excerptis, permulti ſunt, qui neque ſacris Scripturis, neque Fidei Catholicæ, neque antiquis Canonibus, & ſententiis Patrum aut veritati Hiftoriæ Eccleſiaſticæ ullo modo concordent: Rogatos velim adverſarios dicant ingenuè, qua fronte dicere audeant, vel Papam eſſe infallibilem quando decernit ex Cathedra: (cum negare non poſſint Leonem hic aliquos doctos adhibuiſſe in conſilium, ut hanc undecimam Sèſſionem conderet, & decerneret Papam actoritatem habere abſolutam ſuper omnia Concilia, &c.) vel etiam Synodum Lateranenſem eſſe Oecumenicam atque Decretum Fidei de eminentia Papæ ſupra Concilium ſciviſſe, & Synodi Conſtantiensis Decreta abrogafſe.

Proculdubio cum eſſem Baccalaureus  
The-



Theologiæ atque Libros Bellarmini legēbam, quibus Constantiense Concilium tanquam factum in Schismate labefacit & Decreta Synodi Basileensis damnat : ac Scholæ Parisiensis doctrinam de Concilii auctoritate supra Papam velut erroneam & Hæresi proximam esse contendit Lib. IV. de Romano Pontifice Cap. II. Equidem toto corpore & animo contremiscebam : & ita quidem, ut vicem Majorum nostrorum Alliacei, Gersoni, &c. valde dolerem : quod se errori Schismatico implicuissent. Mihi etiam nomen facultati Parisiensi dedisse ferme pigebat : insuper omnia Parlamenta & Magistratus Franciæ, quod ejusmodi Decreta & jura Regis adversus Sedem Apostolicam (nondum enim Curiam Romanam noveram) defenderent ac vindicarent, Schismaticos reputabam, meosque Discipulos, ne in tales errores impingerent, sedulo commonefaciebam : quam ad rem tumultus Civiles qui sub Henrico III. Anno 1588. bacchabantur me maxime exstimulabant. Verum, postquam in doctissimas relectiones Francisci à Victoria Dominici & Theologiæ Professoris in Hispania incidi, atque animadverti illum explicare & nominatim docere opinionem B. Thomæ Parisiensium esse probabilem : atque insuper Scholæ Parisiensis doctrinam, (quam propter Doctorem suum S. Thomam deferret) tantis munire Argumentis, ut existimet

Con-

Concilium posse Decretum condere de quo Papa absque gravissimo peccato dispensare non possit ; tum quidem in animum induxi, Christum non dedisse Pontifici potestatem quam cum peccato legitime exerceret : & continuo doctrinam Parisiensium talem non esse qualem Bellarminus atque alii criminantur. Quocirca statui quamprimum essem Lauream Theologiæ emeritus, veritatem regiminis Ecclesiæ à Christo instituti Dogmaticæ & Analytice pervestigare. Quod ut facerem confusiones Babylonicas Bellorum Civilium Ligæ pace parta mihi ardentissimas faces admoverunt. Quas confusiones sola absoluta Papæ Monarchia muniri & propugnari à nostris videbam : hoc autem in studio fateor me decennium integrum & amplius assidue legendo & scribendo impendisse : tandemque veritate à Priori & Posteriori cognita, Ecclesiæ atque Disciplinæ Apostolicæ vicem graviter luxisse. Maxime vero, quod hominibus obnoxiiis propositum videam, humana Curia Romanæ consilia & instituta, pro sanctissimis, divinis, ac infallibilibus Ecclesiæ Catholicæ dogmatibus obtrudere : & Schismaticis ac Hæreseos nota illos omnes apud imperitam plebem inurere, qui se ejusmodi arcanis & quæstuosis Curialium placitis opponere aut ea in vulgus prodere auderent. Quod in causa est, ut permulti ab hujus veritatis cognitione aut enunciatione in vulgus abster-

rean-

reantur: propterea quod superstitēs aut mortui Censoriam notam pertimescant: quasi vere Christiano & Theologo præsertim, qui alios docere debet, formidandæ essent Censuræ, quæ neque divino, neque naturali aut Canonico jure nituntur: *Frustra enim jacitur rete ante oculos pennatorum*, Proverbior. I. Annon debemus exoptare fieri peripsema, imò & Anathema propter veritatis Evangelicæ defensionem? Sed his omiſſis, ad ea veniamus quæ post Synodum Lateranensem in Gallis totaque Europa gesta sunt.

**Quædam acta Ecclesiæ Gallicanæ, pro**  
- Juris Communis & sacrum electionum  
- defensione.

*Summa suasionum habitarum in Curia Parlamen-*  
*ti, mense Maio, anno M. D. XVII. super pu-*  
*blicatione Concordarum, inter Leonem X. PP.*  
*& Franciscum I. Gallie Regem.*

„ XIII. **C**UM Rex Dominus noster supre-  
„ mus degeret Parisiis, ac mense  
„ Februario M. D. XVI. frequentem Ar-  
„ chiepiscoporum, Episcoporum, atque ali-  
„ orum Prælatorum numerum, Præsidum  
„ quoque & Consiliariorum Parlamenti, Ca-  
„ nonicorum Ecclesiæ Parisiensis, Doctorum  
„ in Theologia, & suppositorum Academiæ  
„ Parisiensis in magnam Decuriam Parlamen-  
„ ti, in qua causæ perorari solent, convocari  
„ jussit.

fisset; se præsentē atque inspectante, Can-  
cellarium Franciæ hanc narrationem habere  
voluit.

Julium II. Papam, qui nuper suum diem  
supremum obierat, Ludovicum XII. Gal-  
liæ Regem, tum quod nonnullos Principes  
Italiæ sibi confœderatos propugnaret, tum  
aliis de causis satis pervagatis, Ducatu Me-  
diolanensi abdicare, ac tota Italia interdi-  
cere constituisse: eoque ut perveniret, se  
Regni Galliæ hostem declarasse, Ludovi-  
cum censuris obstrinxisse, Ducatum Me-  
diolanensem interdicto subjici, mancipari-  
que voluisse. Deinde palam & publice di-  
xisse, sibi in animo esse Regem Franciæ,  
non tantum Italia, verumetiam toto Gal-  
liarum Imperio spoliare, Et eam obrem,  
quodam in Conventu, quem Lateranense  
Concilium vocabat, nulla justitiæ forma  
vel ordine servato, Ludovicum cum toto  
regno, Schismatis, & Hæreseos damnasse;  
fœdera & societates cum Imperatore, cum  
Angliæ, & Hispaniæ regibus, atque Hel-  
vetiis iniisse. eisque universum Galliarum  
Imperium prædandum ac inter sese par-  
tiendum dedisse: atque insuper post Mi-  
randulæ expugnationem, tantum quidem  
opibus & armis Principum memoratorum,  
& præsertim Helvetiorum effecisse, ut Lu-  
dovicum Ducatu Mediolanensi, dominatu  
Genuensi, & Comitatu Astensi nudaret:

„ ac Imperatorem, Angliæ & Hispaniæ Re-  
 „ ges cum Helvetiis, ad Regnum Franci-  
 „ cum per Burgundiam, Aquitaniam & Pi-  
 „ cardiam invadendum sollicitaret. Sed Julio.  
 „ II. & Ludovico XII. vita functis, cum Leo  
 „ X. PP. in eodem odio & confœderationi-  
 „ bus adversus Regem & Regnum Gallicum  
 „ perseveraret, Franciscum primum cum to-  
 „ to suo exercitu, principatum Mediolanen-  
 „ sem cum cæteris suis Italiæ dinarchiis recu-  
 „ perare conantem, in maximum vitæ di-  
 „ scrimen, ut omnibus erat notissimum, addu-  
 „ xisse : ac præterea eidem Principi, necnon  
 „ universæ Ecclesiæ Gallicanæ, frequenti-  
 „ bus Breviculis & Decretis peremptoriis  
 „ diem Romæ dixisse, quo Sanctionem Pra-  
 „ gmaticam abrogari paterentur, aut saltem  
 „ se in congregatione Lateranensi sisterent, &  
 „ quare antiquari non deberet exponerent.

„ Quæ cum Franciscus I. apud se perpen-  
 „ deret, & vadimonium sibi à Romano Pon-  
 „ tifice indictum elabi videret: suos in Con-  
 „ cilium vocari & deliberari voluisse, utrum  
 „ magis expediret aliquos Romam mittere ad  
 „ defendendam Pragmaticam, quam pati ut  
 „ per vadimonii desertionem antiquaretur :  
 „ communi autem consensu statutum fuisse,  
 „ multo satius esse non mittere Romam, quip-  
 „ pe cum omnes pro comperto haberent Pra-  
 „ gmaticam damnatum iri à Pontifice, quic-  
 „ quid Rex & Gallicana Ecclesia in contra-

rium



rium obniterentur; tum maxime quod con-  
gregatio Lateranensis ex solis Romanæ  
Curiae aulicis coaluisset; quibus aulicis pro-  
pter suam insignem avaritiam & ambitio-  
nem sanctio Pragmatica semper exosa fue-  
rat: quare illam jure aut injuria exscindere  
decreverant. At multo minus damnosum  
videbatur *inaudita parte*, & vadimonii de-  
fertione condemnari. Verum, cum Regi  
exploratum esset, si impedire vellet quo mi-  
nus Pragmatica sanctio exolesceret, futu-  
rum, ut Leo X cum suo Lateranensi Con-  
cilio, censuris atque interdictis Regem &  
Regnum Gallicanum oppugnaret; & si  
forte annum integrum in illis Censuris at-  
que interdictis Galli continuarent, Galli-  
canam Ecclesiam Schismatis & Hæreseos  
damnatum iri; Pontificemque Romanum  
fabricas & confæderationes suas frequen-  
taturum, ac Julii II. exemplo, universum  
Franciæ Regnum prædæ expositurum:  
Præterea, cum videret se nulla ratione con-  
sequi posse, quin sanctio Pragmatica abro-  
garetur, ac etiam certo teneret, si ejus  
abrogationi assentiretur, perturbationem  
& confusionem, quæ ante Constantiense  
& Basileense Concilium (propter intolera-  
biles Reservationum & Gratiarum expe-  
ctativarum abusus) vigeat, introductum  
iri in Gallias: Tandem, quo omnibus istis  
incommodis mederetur, sibi que, regni

„ Principibus, & cuncto exercitui suo, faci-  
„ lem ac securum reditum ex Italia in Gal-  
„ liam muniret, omnesque Confœderationes  
„ contra se, regnum Francicum, & Princi-  
„ patus suos Italiæ initas dissiparet, coactum  
„ fuisse pacisci cum Leone X. Pontifice; id-  
„ que, omnibus ante tentatis, nisi Pragmatica  
„ antiquatione, & Concordatorum In-  
„ stitutione nunquam consequi valuisse. Hæc  
„ porro Concordata, quoniam firmata fide  
„ Rex curatum se promiserat ut ab Ecclesia  
„ Gallicana probarentur, & in acta Parlamen-  
„ ti referrentur; idcirco velle atque impera-  
„ re, quo mala ante exposita vitarentur, pax-  
„ que & securitas Regi, Gallicano Imperio,  
„ & dinarchiis suis Italicis compararetur, ist-  
„ hæc firmari & promulgari Concordata in  
„ Senatu.

„ Quamprimum vero, hæc proposita fue-  
„ runt à Cancellario, omnes Prælati, Cano-  
„ nici, Doctores, & viri primates Academiæ  
„ Parisiensis separatim secesserunt: similiter  
„ Præsides & Consilarii Parlamenti coive-  
„ runt in Concilium, ut quid optimum esset  
„ responso deliberarent: illico autem redeun-  
„ tes ad Principem, Cardinalis Boissiacus,  
„ pro ordine Ecclesiastico, retulit negotium  
„ Concordatorum ad statum universalem  
„ Gallicanæ Ecclesiæ attinere: quare, hac  
„ inaudita & inconsulta, Concordata nullo  
„ modo probari posse. Subinde Rex tristior  
„ atque

atque iratior perbibuit, se Ecclesiasticos “  
ad suas conditiones adducturum, aut eos “  
missurum Romam, ut de Concordatorum “  
injuria cum Romano Pontifice expostula- “  
rent. At Præses Bailletus, nomine ordinis “  
Senatorii respondit, se quamprimum de “  
Regis voluntate ad Patres relaturum, o- “  
mnesque operam daturus, ut Deo, & Regi “  
fieret satis. Tum Cancellarius Principi di- “  
xit, viros Senatorios caute quidem in hoc “  
negotio agere. Cui Rex (de Præsidibus & “  
Consiliariis Parlamenti loquens) respondit, “  
at istos, ut imperata faciant, apprime co- “  
gam.

Die . . . . Maji ejusdem anni, Dux Bor- “  
bonius, qui Comes erat stabuli Franciæ, “  
Domini d'Alibretus, Dorual, & Cancellaria- “  
rius, venerunt in Parlamentum; ubi Can- “  
cellarius regias literas, vulgo *patentes* nomi- “  
nant, quibus Concordata Bononiensia con- “  
tinebantur, ordini Senatorio porrexerat: “  
atque eandem ferme suasionem, quam alias “  
sedente Principe in Parlamento habuerat, “  
iteravit: & postquam omnes causas quibus “  
Rex inductus fuerat ad paciscendum cum “  
Romano Pontifice figillatim recensuit, “  
tandem conclusit, se una cum Principibus “  
& viris illustribus ante memoratis venisse “  
in Parlamentum, ut declararet Regem vel- “  
le atque imperare (sicut alias sedens in Se- “  
natu præceperat) Concordata legi, publi-



„ cari, & in acta referri, quoniam hoc Leori  
 „ X. Pontifici maximo spoponderat. Ad  
 „ hæc Præses Bailletus dixit, Senatum Con-  
 „ cordata visurum & examinaturum, idque  
 „ facturum quod ratio & iustitia suaderent.  
 „ Quamobrem factum est Senatusconsultum  
 „ de regiis literis, quibus Concordata Bo-  
 „ noniensia continebantur, Triumviris regiis  
 „ communicandis.

„ Die V. Junii sequentis, idem Cancellarius  
 „ duas literas pergameneas *sub plumbo* at-  
 „ tulit in Senatum; quarum unis abdicatio  
 „ Pragmaticæ, alteris Concordatorum In-  
 „ stitutio continebatur: sed ambæ eodem an-  
 „ no & die confectæ fuerant. Decretum si-  
 „ militer fuit à Patribus, ut literæ illæ Tri-  
 „ umviris regiis darentur, sicuti revera datæ  
 „ fuerunt, Quo quidem die, omnibus Decu-  
 „ riis Parlamenti in unum confluentibus,  
 „ præsentate atque inspectante Cancellario,  
 „ Lepus advocatus, & Rogerius cognitor re-  
 „ gius, ea quæ Concordatis Bononiensibus  
 „ continebantur, omniaque detrimenta &  
 „ incommoda quæ erant paritura, si unquam  
 „ à Senatu confirmarentur, summam ex-  
 „ posuerunt: atque amplius supplicarunt Pa-  
 „ tribus, quatenus viros aliquos Senatorios  
 „ deligerent, qui Regem adirent, eumque  
 „ de ruina, quam Concordata allatura erant,  
 „ plane informarent: ac præterea suppliciter  
 „ ab eo contenderent, ne istiusmodi Concor-  
 datis

dati Ecclesiæ Gallicanæ libertatem ex-  
 scindi, regnumque universum opibus, &  
 pecuniis, propter Annatas quas robora-  
 bant, funditus vacuari pateretur. Die  
 insequenti, omnibus Decuriis congrega-  
 tis, Provincia examinandorum Concorda-  
 torum, & de illis referendi ad ordinem Se-  
 natorium, Magistris Andreae Verius, Ni-  
 colao Magistro, Francisco de Loines, &  
 Petro Preudhome Consiliariis Parlamenti  
 demandata fuit.

Die autem XXVI. Junii, omnibus Ca-  
 meris Parlamenti una congregatis, nothus  
 Sabaudia, maternus Regis avunculus, ve-  
 nit in Senatum cum literis regiis Ambianii  
 scriptis : quibus literis, Princeps jubebat  
 Senatum publicationem, confirmationem,  
 & expeditionem Concordatorum, præsentem  
 & inspectante avunculo suo, maturare: quem  
 quidem velut seipsum nec aliter quam si ipse  
 interesset Senatui, promulgandis Concor-  
 datis interesse, & quæcumque de isthoc  
 negotio agerentur in Senatu, tam genera-  
 tim quam speciatim ad se fideliter referre  
 volebat. Cæterum, literis regiis perlectis à  
 Patribus nothus Sabaudia exposuit, sibi  
 privatim mandatum fuisse, ut declararet Se-  
 natui, Principem ægre admodum ferre,  
 quod Concordata publicare recusassent: ju-  
 bere autem, ut omnibus posthabitis pro-  
 barentur & promulgarentur : atque etiam,

„ ut ego, inquit ille, omnibus vestris inter-  
„ fim deliberationibus, quemadmodum re-  
„ giis literis edicitur. Sed quoniam novum &  
„ inauditum erat, quemquam Patrum deli-  
„ berationibus interesse, qui de corpore Cu-  
„ riæ Parlamenti non esset, Senatus censuit  
„ Magistros Joannem de la Haire, & Nico-  
„ laum Dorigni Consiliarios Parlamenti, mit-  
„ tendos ad Regem, tum ut ei cunctationem  
„ Patrum in firmandis & promulgandis Con-  
„ cordatis, probare, tum vero ut ab eodem  
„ impetrare niterentur, ne Sabaudia nothus,  
„ aut quisquam alius, qui ordini Senatorio,  
„ Sacramento non esset devinctus, Patrum  
„ sententiis ac deliberationibus interesset :  
„ quippe cum hoc pessimi esset exempli, mul-  
„ taque mala inde nasci possent : deinde, quod-  
„ dam genus erat violentiæ metum creare ju-  
„ dicibus quo minus libere sententiam ferrent :  
„ idque ab officio & honestate justitiæ prorsus  
„ abhorrere videbatur.

„ Porro, Consilarii delegati à Patribus,  
„ statim atque à Curia Principis redierunt,  
„ moram & cunctationem Senatus in promul-  
„ gandis Concordatis, utcumque Regi pro-  
„ batam fuisse narrarunt : sed illum de nonnullis  
„ Senatoribus graviter conquestum, dixisse  
„ se optime scire aliquos viros Senatorios ma-  
„ gnæ probitatis & integritatis ; alios autem  
„ permultos fatuos esse ; ac turbam quandam  
„ fatuorum sibi notissimam in more habere,  
„ de

de se, & domus regiae sumptibus quotidie  
 confabulari: se quidem Regem, nec mino-  
 ris esse auctoritatis quam majores suos: da-  
 turumque operam sedulam, quo universi  
 dicto regio audientes essent: meminisse de-  
 bere nonnullorum, quos Ludovicus XII.  
 ideo regno amandarat, quod ejus Imperium  
 detrectassent, atque unum illorum, qui se  
 negotiis Abbatiae Sancti Dionysii immer-  
 ferat, virum fuisse Senatorium: duos autem  
 alios propter quendam Episcopatum Nor-  
 maniae, quorum alter vir quoque erat Sena-  
 torius. Quod si posthac sibi minus obtem-  
 perarent, aliquos Tholosam, & Burdega-  
 lam ablegaturum, ac in eorundem locum,  
 nonnullos alios majoris integritatis, quos  
 paratissimos habebat, suffecturum. Velle  
 porro atque imperare, tum ut Sabaudiae  
 nothus avunculus suus omnia Patrum suf-  
 fragia audiret, ac generatim & singulatim  
 omnes omnium sententias ad se referret:  
 tum vero, ut Concordata legerentur, & pu-  
 blicarentur in Parlamento: idque certo fo-  
 re, & similiter nothum Sabaudiae, quic-  
 quid in contrarium anniterentur, Patrum  
 deliberationibus interfuturum.

Quibus à Senatu perpensis, quo tandem  
 regio Mandato parerent, omnibus Parla-  
 menti Decuriis sese Concilium conferenti-  
 bus, praesente atque inspectante notho Sa-  
 baudiae, XIII. Julii de Concordatis suffra-

„gari cœptum, & in diem XXIII. Julii con-  
 „tinuatum, ac concorditer statutum est, Pa-  
 „tres nec posse, nec unquam debere decer-  
 „nere, ut Concordata publicarentur, & in  
 „acta referrentur : sed multo magis, ut san-  
 „ctio Pragmatica accuratius quam antea, si  
 „fieri posset, fervaretur : ac dies Parisiensi  
 „Academiæ, & reliquis Galliarum scholis  
 „audiendis, uti Libello supplice à Senatu  
 „postularent, diceretur. Edictum similiter,  
 „ut de abdicatione Pragmaticæ provocaretur  
 „ad Concilium. Quod si interea dum Rex  
 „Concordata servari vellet, ei supplicandum,  
 „& omnino necessum esse, ut hæc tam solen-  
 „ni ritu, quam olim Carolus VII. Pragmati-  
 „cam sanctionem probari & recipi curaret,  
 „nempe Gallicana Ecclesia legitime congre-  
 „gata, cum hoc nominatim ipsis Concorda-  
 „tis cautum fuisset à Pontifice Romano. In-  
 „super universus ordo Senatorius, etiam at-  
 „que etiam nothum Sabaudiaë rogavit, quo  
 „isthæc omnia ad Regem fideliter referret,  
 „ac ingentes ruinas & calamitates, quas Con-  
 „cordata, si unquam promulgarentur, alla-  
 „tura erant, eidem sigillatim recenseret.  
 „Postmodum, cum Rex binis literis quas  
 „miserat ad Senatum, mandasset Patribus,  
 „quo nonnullos ex ordine Senatorio ad se  
 „mitterent, & sibi causas evolverent quibus  
 „Senatus à Concordatorum promulgatione  
 „abduceretur : Magistri Andreas Verius, &  
 „Fran-

Franciscus de Loines Consiliarii Parlamen-  
ti, ad hoc munus obeundum selecti, retu-  
lerunt, se XIII. Januarii Ambosiam, ubi  
tum Princeps degebat, appulisse; & die  
XIV. Januarii matutino tempore, Can-  
cellarium cum literis Parlamenti invisisse,  
eumque sibi inter alia nominatim dixisse,  
quod compertum haberet, Senatum Epi-  
stolam ad Magnum Franciæ magistrum mit-  
tere, quare illum adirent: & eam ob rem se  
continuo in Castellum Ambosiacum ad Ma-  
gnum Franciæ magistrum contulisse, eique  
litteras Patrum obtulisse, quibus ab eodem  
perlectis, hunc narrasse suum adventum in  
Curiam, pridie ejus diei sibi innotuisse, eum-  
que Regi significasse, Regem vero, se eos  
tam diu cunctatione fatigaturum respon-  
disse, quamdiu expediendis Concordatis  
moram injecerant: nihilominus, denuo  
cum Principe illa de re acturum, ejusque  
voluntatem patefacturum: sequenti autem  
die, qui erat XV. Januarii, Magnum Ma-  
gistrum sibi retulisse, Regem existimare  
negotium propter quod missi fuerant à Se-  
natu, tanti esse ponderis, ut de illo cum ali-  
quot Senatoribus aliorum Parliamentorum  
communicare vellet: quare opus esse ut sum-  
mam facerent omnium rationum, quibus  
Parlamentum à Concordatorum publica-  
tione vocabatur, easque scripto darent, &  
tum demum Regem eos auditurum. Cui  
Man-

„ Mandato ut obtemperarent, se confestim  
„ omnes Patrum suasiones exscripsisse, ac ma-  
„ gno Magistro Franciæ dedisse, illumque  
„ obnixe rogasse, ut sibi aditum ad Regem  
„ instrueret, quo ei literas Senatus offerrent.  
„ Cum autem nihil reliqui fecissent quo audi-  
„ rentur & expedirentur, verumtamen omni  
„ adhibita diligentia nunquam in Regis con-  
„ spectum venire potuisse, ante ultimam diem  
„ Februarii, quo quidem die sibi imperatum  
„ fuit, ut statim post Regis prandium se in  
„ camera regia sisterent.

„ Postquam autem Rex in Cameram arca-  
„ norum secessit, continuo iussisse ut accerse-  
„ rentur & tum ei literas Patrum obtulisse,  
„ iisque perlectis, petiisse, an præter ea quæ  
„ exscripta dederant, quidpiam aliud à Sena-  
„ tu dicendum haberent, se quidem ad amuf-  
„ sim omnia rationum momenta, quibus Par-  
„ lamentum movebatur, cum argumentis,  
„ quæ suus Cancellarius de Mandato suo con-  
„ tra instruxerat, enucleasse: ad hæc Principi  
„ respondisse, se percupere videre, si modo ei  
„ ita luberet, quæ Cancellarius contra suasio-  
„ nes Parlamenti scripserat: tumque Principem  
„ dixisse, nolle ut hic litigatio verbalis  
„ texeretur: sufficere, quod ea omnia stricte,  
„ accurateque expendisset, quæ nomine Se-  
„ natus exscripta dedissent: atque iterato po-  
„ stulasse, aliquidne aliud proponendum ha-  
„ berent: Respondisse autem, se quidem præ-

præcipuas rationes quibus Patres moveban-  
 tur, ex scripto dedisse, nihilominus illas, si  
 modo ita vellet juberetque coram narratu-  
 ros : insuper, formam & ordinem justitiæ  
 flagitare ut eorum copiam haberent, quæ  
 Cancellarius, pro labefactandis suasionibus  
 Parlamenti meditatus fuerat, quo si respo-  
 stularet, illa infirmarent, quemadmodum  
 ipse Cancellarius ex animi sui sententia Pa-  
 trum argumenta oppugnaverat. Tum Re-  
 gem dixisse, centum esse homines in Parla-  
 mento, qui ampliore quam septem men-  
 sium intervallo, Concordatis labefactandis  
 studuerant, suum porro Cancellarium, bre-  
 vissimo temporis spatio, omnibus Patrum  
 suasionibus satisfecisse : Regemque iterasse,  
 litem verbalem hic instrui nolle : Deinde,  
 gravi permotum iracundia dixisse, non pas-  
 surum se, ut plures unico Reges essent in  
 Francia : se quidem vehementer laborasse,  
 ad conciliandam & comparandam pacem  
 Regno suo : nunquam commissurum, ut  
 quæ pacta transacta fuerant in Italia, irrita  
 fierent in Galliis ; neque etiam ut istic, tan-  
 quam Venetiis unus esset Senatus : de justi-  
 tia administranda, non de aliis rebus Cu-  
 riam Parlamenti esse debere sollicitam, in-  
 terim daturum se operam ne regnum Galli-  
 canum in maximum discrimen vocaretur,  
 uti Ludovico XII. regnante contigerat :  
 non attinere ad Senatum, rerum ad Reipu-  
 blicæ



blicæ statum atque ordinem spectantium  
fatagere : velle atque imperare , ut Concor-  
data publicarentur in Parlamento , alioquin  
effecturum , ut ordo Senatorius gravius  
quam unquam antea mœreret : amplius ist-  
hæc pronunciasse : Vos curam habete justi-  
tiæ administrandæ , quæ centum abhinc  
annis nunquam pejus aut negligentius ha-  
buit ; & se posthac facturum , ut Parlamen-  
tum , instar magni Consilii , se quocumque  
iret gentium sectaretur : Præterea graviter  
questum , quod tres viros Senatorio ordine  
nuper à se donatos , Senatus admittere de-  
trectasset , velle autem ut admitterentur :  
neque dehinc unquam commissurum , ut  
ulli Clerici in album Consiliariorum Parla-  
menti adscriberentur , tribus præsertim de  
causis : primum quod in animum inducerent  
suum , se præterea regiæ auctoritati non esse  
subditos , neque Regem Ecclesiasticos au-  
dere capite multare. Tum vero , quod E-  
piscopatus , aliaque beneficia majoris pro-  
ventus , quam trecentarum aut quadringen-  
tarum librarum stipendia , quæ annuatim ex  
suo magistratu perciebant , ambitu & pren-  
sationibus consequi niterentur. Tertio , quia  
divinis præcationibus & officiis recitandis  
occupati , quæ sui erant muneris prorsus de-  
fererent. Ad hæc Principi respondisse , ve-  
teri instituto , & prima ipsius Parlamenti  
foundatione , Clericos & Laicos atque in or-  
dinem

dinem Senatorium admitti: sed Principem  
 ut antea excandescendo dixisse: Reges ita  
 quidem statuisset, se vero regia etiam aucto-  
 ritate præditum, ac proinde ea posse anti-  
 quare, quæ à majoribus suis constituta fuisset;  
 iratissimumque hæc verba habuisse,  
 abite, & crastina die certo discedite: Rege  
 autem surgente & abeunte, se dixisse cun-  
 ctum Senatum ex Dei & conscientiæ suæ  
 præscripto de Concordatis statuisset: & ni-  
 nihilominus Regem perseverando in sen-  
 tentia, jussisse ut abirent, ac die crastina  
 summo mane discederent. Quamprimum  
 vero in suum diversorium venissent, non-  
 nullos viros qui magnæ erant auctoritatis  
 apud Principem, sibi per internuncium si-  
 gnificasse, ut suum accelerarent decessum,  
 ne quid infortunii (quod molestissime fer-  
 rent) sibi contingeret: cumque propter  
 aquarum inundationes iter perdifficile &  
 periculosum esset, se ad Magnum Franciæ  
 Magistrum misisse ut aliquam moram suo  
 itineri commode faciendi necessarium à Re-  
 ge impetraret; hunc vero respondisse, nisi  
 die crastina ante horam sextam matutinam  
 discederent, Constitutum esse Principi,  
 duodecim ex corporis sui custodibus ad se  
 mittere, qui se in profundissimum carcerem  
 compingerent: atque amplius Principem  
 dixisse, ubi per sex menses in vinculis de-  
 renti fuissent, tum demum visurum, qui-  
 nam

„nam suæ causæ patrocinari auderent.  
„ Die XV. Martii M. D. XVII. Dominus à  
„ Trimolia eques torquatus, primus Franciæ  
„ Camerarius, venit in Senatum cum literis  
„ fiduciæ : suamque fiduciam in hunc modum  
„ exposuit. Regem sibi Provinciam audeun-  
„ dæ Curiaë Parliamenti dedisse propter Con-  
„ cordatorum publicationem : neque ea latere  
„ Senatum, quæ Cancellarius, rege sedente  
„ in Parlamento, superiore anno exposuerat,  
„ & quamobrem necessum fuisset cum Roma-  
„ no Pontifice Concordata sarcire : tum enim  
„ Cancellarium figillatim recensuisse graves  
„ atque ingentes negotiorum moles quæ qua-  
„ driennio aut quinquennio abhinc, Ludo-  
„ vico XII. regnante, Gallias universas affli-  
„ ctarant : cum Helvetii in Burgundiam, An-  
„ gli cum auxiliariis copiis Hispanorum in  
„ Aquitaniam, Picardiamque invaserant : quos  
„ contra Franciscum Regem qui hodie im-  
„ perat, etiam ivisse præliatum, & propter  
„ diligentiam singularem, & ductum exi-  
„ mium eo in Bello adhibitum, hostes repul-  
„ sos fuisse. Franciscum Regem, à die suæ  
„ inaugurationis, certiorem factum de Con-  
„ foederationibus quas Romanus Pontifex  
„ cum permultis aliis principibus Christianis,  
„ ad Gallicum Imperium opprimendum ac  
„ diripiendum, connectebat ; omni ope ac  
„ studio illorum fabricis & conatibus decre-  
„ visse obsistere : atque Helvetios in hoc re-  
gnum

gnum irrumpere annitentes, Deo bene fa-  
 vente debellasse: dehinc omnibus rebus ac-  
 curate subductis, animadvertisse tot ac tan-  
 tas externorum Principum adversus Fran-  
 cicum Imperium molitiones, nulla alia ra-  
 tione dissolvi posse, quam si firmam & soli-  
 dam pacem cum Romano Pontifice san-  
 ciret: omni autem via & ratione Roma-  
 ni Pontificis amicitiam redimere studuif-  
 se, sed nullis aliis conditionibus quam  
 Concordatorum sanctione id consequi va-  
 luisset: quæ Concordata, Principum re-  
 gii sanguinis, aliorumque virorum illu-  
 strium Regni ac judicum magni Consilii  
 suasu & consensione pro Reipublicæ uti-  
 litate, & Regni Gallici defensione pa-  
 cta, & in Synodo Lateranensi roborata  
 ac promulgata fuerant. Quocirca neces-  
 sum quoque esse, ut à Senatu probaren-  
 tur & in acta Parlamentireferrentur, que-  
 madmodum Rex sæpe imperaverat: sin-  
 gulis enim ferme binis mensibus Princi-  
 pem super ea re ad Senatum scripsisse, &  
 nihilominus Patres diem de die ducen-  
 do, Imperio regio semper parere recusaf-  
 se: ac Magistros Andræam Verius &  
 Franciscum de Loines misisse Ambosiam ut  
 Principi causas referarent, quibus Senato-  
 rius ordo à firmandis & publicandis Con-  
 cordatis retardaretur: Regem porro, iisdem  
 Magistris Andrææ Verius & de Loines

præcepisse, ut suasiones Patrum scripto  
mandarent, uti revera mandarant: quas sua-  
siones Cancellarius scripto etiam labefece-  
rat. Cumque Rex omnia hinc inde inter  
se se contulisset, ac cogitate perpendisset,  
tum demum cognovisset firmamenta quibus  
Cancellarius suus contra suasiones Parla-  
menti nitebatur, multo plus habere pon-  
deris, & publicæ utilitati servire, quam  
quæ nomine Senatus à Magistris Andrææ  
Verius & Francisco de Loines proposita fue-  
rant. Quod autem potissime urgebant, Re-  
gnum universum pecuniis atque opibus ex-  
haustum iri, nullius momenti esse, si ratio  
habeatur Belli quod cum Romano Ponti-  
fice, & aliis Principibus exteris gerendum  
esset: quippe cum in gerendo & sustinendo  
Bello, multo plus damni, periculi, & sum-  
ptus insit quam in Annatis persolvendis.  
Quapropter Princeps imperaverat prædi-  
ctis Verius, & de Loines, ut referrent ad Se-  
natum se velle atque jubere ut Concordata  
legerentur, publicarentur, & in acta refer-  
rentur: Sed quoniam resciverat imperata sua  
minime curata fuisse, mihi, inquit Trimo-  
lia, Provinciam adeundi Parlamenti impo-  
suit, ut vobis declararem se velle atque ju-  
bere sine ulla disceptatione, deliberatio-  
ne, aut rationum contrariarum oppositione  
Concordata legi publicari, & in acta redigi:  
præsertim, quod ut suarum esse partium Se-  
natui

natui tanquam subditis naturalibus imperare; sic vestri officii esse ait, sibi tanquam Domino & Principi naturali morigerari: Addiditque ulterius malle se dimidia regni sui parte abdicari, quam fidei non servatæ propudium pati: nihilque esse in hac mundi universitate quod juxta ambiat ac inviolabilem fidei servatæ constantiam: hancque famam & estimationem se apud omnes Nationes sollicitè aucupari dixit: idque unius horæ quadrante decies ad minus iteravit: & nisi Concordata servarentur, de periculossissimo Bello gerendo esse meditandum. Præterea, hoc sibi à Rege nominatim fuisse imperatum asseruit Trimolia, diceret, nisi Senatus Concordata auctoraret, Regem aliquid patraturum, cujus & eum & Patres universos valde in posterum pœniteret: vel le insuper, ut quibus diplomata Senatoria dederat, in numerum Senatorum Clericorum, tametsi non essent *in sacris*, referrentur: etenim, se regia auctoritate, (ut majores suos) præditum, ac proinde Laicos aut Clericos Senatores, pro animi sui arbitrio instituere posse ait.

At vero Jacobus Olivarius Princeps Senatus Trimoliæ respondit; die crastina cunctum Senatum venturum in Concilium, omnibusque à se propositis responsurum, operamque suam regio Mandato obeundo navaturum. Itaque die sequenti XIX. Mar-



” tii, Patres eundem à Trimolia accersi vo-  
” luerunt, quem idem Princeps Senatus no-  
” mine totius ordinis Senatorii rogavit, ne ad  
” Regem scribere gravaretur, quatenus vi-  
” rum aliquem magnæ auctoritatis mitteret  
” in Senatum, quo majore & solenniore cum  
” ritu, negotium Concordatorum tractare-  
” tur : & si Regi luberet, nullum ad id magis  
” idoneum fore ipso Cancellario, ut pro-  
” mulgationi Concordatorum, quam Rex  
” fieri imperabat, præflet ; hoc enim gravi-  
” tatem & magnitudinem rei propositæ, exi-  
” gere : hacque via Romano Pontifici accu-  
” ratius satisfactum iri : cum præsertim, pu-  
” blicatio Concordatorum longe celebrior  
” futura esset : neque hoc novum aut inaudi-  
” tum videri posse, cum olim Ludovicus XI.  
” in simili negotio Cancellarium suum, cum  
” Comite à Sancto Paulo, qui Comes erat re-  
” gii stabuli, & Domino de Monbrun, misisset in Parlamentum. Ad hæc, Trimolia ve-  
” reri se ait, ne si Regi jam propter istas cun-  
” ctationes nimium quantum irato aliquid  
” scriberet, multo plus noceret quam prodes-  
” set : & universos Patres, summo opere cavere  
” ac timere debere, ne Princeps iratior, quod  
” sæpe alias interminatus fuerat, aliquid moliretur, cujus & eum & cunctum ordinem  
” Senatorium deinceps valde pigeret ; nemini  
” jam venire posse in dubium, quin Rex æstimaret, tot ac tantas moras huic impediendo  
ne.

negotio de industria à Patribus objici: cum  
tamen strictissime imperasset, ne dehinc id  
fieret. Insuper etiam, literas quas recenter  
à Rege acceperat, porrexit Senatui, qui-  
bus literis Rex Trimoliæ minabatur, nisi  
sua imperata diligenter curaret, nunquam  
passurum, ut apud se in gratiam veniret:  
deinde asseruit, quendam Provinciam fi-  
duciam sibi commissam esse à Principe,  
nec ulli ante vulgandam, quam de voluntate  
& proposito Senatus liqueret. Tum Primus  
præses cum Trimoliam obsecrasset, ne il-  
lam suam fiduciam procurationem coram  
Senatu referare gravaretur; Ille id, nullo  
modo sibi licere respondit, antequam de  
voluntate & responsione Patrum omnino  
constaret: præterea, hoc ejusmodi esse, ut  
molestissime ferret causam illius exequendi  
sibi præberi à Senatu, cui se obsequii &  
amicitiæ necessitudine devinctissimum esse  
perhibebat. Quare omnes & singulos ve-  
hementius rogare & obtestari cepit, ut Re-  
gis imperata celeriter facerent, ac sibi im-  
minentia pericula vitarent: maxime autem,  
quod jam omnibus plus satis compertum es-  
set, Senatorium ordinem omnia strenue  
præstitisse, quæ sui erant officii, & nihil re-  
liqui habere, quo publicationem Concor-  
datorum impediret.

Quocirca, omnibus Decuriis Parlamen-  
ti una congregatis, cum Patres ad istas in-



„ gentes minas & territationes in quibus  
 „ Princeps firmiter continuabat , attende-  
 „ rent, reputarent quoque, si diutius regiæ  
 „ voluntati adversarentur, futurum ut Parla-  
 „ mentum excinderetur, idque decursu  
 „ temporis toti Regno Gallicano, Justitiæ,  
 „ omnibusque regni subditis, tam genera-  
 „ tim quam privatim certissimam ruinam cre-  
 „ aturum: cum insuper, periculum omnibus  
 „ & singulis Senatoribus impendens extime-  
 „ scerent, & valde timerent ne si forte bel-  
 „ lum aliquod inter Regem & Romanum  
 „ Pontificem exardesceret, ejus mali causa  
 „ Patribus irrogaretur (cum præsertim Rex  
 „ sæpe causatus fuisset, omnem Regni sui,  
 „ & Principatuum suorum Italicorum tran-  
 „ quillitatem ac securitatem ab una Concor-  
 „ datorum publicatione pendere) similiter  
 „ formidarent, ne foedera inita vel ineunda à  
 „ Rege cum aliis Principibus Christianis  
 „ impedirentur: Tum demum, postquam  
 „ omnia tentarunt quæ publicationi Con-  
 „ cordatorum obfistere poterant, coram &  
 „ præsentem Episcopo Lingonenfi Pari Fran-  
 „ ciæ, illustri & authentica persona, tam ge-  
 „ neratim quam speciatim, divisim quam  
 „ conjunctim, obtestati sunt atque obtestan-  
 „ tur, se suæ spontis non esse, & in causa  
 „ Concordatorum libere sententiam ferre  
 „ non posse: ac proinde si quæ illorum reci-  
 „ tatio, aut publicatio fieret in Senatu, id  
 „ ne-

neque suffragiis, neque voluntate, neque “  
consensu, aut Decreto Patrum, sed solo “  
Regis Imperio, & violentia paulo ante ex- “  
plicata committi. Demum Curiam Parla- “  
menti nunquam censuisse ut Concordata “  
firmarentur, grata haberentur, aut aliquem “  
sortirentur effectum: neque etiam ut Se- “  
natorius ordo, vel Judices ordinarii, de li- “  
tibus & causis inde manantibus cognosce- “  
rent aut judicarent: imo vero hoc unum “  
semper in votis habuisse, & maximopere “  
contendisse, ut sacrosancta Conciliorum “  
Decreta, & sanctio Pragmatica exactissi- “  
me, & integerrime observantur, uti ante “  
Concordatorum institutionem & publica- “  
tionem servari consueverant: percupere “  
similiter, intendere, ac decernere, ut Se- “  
natusconsultum factum XXIV. Julii M.D. “  
XVI. plenum atque integrum adipiscere- “  
tur effectum, utque istiusmodi Concorda- “  
dorum evulgatione, nihil quicquam ei “  
detraheretur aut derogaretur.

Deinde, quia Senatus pro rato & com- “  
perto habet, Congregationem, quam La- “  
teranense Concilium vocitant, omni ope “  
ac studio moliri, quo sanctionem Pragma- “  
ticam, & Decreta in ea contenta exaucto- “  
ret: certumque est Cognitorem regium, “  
statim atque ista sanctionis Pragmaticæ a- “  
brogatio illi innotuit, tum suo, tum Sena- “  
tus, & omnium Gallorum nomine, de illa “

„ antiquatione ad Concilium provocasse:  
 „ idem Senatus amplius adhærendo prædi-  
 „ ctæ appellationi, & in ea constanter perse-  
 „ verando, iterum provocavit, & quantum  
 „ opus est de integro provocat, propter cau-  
 „ sas & rationes in actis prædictæ appellation-  
 „ nis fuse expressas: *Ad Papam melius consul-*  
 „ *tum, & futurum Concilium Generale legitime*  
 „ *congregandum, & ad illam, vel ad illos, ad*  
 „ *quem seu ad quos, petendo Apostolos instanter,*  
 „ *instantius & instantissime, à Domino Mi-*  
 „ *chaële Boudet, Episcopo & Duce Lingon-*  
 „ *nenfi, & Franciæ Pari, qui tum præsens ade-*  
 „ *rat Parlamento: Quos quidem Apostolos,*  
 „ *dictus Episcopus Lingonensis, ad honorem Dei*  
 „ *omnipotentis, pro Ecclesiæ Gallicanæ Regni ac*  
 „ *reipublicæ præsidio, & conservatione, concessit*  
 „ *reverentiales, & quales de jure pro remedio op-*  
 „ *portuno, secundum temporis necessitatem, con-*  
 „ *cedere potest & debet*

„ Præterea, cunctus Senatus acta & instru-  
 „ menta authentica rerum ante memorata-  
 „ rum fieri, eaque à Magistris Nicolao Pi-  
 „ chon causarum civilium, Antonio Roberto  
 „ rerum capitalium, Joanne Beldon præsen-  
 „ tationum Graffariis: Joanne le Camus, Jo-  
 „ anne Parent, Joanne de Bagnolles, & Gail-  
 „ lardo Burdelot, quatuor Notariis Curiae  
 „ Parlamenti tum præsentibus, postulavit,  
 „ atque postulat: Declaravitque, se nec vel-  
 „ le nec unquam intendere, propter quæcum-  
 „ que

que acta, quæ dehinc faciet aut facere pos-  
set, à supradictis obtestationibus & appel-  
lationibus desciscere; sed percipere ut in  
singulis actis, quæ in posterum sigillatim  
fient in Senatu, pro iteratis, & ad verbum  
expressis habeantur. Datum in Curia Parla-  
menti, XIX. Martii M. D. XVII.

Nos Graffarii & Notarii Curiae Parlamen-  
ti infra nominati, notum ac certum facimus,  
suasiones, obtestationes, & appellationes su-  
pra memoratas, fuisse habitas, recitatas, &  
declaratas ab universo Senatu, omnibus  
Decuriis Parlamenti congregatis: atque  
etiam summam rerum prædictarum, scri-  
pto traditam & depositam inter manus no-  
stras ab eodem Senatu, die supra memora-  
to, XIX. Martii M. D. XVII. In cuius rei  
fidem, proque actō & instrumento, præ-  
sentes suasiones, obnunciationes, & ap-  
pellationes, manu & syngraphis propriis  
obsignandas duximus, die jam dicta XIX.  
Martii M. D. XVII. sic signatum *Parent.*  
*Robert, Beldon, de Bagnolles, Burdelot.*

At vero, quia die Lunæ proxime lapsa,  
quæ XXII. erat Martii M. D. XII. Concor-  
data lecta & publicata fuerunt in Curia Par-  
lamenti, præsentē Domino à Trimolia: om-  
nes Decuriæ Parlamenti, die XXIV.  
Martii ejusdem anni M. D. XVII. ante Pa-  
scha, iterum coiverunt in Concilium, cun-  
ctusque Senatus de integro, coram Magi-

„ stris Nicolao Pichon civilium causarum  
 „ Graffario, Joanne le Camus, Joanne Pa-  
 „ rent, & Joanne de Bagnolles Notariis pau-  
 „ lo ante nominatis, declaravit, & obtesta-  
 „ tus est, se nullo modo probare vel auctorare  
 „ publicationem, & recitationem Concor-  
 „ datorum factam in Senatu: Imo vero, ob-  
 „ testationes & appellationes ante editas ite-  
 „ rare, atque eis adhærendo iterum atque  
 „ iterum provocare, *petendo Apostolos*, ab  
 „ Episcopo & Duce Lingonensi Pari Fran-  
 „ ciæ, qui tum intererat Senatui: quare Apo-  
 „ stolos similes prioribus concessit. Insuper  
 „ vero, Patres declararunt, ob quæcumque  
 „ acta, quæ dehinc facient aut facere possent,  
 „ nolle unquam à supra memoratis obtestatio-  
 „ nibus, & provocationibus discedere: quin-  
 „ imo, in omnibus & singulis actis, quæ  
 „ posthac in Senatu privatim fient, velle istius-  
 „ modi obtestationes, & appellationes pro  
 „ iteratis & nominatim expressis haberi. Qua-  
 „ rum omnium suasionum, obtestationum,  
 „ & declarationum, Senatus actum atque in-  
 „ strumentum sibi fieri postulavit à nominatis  
 „ Graffariis, & Notariis *Pichon, le Camus,*  
 „ *Parent, de Bagnolles*, Actum in Senatu, die  
 „ XXIV. Martii M. D. XVII.  
 „ Nos Actuarii, & Notarii supra memo-  
 „ rati, testamur res supradictas relatas, & de-  
 „ claratas fuisse ad verbum, ut hic habentur:  
 „ atque hujusmodi obtestationes, & appella-  
 „ tiones,

tiones, factas & interjectas fuisse à cuncto “  
 Senatu, omnibus Cameris in unum con- “  
 gregatis, die XXIV. Martii anno præfato “  
 M. D. XVII. ante Pascha. In cuius rei fi- “  
 dem, proque actō atque instrumento au- “  
 thentico; præsentēs propria manu, & syn- “  
 grapha obfignavimus, die prædicta XXIV. “  
 Martii M. D. XVII. ante Pascha. sic Signa- “  
 tum. “

*Parent, de Bagnolles.*

Cæterum, Magistri Nicolaus Pichon “  
 Scriba causarum Civilium, & Joannes le “  
 Camus Notarius & Secretarius Regius, “  
 atque unus ex quatuor Notariis Parlamen- “  
 ti, præfens actum obfignarunt, eo quod pau- “  
 lo ante confectum negotium Concordato- “  
 rum, è vivis excessissent. Sic Signatum. “

*De Bagnolles, Robert, Parent, Bur-  
 delot, Beldon.*

*Lector notabit, has suasionēs, obtestationes,  
 & appellationes Curia Parlamenti, idiomate  
 Gallico factas, & primum lingua Gallica editas  
 fuisse à Mamerto Patissonio typographo regio:  
 deinde vero, conversas in linguam Latinam,  
 ut omnibus innotesceret, non stetisse per Gallica-  
 nam Ecclesiam quo minus disciplina Apostolica  
 & Jus commune redivivum florere in Ecclesia  
 Catholica.*

Appellatio Universitatis Parisiensis,  
 o sacrarum Electionum, & Juris Commu-  
 nis defensione, adversus Concordata  
 Bononiensia, anno Domini  
 M. D. XVII.

„ XIV. **U**NIVERSIS præsentēs literas in-  
 „ specturis, RECTOR ET UNI-  
 „ VERSITAS Magistrorum, Doctorum, &  
 „ Scholarium Parisiis studentium, salutem in  
 „ Domino.

„ Notum facimus, quod nos apud sanctum  
 „ Bernardam Parisiis, super infra scriptis &  
 „ aliis nostris negotiis agendis, per juramen-  
 „ tum convocati & congregati, modo & for-  
 „ ma contentis in quodam codice papyraceo  
 „ (cujus tenor inferius describitur, & inferi-  
 „ tur) provocavimus, & appellavimus, pro-  
 „ vocamusque & appellamus; cujus qui-  
 „ dem codicis papyrei tenor sequitur, & est  
 „ talis:

„ Præmissis expresse protestationibus, quod  
 „ contra unam sanctam Catholicam, & Apo-  
 „ stolicam Ecclesiam (quam totius orbis esse  
 „ Magistrum, & obtinere principatum credi-  
 „ mus) sanctæque Sedis Apostolicæ auctorita-  
 „ tem, ac sanctissimi Domini nostri Papæ be-  
 „ ne consulti potestatem, nihil dicere intendi-  
 „ mus, & si quid ex lubrico linguæ forsan  
 „ male dictum sit, parati emendare. Sed quo-  
 „ niam is qui vices Dei gerit in terris, quem  
 „ Papam dicimus (quamvis à Deo potestatem im-

immediate habeat) per hanc potestatem “ non impeccabilis efficitur, nec potestatem “ non peccandi accepit, equidem, si quid “ quod injustum est, faciendum esse præce- “ perit, patienter sustinere debet, si non fiat, “ quod ei prava fuerit insinuatione sugge- “ stum, eique non pareatur, si quid contra “ divina præcepta statuendum esse decreve- “ rit; nam in hoc ei resisti jure potest. Quod “ si illi potentum auxilio, (falsa forsan sugge- “ stione, vel minus sano consilio decepto- “ rum) adjuto, resisti non potest, sublataque “ sint resistendi remedia, unum tamen Jure “ naturali proditum est, quod nullus Prin- “ cept tollere potest Appellationis reme- “ dium, cum sit quædam defensio, quæ Jure “ divino naturali, & humano, cuique com- “ petit, quæ non potest auferri à Principe, “ *Clement. Pastoralis, de sententia, & re judica- “ ta*: notat splendor ille Canonistarum Inno- “ centius, in *Cap. quæ in Ecclesiis, de Constit.* “

Ad hujusmodi ergo appellationis reme- “ dium (quo oppressi relevantur) confugien- “ tes, Nos RECTOR ET UNIVERSITAS stu- “ dii Parisiensis, Illustrissimi ac Christianissi- “ mi Principis nostri Francorum Regis filia “ primogenita, antiqua studiorum Paræns, “ vice ac nomine nostris, singulorumque Do- “ ctorum, Magistrorum, & scholarium Pa- “ risis studentium, animoque & intentione “ provocandi, & appellandi à pressuris & gra- “ vami-



„vaminibus infra scriptis; dicimus & propo-  
„nimus, nosque loco & tempore opportunis  
„& congruis probaturos offerimus, quæ se-  
„quuntur.

„In primis, quod cum priscis illis tempo-  
„ribus, Hæreses multæ pullularent, pluri-  
„mique errores insurgerent, & inter Christi  
„fideles dissidia orirentur, Ecclesiasticique  
„status deformatio conspiceretur; fuerunt  
„sacra generalia Concilia provide statuta, in  
„quibus Hæreses extirparentur, mores re-  
„formarentur, Christicolarum dissidentium  
„adinvicem reconciliationes fierent, prout  
„sacrorum generalium Conciliorum incum-  
„bit officio. Et præcipue ante omnia, sacra  
„Constantiense, & Basileense Concilia, quæ  
„successive ac legitime in Spiritu Sancto  
„congregata, Universalem Ecclesiam re-  
„præsentantia, quamplurima circa præmissa  
„statuerunt: maxime circa status Ecclesia-  
„stici, tam in capite quam in membris, re-  
„formationem, quæ illis diebus præcipue  
„indigere reformatione videbantur: cum  
„deformitates in Ecclesia Dei excrescere, &  
„mores corruptos eandem Ecclesiam infice-  
„re conspicerent, ut repressis deformitatum  
„scelerum regnantium enormitatibus perni-  
„ciosis, quæ per Christianitatem (spretis an-  
„tiquorum Patrum decretis, & institutis  
„salutaribus) multas clades, multaque discrimina  
„injecisse videbantur, divinis honor re-

refloreret in terris, lumen Catholicæ veritatis, Christo vera luce auxiliante, efflueret; & Ecclesiasticæ libertatis conservatio subsisteret, populusque Christianus salubriter regeretur, & ad salutem perduceretur æternam.

Et inter cætera, perpendit ipsum sacrum Basileense Concilium, qualiter per sanctos Patres antiquos, sacri Canones, salubrique Decreta, pro fœlici regimine jam dicti status Ecclesiastici (tam super electionibus, modisque Ministros Ecclesiæ assumendi & instituendi) conditi fuerint: qui quamdiu fuerunt observati, Ecclesia Dei fructus honoris & honestatis, fœlici ubertate produxit; Disciplinæ Ecclesiasticæ vigor persistit, Religio, Pietas, Charitas ubertim floruerunt, hominesque in quietudine animi constituti, Deum auctorem Pacis, devotissime coluerunt. Sed postquam damnatæ ambitionis improbitas, & detestandæ cupiditatis insatiabilitas, humanitatis jura violando, ipsa sanctorum Patrum Decreta paulatim cœpit deferere, atque contemneret, & in vitia ruere; subsequutæ sunt deformitates status Ecclesiastici, atque decorationes, & usurpationes, præsertim per Prælaturarum, dignitatumque, & aliorum beneficiorum Reservationes, & Gratiarum (ad vacatura beneficia) expectativarum (à jure exorbitantium) multiplicationes, &

in-

„ innumerabiles concessiones, & alia gravif-  
 „ sima, & inportabilia onera, quibus Ecclesiæ  
 „ Ecclesiasticæque personæ graviter afflictæ;  
 „ & feread extremam evacuationem, & destru-  
 „ ctionem illis diebus ruere conspiciebantur:  
 „ Cum beneficiorum Ecclesiasticorum patri-  
 „ monia & bona indigni occupabant, & sæpe  
 „ dignitates ac beneficia notabilia & opulen-  
 „ tiora, personis conferebantur incognitis &  
 „ indignis; quæ in eisdem beneficiis minime  
 „ residebant, & animarum cura *quæ est ars ar-*  
 „ *tium*, neglecta, velut mercenarii solum tem-  
 „ porale lucrum quærebant, sicque cultus  
 „ minuebatur divinus, animarum cura ne-  
 „ gligebatur, Ecclesiastica jura peribant,  
 „ ruebant ædificia, quæ magnificentia ex-  
 „ truxerat decessorum.

„ At Clerici, literarum scientiis, & virtu-  
 „ tibus effulgentes, qui ad Christianæ plebis  
 „ ædificationem salutarem vacare possent  
 „ (quorum perlucida & salutaria documenta,  
 „ prædictam illustrarent Ecclesiam, deco-  
 „ rarent virtutibus, & moribus informarent,  
 „ per quos quasi per luminosas ardentesque lu-  
 „ cernas super candelabrum in domo Domini  
 „ positas, errorum tenebris profugatis, totius  
 „ Ecclesiæ corpus, tanquam sydus irradiaret  
 „ matutinum, eorumque fœcunda facundia,  
 „ cœlestis irrigui gratia influente, scriptura-  
 „ rum ænigmata referarent, obscura diluci-  
 „ darent, dubiaque declararent profundisque

ac

ac decoris illorum sermonibus, ampla ipsius Ecclesiæ fabrica, velut gemmis vernantibus, rutilaret, & verborum elegantia singulari gloriosius sublimata coruscaret) qui etiam Regnorum, & rerum publicarum Consiliis fierent opportuni: propter spem congruæ promotionis eis ablatam, divinarum & humanarum scientiarum studia deserebant.

Insuper, Reservationum & gratiarum expectativarum occasione, captandæ mortis alienæ votum ingerebatur, lites suscitabantur, contentiones, & rixæ inter Christi ministros oriebantur, ambitio pluralitatis beneficiorum execrabilis fovebatur, pauperes Clerici, variis & innumeris personarum & rerum discriminibus subiciebantur, & per callidos, & calumniosos opprimebantur: beneficia quoque Ecclesiastica, per litium involutiones & multiplicationes, sæpius injuste occupabantur, & sine divinis officiis sæpius remanebant; materia injustis vexationibus parabatur, abusus pestiferi, horrenda & detestanda specie labis simoniacæ respersi, committebantur; juvenibus bonæ indolis, (qui studiosis actibus intendere deberent) evagandi materia præbebatur, & breviter status Ecclesiæ confundebatur; plurimæque adversus divina & humana jura in animarum perniciem, ac Ecclesiæ & regnorum atque Pro-

„vinciarum (præcipue Regni Franciæ, &  
 „Delphinatus Viennensium) oppressionem,  
 „& destructionem, perpetrabantur; quo-  
 „rumque thesauri in extraneas regiones ap-  
 „portabantur, ut eo exhausto, sacerdotio-  
 „que depressio, regna ipsa, & subditi debi-  
 „liores in adversis redderetur; Beneficiaque,  
 „jam non gratis (juxta Evangelicam doctri-  
 „nam, Christi que præceptum, dicentis *gra-*  
 „*tis accepistis. gratis date*; & contra Conci-  
 „lium Lateranense, præcipiens ut pro con-  
 „ferendis, sive collatis Ecclesiasticis bene-  
 „ficiis, nemo aliquid quocumque prætextu  
 „exigere ac extorquere præsumat) sed cum  
 „summa ambitione, & avaritia, aurique &  
 „argenti exactione, conferebantur.  
 „His igitur tam detestabilibus incommo-  
 „dis, divinæ proculdubio displicentibus vo-  
 „luntati, saluberrime providere cupiens  
 „Concilium Basileense memoratum, contra  
 „hæc, saluberrima constituit & edidit Sta-  
 „tuta & Decreta: volens & ordinans, ut ta-  
 „les Ecclesiæ præficerentur Pastores, qui  
 „tanquam columnæ & bases, ipsam Eccle-  
 „siam doctrina & meritis firmiter sustenta-  
 „rent, non quidem per Reservationes gene-  
 „rales Ecclesiarum ejusmodi, sed per Electi-  
 „ones, & Confirmationes Canonicas (juxta  
 „Juris communis dispositionem) Ecclesiis  
 „ipsis Metropolitanis, Cathedralibus, Mo-  
 „nasteriis, Collegiatis Ecclesiis, & dignita-  
 „tibus

tibus electivis vacantibus, debite provide-  
retur; Reservationes generales hujusmodi  
reprobando (certis duntaxat exceptis) &  
certam salutarem formam, antiquis formis  
à jure introductis, adjiciendo.

Et insuper, ut per singulas Ecclesias mi-  
nistri instituerentur idonei (qui scientiis &  
virtutibus effulgerent) ad Christi gloriam,  
& populi Christiani salutarem ædificatio-  
nem (reprobando multitudinem Gratiarum  
expectativarum, quæ digniorum ministro-  
rum institutioni & promotioni obviabat)  
Reservationes quascumque beneficiorum  
(sive per Papam, sive per Legatos) repro-  
bavit, nullasque & invalidas declaravit.

Voluit insuper & statuit, ut per Præla-  
tos, & eos ad quos beneficiorum collatio &  
dispositio spectare dignoscitur, viris studio-  
sis, certisque qualitatibus specificatis præ-  
dictis (qui per Universitates generalium stu-  
diorum eisdem Prælati & Patroni nomi-  
narentur) Canonice provideretur, certis  
modificationibus, & Decreto irritante ad-  
jectis.

Præterea, ut fraterna charitas in Clero  
& Populo vigeret, & ne quis proximum  
suum indebitis vexationibus opprimeret,  
sed justitia, ordine debito, cuilibet mini-  
straretur, ad obviandum infinitis abusibus,  
& variis incommodis quæ inoleverant; sta-  
tuit, pro salute & quiete subditorum, justi-

„tia partibus cum honestate & facilitate mi-  
 „nistraretur, ne studiosi, & alii subditi, ex-  
 „tra Regna & Provincias suas, ad Curiam  
 „Romanam traherentur, & citarentur, ne  
 „etiam per hoc, hujusmodi Regnorum &  
 „Provinciarum facultates exhaurirentur.

„Damnavit insper hujusmodi sacrum Con-  
 „cilium, abusum illum jam damnatum de  
 „ANNATIS solvendis, salutifere prohibens  
 „illarum exactionem & solutionem: multa-  
 „que alia sancta & salubria statuit idem Con-  
 „cilium, ad divini cultus augmentum, ac  
 „salutem, & quietem subditorum, quæ o-  
 „mnibus innotescunt.

„Quæ quidem statuta, Serenissimus ille  
 „Princeps divini nominis & Ecclesiastici ho-  
 „noris exaltor devotissimus, & conservator  
 „excellens CAROLUS VII. Francorum Rex,  
 „in suo celebri Concilio Ecclesiæ Gallicanæ  
 „Bituris celebrato, recenseri fecit; & ea sic  
 „salutifera, & suo regno ac Delphinatui uti-  
 „lissima, saluti & quieti subditorum consu-  
 „lendo, inconcusse servari præcepit, & per  
 „Regnum & Delphinatum promulgari fecit,  
 „prout conservata & observata fuerunt: Et  
 „ex eorum observantia, cultus persevera-  
 „vit divinus, salus advenit subditorum, o-  
 „mniaque in eisdem regno & Delphinatu  
 „prosperè successerunt.

„Sed Romani, propriis cupiditatibus &  
 „commoditatibus inhiantes attendentes his  
 mediis

mediis aurum & argentum (sicut antea) ex dictis Regno & Delphinatu ad se pro voto non deferri; hujusmodi statutis invidentes, ea per Romanos Pontifices abrogari facere studuerunt, quod auxiliante Domino hæcenus prohibitum extitit, donec advenit Dominus Leo PP. X. qui Romanis plus debito favens in quodam cœtu, in Romana Civitate, quæ contra nos est, nescimus qualiter, non tamen in Spiritu Domini congregato (cum quo nihil contra legem divinam, & sacra Concilia statui, decerni, aut ordinari potest: *Opera enim quæ ego facio testimonium perhibent de me*) præmissa tum salutifera statuta abroganda esse (nescimus quo fretus consilio) censuit, & contra fidem Catholicam, & auctoritatem sacrorum generalium Conciliorum veniendo, sacrum Basileense Concilium damnavit: in quo inter cætera judicatum est gloriosam virginem Mariam, sine peccato originali fuisse conceptam; nec de illo habet Ecclesia aliam decisionem.

Quædam alia statuta pro libito voluntatis (cum venia dictum sit) condendo in perniciem Regni, & Delphinatus prædictorum, & subditorum illustrissimi Principes nostri Franciæ Regis detrimentum: per hoc enim, Canonicas electiones (quibus sancte & salubriter Ecclesiis Metropolitanis, Cathedralibus, Monasteriis, & aliis, Collegiatis



„giatis Ecclesiis eorumdem Regni & Del-  
 „phinatus providebatur) destruxit : hujus-  
 „modi Ecclesiarum provisiones cum vacave-  
 „rint , sibi reservando : collationesque &  
 „impetrationes beneficiorum (*non expresso ve-*  
 „*ro valore*) irritas esse declarando ; subditos  
 „regni , in prima instantia per Cardinales &  
 „Curiales Sedis Apostolicæ , passim vocan-  
 „do ; & nominationes Universitatum , in  
 „parte reprobando , & damnando. Ita ut  
 „à modo si talia statuta tolerarentur , non  
 „his quibus virtutum merita , & literarum  
 „scientia , sed quibus pecuniarum acer-  
 „vus , & potentum favores suffraga bun-  
 „tur , ad ipsarum Ecclesiarum , non dici-  
 „mus regimen , sed proh dolor ! perniciem  
 „& ruinam , assumentur : cum hujusmodi  
 „personarum mores & vita , non perscruta-  
 „buntur , indigni sæpius ad regimen assu-  
 „mentur animarum , contra sacri generalis  
 „Basileensis Concilii salutiferum statutum ;  
 „recte judicans , nihil esse quod Ecclesiæ Dei  
 „magis officiat , quam quod indigni assuman-  
 „tur Prælati ad regimen animarum : & pro-  
 „pterea statuens , ut is ad quem pertinet ele-  
 „ctionis confirmatio , processum electionis  
 „faciat , & electi personam diligenter exami-  
 „net , antequam eidem electo munus confir-  
 „mationis impendat , pœnam contra facien-  
 „tibus imponens-

„ Per hæc etiam & alia , quæ idem Domi-  
 nus

nus Leo statuendo decrevit, viris studiosis, & literarum scientia pollentibus, spem promotionis ademit, & aptissimum modum facultates & substantiam totius Regni & Delphinatus exhauriendi invenit; quo etiam hujusmodi Regni & Delphinatus subditi, improbis machinationibus ad Curiam Romanam evocentur, & indebitis vexationibus fatigentur.

Hujusmodique sic noviter editis statutis, jam dictus Dominus Leo PP. Serenissimum Principem nostrum Franciscum Regem modernum, in partibus Italicis agentem, in maximo strepitu armorum, consensum præbere, quorundam suasu coëgit. Et ne promissionis infractor idem Princeps illustris videretur, jam dicti Domini Papæ monitis obtemperans, hæc quæ dicta sunt, de novo edita statuta, (quæ CONCORDATA vocantur) ruinam Ecclesiæ totiusque Regni inde imminens non attendens, nobis, dictaque Universitatē, & aliis quorum intererat, non vocatis, nec auditis, publicanda esse imperavit: non dijudicans quam ei, dictoque Regno, & Delphinatui, ac subditis perniciosa esse viderentur.

Ex quibus, Nos RECTOR, ET UNIVERSITAS, gravatos, læsosque, & oppressos esse sentientes, cum per ea ad superius enarrata incommoda sensim deveniri posse prospiciamus; idcirco, à DOMINO NOSTRO

„ PAPA non recte consulto, & jam dicti sacri  
 „ Basileensis Concilii, & ei adhærentis PRA-  
 „ GMATICÆ SANCTIONIS statutorum abroga-  
 „ tione, novorum statutorum editione, consen-  
 „ sus præstatione, ac attentata illorum quadam  
 „ publicatione, & omnibus inde sequutis &  
 „ sequuturis (tam pro nobis, quam omnibus  
 „ & singulis suppositis ipsius Universitatis, &  
 „ nobis, ac illi adhærentibus, & adhærere  
 „ volentibus) ad futurum Concilium legitime  
 „ ac in loco tuto, & quem libere, & cum se-  
 „ curitate (nos eadem Universitas, vel à no-  
 „ bis & ab ea deputandi) adire poterimus : &  
 „ ad illum vel ad illos, ad quem seu ad quos de  
 „ jure, privilegio, consuetudine, vel alias  
 „ nobis provocare & appellare licet, provo-  
 „ cavimus & appellavimus, prout in his scri-  
 „ ptis provocamus & appellamus instantes,  
 „ instantius, & instantissime : protestantes,  
 „ *banc appellationem prosequi per viam nullitatis,*  
 „ *abusus, iniquitatis, vel injustitiæ :* & alias,  
 „ prout melius poterimus, optione nobis re-  
 „ servata (stantibus in testimonium vocatis)  
 „ addendi, diminuendi, mutandi, corri-  
 „ gendi, & in melius reformandi, omnique  
 „ alio juris beneficio, nobis ac nostris adhæ-  
 „ rentibus, & adhærere volentibus, semper  
 „ salvo.

„ Datum & actum Parisiis, in nostra Con-  
 „ gregatione generali, apud Sanctum Ber-  
 „ nardum solemniter celebrata, anno Domi-  
 „ ni

ni M. D. XVII. die XXVII. mensis Martii “  
ante Pascha. “

Postmodum vero , præinserta appella- “  
tione si interjecta, die I. mensis Aprilis, vir “  
venerabilis Magister Arnulphus Monnart “  
in artibus Magister , & in Jure Civili Licen- “  
tius , noster Procurator generalis , & ad “  
hoc specialiter constitutus , coram venera- “  
bili circumspecto viro Magistro GULIELMO “  
Huc utriusque juris Licentiatu , insignis “  
Ecclesiæ Parisiensis Decano , tanquam co- “  
ram persona authentica , & in dignitate “  
constituta , personaliter comparens , cum “  
illum seu illos , ad quem seu ad quos appel- “  
lamus , adire non possimus , hujusmodi Ap- “  
pellationem , & contenta in ea , nomine no- “  
stro , & pro nobis intimavit , insinuavit , & na- “  
tificavit : Apostolos , cum instantia debita sibi “  
dari petiit , & requisivit. Qui quidem Domi- “  
nus Decanus , cum reverentia & honore de- “  
bitis , eidem Appellationi reverenter detulit , “  
& Apostolos reverentiales , & tales quales “  
de jure , & consuetudine , vel privilegio “  
dare poterat & dedebat , dedit & conces- “  
sit. “

Acta fuerunt hæc ultimo dicta & facta , in “  
Ecclesia Parisiensi , anno & die prædictis , “  
præsentibus ibidem venerabili & scientifico “  
viro Magistro Petro de Valle in Theologia “  
Doctore , Canonico dictæ Ecclesiæ Pari- “  
siensis , & Magistro Arturo Alouff in arti- “

„ bus Magistro , testibus ad præmissa vocatis  
 „ & rogatis.

„ Sic signatum LE ROUX, ET HUBERT,  
 „ & sigillata in duplici cauda & cera rubea,  
 „ magno sigillo dictæ Universitatis.

„ Hæc Appellatio Universitatis Parisiens. ope  
 „ antiquiorum exemplorum , mendis innumeris  
 „ quibus scatebat expurgata & suo nitore restitu-  
 „ ta est.

## C A P U T V.

I. *Historia rerum memorabilium quæ abrogationem sacrarum electionum in Galliis totaque Europa sequuta sunt.*

II. *Lutherus eodem anno quo Concordata vulgantur , quæ suum turpissimum indulgentiarum acriter reprehendit.*

III. *Adriani VI. PP. Epistola ad Principes Germania de necessitate Ecclesiæ reformanda in Capite & in membris.*

IV. *Concilium novem virorum aut Selectorum Cardinalium de Ecclesiâ in Capite & in membris Reformanda jussu Pauli III. editum : quod fuit tanquam Synodis Tridentina præmium.*

V. *Hæresi Lutherana invalescente Rex Franciscus Parisienses Theologos consulit devia & ratione comprimenda Hæreseas : Item super Articulis Melancthonis , quos Germania Principes ad Gallia Regem miserant.*

VI. *Articuli Theologorum Parisiensium contra Doctrinam Lutheri Edicto Francisci I. vulgantur in Galliis.*

VII. *Historia Concilii Tridentini & de Ecclesiâ Reformatione ibidem compacta.*

VIII. *Andræ Mafsi pia querimonia de præsentis Conditione & statu Ecclesiæ.*

IX. *Utrum Doctores Catholici propter hodierna Schismata & Censuras silere ac necessitatem Ecclesiæ Reformanda tegere teneantur.*

I. **P**RO Coronide actionum Parlamenti & Parisiensis Academiae in negotio Sanctionis pragmaticae, rescire opus est: quamdiu sacrae electiones floruerunt in Gallis tandiu & Regno & Regibus omnia fausta atque prospera contigisse. Contra vero post pragmaticae antiquationem, infelicia velut ex intimo Pandorae sinu effusa, undequaque ingruisse. Profecto sicut posterioris generis exempla in Francisco Valesio: sic prioris in B. Ludovico & Carolo VII. nobis large suppetunt.

Enimvero cum temporis progressu sacrae electiones ab Apostolis & Ecclesiae primitivae Patribus propagatae servari desiissent in Gallis, eos S. Ludovicus sua pragmatica sanctione in integrum restituit, quas deinde Curia Romana cum Avinione federet penitus abrogavit: tumque demum Carolus VII. qui circa annum M. CCCC XXII. Regni capeffit gubernacula omni studio redivivas excitavit: quocirca magnis est à Deo cumlatus beneficiis: Anglos enim non modo Belsia, Campania. Picardia, Lutetia, atque aliis urbibus, quas Burgundionum factionibus invaserant, sed etiam tota Normania, quam per triginta, & Aquitania quam per ducentos ferme annos occupaverant unius anni decursu, non absque manifesto Dei numine, & auxilio fugavit: Adeo quidem ut Carolus tot tantasque Provincias à bellicosissima

fima gente occupatas, non tam armis subigere, quam velut in altissima pace sui oblectandi gratia perlustrare crederetur.

Historiæ memorant, post Canones Synodi Constantiensis & Basileensis missos in rem judicatam à Gallis, multos Episcopos Galliarum sacris electionibus inauguratos, tam superstitibus quam mortuos claruisse miraculis: quos inter Joannem Michaëlem Andinum Episcopum; & virum nobilissimum Ludovicum Alemanum Episcopum Arelatensem numerant: Hic autem, ut doctor privatus, Theologiæ Pisano & Constantiensi Concilio interfuit: Deinde à Martino quinto creatus Cardinalis, postea in Synodo Basileensi ex præscripto XVII. Sessionis factus Præses Concilii, desiderio recuperandæ & melius emendandæ disciplinæ Ecclesiasticæ, per multos exantlavit labores. Hercle antequam Æneas Sylvius ad partes Curiae Romanæ transmigrasset, Cardinalem Arelatensem divinis in cœlum extulit laudibus atque ringente invidia, nemo illius vitæ integritatem & sanctimoniam in dubium unquam revocavit.

Ferunt Ludovicam Sabaudam Francisci Regis Matrem cum nullos ex suo corpore liberos procreare posset, singulari veneratione erga B. Franciscum de Paula Fundatorem Ordinis Minimorum propensam fuisse: atque hujus sanctissimi viri precibus filium à Deo impe-

impetrasse, eumque hac de causa Franciscum  
 indigitari voluisse : B. autem Franciscum de  
 Paula pridem antequam è vivis excederet  
 Ludovicæ Sabaudæ prædixisse Franciscum  
 Valesium filium regnaturum in Galliis, cæ-  
 terosque seculi sui Principes gloria, opibus,  
 & felicitate longe superaturum, si modo ad  
 Ecclesiæ emendationem animum adjuge-  
 ret. Contra fore infortunatissimum, si Ec-  
 clesiæ Reformandæ rationem detractaret.  
 Quæ B. viri monita, si ad res à Francisco ge-  
 stas referamus, pro divino habebuntur ora-  
 culo. Nam ab eo die quo Franciscus Valesius  
 jus sacrarum electionum antiquari passus est,  
 quid non infortuniorum & calamitatum per-  
 tulit? Et tamen eo tempore vixdum annum  
 vigesimum ætatis attigerat : neque tam suo  
 quam aliorum ductu atque impulsu pragma-  
 ticam spe obtinendæ pacis antiquabat. Ni-  
 hilominus pace quam se firmissimam habere  
 putabat, nunquam ipse, neque tota ejus pro-  
 genes potiri valuit : & cunctas Italiæ Dyna-  
 stias quas præter cætera retinere ambiebat,  
 funditus perdidit. At Leo X. qui ad lactandæ  
 juvenilis ætatis Francisci, eidem totius Im-  
 perium pollicebatur : Jamque per Antici-  
 pationem vanum Constantinopolitani Impe-  
 rii titulum conferre gestiebat : ubi Con-  
 cordata ex animi sui arbitro bene constituta  
 vidit in Galliis, Francisco turpissime deserto  
 Carolum Hispaniæ Regem ad Germanicum  
 evexit



evexit Imperium, contraque Gallos armavit. Unde illa nostris luctuosissima Papiensis Clades Anno Domini 1525. Die XXV. Februarii Sacro B. Matthiæ : in quo deligendo Apostoli jus sacrarum electionum primitus consecrarant, Sanctumque Matthiam cum B. Stephano protomartyre, juris hujus Sacrosancti vindices ac tutelares Cap. I. & VI. Actorum constituerant.

Observatum quidem universos Francisci Liberos & Nepotes, quanquam frequentes corpore quidem & animo strenuos, vix tamen à die promulgationis Concordatorum sex & sexaginta annos in Galliarum Regno perennasse, florentique ætate omnes raptos fuisse : Atque insuper inter alios Franciscum Delphinum hausto venenato poculo die tertia Augusti sacra inventioni S. Stephani ultimum diem clausisse. Ut hinc discant Principes Christiani, non esse Consilium contra Dominum, frustra que homines *ponere carnem brachium suum.*

Certe Franciscum Regem, cum esset affinis morti, infortuniorum suorum atque odii quo præsertim apud Ordinem Ecclesiasticum flagrabat sibi conscium, Henrico filio Regni Hærede accersito, ei lacrymando præcepisse memorant, ut sacras electiones Ecclesiæ ademptas bona fide restitueret, seduloque in Franciæ Regno servari caveret. Nicolaus Gillius nobilis Gallorum Historicus, qui Ludovico

dovico XII. regnante florebat, refert, sub Francisco I. Ecclesiasticos cura gregis ac puro & simplici vitæ genere quod antea sequebantur relicto, Aulam Regiam, ut gratiam Principis & beneficia pinguiora ab illo redimerent, frequentare, & luxum profusissimum adamare, cœpisse: Hocque pestilens fermentum alios Regni ordines sensim invasisse & contaminasse: cunctasque Regni Provincias ad pertusum aulae dolium complendum exhausisse. Etenim Pragmatica vigente cum omnes Episcopi, Abbates, alique prælati suo jugiter excubarent officio, atque annuos beneficiorum suorum proventus in natali solo diœcesium atque Abbatiarum insumerent, & Pauperes totius Provinciæ non modo instaurent: verumetiam multa nova construerent: sub Francisco omnia in luxum aulicum effusa sunt: Cumque uni antea per electiones unicum modo crederetur beneficium: plura & quidem incompatibilia, ut vocant, unius hominis abdomini curando, Bononiensibus Concordatis largita sunt: & Commendæ, certissima tum Ecclesiasticæ cum Monasticæ disciplinæ pestis, ac fundi Ecclesiastici calamitas, in solidum perpetuumque Titulum ad eam quam deplorandam intuemur speciem evectæ sunt. Omitto innumera vectigalia tum excogitata atque imposita necnon etiam nova officia partim ærarii, partim fisci & tribunaliorem judicio-

rum

rum constituta, & vœnum exposita ad sumptus aulicos proferendos : atque Ludovici XII. Principis æquissimi atque moderatissimi justitiam, æquanimitatem, ac pietatem erga subditos in dies magis ac magis desiderari : Et Deus bone tanti Italiæ Imperium à Gallis redemptum ! In quo tamen præter sepulchra majorum ac imprudentiæ & infortunii sui monumenta, nihil quicquam hodie possident : Quodque magis dolendum, non Italorum virtutes sed potius vitia & subtiles artes quæstuiarias, quæ in mores nostros altissime penetrarunt, inde reportavimus.

Qui annales Ecclesiasticos revolverit, aut nullos aut paucos tam florenti ætate ad Pontificiam dignitatem quam Leonem X. evectos comperiet. Siquidem XXXVI. ætatis anno forma, valetudine, Pontifex renunciatus, octo circiter annis post, in quadragesimo quarto vitæ obiit. Guichardinus Lib. decimo quarto Historiæ memorat, Leonem ubi Gallos ab Hispanis profligatos & Mediolano exclusos accepit, tantis incessisse lætitiis, ut præ nimio gaudio expirarit, de cuius repentina morte Sannazarius Italus hoc evulgavit distichon :

*Sacra sub extrema si forte requiritis hora*

*Cur Leo non potuit sumere, vendiderat.*

Proculdubio, ut de aliis Leonis gestis si leamus, Majores nostri sacra vendere appellabant, dare aut conferre beneficia sub certo

&

& condito pretio, nimirum Annatis persolutis : eamque ob causam omnes Christianæ nationes in Synodo Constantiensi Annatas Simoniacas esse declararunt : ut Sessione XLI. Constantiensi & vigesima prima Synodi Basileensis supra observavimus : Et dehinc Universitas Parisina in Appellatione ad Concilium de Pragmaticæ Sanctionis abrogatione nominatim notavit. Neque vero Curiales hanc petitionem aliter eludunt quam figmentis suæ imaginariæ Monarchiæ absolutæ: quasi Pontifex esset Dominus omnium beneficiorum : quæ omnino repugnant potestati ministeriali Spirituali qua Papa solum donatus est, ut alias probavimus.

Sed ut ad nostræ Historiæ filum revertamur, memoriæ proditum est, Cancellarium à Prato, cujus hortatu & consilio Bononiensia pacta cauponata sunt: quique hoc turpi atque infelici mercimonio viam sibi ad Cardinalatum, perpetuamque legationem in Galliis stravit : nunquam dehinc gratum fuisse Regi Francisco : atque ejusdem Pratenfis domum perpetua vexatam Nemese. Hercle cum ingentem summam pecuniæ ad instaurandam majorem Aulam Nosocomii Parisiensis, quæ etiamnum hodie Aula Legati nuncupatur, Pratenfis impendisset : Franciscus ubi id rescivit, jocosè, verissime tamen, tota regia audiente dixit, Legatum quamquam semetipsum omniaque sua curandis & hospitandis

pauperibus quos exspoliaverat, impenderet, nunquam tamen posse illis satis ampla & com-  
moda instruere Xenodochia. Proh. hominum  
fidem & probitatem ! Opes & bona Ecclesia-  
stica tanquam Cœlestis & inexhaustus the-  
saurus non alicui privato & singulari homini,  
sed toti Ecclesiæ Communitati credita & col-  
lata, sacris electionibus vigentibus, cum ve-  
lūt quoddam Cœleste depositum & fidei  
commissum, partim sacrarum ædium fabri-  
cis, atque Ornamentis Ecclesiasticis compa-  
randis : partim Ministris Ecclesiæ & pauperi-  
bus alendis, vestiendis, medicandis, & ho-  
spitandis inservirent : Concordatis Bononien-  
sibus, curando & saturando paucorum homi-  
num luxui, atque etiam Nepotibus Eccle-  
siasticorum in morem Principum secularium  
locupletandis omnino addicta sunt. Quod-  
que magis lugendum, hoc in consuetudinem  
ordinariam ita abiit, ut jam nullus sit qui non  
palmarium arbitretur bonis Ecclesiasticis di-  
tari & splendescere. Ut ut sit, apposite qui-  
dem Optatus Milevitanus ait *Deum in singulis  
rebus exemplorum apposuisse formam : ut sit quod  
imputet imitantibus prima peccata.*

Quis totius Ecclesiæ Gallicanæ, sed præ-  
sertim Parisiensis Academiæ plāctus incre-  
dibiles scriptis digne mandare queat ? Cum  
enim tanquam ex alta specula imminentem  
Ecclesiæ & bonis moribus ruinam ex sacra-  
rum electionum abdicatione prospiceret. nul-  
lus

lus tum Scholafticus, Pædagogus Magifter-  
ve extitit, qui in Pratenfis Cancellarii & Con-  
cordatorum odium, non aliquid dixerit, fcri-  
pferit, aut factitarit: Gymnafii Pleftæi Scho-  
laftici, Pratenfem Centonibus atque purga-  
mentis personatum effinxerunt, magnæque  
Scholafticorum turba fefe ad Collegium Pleft-  
æum adgregante, Legatum fic difformatum  
& inquinatum, velut reum & piacularem ho-  
ftiam in B. Mariæ atrium exhibent, accusant,  
patratique in Ecclefiam fceleris damnant: at-  
que univerfa Civitate ad fpectaculum advo-  
lante, omni genere contumeliarum luto ac  
fordibus confpurcatum populo execrandum  
ignominiofe exponunt. Tumque res haud  
longe à tumultu & feditione, cui tolum Dux  
deerat abfuit, ut narrant Historici hocque  
Epigramma cujus meminit Genebrardus in  
Chronologia per omnes vicos & plateas urbis  
affixum eft:

*Prata, Leo, Mulier, frendens Leo rodit utrumque:*

*Prata, I. eo, Mulier, fulphuris antra petant.*

*Prata, Leo, conforte carent, mulierque marito,*

*Connubio hoc jungas; Cerberus alter erunt.*

Nam ut idem ait Genebrardus, *Leo Pontifex, Regis mater & Cancellarius à Prato hujus facinoris auctores habebantur.* Hic premo filentio quoddam populare diafyrcticum: *Concilium cleri fle: quicquid habes fera riffle, &c.* partim Latina partim vulgari Lingua ex his folennibus Jurifconfultorum formulis contextum: *Do ut*

*des, facio ut facias* : quo Dicterio & Regem & Pontificem velut de Ecclesiæ & Christi opibus colludentes culpabant : Profecto specie Bellici Turcici, decima super Clerum imposita quæ ab illo die continuat, æternumque continuabit : neque tamen plus adfert subsidii populo, quam aquam in dolum rimosum Danaidum congesta. At nequitia Magistri qui Francisco Regi Auctores fuerant ut cum Leone hæc iniquitatis mysteria pacisceretur (sic enim ea vocat Genebrardus in Chronologia) cum fortissimo Principi futurum sponderent, ut ex ejusmodi pactis & jure nominationis ad beneficia, deinceps Gallia Reges totum Clerum Gallicanum quasi popismate ex animi sui arbitrio flecterent : nescio quo Dei occulto judicio contrarium usu evenit. Nam compertum est, Ecclesiasticos quamquam Regum nostrorum munificentia ad opes atque fortunas Principum evectos, attamen neque Franciscum Regem neque ejus stirpem aut illorum successores ex animo unquam ut par est adamasse : plurisque Curia Romanæ quam Regum Mandata semper fecisse : de majori parte loquor. Hinc illæ Francisci I. adversus Stephanum Poncherium ultimum Episcopum Parisiensem Jure electionis promotum, querelæ : quod tempore suæ captivitatis in Hispania, rebus novis studuisset, partim ut impediret ne Rex liberaretur ab Carolo V. partim ne Ludovica Sabauda Francisci

cisci Mater Regni gubernacula, *Regentiam vocant*, capefferet. Quid hic Civiles Tumultus anni 1566. sub Henrico III. & gesta Ecclesiasticorum, post Henrici Magni cædem sub infirma Ludovici XIII. ætate atque regimine commemorem. Profecto stante Pragmatica nulli Gallicanæ Ecclesiæ libertates Regni & Regum nostrorum jura, dignitatem ac majestatem contra Curia Romanæ usurpationes fortius atque animosius ipsis Ecclesiasticis tuebantur. Sed postquam semel arcanis Curia Romanæ Consiliis atque ambitione delibuti & inescati sunt, hercle supremam Ecclesiæ Catholicæ, Regis & Regni Gallicani auctoritatem potestati absolutæ Pontificis sic addixerunt ac manciparunt: ut anno 1615. in publicis trium ordinum Regni Conventibus, Franciæ Regem à Pontifice Romano abdicari posse contenderint: ac Cœlum Terræ miscuerint ut hæc eorum opinio pervinceret: adeo quidem, ut ordinem Nobilium, quod monstro simillimum est, in suam opinionem factiose abduxerint. Proculdubio, quandiu jus commune integrum stetit, Episcopi Romanum Pontificem velut Petri Successorem atque Ecclesiæ Catholicæ Primatem suspiciebant & venerabantur: Abrogatis vero electionibus jugum absolutæ infallibilis Monarchiæ subire coacti, tum demum in aliquam partem hujus pretii etiam proportionatim venire, sequi pariter absolutos Mo-



narchas venditare, in suo Episcopatu blandiente Cathedra sibi facile persuaserunt.

Sed ut nos ex hoc diverticulo domum referamus : cum ordo amplissimus Parisiensis Academiae audiendæ super damnis & gravaminibus quæ à Concordatis importabantur diem indixisset , Magister Joannes Bochar-  
dus Syndicus & Patronus omnium Universi-  
tatum Regni Franciæ causam peroravit : &  
quia tum moris erat causarum actoribus , ab  
aliqua voce eximia Sacræ Scripturæ dicendi  
principium facere : Ille cum demonstrare vel-  
let cunctas Franciæ Academiae vehementer  
exoptare consortes esse luctus & mœroris quo  
tota Gallicana Ecclesia , Senatorius ordo ,  
omnesque boni & pii viri contabescebant , sic  
est exorsus, *Desiderio desideravi hoc Pascha man-  
ducare vobiscum*. Deinde , inter innumera Ar-  
gumenta quibus Concordatorum nullitatem  
oppugnabat , eaque solum via facti nullo juris  
ordine servato condita esse , hoc primum oc-  
currere convincebat , quod Pragmaticæ ab-  
rogatio & concordatorum fabrica eodem  
plane die & sub eadem data condita fuissent :  
Idque demonstrare , Curiam Romanam , ni-  
hil aliud in hac re pensi habuisse , quam ut  
via facti , nullo prævio examine inaudita Ec-  
clesia Gallicana sacras abrogaret electiones ,  
quæ palladium erant Ecclesiæ. Causa autem  
perorata Bochar-  
dus publicæ addictus est cu-  
stodiæ & Pontifices Romani , ut justum Par-  
lamenti

lamenti dolorem lenirent, atque Senatum & Libellorum supplicum Magistros in suas partes allicerent : tum demum singulis illorum, facultatem indulti ut nominant de alieno non de suo largiti sunt : Idque Franciscus Rex edicto suo comprobavit Anno 1543. die 13 Martii, hucque abusus evaserunt, ut Senatores & Libellorum supplicum Magistri, cum aliquos seculares aut regulares Clericos pro jure indulti sui, quasi eis gratificari vellent, nominarint: postea ubi beneficium sub titulo nominati obtinuerunt, eum quem nominarunt etiam sub pœna Carceris beneficium ejurare cogant : & ita confidentiam publico judicio & Regis auctoritate palam atque aperte tuentur.

Permuli cruditione ac pietate celebres viri existimant Ecclesiæ Catholicæ visceribus plagam longe periculosiorem impactam hujusmodi Concordatis quam Lutheri aut Calvinii detestandis erroribus: hancque suæ opinionis causam assignant. Quod fides & doctrina Catholica Christo lapidi & petræ angulari hæreat immobiliter ac magno veritatis privilegio, tenebræ contra lucem, mendacium in veritatem, hæreses in Evangelium, & portæ inferi adversus Ecclesiam Catholicam nunquam prævalituræ sint, Matthæi XVI. contra autem adversus Ecclesiæ regimen, disciplinam ab Apostolis propagatam & mores hominum facile obtineant, nisi turri

& macerie à Christo Matthæi XXI. ædificata obvallentur atque muniantur. Quæ turris ac sepes nihil est aliud quam jus commune, sacræ electiones, & optima disciplina octo primis universalibus Conciliis servata & consignata : cujus ope Ecclesia tanquam lege viva & animata divinitus gubernatur : bonique acres, & vigiles canes & Pastores custodiendo, pascendoque gregi præficiebantur. His autem cœlestibus munimentis & aggeribus antiquatione Pragmaticæ disturbatis atque everfis : certe hoc Esaïæ I. Oraculum de Ecclesia jam complementum accepisse videtur : *Et derelinquetur filia Sion ut umbraculum in vinea, & sicut Tugurium in Cucumerario & sicut Civitas quæ vastatur hostili exercitu.* Qua divina voce ad exprimendam Ecclesiæ ruinam Concordatis invec̃tam, nulla aut significatior aut potentior excogitari potest : Quoniam sub Urbis ab hostibus captæ imagine, præsentem Ecclesiæ statum quantum ad regimen & disciplinam nobis præ oculis exhibet. Domine Jesu Christe ! quantis ab eo die respublica Christiana prostrata est cladibus ? quantum colluviei vitiorum contractum, & sanguinis Christiani ob spem reformandæ Ecclesiæ abdicatam effusum ? *Hinc tota Gallia*, ait Genebrardus, *sed verius dicamus tota universa Ecclesiæ perniciēs : in ea omnis generis Hæreseon, Simoniarum, Commendarum, Fiduciarum, atque aliarum nundinationum seminarium uberrimum :*

scien-

*scientiarum quoque, virtutis, pietatisque exterminatio, & horrenda confusio Babylonica* : quæ disciplinam Apostolicam exterminavit, jus commune & ordinariam missionem à Deo institutam funditus sustulit : Pastorum residentiam, quæ juris est divini & naturalis, ab Ecclesia longe exturbavit : totum ordinem Hierarchicum cum sanctissimis antiquorum Monachorum Cœnobiis ac Institutis corripit : atque in horum locum innumeros novarum Religionum ordines qui certissimum sunt morbi quo Ecclesia laborat judicium non remedium, nulla ratione aut modo adhibitis suffecit. (contra decimum tertium Synodi Lateranensis Canonem sub Innocentio III. *De religiosis domibus Cap. ne nimia religionum diversitas, in decretalibus*) Templâ innumerabilia, Xenodochia, Gymnasia, Scholas, Universitates, aliasque virtutum officinas & sacras domos, majorum nostrorum pietate, frugalitate, nuditate, ac jejuniis multorum seculorum lapsu sacrarum electionum beneficio constructas, & ad nos integre transmissas, paucorum annorum inclinatione dilapidavit, ac solo exæquavit : insuper, omnia Ecclesiarum Collegia & Capitula, tum in proprios Episcopos, cum in decanos & præpositos suos : Cœnobia Monachorum in Abbates Commendatarios, tanquam in hostes infestissimos ac sibi renitentibus datos excivit ; omnemque sensum Charitatis ab ordine Ec-

clesiastico sic eliminavit, ut majorem partem illorum, perennes simultates, jurgia, odia, & lites in sese invicem exercere omnibus exploratum sit. Quotusquisque nisi omnem pietatis & Religionis memoriam cum humanitate exuerit, non acerbissime ruinam Episcopalis atque presbyteralis ordinis defleat? Et si enim hos Dominus noster velut canes pervigiles, lucem, salem, censores, ac mundi regulam esse, libereque & prudenter vitia increpare voluit: Attamen pactis Bononien-sibus quasi ictu fulminis perculsi, in iis quæ sui sunt muneris usque adeo muti, cæci, infatuati, obtortique, effecti sunt, ut quinam sint, qui fuerint, aut unde exciderint nullo pacto cognoscant vel cognoscere queant. Quod si rerum ad Religionem spectantium habenda, ut certe potissimum habenda ratio, equidem ordinis Hierarchici à Deo instituti quam novorum ordinum longe causa potior atque augustior: quando isti suas separatim Ecclesias & sacra ædificant, sibi que privatim potius quam communi & matri Ecclesie Cathedrali serviunt, uti experientia comprob-  
*bat. Cur ergo sicut olim in more positum erat, illa non sunt & hæc minime omittuntur?* E-nimvero, jure communi & sacris electionibus obtinentibus, Episcopi de ordinis Hierarchici propaginibus conferendis, præsertim, sicut ex officio tenentur, erant solliciti: neque ta-  
men Curam Monachorum abjiciebant, cum ordi-

ordini Hierarchico sublevando & propagando usui esse posse cernerent. Quid dicere opus dignitates atque opes Ecclesiasticas, hodie nulla habita ratione Spiritualium quasi pro lomento atque Asylo à permultis nefariis ambiri & possideri? Quotusquisque Pastorum salutem & rectam populi Institutionem propter quam Dominus mortem acerbissimam pertulit, tanto ducit in pretio, quam temporale patrimonium Ecclesiæ? Ecquis ob paupertatem & fortunarum tenuitatem, quamvis innocentiae & vitæ integritati conjunctam, quam propter ullam intamiæ notam opibus atque delitiis affluentem, non multo magis pudore suffunditur? Heu! *Creditur ingens pauperies vitium, caveturque nihil acrius?* Omnes obliti animas hominum Christi sanguine redemptas genuinum esse Ecclesiæ & Domini Patrimonium: *Bone Jesu, cadit Asina & nemo est qui sublevet eam: perit anima, & nemo est qui reputet, nec mirum cum nec nostros quidem assiduos sentiamus defectus*, ait S. Bernardus quarto de consideratione, capit IX. Quid memorem, Ecclesiasticos, qui tanquam lumen & sal terræ exemplo bonæ vitæ secularibus viris prælucere debent, hodie ab iudicibus laicis normam & modum disciplinæ constituendæ mutuari? Unde autem hoc nisi quia post sacras electiones abrogatas nulli amplius census & Synodi habentur? atque beneficia Ecclesiastica, non virtuti sed in obsequi,

quii, faxit Deus ne turpioris, compensationem plurimum deferuntur? Quocirca contra quam in omnibus aliis artibus & vitæ genere accidit, usu experimur, homines invito atque obtorto collo velut in pistrinum mancipia, sic ad sacros ordines solo divitiarum Ecclesiasticarum ambitu sæpissime compingi. Quare pro canibus lupos, pro Pastoribus laniarios, pro Episcopis Mercenarios ac Institores, pro viris vitæ Sanctimonia claris, molles & delicatulos Aulicos infantes octuennes, Mulieres, utque uno verbo dicam, homines pessime in Religionem Catholicam animatos Ecclesiis regendis frequenter præfici videmus. Hæc autem Papa Adrianus VI. integerimus dum ex concordatis posse usu evenire cerneret, dicere solebat, necessum esse Romanis Pontificibus in hanc curam incumbere, ne Franciæ Reges Aulicorum prensationibus circumventi, homines capeßendis Sacerdotiis minus idoneos nominarent: Hocque nisi Pontifices à Regibus impetrarent, jus sacrarum electionum abrogatis nominationibus in integrum restitui oportere. Quamobrem ab Adriani VI. Pontificatu Curia Romana in Bullis & diplomatibus beneficiorum Gallicanorum nominatim causatur atque excipit, se prætextu & colore Concordatorum ejusmodi beneficia ad Regiam nominationem conferre. Egregiam certe exceptionem: quasi ipsi met Pontifices istarum pactio-

num

num & antiquationis sacrarum Electionum  
 velut Schismaticarum primi auctores non ex-  
 titerint : & Franciscus ad Curiae Romanae  
 gratiam sibi conciliandam, pacemque ab ea  
 redimendam istam foedissimam nundinatio-  
 nem accipere non coactus fuisset : eo praeser-  
 tim tempore quo & Julius II. & Leo X. armis  
 & bellicis copiis instructissimi haud aliter ad-  
 versus Constantiensis atque Basileensis Con-  
 cilio decreta & sanctionem Pragmaticam  
 quam olim Alcides in Lernam, & Jason ac cæ-  
 teri Argonautæ in tauros ignivomos ad vellus  
 aureum captandum depugnabant. Quod au-  
 tem majori dignum odio, isti pestilentes abu-  
 sus & deformitates Curialium, ita quidem  
 caput attollunt atque triumphant, ut his infe-  
 licissimis temporibus in locum juris commu-  
 nis & disciplinae ordinariae Ecclesiae invase-  
 rint & transformata sint. Quamobrem Epi-  
 scopi, Reges, Principes, Nobiles, Senato-  
 res, atque ipsemet Populus Regni Franciae,  
 qui ab istis pactationibus tanquam à communi  
 Ecclesiae calamitate initio abhorrebant, tuæ  
 demum propriae utilitatis illecebra, istas vo-  
 micas & carcinomata, quasi messem auream  
 coelitus demissam complexi, tutatique sunt :  
 Ita ut datus sit locus Prophetæ vaticinio, *Do-*  
*mina gentium quasi vidua facta est sub tributo, &*  
*non est qui confoletur eam : Hereditas nostra versa*  
*est ad alienos, &c.* Cum igitur morbi, injuriæ  
 atque corruptelæ illinc unde medicina jura-  
 que



que salutaria debebant promanare scaturiant: Quotusquisque & de Ecclesiæ in melius instauratione, & de publica salute spem omnem non merito abjiciat? Quandoquidem Dominus usum Synodorum Matthæi XVIII. ad Jus Commune, sacras electiones, & disciplinam Apostolicam vindicandam, minime vero ad universalem statum & ordinem Ecclesiasticum labefactandum & pecunias corradendas fancivit, sicut postrema Synodo Lateranensi factum est. Quod si nimix opes & divitiæ tanto sceleri causam atque fomentum præbent: Heu! potius male pereant, quam per & propter istam farcinam, Religio & fides Christiana sic in dies ad has angustias & ad paucos coarctetur. Pro dolor! quicquid antea bonæ & laudabilis consuetudinis, quicquid vitæ sanctioris, quicquid ordinis ac disciplinæ exactioris, quicquid insuper Charitatis, optimorumque exemplorum ab electis Pastoribus tanquam à lege viva & lumine mundi tenebras depellente splendescibat, Concordatis Bononiensibus plane extinctum est: atque divina & humana jura venum exposita, ac virtuti omnis obstructa via, & pretium in solo constitutum pretio. Quandoquidem hodie in commune cessit effatum: *Non esse Simoniacum pecuniam dare pro beneficio tanquam aliquod motivum gratuitum ad resignandum: & pacta redimibili pensione, licitum secure pacisci de beneficio.* Quibus principiis in usum  
inva-

invadentibus, nullum est plane beneficium aut Ecclesiastica dignitas, etiam ipse Papatus, de quo non liceat pacisci & concordare.

Cæterum Leo X. & Franciscus I. quos parentes literarum nominant, tametsi viros doctos undequaque ad se accersendo & quibusdam stipendiis ornando in speciem bonas & ingenuas artes juvisse & erexisse credantur: nihilo minus eas radicitus extirparunt: quippe qui cunctas universitates patronis atque fundatoribus vacuarint, artium bonarum studiosos Mæcenatibus, Scholas omnes Professoribus, aliisque viris doctissimis, qui magno literarum & literatorum bono in Gymnasiis consenescere solebant privarint. Enimvero, hæc fuit quondam Episcoporum sacris sumptorum electionibus virtus, ut in maximam gloriæ & salutis suæ partem ducerent, si ad melius informandam & erudiendam juventutem, Collegia, Scholas, & seminaria instituerent: Nosocomia fundarent, atque alia ejusmodi monimenta suæ pietatis certatim in usum reipublicæ Christianæ ædificarent. Hodie autem vix ac ne vix quidem illis superat unde luxum fastumque aulicum perferre, familiam amplissimam alere, refecire, ac pigmentis variis instar pavonum aut fasianorum exornare queant. Idque est in causa ut ordo Hierarchicus maximam bonorum Pastorum atque presbyterorum doctorum penuriam sentiat, atque in dies singulos tot tantaque

nova

nova Religioforum Cœnobîa in magnum ordinis Hierarchici & Christianæ reipublicæ detrimentum, & quidem potius ad obtegendum atque involvendum quam ad sanandum vulnus erigantur à Pontificibus. Quos & similes abusus, homines obnoxii ut suas merces facilius exponant ac venditent, his & consimilibus placitis incrustare nituntur : Scilicet *Papam neque ut Papam neque ut privatam personam errare posse* : *Bellarminus quarto de Romano Pontifice Cap. VI. item Papam neque in approbatione Religioforum, neque in Canonizatione Sanctorum errare posse.* Quorsum autem hæc, nisi ut tanquam infallibilem regulam omnia & singula Curiae Romanæ adinventæ, ritus, & cæremonias recipiamus (licet universum Ecclesiæ statum à Christo & Apostolis institutum pessum dent. Et si quis in contrarium aliquid imaginari audeat, pro Schismatico & Hæretico censeatur?

Verum, hæc mundanæ sapientiæ arcana quominus pateant, & si magno quidem cum artificio ab hominibus obtegantur : (Ne scilicet populus Ecclesiam emendatione indigere cognoscat : & ne cui perspectum fiat à ducentis amplius annis omnes bonos & pios viros in studium emendandæ Ecclesiæ vehementer incubuisse, & nihil quicquam promovisse : ) Attamen Deus optimus maximus sua inscrutabili providentiâ illa tandem in omnium oculis exponi voluit : quoniam illo ipso anno quo  
 Sy-

Synodi Constantiensis & Basileensis decreta-  
cum Sanctione Pragmatica in Synodo Late-  
ranensi à Leone X. abrogata sunt : Lutheru-  
quæstum turpissimum indulgentiarum repre-  
hendit : atque in Curia Romanæ corrupte-  
las, non ut Ecclesiæ filius sed hostis acerris-  
mus detonuit. Siquidem magno veritatis ac  
virtutis præjudicio usu evenire compertum  
est, ut qui amicum recte monentem audire  
detrectat, tandem à proprio inimico corri-  
piatur : quoniam Deus nunquam veritatem  
opprimi patitur. Certe dum apud me per-  
pendo Arrianismum & Monotheletismum, in  
quo de sola doctrina, non de sanandis moribus  
Ecclesiæ certabatur, trecentos circiter an-  
nos continuasse : valde quidem reformidare  
incipio, ne Lutheri & Calvini Hæreses quæ  
potissimum ex regiminis Ecclesiastici corru-  
ptela & morum bonorum tabe originem &  
incrementa hauriunt, multo longius latius-  
que pervadant : nostrique mores corruptissi-  
mi, quod nulla jam ratione sanari posse expe-  
rimur, demum immani Turcorum barbarie  
aut alia memorabili clade justissime & seve-  
rissime conterantur. Quando eo furoris ac  
dementia ventum est, ut jam nec cum pro-  
priis vitiis diutius hospitari, nec ullam eorum  
medicinam quantumvis benignam, & saluta-  
rum perferre queamus. Nam homines obno-  
xii & ad eam rem conducti, statim atque ali-  
quem etiam pium & maxime Catholicum in-

tuentur, qui lapsum Ecclesiasticæ disciplinæ paulo liberius deflet : continuo illum patres & querelas Hæreticorum fovere criminantur. Quid igitur causa tanti mali & corruptellam pertinacius obdurescente atque in dies singulos altius pervadente, superest, quam ut Hæreses & Schismata acrius inflammentur, nosque in illas horribiles ruinas dedant præcipientes, quæ postremis temporibus venturæ, ac illam diem terribilem Domini nostri Jesu Christi acceleraturæ sunt?

II. Cum igitur eodem anno quo pacta Bononiensia promulgata sunt, Lutherus questum turpissimum Indulgentiarum reprehendisset, eamque ob causam à Cardinali Cajetano legato Apostolico in vitæ discrimen vocatus esset : hic fretus quorundam Principum Germanicæ Nationis præsidio, acrius in Curiam Romanam bacchari cœpit, & propter corruptos mores Ecclesiasticorum ejusmodi incendium totam Europam sensim pervasit. Cui malo ut Adrianus VI. optimus & sanctissimus Papa obviam iret primo anno sui Pontificatus 1522. die XXV. Novembris Commentaria fiduciæ, ut vocant, dedit Francisco Cheregato Nuncio Apostolico in Germania, quæ Principibus Germanicæ Nationis proponeret in Conventu Nurembergenfi : quibus Commentariis serio esse navandam operam Ecclesiæ emendationi tum in Capite cum in membris declarat : illa vero quoniam

mirum

mirum in modum ad Historiam Conciliorum faciunt, hic solide exscribam.

**Venerabilibus fratribus dilectis filiis, nobilibus viris, Sacri Romani Imperii Principibus, Electoribus & aliis Principibus, tam Ecclesiasticis quam secularibus, ac etiam Communitatum omnium inclytæ Germanicæ Nationis Oratoribus in diætâ Nuribergensi congregatis.**

III. **I**nstructio pro te D. Franciscæ Cheregate de quibusdam quæ Prælati, Principibus, & Civitatum Germanicarum Oratoribus dicere poteris viva voce, ubi & quando opportunum judicaveris.

In primis declarabis eis maximum dolorem quo affligimur ex profectione Sectæ Lutherane, ob id potissimum quod videmus innumerabiles animas Christi sanguine redemptas & cura nostræ Pastoralis commissas illius occasione à verâ fide ac religione averti, & in perditionem ire: idque in Natione ex qua nobis secundum carnem origo est: quæ ab initio ex quo ad Christum conversu fuit, usque ad istos proximos annos semper extitit fidelissima ac religiosissima: ac propterea nobis vehementissimum desiderium esse ut huic pesti celerius occurratur, priusquam Germaniæ ipsi contingat quod Bohemiæ olim contigit: nosque paratissimos esse ad faciendum omnia in hunc effectum, quæ ex parte nostrâ expectari potuerunt ac summopere desiderare, ut etiam unusquisque eorum hoc ipsum pro viribus facere studeat: utque id faciant nos quantum possumus unum-

quemque eorum hortari & rogare : debebunt autem eos ad hoc monere sequentia.

Primo & ante omnia honor Dei omnis rebus præferendus , qui per istas Hæreses graviter leditur , ejusque cultus consuetus , non solum diminuitur , sed potius ex toto corrumpitur. Item charitas erga proximos , quo unusquisque pro viribus studere debet proximos errantes ab errore revocare. Quod nisi fecerit , Deus eos qui sua negligentia pereunt de manu ejus requiret.

Secundo , monere eos debet infamia Nationis suæ , quæ cum semper præ cæteris Nationibus Christianissima sit habita , nunc propter eos qui Sectam Lutheranam insequuntur apud omnes pessime odit.

Tertio , moneat eos respectus honoris eorum proprii qui maxime leditur : si ipsi apud Nationem Germanicam auctoritate & potentia pollent , Hæreses istas non totis viribus expellere laborant : tum quia degenerabunt à progenitoribus suis viris Christianissimis , qui in Constantiensi Concilio ex magna parte interfuerunt condemnationi Joannis Hus , & aliorum Hereticorum , quorum aliqui ipsum Joannem Hus propriis manibus ad ignem duxisse dicuntur. Tum quia ipsi , vel major eorum pars , Edictum Imperiale in executione sententiæ Apostolicæ contra Martinum Lutherum & suos late factum , approbarunt , ei auctoritatem suam adhibuerunt : & propterea nisi illud pro viribus exequuti fuerint , vel inconstantes judicabuntur , vel etiam favere reputabuntur : cum manifestum sit , eos ubi efficaciter velint , illum exterminare facile posse.

Quarto

*Quarto moneat eos injuria quæ per Lutherum eis & eorum Parentibus ac progenitoribus inferitur. Cum enim ipsorum Parentes & progenitores & ipsimet semper tenuerint fidem quam Ecclesia Romana atque Catholica approbat, & Lutherus sui-que Sectatores longe diversam fidem teneant, asserendo multa non esse de fide quæ tamen illi tenuerunt esse de fide: manifestum est illos à Luthero condemnari pro Infidelibus & Hæreticis: & per consequens secundum Lutherum, omnes eorum Majores qui in fide nostra decesserunt sunt in inferno, quum error in fide homines damnationis reos faciat.*

*Quinto attendant finem ad quem Lutherani tendunt, ut scilicet sub colore libertatis Evangelicæ, quam hominibus proponunt, omnis potestas superioritatis tollatur. Nam licet ab initio præ se tulerint Ecclesiasticam potestatem tanquam tyrannicæ & contra Evangelium occupatam annihilare, seu reprimere velle: tamen cum eorum fundamentum scilicet libertas quam prædicant, æque vel plus militet contra potestatem secularem: quasi scilicet obligare possit homines ad parendum sub pœna mortalis peccati, manifestum est etiam eos illam enervare velle: quamvis astute fecerint illam salvando, ut scilicet Principibus secularibus credentibus machinationem hanc non contra se, sed duntaxat contra Ecclesiasticos (quibus laici communiter insensum sunt) dirigere: ac propterea partim in eorum favorem tractis, partim dissimulantibus, seu non contradicentibus, ipsi facilius Ecclesiasticos everterent; quo factò dubium*



*non est quin populi idem contra seculares Principes tentaturi essent.*

*Sexto, moveant eos maxima scandala, turbationes bonorum, homicidia, lites, dissensiones, quas Secta hæc pessima excitavit, & quotidie excitat per totam Germaniam: Item Blasphemie, Maledicta, Scurrilitates & Amaritudines quæ istis semper in ore sunt: quæ nisi ipsi sedare curaverint, verendum est ne ira Dei & desolatio veniat super Germaniam in se ita divisam: imo semper ipsosmet Principes: qui cum potestatem & gladium à Domino receperint ad vindictam malorum, talia in subditis suis fieri permittant. Maledictus, inquit Propheta, qui facit opus Dei negligenter, & prohibet gladium suum à sanguine iniquorum. Jeremie XLVIII.*

*Septimo, considerent Lutherum prope consimili via ad seducendum Populum Christianum uti, qua Mahometus ille spurcissimus usus, tot animarum millia decepit: permittendo videlicet ea ad quæ homines Carnales inclinantur. Et exinde eximendo eos ab his quæ in lege nostra graviora videntur, nisi quod Lutherus paulo modestius agere videtur, ut eo efficacius decipat. Mahometus plures uxores habendi & eas pro arbitrio repellendi aliasque ducendi licentiam concessit. Iste ut Monachorum & Deo dicatarum virginum ac Sacerdotum, lascivia carnis gestientium favores sibi conciliet, prædicat vota perpetuæ continentia etiam illicita esse, nedum non obligatoria: proptereaque licere eis per Evangelicam libertatem nubere: Immemor verbi*

*Apo-*

*Apostoli cum dicit de viduis adolescentioribus quod cum luxuriatæ fuerint in Christo nubere volunt, habentes damnationem, quia primum fidem irritam fecerunt.*

*Quibus per te expositis & aliis quæ in hanc sententiam, partim ex literarum nostrarum exemplis colligere, partim ex tua prudentia excogitare poteris: hortaberis nostro nomine dictos Principes, Prælatos, ac populos, ut tandem expurgentur & excitentur ad obviandum tam grandi injuriæ, quam Lutherani Deo & Sacræ Religioni ejus, & maximæ ignominie quam toti Nationi vestræ Germanicæ ipsi quemet Principibus, & maxima opprobria atque contumeliam quam majoribus eorum quos, ut diximus, in effectu ad Gehennam condemnant inferre noscuntur: & ad executionem sententiæ Apostolicæ ac Imperialis Edicti facti omnino procedant: & detur venia his qui respicere & errores suos abjungere voluerint, semperque proniores sint ad miserandum quam ad vindicandum: Exemplo Dei nostri, qui non vult mortem peccatoris, sed magis ut convertantur & vivant. At qui in errores pertinaces permanserint, distractionis virga juxta sacrorum Canonum & legum Decreta sic puniantur, ut ceteri eorum exemplo vel in fide recta permaneant, vel lapsi in rectam viam redeant.*

*Quod si quis forte dixerit, Lutherum inauditum & indefensum fuisse per Sedem Apostolicam condemnatum, & propterea audiri omnino debere, nec antequam convictus sit condemnandum esse; Respondetis, quod illa quæ fidei sunt propter divinam*

*auctoritatem credenda sunt, non probanda. Aufer,*  
*inquit Ambrosius, Argumenta: ut fides qua scribitur*  
*Piscatoribus creditur, non Dialecticis. Et recte*  
*fatemur ei defensionem negari non debere in his*  
*quæ sunt facti: hoc est utrum dixerit necne: utrum*  
*prædicaverit vel scripserit necne; semper divino jure*  
*vero, & materia Sacramentorum stando aucto-*  
*ritati Sanctorum & Ecclesiæ. Adde quod fere omnia*  
*in quibus Lutherus ab aliis dissentit, sunt per di-*  
*versa Concilia prius reprobata. Non debet autem*  
*revocari in dubium quod per Concilia generalia &*  
*universam Ecclesiam constat esse approbatum tan-*  
*quam fidei tenendum. Injuriam namque facit Ec-*  
*clesiæ Synodo qui semel recte disposita nititur in du-*  
*bium revocare? Quid enim unquam certi esse poterit*  
*inter homines? vel quis disputationum contentio-*  
*numque finis erit, si presumptuoso & perverso cui-*  
*que libertas seu licentia erit, recedendi ab his quæ*  
*non unius neque paucorum, sed tot seculorum &*  
*tot sapientissimorum consensum & Catholicæ Eccle-*  
*sia (quam Deus in his quæ fidei sunt nunquam erra-*  
*re permittit) determinatione sancita sunt: Cum*  
*tamen unaqueque Civitas leges suas inviolabiliter*  
*observari exigat. Quomodo non omniaurbationi-*  
*busscandalis, & confusione plena erunt nisi ea*  
*quæ semel imo sæpius maturo iudicio constituta sunt*  
*ab omnibus inconcussè observentur? Cum igitur*  
*Lutherus & sui Concilia Sanctorum Patrum con-*  
*demnent, Sacros Canones comburant, & cuncta*  
*pro arbitrio suo confundant, ac totum mundum*  
*perturbent: manifestum est eos tanquam publicæ*  
*Item*

*pacis turbatores exterminandos esse.*

*Item dices nos ingenue fateri, quod Deus hanc persecutionem Ecclesiæ suæ inferri permittit propter peccata hominum: maxime Sacerdotum & Ecclesiæ Prælatorum. Certum enim est non esse abbreviatam manum Domini, ut salvare nequeat, sed peccata dividere inter nos & ipsum, & abscondere faciem suam à nobis ut non exaudiat; clamant Scripturæ peccata populi derivari à peccatis Sacerdotum: proptereaque ait Chrysostomus, Salvator noster curaturus infirmam Civitatem Hierusalem ingressus est prius Templum, ut peccata Sacerdotum primo castigaret instar boni medici, qui morbum à radice curat. Scimus in hac sancta Sede aliquot jam annis multa abominanda fuisse: abusus in spiritualibus, excessus in Mandatis, & omnia denique in perversum mutata. Nec mirum si ægritudo à Capite in membra, à summis Pontificibus in alios inferiores Prælatos descenderit. Omnes nos, id est, Prælati Ecclesiastici declinavimus unusquisque in vias suas, nec fuit jamdiu qui faceret bonum, non fui usque ad unum; quamobrem necesse est ut omnes demus gloriam Deo, & humiliemus animas nostras ei: videat unusquisque nostrum unde ceciderit: & se potius quilibet judicet quam à Deo in virga furoris sui judicari velit. Quia in re quo ad nos attinet, polliceberis nos omnem operam adhibituros, ut primum Curia hæc unde forte omne hoc malum processit reformetur: ut sicut inde corruptio in omnes inferiores emanavit, ita etiam ab eadem sanitas & reformatio omnium emanet. Ad quod pro-*

*curandum, nos tanto arctius obligatos reputamus, quanto universum mundum hujusmodi reformationem avidius desiderare videmus. Nos uti alias tibi dixisse credimus, Pontificatum hunc nunquam ambivimus, imo quantum in nobis fuit, longe maluissimus privatam vitam agere, & in sancto otio Deo servire. Et profecto Pontificatum ipsum plane recusassemus, nisi Dei timor & sincerus electionis nostræ modus, necnon Schismatis ex recusatione nostræ imminentis metus, nos acceptare illum coëgisset. Subjecimus igitur colla summæ dignitati, non ob dominandi libidinem, neque ad ditandos propinquos nostros, sed ad divinæ voluntati parendum, ad deformatam ejus sponsam Ecclesiam Catholicam reformandam, ad subveniendum oppressis, & doctos ac virtute præditos, qui multo jam tempore neglecti jacuerunt, erigendum & ornandum: & denique ad omnia alia agendum quæ bonum Pontificem & legitimum Petri successorum agere oportet. Quamquam nemo mirari debet, si non statim omnia errata & abusus omnes per nos emendatos viderit: Inveteratus enim morbus est, nec simplex, sed varius & multiplex, pedetentim in ejus cura procedendum est: & prius gravioribus magisque periculosis occurrendum, ne omnia pariter reformare volentes, omnia perturbemus: Omnes subitæ mutationes, inquit Aristoteles, in Republica periculosæ sunt: qui nimis emungit, elicit sanguinem.*

*Quod autem ultimis tuis literis scribis, questos fuisse tecum Principes istos quod concordatis eorum*  
*per*

*per hanc Sedem derogatum sit : dices , nos de his quæ ante nos facta sunt culpari non posse nec debere , nobisque ejusmodi derogationes etiam dum in minoribus essemus semper plurimum displicuisse , Proinde nobis certissimam sententiam esse , etiamsi ipsi non requirerent , illis nostri Pontificatus tempore penitus abstinere , partim ut unicuique jus suum servemus , partim quia æquitas & humanitas exposcit ut inclytam Nationem nostram non solum non offendamus , sed etiam peculiare eis favores impendamus .*

*De processibus autem quos à Rota advocari & ad partes remitti postulant , dices nos cupere eis in hoc gratificari , quantum honeste possimus . Sed propter absentiam Auditorum ab Urbe pestis gratia , non posse nos de qualitate & habitudine ipsorum processuum ad præsens informari : reversis vero illis , quod peste jam decrescente brevi futurum speramus , facturos in gratiam dictorum Principum quicquid rationabiliter poterimus .*

*Item sollicitabis diligenter responsa Litterarumstrarum , & requires eos ad quos scribimus , ut nos Literis suis informant , quibus mediis eorum judicio videatur hinc pessima Sectæ commodius obviari posse : ut ea quæ per nos providenda fuerint , celerius provideri possint : Et super hoc ipso etiam tu te diligentissime informabis , & nobis plane perscribes .*

*Item quia intelleximus in Germania esse multos bonos & doctos viros pauperes , aliqua etiam præclara ingenia quæ ex indignitate Apostolicarum pro-*

*provisionum histrionibus & stabulariis potius quam viris doctis fieri solitarum à Sedis hujus devotione averfa; cupimus, ut inquiras quinam illi sint, eorumque nomina ad nos transmittas, ut occurrente beneficiorum vacatione, illis proprio motu providere possimus. Scimus enim quantum Dei honori & animarum saluti & adificationi obsuerit, quod jam diu Beneficia Ecclesiastica, maxime curam & regimen animarum habentia, data fuerint hominibus indignis.*

*De subsidio procurando pro Hungaris, non damus aliam informationem quam discedenti tibi dedimus: excepto quod te hortamur ut rem illam summo studio, uti facis, cures: nos etiam apud Principes & Respublicas Italicas missis Oratoribus sollicitabimus, ut pro viribus quisque subveniat.*

ADRIANUS PAPA VI.

R. BEZIUS.

Porro hujus legationis Francisci Cheregati Episcopi Fabriani Ciaconius meminit in vita Adriani VI. Cujus commentariis fiduciæ Principes Germaniæ articulatim & sigillatim responderunt: atque inter alia, *pernecessariam esse Concilii Generalis liberi celebrationem quanto citius & celerius id fieri posset: in eoque omnes debere obstringi ut non dulcia sed vera & meliora consulant per salutem animæ suæ, & absque adulatione doli vel fraudis suspitione, &c. propria sunt verba.*

Certe propositum erat Adriano, ut idem  
cia-

Giaconus memorat, generale Concilium indicere & celebrare cum effectu ad Ecclesiam reformandam nisi Deus optimus maximus nobis iustissime iratur eodem anno quo Adrianus Pontifex creatus est, illum vitam hanc corruptibilem cum æterna commutare voluisset. Sæpe enim Sanctissimus Pontifex ubi Curie Romanæ artes & consilia perspecta habuit, cum Gulielmo Encurtio & Theodorico Hezio suis familiaribus conquestus est, permiseram esse Pontificum Romanorum conditionem: eoque in statu res esse, ut quamquam maxime vellet, Ecclesiam emendare non posset; quandoquidem omnes corruptelæ atque abusus in formam status politici quæstuosissimi evaserunt. At Clemens VII. longe contrariam à suo præcessore viam trivit: cumque solitum dicere ferunt, quemadmodum primis Ecclesiæ seculis Conciliorum frequens celebratio Pontificiæ auctoritatis certissimum erat incrementum: Ita his postremis temporibus Pontificiam Majestatem nullo modo posse retineri aut vindicari in Conciliis: eamque ob rem Pontifices hodiernos tantum operæ in declinandis, quantum veteres in procurandis & habendis Synodis Generalibus debere collocare. Quare toto Clementis Pontificatu, hoc est undecim annorum intervallo tantum ab illo certatum est, ut Concilii Generalis celebrationem devitaret, quantum ardentè à Christianis



Nationibus eam exposci sciebat: unde contigit, ut Hæresis Lutherana maximas & altissimas egerit radices integro Clementis Pontificatu: quo mortuo Paulus III. cum videret Lutheranismum magis ac magis in dies ampliari, & querelas contra Romanam Curiam augeri, animum quidem ad Ecclesiam & Curiam Romanam Reformandam se velle serio adungere significavit: Huicque negotio ut accessionem faceret, iussit Novemviros (quorum quatuor erant Cardinales boni & docti viri) cum quinque aliis doctissimis & Piis Episcopis ac prælatis huic rei operam navare nonnullos Articulos in eum finem conscribere: Quos quidem Pontifex evulgari voluit ut omnes in spem futuræ Reformationis Ecclesiæ erigeret. Itaque ejusmodi Articulis in lucem editis, nullus erat qui non sibi persuaderet fore ut proximo Concilio celebrando de Ecclesia emendanda serio & ad amussim ageretur: præsertim vero quod Lutheranismus majora in dies faceret incrementa. Cæterum quando ex Gestis Conciliorum Ecclesiæ primitivæ dignoscimus, hoc antiquis patribus semper propositum fuisse, ut omnia acta diligenter referrent, quæ aut præcessissent, aut sequuta essent, Concilia (cujus quidem rei gesta primæ Synodi Ephesinæ, Concilii Chalcedonenfis, &c. certissimam fidem faciunt: ) valde dolendum est seculo quo ars Typographica florebat omnia Acta Sy-

Synodi Tridentiæ fideliter edita non fuisse: quorum quidem præmium & fundamentum, Commentarii fiduciæ Adriani VI. ad Franciscum Cheregatum Nuncium Apostolicum in Germania cum Articulis jussu Pauli III. pro Ecclesia & Curia Romana reformanda conceptis facere videntur. Idque fuit incentivo fratri Petro Crabbe Franciscano, ut ejusmodi Articulos Novemviorum Synodo Tridentiæ in sua collectione Conciliorum præfigeret: mirorque quonam casu, vel instituto hoc Novemvirale Concilium à fratre Laurentio Surio Carthusiano prætermissum aut expunctum fuerit, cum operæ pretium Historiæ Ecclesiasticæ constituat. De Severini Binii nupera collectione, & Romana editione Conciliorum, non est ita laborandum: cum ipse Binius ingenue fateatur se in sua Synagoga Conciliorum præsertim Baronium atque Bellarminum auctores sequi: quibus viris hoc propositum esse nemo nescit, ut temporalem Curia Romanæ Monarchiam quovis jure vel injuria vendicent & nulla indigere emendatione, aut saltem quæ ab alio quam à summo & infallibili Monarcha Ecclesiæ fieri debeat, demonstrent. Unde in hoc studium præsertim incumbunt, ut omnia acta quæ Curia & Ecclesiæ reformandæ necessitatem indicant, abrogent. Sed ad Concilium selectorum Cardinalium jussu Pauli III. vulgatum venio: quod hîc integrum, tan-

tanquam internum ac domesticum Curiae Romanæ de Ecclesia emendanda testimonium exscribam.

**Concilium delectorum Cardinalium, &**  
 aliorum Prælatorum, de emendanda Ecclesia,  
 S. D. N. D. Paulo III. ipso jubente con-  
 scriptum, & exhibitum, Anno  
 M. D. XXXVII.

” IV. **B**EATISSIME Pater, tantum abest,  
 ” ut verbis explicare possimns, quam  
 ” magnas gratias Respublica Christiano Deo  
 ” Optimo Maximo agere debeat, quod te  
 ” Pontificem hæc temporibus ac pastorem  
 ” gregi suo præfecerit, eamque quam habes  
 ” mentem dederit : ut minime speremus co-  
 ” gitatione eas quas Deo gratias debet con-  
 ” sequi posse, nam spiritus ille Dei quo vir-  
 ” tus cœlorum firmata est (ut ait Propheta) la-  
 ” bantem, imo fere collapsam in præceps,  
 ” Ecclesiam Christi per te restaurare, & huic  
 ” rurinæ manum ut videmus supponere de-  
 ” crevit, eamque erigere ad pristinam subli-  
 ” mitatem decorique pristino restituere, cer-  
 ” tissimam divinæ hujus sententiæ conjectu-  
 ” ram nos facere valemus, quibus sanctitas tua  
 ” ad se vocatis mandavit, ut *nullius aut commodi*  
 ” *tui, aut cujuscumque alterius habitacione, tibi*  
 ” *significaremus abusus illos, gravissimos videlicet*  
 ” *morbos, quibus jampridem Ecclesia Dei laborat,*  
 ” *ac præsertim hæc Romana Curia, quibus effe-*  
 ” *ctum prope est, ut paulatim ac sensim in-*  
 ” *gra-*

gravescentibus pestiferis his morbis ma-  
 gnā hanc ruinam traxerit, quam videmus.  
 Et quoniam Sanctitas tua Spiritu Dei eru-  
 dita, qui (ut inquit Augustinus, loquitur  
 in cordibus nullo verborum strepitu) probe  
 noverat principium horum malorum inde  
 fuisse, quod nonnulli Pontifices tui præ-  
 cessores prurientes auribus, ut inquit Apo-  
 stolus Paulus, *Coacervaverunt sibi Magistros*  
*ad desideria sua, non ut ab eis discerent, quid*  
*facere deberent, sed ut eorum studio & calliditate*  
*inveniretur ratio, qua liceret id quod liberet.*  
*Inde effectum est, præterquam quod principatum*  
*omnem sequitur adulatio, ut umbra corpus, dis-*  
*ficilium usque semper fuit aditus veritatis ad au-*  
*res principum, quod confestim prodirent Docto-*  
*res, qui docerent Pontificem esse dominum bene-*  
*ficiorum omnium:* ac ideo quum Dominus  
 ire vendat id, quod suum est, necessario  
 iequi, in Pontificem non posse cadere simo-  
 niam. Ita quod voluntas Pontificis qualis-  
 cumque ea fuerit, sit regula qua ejus ope-  
 rationes & actiones dirigantur: ex quo  
 proculdubio effici, ut quicquid libeat, id  
 etiam liceat. Ex hoc fonte, sancte Pater,  
 tanquam ex equo Trojano, irrupere in Ec-  
 clesiam Dei tot abusus & tam gravissimi  
 morbi, quibus nunc conspiciamus eam ad despe-  
 rationem fere salutis laborasse, & manasse harum  
 rerum famam ad infideles usque. Credat San-  
 ctitas vestra scientibus, qui ob hanc præci-

„ pue causſam Chriſtianam Religionem deri-  
 „ dent, adeo, ut per nos, per nos iniquimus,  
 „ nomen Chriſti blaſphemetur inter gentes.  
 „ Tu vero, Sanctiſſime Pater, & vere ſanctiſ-  
 „ ſime, edoctus à Spiritu Dei, præter vete-  
 „ rem illam tuam prudentiam, quum totus  
 „ in hanc curam incubueris, ut ſanatis ægri-  
 „ tudinibus, Chriſti Eccleſia tuæ curæ com-  
 „ miſſa bonam valetudinem recuperaret, vi-  
 „ diſti, ac probe vidifſti, inde incipiendam  
 „ medicationem, unde primum ortus eſt  
 „ morbus ſequutusque doctrinam Apoſt. Pau-  
 „ li, *vis eſſe diſpenſator, non Dominus, & fidelis*  
 „ *inveniri à Domino*, imitatus etiam ſervum  
 „ illum, quem in Euangelio Dominus præ-  
 „ fecit familiæ ſuæ, ut det illis in tempore  
 „ ſtritici menſuram, ac propterea decreviſti  
 „ nolle quod non liceat, nec vis poſſe quod  
 „ non debes. Ideoque nos ad te accerſiviſti,  
 „ imperitos quidem ac tam magno negotio  
 „ impares, non parum tamen affectos cum ho-  
 „ nori & gloriæ Sanctitatis tuæ, tum præci-  
 „ pue inſtaurationi Eccleſiæ Chriſti, ac graviſ-  
 „ ſimis verbis injunxiſti, ut omnes hos abuſus  
 „ colligeremus, tibi que illos ſignificaremus:  
 „ obteſtatus, nos reddituros eſſe ratione hujus  
 „ negotii nobis demandati Deo optimo, ſi  
 „ negligenter ac infideliter ageremus. Atque  
 „ ut omnia liberius inter nos tractari poſſent,  
 „ tibi que à nobis explicari, *jurejurando nos*  
 „ *deſtruxiſti, addita etiam excommunicationis*  
 „ *pæna,*

pena, ne cuiquam aliquid hujus nostri mu-  
 neris proderemus. Nos igitur tuo Imperio  
 parentes collegimus, quanto paucioribus  
 fieri potuit, hos morbos eorumque reme-  
 dia, ea, inquam, quæ tenuitate ingenii no-  
 stri excogitare potuimus. Tu vero pro tua  
 bonitate, ac sapientia omnia refarcies, ac  
 perficies, in quibus pro tenuitate nostra of-  
 tenderimus. Verum ut omnia certis qui-  
 busdam finibus complectamur, cum Sanct.  
 tua, & sit princeps provinciarum harum  
 quæ subsunt ditioni Ecclesiasticæ, ut sit  
 Pontifex universalis Ecclesiæ, sit etiam E-  
 piscopus Romanus, nihil nobis dicendum  
 sumpsimus de his, quæ pertinent ad hunc  
 principatum Ecclesiæ, quem tua prudentia  
 optime regi videmus, tangemus tantum ea  
 quæ pertinent ad officium universalis Pontificis,  
 & nonnulla quæ sunt Romani Episcopi. Illud  
 vero ante omnia, beatissime Pater, puta-  
 mus statuendum esse, ut dicit Aristoteles in  
 Polit. sicut in unaquaque Repub. ita & in  
 hac Ecclesiastica gubernatione Ecclesiæ  
 Christi hanc præ omnibus legem haben-  
 dam, ut quantum fieri potest leges seruentur.  
 Nec putemus nobis licere dispensare in le-  
 gibus, nisi urgenti de causa & necessaria.  
 Nulla namque perniciosior consuetudo in  
 quavis Repub. induci potest, quam hæc le-  
 gum inobservantia, quas sanctas majores no-  
 stri esse voluerunt, earumque potestatem

„ venerandam & divinam appellarunt. Scis  
 „ tu hæc omnia opt. Pont. legisti jampridem  
 „ apud Philosophos & Theologos : illud vero  
 „ non tantum huic proximum, sed longe prius  
 „ & potius superiore putamus, *non licere Pont.*  
 „ *& Christi Vicario in usu potestatis, clavium po-*  
 „ *testatis inquit, à Christo ei collate, lucrum*  
 „ *aliquod comparare.* Hoc etenim est Christi  
 „ mandatum : Gratis accepistis, gratis date.  
 „ His primum statutis cum Sanct. vestra ita  
 „ gerat curam Ecclesiæ Christi, ut Ministros  
 „ plurimos habeat, per quos hanc curam exer-  
 „ ceat. Hi autem sunt Clerici omnes, quibus  
 „ mandatus est cultus Dei, Presbyteri præfer-  
 „ tim, & maxime Curati, & præ omnibus  
 „ Episcopi. Idcirco si gubernatio hæc sit re-  
 „ cte præcessura, primo danda est opera, ut  
 „ hi ministri idonei sint muneri, quo fungi  
 „ debent.  
 „ PRIMUS abusus in hac parte est ordinatio  
 „ Clericorum, & præsertim Presbyterorum,  
 „ in qua nulla adhibetur cura, nulla adhibe-  
 „ tur diligentia : quod passim quicumque sint,  
 „ imperitissimi sint, vilissimo genere orti sint,  
 „ malis moribus ornati sint, adolescentes ad-  
 „ mittantur ad Ordines sacros, & maxime ad  
 „ Presbiteratum, ad characterem, inquam,  
 „ Christum maxime exprimentem. Hinc in-  
 „ numerà scandala, hinc contemptus ordinis  
 „ Ecclesiastici, hinc divini cultus veneratio  
 „ non tantum diminuta, sed etiam prope jam  
 ex-



extincta. Ideo putamus optimum fore, si sanctitas tua primo in hac urbe præficeret huic negotio duos aut tres Prælatos, viros doctos, & probos, qui ordinationibus Clericorum præessent. Injungeret etiam Episcopis omnibus, adhibitis etiam pœnis censurarum, ut id curarent in suis Diœcesibus. Nec permittat sanctitas vestra ut quispiam ordinetur, nisi ab Episcopo suo, vel cum licentia deputatorum in urbe, ut Episcopi sui : insuper ut in Ecclesiis suis quisque Episcopus Magistrum habeat, à quo Clerici minores & literis, & moribus instruantur, ut jura præcipiunt.

Abusus alius maximi ponderis est in collatione Beneficiorum Ecclesiasticorum, maxime Curatorum, & præ omnibus Episcopatum, in quibus usus invaluit, *ut provideatur personis quibus conferuntur beneficia, non autem gregi Christi & Ecclesie.* Ideo in conferendis his beneficiis, Curatis, inquam, sed præ aliis Episcopatibus, curandum est ut conferantur viris bonis, doctisque : ideo ut per se possint fungi illis muneribus ad quæ tenentur : insuper illis quos verisimile est confidentiam facturos. Non ergo Italo conferendum est beneficium in Hispania, aut in Britannia, aut è contra, hoc fervandum est tam in collationibus, quam vacant per decessum, quam in cessionibus, in quibus nunc tantum habetur ratio voluntatis cedentis

nul-



„ nullius præterea rei. In cessionibus his, si  
 „ quispiam præficeretur probus unus plures-  
 „ ve, benefactum iri putaremus.  
 „ Alius abusus, quum beneficia confe-  
 „ runtur, seu quum ceduntur aliis, irrepsit in  
 „ *constituendis super eorum fructibus, pensionibus.*  
 „ *Imo quandoque cedens beneficio, omnes sibi fru-*  
 „ *ctus reservat* Qua in re illud est animadver-  
 „ tendum, nulla alia de causa, nulloque alio  
 „ jure pensiones constitui posse, nisi ut quas-  
 „ dam eleemosynas, quæ in pios usus & indi-  
 „ gentibus concedi debent. *Nam redditus sunt*  
 „ *annexi beneficio, ut corpus animæ:* ideo sua na-  
 „ tura pertinent ad eum, qui beneficium ha-  
 „ bet, ut possit ex eis vivere honeste pro suo  
 „ ordine, simulque queat sustinere impensas  
 „ pro divino cultu & Templi, sacrarumque  
 „ ædium reparatione, ut quod reliquum est,  
 „ impendat in pios usus. Hæc est enim natura  
 „ eorum reddituum. Verum sicuti in rerum  
 „ naturæ administratione nonnulla fiunt à na-  
 „ tura particulari præter inclinationem uni-  
 „ versalis naturæ: Sic in Pontifice, quoniam  
 „ est universalis dispensator bonorum Eccle-  
 „ siæ, si viderit eam fructuum portionem, quæ  
 „ in pios usus expendi debet, aut ejus partem  
 „ in pium quempiam alium usum, ut expen-  
 „ datur, magis expedire, potest proculdubio  
 „ id facere. Ideo jure merito pensionem po-  
 „ nere potest, ut subveniat egeno, præsertim  
 „ Clerico, ut honeste queat vitam ducere pro  
 ejus-

eiusdem ordine. Ideo omnes fructus refer-  
vari, adimique id omne quod divino cultui,  
sustentationique habentis beneficium tribui  
debet, magnus est abusus. Itemque pen-  
siones dari Clericis divitibus, qui commode  
& honeste vivere queunt ex redditibus quos  
habent, magnus certe abusus, tollendus  
uterque.

Alius item abusus in permutationibus  
beneficiorum, quæ fiunt cum pactionibus,  
quæ simoniacæ omnes sunt, nulloque re-  
spectu habito nisi lucri.

Abusus alius omnino auferendus, qui calli-  
ditate quadam nonnullorum peritorum jam  
invaluit in hac Curia, nam quum lege cau-  
tum sit, beneficia testamento legari non  
posse, quum non sint testatoris, sed Eccle-  
siæ, & ut res hæc Ecclesiastica servaretur  
communis bonorum omnium, non autem  
fieret privata cuiuspiam, invenit humana  
non tamen Christiana industria, plurimos  
modos, quibus huic legi illudatur.

Nam fiunt renuntiationes Episcopatum,  
aliorumque beneficiorum primo cum re-  
gressu, *addunt reservationem fructuum, addunt*  
*reservationem collationis beneficiorum.* Insuper  
cumulant reservationem administrationis,  
faciuntque hoc pacto Episcopum, qui nul-  
lum jus habet Episcopi : alterum vero cui  
jura omnia Episcopi competant : non tamen  
Episcopum.

„ Videat Sanctitas tua, quo processit assen-  
„ tatoria illa doctrina, qua tandem effectum  
„ est, ut id liceat, quod libeat. Quid quaeso  
„ est hoc nisi hæredem beneficii sibi consti-  
„ tuere. Alius præter hunc inventus est do-  
„ lus, quum scilicet Coadjutores dantur Epi-  
„ scopis petentibus, minus idonei, quam ipsi  
„ sint, ita ut nisi quispiam claudere oculos vo-  
„ luerit, liquido videat hæredem ea ratione  
„ institui.

„ ITEM lex est antiqua instaurata à Cle-  
„ mente, ne filii Presbyterorum habeant pa-  
„ rentum beneficia, ne scilicet res communis  
„ hoc modo fiat privata : dispensatur tamen  
„ (ut audivimus) in hac veneranda lege. No-  
„ luimus tacere, id quod verissimum esse qui-  
„ vis prudens per se judicaverit, nullam rem  
„ magis confiasse hanc invidiam Clericis, un-  
„ de tot seditiones sunt ortæ, & aliæ instant,  
„ quam hanc aversionem commodorum &  
„ proventuum Ecclesiasticorum à communi  
„ ad rem privatam : ante hac omnes sperabant,  
„ nunc in desperationem adducti, acuunt lin-  
„ guas contra hanc sedem.

„ Alius abusus est in expectativis reserva-  
„ tionibus beneficiorum, quibus & datur oc-  
„ casio, ut aliena mors desideretur, & liben-  
„ ter audiat. Præcludunt etiam aditum su-  
„ premum dignioribus quum vacant, dant li-  
„ tibus causam. Omnes has putamus tollen-  
„ das esse.

ABUSUS

Abusus alius est, eadem calliditate inventus. Nam quædam beneficia incompatibilia jure sunt & appellantur, quæ ex ipsa vi nominis majores nostri admonere nos voluerunt, non deberi ea uni conferri: nunc in his dispensatur, non tantum duobus, sed pluribus: & quod pejus est, in Episcopatibus. Hunc morem, qui ob avaritiam tantum invaluit, tollendum ducimus, præsertim in Episcopatibus. Quid de unionibus beneficiorum ad vitam unius, ne scilicet obftet illa beneficiorum pluralitas ad obtinenda incompatibilia, nonne est mera fraus legis.

Alius etiam abusus invaluit, ut Reverendiss. Cardin. Episcopatus conferantur seu commendentur, non unus tantum, sed plures: quem, Pater Beatissime, putamus magni esse momenti in Ecclesia Dei. Primo quidem, quia officium Cardinalatus, & officium Episcopi incompatibilia sunt. Nam Cardin. est *assistere Sanct. tue pro gubernanda. universali Ecclesia*: officium autem Episcopi est pascere gregem suum, quod præstare bene & ut debet haud potest, nisi habitet cum ovibus suis, ut pastor cum grege. Præterea, Pater sancte, hic usus maxime obest exemplo. Quomodo namque hæc sancta Sedes poterit dirigere & corrigere aliorum abusus, si in præcipuis suis membris abusus non tollerentur? Nec ob id quod Cardina-

„ les sint, putamus eis magis licere transgredi  
 „ legem: imo longe minus. Horum enim vita  
 „ debet esse aliis lex, nec imitandi sunt Pha-  
 „ risæi, qui dicunt & non faciunt: sed Chri-  
 „ stus Salvator noster incepit facere, & postea  
 „ docere. Amplius hic uius nocet in consul-  
 „ tationibus Ecclesiæ, nam hæc licentia fo-  
 „ mentum est avaritiæ. Ambiunt præterea  
 „ Cardin. à regibus & principibus Episcopatus, à  
 „ quibus postea dependent, ne possint libere senten-  
 „ tiam dicere, imo si possent & vellent, falle-  
 „ rentur tamen passione animi in iudicando  
 „ perturbati. Ideo utinam hic mos tolleretur  
 „ & provideretur Cardinalibus ut possent ho-  
 „ neste pro dignitate vivere omnibus æquales  
 „ redditus: quod putamus facile fieri posse, si  
 „ vellemus abjicere servitutem Mammonæ, &  
 „ Christo tantum servire.

„ His castigatis, quæ pertinent ad consti-  
 „ tuendos tibi ministros, quibus veluti instru-  
 „ mentis & cultus Dei bene administrari &  
 „ populus Christianus in vita Christiana bene  
 „ institui & regi possit, accedendum nobis est  
 „ ad illa quæ spectant ad gubernationem  
 „ Christiani populi. In qua re, Pater beatissi-  
 „ me, abusus ille primo & præ omnibus cor-  
 „ rigendus est, ne scilicet Episcopi primum  
 „ & præ omnibus aliis, deinde ne Curati abes-  
 „ sent à suis Ecclesiis & Parochiis, nisi ob gra-  
 „ vem aliquam causam, sed residentiam face-  
 „ rent maxime Episcopi, ut diximus, quia sunt  
 „ sponsi

sponsi Ecclesiæ ipsiſ demandatæ. Nam per Deum immortalem, quis miserabilior viro Christiano conspectus esse potest Christianum orbem peragranti, quam hæc solitudo Ecclesiarum? Omnes fere pastores recesserunt à suis gregibus, commissi sunt omnes fere mercenariis. Imponenda ergo esset magna poena Episcopis præ aliis, deinde Curatis, qui absunt à suis gregibus, non tantum censurarum, sed etiam ne reciperent redditus illi qui absunt, nisi impetrata licentia à tua Sanctitate Episcopi, Curati ab Episcopis suis per breve aliquod temporis spatium. Legantur in hoc aliqua jura, aliquorum Conciliorum decreta, quibus cautum erat Episcopo non licere abesse à sua Ecclesia, nisi tribus tantum Dominicis.

Abusus etiam est, quod tot Reverendissimi Cardinales absint ab hac Curia, nec aliqua in parte faciant quidpiam ejus officii, quod spectat ad Cardinalem. Ideo & si fortasse non omnes, quia expedire existimamus nonnullos habitare in provinciis suis, nam per illos tanquam per radices quasdam in totum orbem Christianum sparsas continentur populi sub hac Romana sede: plurimum tamen esset Sanct. tuæ vocare ad curiam, ut hic residerent. Hac enim ratione præterquam quod fungerentur officio suo Cardinalibus, provideretur etiam amplitudini Curiae, supplereturque si quid ei detractum fuisset

„ fuisset per recessum multorum Episcoporum, qui ad suas Ecclesias se contulissent.

„ **ALIUS** abusus magnus, & minime tolerandus : quo universus populus Christianus scandalizatur, est ex impedimentis quæ inferuntur Episcopis in gubernatione suarum ovium, maxime in puniendis scelestis & corrigendis. Nam primo *multis viis eximunt, se mali homines, præsertim clerici à jurisdictione sui ordinarii.* Deinde si non sint exempti, confugiunt statim ad pœnitentiam, vel ad Datariam, ubi confestim inveniunt viam impuritatis, & quod pejus est ob pecuniam præstitam. Hoc scandalum, beatissime Pater, tantopere conturbat Christianum populum, ut non queat verbis explicari. Tolerantur, obtestamur Sanct. tuam per sanguinem Christi, quo redemit sibi Ecclesiam suam, eamque lavit eodem sanguine. Tolerantur hæc maculæ, quibus si daretur quispian aditus in quacumque hominum Republica, aut regno, confestim aut paulo post in præceptis rueret, nulloque pacto diutius constare posset : & tamen putamus nobis licere, ut per nos in Christianam Rempublicam inducantur hæc monstra.

„ \* **ALIUS** abusus corrigendus est in ordinibus religiosorum, quod adeo multi deformati sunt, ut magno sint scandalo sæcularibus, exemploque plurimum noceant.

Con-

\* Hic intelligitur de religiosis non reformatis.

Conventuales ordines abolendos esse putamus omnes, non tamen ut alicui fiat injuria, sed prohibendo ne novos possint admittere. Sic enim sine ullius injuria cito delerentur, & boni religiosi eis substitui possent. Nunc vero putamus optimum fore si omnes pueri qui non sunt professi, ab eorum monasteriis repellerentur.

Hoc etiam animadvertendum & corrigendum censemus in prædicatoribus & confessoribus constituendis à fratribus, quod ab eorum præfectis primum adhiberetur magna diligentia, ut idonei essent: deinde ut præsentarentur Episcopis, quibus præ omnibus cura Ecclesiæ est demandata, à quibus examinarentur per se, vel per viros idoneos, nec nisi eorum consensu admitterentur ad hæc peragenda.

DIXIMUS, Beatissime Pater, non licere aliquo pacto in usu clavium aliquid lucri utenti comparari, est in hac re firmum verbum Christi: GRATIS ACCEPISTIS, GRATIS DATE. Hoc non tantum ad Sanct. tuam pertinet, sed ad omnes qui sunt participes hujus potestatis: ideo à Legatis & Nuntiis vellemus idem servari. Nam sicut usus qui nunc invaluit, dedecorat hanc sedem, & conturbat populum, ita si fieret econtra, maximum decus huic sedi compararetur & ædificaretur mirifice populus.

Abusus alius turbat Christianum populum



„ lum in Monialibus, quæ sub cura fratrum  
„ conventualium, ubi in plerisque monasteriis  
„ fiunt publica sacrilegia cum maximo Ci-  
„ vium scandalo. Auferat ergo Sanct. vestra  
„ omnem eam curam à conventualibus, eam-  
„ que det aut Ordinariis aut aliis, prout me-  
„ lius videbitur.

„ Abusus magnus & perniciosus est in gy-  
„ mnasiis publicis, præsertim in Italia, in qui-  
„ bus multi Philosophiæ Professores impieta-  
„ tem docent: Imo in templis fiunt disputa-  
„ tiones impiissimæ : & si quæ sunt piæ, tra-  
„ ctantur in eis res divinæ coram populo valde  
„ irreverenter. Ideo putaremus indicendum  
„ Episcopis ubi sunt publica gymnasia, ut per  
„ eos admonerentur lectores qui legunt, ne  
„ docerent adolescentes impietatem, sed o-  
„ stenderent infirmitatem luminis naturalis  
„ in quæstionibus pertinentibus ad Deum, ad  
„ mundi novitatem vel æternitatem, & simi-  
„ lia; eosdem ad pietatem dirigerent. Simi-  
„ liter ne permetterent fieri publicas disputa-  
„ tiones de huiusmodi quæstionibus, neque  
„ etiam de rebus Theologicis, quæ certe mul-  
„ tum existimationis perdunt apud vulgus:  
„ sed privatim de his rebus fiant disputatio-  
„ nes, publice de aliis quæstionibus Physicis.  
„ Idemque injungendum esset omnibus aliis  
„ Episcopis, maxime insignium civitatum, in  
„ quibus hujus generis disputationes fieri so-  
„ lent. In impressione etiam librorum eadem  
ad-

adhibenda esset diligentia, scribendumque principibus omnibus, ut caveant ne passim quivis libri in eorum ditione imprimantur. Dandaque esset hujus rei cura ordinariis. Et quoniam pueris in ludis solent nunc legi Colloquia Erasmi in quibus multa sunt quæ rudes animos informant ad impietatem; ideo eorum lectio in ludis litterariis prohibenda esset, & si qua alia sunt hujus ordinis.

Post hæc quæ ad instituendos ministros tuos in hac universalis Ecclesiæ cura & in ejus deinde administratione spectare videntur, animadvertendum est ingratis quæ fiunt à tua beatitudine præter priores abusus, alios quoque abusus introductos esse.

PRIMUS est in fratribus seu religiosis apostatis qui post votum solèmnè à sua religione recedunt, impetrantque ne teneantur gerere habitum sui ordinis. Imo nec vestigium habitus, sed tantum vestem honestam clericalem. Prætermittamus nunc de lucro. Jam enim diximus in principio, non licere ex usu clavium & potestatis à Christo traditæ comparare sibi lucrum, sed etiam ab hac gratia abstinendum. Nam habitus est signum professionis, unde nec ab Episcopo potest dimitti, cui tenentur hi apostatæ: ideo hæc gratia eis concedi non deberet, neque etiam quum ipsi recesserint à voto quo Deo se obligarant, eis permittatur ut habeant beneficia, neque administrationes.

ALIIS

„ Alius abusus in quæstuariis Sancti Spi-  
 „ ritus, Sancti Antonii, aliisque hujus gene-  
 „ ris: qui decipiunt rusticos & simplices, eos-  
 „ que innumeris superstitionibus implicant:  
 „ tollendos hos quæstuarios censemus.

„ Abusus alius in dispensatione cum con-  
 „ stituto in sacris ordinibus, ut possit uxorem  
 „ ducere, hæc dispensatio non esset ulli dan-  
 „ da, nisi pro conservatione populi cujuspiam  
 „ vel gentis, ubi esset publica causa gravissi-  
 „ ma: præsertim his temporibus, in quibus  
 „ urgent Lutherani hanc rem maxime.

„ Abusus in dispensatione in nuptiis inter  
 „ consanguineos, seu affines: certe in secun-  
 „ do gradu non putamus faciendam esse, nisi  
 „ ob publicam causam gravem. In aliis vero  
 „ gradibus non nisi ob causam honestam, &  
 „ absque pecunia, ut diximus, nisi jam prius  
 „ conjuncti essent, ubi liceret pro absolutio-  
 „ ne à peccato jam perpetrato imponi multa  
 „ pecuniaria post absolutionem, & deputari  
 „ ad pios usus, in quibus facit Sanct. tua im-  
 „ pensas. Nam sicut ubi non est peccatum in  
 „ usu Clavium, nihil exigi potest pecuniæ:  
 „ ita ubi absolutio petitur à peccato imponi  
 „ multa pecuniaria potest, & deputari ad pios  
 „ usus.

„ Abusus alius in absolutione Simoniaci,  
 „ pro dolor, quantum in Ecclesia Dei regnat  
 „ hoc pestilens vitium, adeo, ut quidam non  
 „ vereantur Simoniam committere, deinde  
 „ con-

confestim petunt absolutionem à pœna. Imo eam emunt, sicque retinent beneficium quod emerunt.

Non dicimus Sanct. tuam non posse pœnam illam, quæ est de Jure positivo constituta, eis condonare: sed quod nullo pacto debeat, ut tanto sceleri resistatur quo nulum perniciosius, nec magis scandalosum.

Licentia etiam testandi clericis de bonis Ecclesiæ non esset danda, nisi pro causa urgente: ne bona pauperum converterentur in privatas delicias & amplificationes domorum.

Confessionalia autem cum usu altaris portatilis non essent facile danda, sic enim vilescunt Ecclesiasticæ res, & Sacramentum omnium præcipuum. Nec indulgentiæ item dandæ essent, nisi semel in anno in unaquaque insignium civitatum. Commutatio etiam votorum neque ita facile facienda, neque commutanda, præterquam in æquivalens bonum.

Consuevere etiam mutari voluntates ultimæ testatorum, qui ad pias causas legant quampiam pecuniæ summam, quam auctoritate San. tuæ transferunt ad hæredem vel legatarium, ob prætensam paupertatem, &c. idque ob lucrum, Certe nisi facta sit magna mutatio in re familiaris hæredis per obitum testatoris, ita quod verisimile sit testatorem ob eam mutatio-

„nem mutaturum fuisse voluntatem, volun-  
 „tates testatorum mutari impium est. De lu-  
 „cro jam toties diximus, quare putamus o-  
 „mnino abstinendum.

„Omnibus in summa explicatis, quæ per-  
 „tinent ad universalis Ecclesiæ Pont. quan-  
 „tum animo potuimus comprehendere, re-  
 „stat ut non nulla dicamus, quæ pertinent  
 „ad Rom: Episcopum. Hæc Romana civitas  
 „& Ecclesiæ mater est & magistra aliarum  
 „Ecclesiarum. Ideo maxime in ea vigere de-  
 „bet divinus cultus & morum honestas. I-  
 „deo, beatissime pater, scandalizantur o-  
 „mnes exteri qui ingrediuntur templum B.  
 „Petri, ubi Sacerdotes quidam sordidi, igna-  
 „ri, induti paramentis & vestibus quibus nec  
 „in sordidis ædibus honeste uti possent, mis-  
 „fas celebrant. Hoc magnum est omnibus  
 „scandalum, ideo injungendum est Reve-  
 „rendiss. Archi-Presbitero, vel Reverendiss.  
 „Pœnitentiaro ut hæc curent, & amoveant  
 „hoc scandalum: sicque in aliis Ecclesiis  
 „In hac etiam urbe meretrices ut matro-  
 „næ incedunt per urbem, seu mula vehun-  
 „tur: quas affectantur de media die Nobiles  
 „familiares Cardinal. clericique. Nulla in  
 „urbe videmus hanc corruptionem, præter-  
 „quam in hac omnium exemplari: habitant  
 „etiam insignes ædes: corrigendus etiam hic  
 „turpis abusus.

„Sunt etiam in hac urbe privatorum ci-  
 „vium

vium odia & inimicitiae, quas componere  
& cives conciliare praecipue interest Epi-  
scopi: ideo per Cardinales quosdam Romam.  
praesertim qui magis essent idonei omnes  
haec inimicitiae componendae essent, & ci-  
vium animi conciliandi.

Sunt in hac urbe hospitalia, sunt pupilli,  
sunt viduae. Harum cura maxime pertinet  
ad Episcopum, & ad Principem. Ideo  
Sanct. tua per Cardinales viros probos  
posset etiam commode haec omnia cu-  
rare.

Haec sunt, beatissime pater, quae in  
praesentia pro tenuitate ingenii nostri col-  
ligenda esse duximus, & quae nobis corri-  
genda viderentur. Tu vero pro tua bonita-  
te & sapientia omnia moderabere: nos cer-  
te *si non rei magnitudini, quae nostras vires su-*  
*perat, conscientiae tamen nostrae satis fecimus:*  
non sine maxima spe, ut sub te principe vi-  
deamus Ecclesiam Dei purgatam, formo-  
sam ut columbam, sibi concordem, in u-  
num corpus consentientem, cum aeterna  
tui nominis memoria. Sumpsisti tibi nomen  
Pauli, imitaberis, speramus, charitatem  
Pauli: electus fuit ille ut vas, quod defer-  
ret nomen Christi per gentes. Te vero spe-  
ramus electum, ut nomen jam Christi obli-  
tum a Gentibus & a nobis clericis restituas  
in cordibus & in operibus nostris, aegritu-  
dines sanes, oves Christi in unum ovile re-

„ ducas, amoveasque à nobis iram Dei & ul-  
 „ tionem eam, quam meremur, jam para-  
 „ tam, jam cervicibus nostris imminentem.

### Nomina Cardinalium.

„ *Gaspar Card. Contarenus.*

„ *Job. Petrus Card. Theatinus, postea Paulus*  
*IV. PP.*

„ *Jacobus Card. Sodeletus.*

„ *Reginaldus Polus Card. Anglicus.*

„ *Fredericus Archiep. Solernitanus.*

„ *Hieronymus Archiepisc. Brundusinus.*

„ *Job. Matthæus Gibertus Episc. Veronensis.*

„ *Gregorius Cortesius Abbas sancti Georgii*  
*Venet.*

„ *Frater Tomæ Magister Sacri Palatii.*

### Extraict des Registres de la Cour.

„ **V**Eu parla Cour les Lettres obtenuës par Melchior  
 „ Mondiere, Marchand Labraire à Paris, le 3 A-  
 „ vril 1612. signé par le Conseil BUYER, portant  
 „ permission d'imprimer, où faire imprimer vendre, &  
 „ debiter, tant en Latin, qu'en François, un livre in-  
 „ titulé *Acta & constitutiones facta in diversis sessionibus*  
 „ *Sacri generalis Concilii Pisani*, avec les augmentations  
 „ qu'il pourra recouvrer pendant six ans, avec deffen-  
 „ ces à tous autres Libraires, où Imprimeurs, de l'impri-  
 „ mer, où faire imprimer, vendre n'y debiter autre que  
 „ de ceux d'udit Mondiere, où ceux qui auront droict de  
 „ luy, ny en amener au faire amener dehors le Royaume  
 „ sous nom interpose, & marques fausses ny en tenir  
 „ d'autres, à peine de mil livres d'amande pour chacun  
 „ exemplaire qui se trouvera, & autres mil livres moy-  
 tie

# CONCILIORUM GENERALIUM. 157

tie à nous & l'autre moytié aux pauvres de l'Hostel de Dieu de Paris, Requête presentee afin d'enterinerment desdictes Lettres: Conclusions du Procureur du Roy, tout consideré ladiète Cour enterinant lesdictes & ordonne que l'impetrant jouïra du contenu en icelles & selon leur forme & teneur. Faict en Parlement le 17. d'Avril. 1612.

Signé

VOYSIN.

V. Verum qua fide & integritate ipsemet Paulus III. & qui eum dehinc sequuti sunt Pontifices Romani hos Articulos super Ecclesiæ reformandæ necessitate conceptos servavit, ipse usus & acta Synodi Tridentinæ, de quibus postea, clarissime docent. Porro bacchante Lutheranismò, Franciscus Galliarum Rex ejusque mater, quorum literæ in tabulario Facultatis Theologiæ Pariensis asservantur, Collegium Theologorum Parisiensium consuluerunt, ecquid optimum factu censerent contra Hæreses ita grassantes: Responsumque à Theologis, universos Galliæ Cives, in unam fidei profitendæ normam sedulo adigendos: nascentia Schismata priusquam adolescerent aut longius dimanarent in ipsis auctoribus, fautoribus, & libris opprimenda: ac diligenter providendum quatenus omnes Galliarum Præsules suo gregi pascendo seipsis non per operam Vicariam assidue excubarent. Interea dum ne quis sacri ordinis Theologorum operam hac in parte desideraret, Facultas Theologica Anno 1512. & 1522. omnes



omnes Lutheri, aliquot Melanchtonis, &  
 aliorum auctorum suspectorum libros nota  
 Censoria inussit: & Anno 1523. à Parlamen-  
 to impetravit, ut istorum librorum usus Fran-  
 ciæ incolis interdiceretur. Cum autem Ger-  
 mani instanter pro Concilii liberi celebratio-  
 ne decertarent. Paulus III. Franciscum Re-  
 gem rogavit ut se medium ad Principes Ger-  
 maniae ad Concordiam alliciendos interpone-  
 ret. Quapropter Franciscus pro suo in Reli-  
 gionem Catholicam studio, virum clarissi-  
 mum & doctissimum Gulielmum Bellaium  
 Langæum frequenter misit in Germaniam,  
 ubi aliquot Articulos de ratione sedandorum  
 dissidiorum à Philippo Melanchtone, Bucero,  
 & aliis Protestantibus acceperit & ad regem  
 retulit: Rex autem continuo Parisiensi-  
 bus Theologis memoratos Articulos misit:  
 quorum exemplum cum Regis & Gulielmi  
 Bellaii literis in tabulario Facultatis extant:  
 hæcque est summa Articulorum. *De potestate*  
*Papæ: de traditionibus humanis: de jejuniis & ca-*  
*stigatione Carnis & ciborum delectu: de cultu*  
*sanctorum & eorum imaginibus: de Missa: de Sa-*  
*cramento Eucharistie: de communione sub utra-*  
*que specie: de confessione Auriculari: de Justifi-*  
*catione: de Fide & Operibus: de Monasteriis,*  
*votis Monachorum & calibatu: de Sacerdotum*  
*conjugio: de Parentalibus & Missis pro Defunctis:*  
*de Purgatorio & Libero arbitrio.* Cum autem in  
 exordio ejusmodi Articulorum Germani

caufarentur, Catholicos in hanc debere curam invigilare, ut S. Augustinum mitissimo ingenio virum imitarentur, quem minime puderat libros retractationum scribere: ac proinde neminem pigere oportere, si quando sua recognosceret atque emendaret, &c. Theologi Parisienses ubi per multos dies hujusmodi Articulis tum inter viros selectos, tum in publicis Comitibus examinandis insumpserunt: Magistros Joannem Balluë atque Robertum Bonchini cum his mandatis ad Regem miserunt.

Primum quod ex Germanorum postulatibus liqueret, Melanchtonem cum affeculis non tam studio ad Ecclesiam accedendi, quam Catholicos avertendi & ad suas partes avocandi hanc suam de Ecclesia concordanda Symbolam conferre: quippe qui in limine Articulorum quos conceperant flagitent à Catholicis, ne eos majorem suorum Instituta & Sacros Ecclesiæ ritus exemplo Augustini retractare pigeat. Quo semel dato necessarium esse Populum Christianum à majorum suorum sacris desciscientem jugiter in Religione fluctuare, ac ubique terrarum, sicut in Germania, plebem omni vento doctrinæ circumagitata murgia ex murgiis, Schismata ex Schismatibus & consequenter Bella Civilia certatim miscere & conferere.

Secundo libros retractationum Augusti-

„ ni, quos Germani suo errori tegendo spe-  
 „ ciose prætexebant, toto Cœlo à re diffi-  
 „ dere : maxime vero quod esset notissimum,  
 „ S. Augustinum, ut privatum & singula-  
 „ rem Ecclesiæ Doctorem, multas privatas &  
 „ singulares de nonnullis Scripturæ locis im-  
 „ bibisse opiniones, easque re consideratius  
 „ perpenſa, merito emendasse aut penitus  
 „ delevisse. Cæterum Ecclesiæ Catholicæ  
 „ dogmata, instituta, & ritus, cum unius  
 „ hominis aut nationis iudicio non inoleve-  
 „ rint, sed omnium gentium Christianarum  
 „ consensione ab omni hominum & seculo-  
 „ rum memoria in Ecclesia Catholica invete-  
 „ rarint, his temporibus absque summa Im-  
 „ pietate & Schismatis periculo abrogari aut  
 „ immutari nullo modo posse.

„ Tertio, hucusque frequentes habitos  
 „ Conventus & Diætas in Germania pro Ec-  
 „ clesia Concordanda : nihilominus homines  
 „ magis ac magis in sese invicem exasperatos  
 „ inde semper decessisse : atque Apostolum  
 „ Spiritu Prophetico docuisse, Colloquia &  
 „ disputationes cum Hæreticis nihil quic-  
 „ quam aliud præter quasdam quæstiones &  
 „ verborum pugnas, invidias, contentiones,  
 „ blasphemias & suspiciones malas generare,  
 „ prioris ad Timothæum VI.

„ Quarto, frustra Doctores Germaniæ de  
 „ Concordanda Ecclesiæ scribere : Cum ex  
 „ isto suo præclaro Narthecio & medicamine

nul-

nullam salutem aut pacem suis popularibus "promerere hucusque valuerint. "

Quinto, proclive esse illorum propo- "situm & venenum latens detegere : si modo "Rex Christianissimus illorum sententiam "super Articulis sequentibus petere non gra- "vetur. "

Et primum, quoniam inter eos qui de re ali- "qua dissident ante omnia de certis quibusdam atque "indubitatis principiis convenire oportet : petendum "esse, an cunctos Libros sacris Bibliorum volumi- "nibus contentos pro sacrosanctis & Catholicis ha- "beant.

Secundo, utrum confiteri velint Ecclesiam mi- "litantem à Christo Domino institutam, in fide & "bonis moribus errare non posse : & ad unitatem "fidei retinendum pro visibili externo & ministeriali "Capite B. Petrum cum suis successoribus sub Chri- "sto Domino interno atque essentiali Capite jugiter "habuisse.

Tertio, an velut Ecclesiae filii, Ecclesiae Catbo- "licae parentis & Conciliorum generalium scita cum "Pontificum Romanorum Constitutionibus ab Ec- "clesia probatis atque receptis amplecti velint.

Quarto, Num bonas & laudabiles Ecclesiae "consuetudines tanquam certissima fomenta & ad- "minicula pietatis jampridem à majoribus receptas "comprobent.

Quinto, utrum pro sacrorum Bibliorum & "antiquorum rituum Ecclesiae intelligentia & expli- "catione veteres Ecclesiae Patres Doctores tum Gra-

*cos, tum Latinos, Hieronymum, Ambrosium, Augustinum, Gregarium, Basilium, Chrysostomum, omnesque alios admittere velint.*

Quas Scholæ Sorbonicæ suasiones gratissimas & acceptissimas fuisse Principi liquet ex ejusdem literis ad facultatem Anno 1535. die XXVI. Augusti: quæ extant in tabulario Facultatis.

At vero cum Paulus III. diem de die indicendo Concilio pro Ecclesiæ emendatione deduceret: & Schisma in 7 dies vehementius grassaretur. Theologi Parisienses compendium Catholicæ Doctrinæ viginti quinque Articulis Anno 1542. complexi sunt, eosque Regi obtulerunt, qui ut à Prælati Franciæ comprobarentur Conventus Molodini ad Sequanam indixit, & dehinc edicto suo illos auctoravit quod Senatusconsulto Parlamenti in rem judicatam abiit: Cautumque est, ut omnes Galliarum Incolæ ad hanc fidei regulam profiterentur: quæ quidem summam eorum continet quæ aliquanto post à Patribus Tridentinis pro doctrina fidei Catholicæ vindicanda, multorum annorum intervallo definita sunt.

Articuli Fidei sacrae Facultatis Theologiae Parisiensis.

*Decanus & Facultas Theologiae Parisiensis, omnibus in Christo salutem.*

VI. **C**UM hodie per concionatorum in Casserendis dogmatibus altercationem videamus plerosque fidelium, juxta id quod Ephesiis scribit Paulus, tanquam parvulos fluctuantes, ad omnem ventum cujusvis doctrinae circumferri, & agitari: nostra autem inter sit, quantum in nobis erit, dissidentes opinionum fluctus componere: de sanctissimo Christianissimi Regis proposito abunde persuasi, quidnam circa Articulos hodie à plerisque controversos, & Christianis Doctoribus, & concionatoribus praedicandum; & cæteris Christi fidelibus, cum universa Ecclesia, sit credendum, paucis hoc ordine visum est adnotare.

I.

Certa & firma fide credendum est, Baptisma, omnibus etiam parvulis, ad salutem necessarium esse: ac per ipsum dari gratiam Spiritus Sancti.

II.

Eadem fidei constantia est tenendum, homini inesse liberum arbitrium, quo potest benevel male agere: & per quod, etiam si in

„ in peccato mortali fuerit , Deo adjuvante,  
 „ ad gratiam resurgere valet.

## III.

„ Nec minus certum est, adultis & ratione  
 „ utentibus, post peccatum mortale admis-  
 „ sum, necessariam esse Pœnitentiam : quæ  
 „ in Contritione, & Confessione sacramen-  
 „ tali, vocaliter Sacerdoti faciendâ, similiter  
 „ & Satisfactione consistit.

## IV.

„ Ad hæc, Peccatorem non sola fide, sed  
 „ & bonis operibus justificari; quæ adeo ne-  
 „ cessaria sunt, ut sine illis nemo adultus vi-  
 „ tam consequatur æternam.

## V.

„ Quilibet Christianus tenetur firmiter  
 „ credere, in consecratione Eucharistiæ,  
 „ Panem & Vinum in verum Christi corpus  
 „ & sanguinem : remanentibus tantum Panis  
 „ & vini speciebus, sub quibus realiter verum  
 „ Christi corpus continetur, quod ex Virgi-  
 „ ne natum, & in Cruce passum est.

## VI.

„ Sacrificium Missæ, est ex Christi institu-  
 „ tione, valens pro vivis & defunctis.

## VII.

„ Non est laicis ad salutem necessaria com-  
 „ munio sub utraque specie: recteque, cer-  
 „ tis ac justis de causis, olim ab Ecclesia san-  
 „ ctum est, ut illis sub una tantum panis spe-  
 „ cie communicetur.

## VIII.

Porro , solis Sacerdotibus , secundum  
Ecclesiæ ritum ordinatis , data est à Christo  
potestas consecrandi verum Christi corpus:  
& in foro pœnitentiæ à peccatis absol-  
vendi.

IX.

Quos certum est , etiam si mali , & in pec-  
cato mortali fuerint , consecrare verum  
Christi corpus , siquidem illud consecrare  
intendant.

X.

Cæterum , Confirmatio , Matrimonium ,  
& Unctio extrema , sunt tria Sacramenta à  
Christo instituta; per quæ datur gratia Spi-  
ritus Sancti.

XI.

Nec dubitandum est sanctos , & in hac  
mortali vita , & in Paradiso agentes , aliquan-  
do miracula operari.

XII.

Sanctum est , & Deo maxime gratum ,  
orare beatam Dei genitricem Mariam , &  
Sanctos qui in Cœlo sunt , ut sint pro nobis  
advocati , & intercessores apud Deum.

XIII.

Hi itaque sancti , beatam cum Christo  
vitam degentes , non solum sunt imitandi ,  
sed & venerandi , & orandi.

XIV.



” Ob idque religioſe faciunt, qui loca eis  
” dicata ex devotione viſitant.

## XV.

” Si quis in templo, aut extra Templum,  
” prius ſua oratione ad beatam Virginem, aut  
” ſanctorum aliquem recurrat quam ad  
” Deum, non peccat.

## XVI.

” Nec ullo modo addubitandum eſt, quin  
” genu flectere coram imagine Crucifixi &  
” beatæ Mariæ, & ſanctorum, ad rogandum  
” Chriſtum, & ſanctos, opus ſit bonum, ac  
” pium.

## XVII.

” Ad hæc, firmiter credendum eſt, & nul-  
” latenus dubitandum Purgatorium eſſe: in  
” quo animæ detentæ, oratione, jejunio,  
” eleemoſyna, aliisque bonis operibus juvan-  
” tur, ut citius liberentur à poenis.

## XVIII.

” Tenetur & quilibet Chriſtianus firmiter  
” credere, unam eſſe in terris univerſalem  
” Eccleſiam viſibilem: quæ in fide, & mori-  
” bus errare non poteſt: cui omnes fideles,  
” in his quæ ſunt fidei, & morum, obedire  
” adſtringuntur.

## XIX.

” Quod ſi quid in Scripturis Sacris con-  
” troverſiæ, aut dubii oriatur, ad præfatam  
” Eccleſiam definire, & determinare ſpe-  
” ctat.

## XX.

XX.

Est & certum, multa esse credenda, quæ non sunt expresse, & speciatim tradita in Scripturis Sacris; quæ tamen per traditionem Ecclesiæ sunt necessario recipienda.

XXI.

Eodem veritatis firmamento recipiendum, potestatem excommunicandi esse de jure divino, immediate à Christo Ecclesiæ concessam: & ob id, magnopere timendas esse censuras Ecclesiasticas.

XXII.

Certum est, Concilium generale legitime congregatum, universalem repræsentans Ecclesiam, in fidei, & morum determinationibus, errare non posse.

XXIII.

Nec minus certum, unum esse jure divino summum in Ecclesia Christi militante Pontificem; cui omnes Christiani parere tenentur: qui quidem potestatem habet & Indulgentias conferendi.

XXIV.

Constitutiones Ecclesiasticæ, ut de jejuniis, de abstinentia à carnibus, aliisque multis, vere obligant in foro conscientiæ: etiam omni secluso scandalo.

XXV.

In eodem conscientiæ foro vota obligant, etiam monastica sint, perpetuæ scilicet continentiæ, paupertatis, & obedientiæ.

XXVI.

” Inhibet autem Theologorum Facultas,  
” iis qui de grege suo sunt Magistris, Bacca-  
” laureis, ac cæteris gradum Theologicum  
” nunc, & in posterum profiteri volentibus;  
” ne quoquo pacto, supradictis propositioni-  
” bus contraria, aut in concionibus prædi-  
” cent, aut in lectionibus, vel alibi doceant:  
” quin potius, quando se materia, & occasio  
” offeret, eas populo sincere annuntient, &  
” aperte declarent.

” Porro etiam decrevit, ut præfatas pro-  
” positiones, singuli Magistri & Baccalaurei,  
” chirographi sui appositione confirment:  
” Et cum in suo grege lupos, & immorige-  
” ros, contentiososque alere tutum non sit,  
” qui huic Decreto parere noluerint, & con-  
” trarias præfatis propositiones docuerint,  
” aut in posterum prædicaverint, è suo con-  
” sortio eximendos in perpetuum privare de-  
” crevit.

” Cæterum, quia contradicendi studio, &  
” à majorum institutis discedendi, plerique  
” novarum rerum & doctrinarum studiosi,  
” laudabilem illam consuetudinem, qua per  
” intercessionem beatissimæ virginis, Spiritus  
” Sancti gratia imploratur, negligunt: mo-  
” nemus, ne tantopere à salutatione illa an-  
” gelica, quam nobis Euangelium præscri-  
” psit, abhorreant: neve, ut plerique solent,  
” quoties Domini Salvatoris nostri *Jesu Chri-*  
” *sti*

*si mentio occurrerit, salutiferum illud Jesu* “  
nomen, præponere dedignentur, contenti “  
dicere, *le Christ*: præsertim, cum teste D. “  
Petro, *non sit aliud nomen sub cælo, in quo nos* “  
*salvari oporteat.* “

Similiter, cum Divorum Apostolorum “  
Evangelistarum, aut sanctorum Doctorum “  
mentio inciderit, ne, uti consueverunt, “  
sine ulla honoris præfatione nominent “  
*Paul, Jacques, Matthieu, Pierre, Hierosme,* “  
*Augustin, &c.* neque sit eis grave addere “  
vocabulum *Sancti*, & nominare *Saint Pier-* “  
*re, S. Paul, &c.* “

Et postremo, ne defunctorum animas po- “  
puli precibus commendare negligant. “

Anno Domini M. D. XLII. die X. men- “  
sis Martii, Facultas Theologiæ congrega- “  
*taper juramentum* in Collegio Sorbonæ su- “  
per Articulis præcedentibus, probavit hos “  
Articulos, sub forma qua scripti sunt: Sic “  
signatum, de mandato Domini Decani, & “  
Facultatis. *Fournier*, cum parapho. “

### *Concilii Tridentini Historia.*

VII. **T** Andem igitur aliquando, post in- “  
credibiles moras, cunctationes, “  
& fabricas, instante atque perurgente piissimo “  
& sapientissimo Imperatore Carolo V. genera- “  
le Concilium Tridenti indicitur à Paulo III. & “  
Anno 1545. inchoatur ductuque & auspiciis “  
Pauli Pontificis decem primæ Sessiones cele-

brantur: deinde Anno 1551. sub Julio III. sex aliæ Sessiones habentur: plures enim celebrari non potuerunt, quoniam Julius per integrum biennium Synodi continuationem suspendit, Episcopis Hispaniæ reclamantibus, ac ejusmodi suspensioni intercedentibus. Demum Anno 1562. sub Pio IV. novem postremæ Sessiones concluduntur & Anno 1563. [finis Concilio imponitur. Quæ omnia Acta summam viginti quinque Sessionum efficiunt. Proculdubio à Constantini Magni temporibus ad hæc nostra, in omnibus aliis privatis aut universalibus Conciliis, nihil doctius, elegantius & clarius lucubratum magisque desideratum est à Christianis Nationibus, si facta dictis respondissent: *Ac vera non imputativa & fictitia reformatio Ecclesiæ compacta fuisset instituta.* Cæterum via & ratio procedendi in hoc servata Concilio, quanta quanta, inchoata, & continuata est ad eorum normam quæ à fautoribus absolutæ Monarchiæ scribuntur, laudantur à Bellarmino primo de Conciliis & Ecclesia Cap. nono sub finem: nimirum ut nihil quicquam ulli dicere, proponere aut suadere licitum sit, quod propositioni factæ à Legatis Papæ non usquequaque consentiat & concordet vide Sessionem XVII. quæ prima est sub Pio IV. His conceptam verbis: *Placetne celebrari Concilium; & in eo, ea debito servato ordine tractari;* PROPONENTIBUS LEGATIS, *ad horum temporum levandas calamitates* san-



*sancta Synodo apta videbuntur, &c.* Nam in Tridentina Synodo, solis legatis Apostolicæ Sedis permissum erat agenda proponere & præscribere : Idque magno artificio excogitatum est confusionis & turbarum vitandarum specie, sed revera ut impediretur efficax Ecclesiæ Curia Romanæ emendatio. Vult autem Bellarminus loco citato Papam velut absolutum infallibilem monarcham, leges primum apud se & Consilium suum privatum concipere & præscribere, Concilio duntaxat approbante & consensum præbente. Deinde Libro secundo Cap. undecimo ejusdem operis, ait *Legatos Pontificis missos Tridentum sine instructione, eo quod tam variae quæstiones tractandæ essent, ut non posset commode ejusmodi instructio haberi* : Ex quo ille persuadere vult, necessum fuisse Patribus Tridentinis, ubi suam de rebus propositis sententiam dixissent mittere Romam, ut obtinerent afflatum Spiritus Sancti ad infallibiliter decernendum. Hocque ipsum Vallius tractat quarta parte Libri sui de suprema potestate Papæ, quæstione sexta statim initio : *Velenim, ait, Papa Legatos cum instructione prævia de eo quod est in Concilio definiendum mittit : ut in Conciliis quarto, sexto & septimo generalibus, ubi id facile factu fuit, quia in his Synodis de unica solum quæstione tractabatur : aliquando vero, absque ulla instructione propter varias & multiplices quæstiones à Patribus discutiendas : neque enim tunc Pontifici promptum est*

M 2

*suum*

*suam instructionem Legatis tradere : ut nuper in Concilio Tridentino in quo varia contra Hæreticos questionēs erant agitandæ, factum fuit : Et hæc causa est, cur cum aliquid in eo Concilio esset definiendum, de eo prius certior Pontifex à Legatis fieret ut ab eo instruerentur : ne quid necessarium ad rite definiendum omitterent : Hucusque Vallius & Bellarminus qui videntur obviam ire voluisse rumoribus qui dum Synodus Tridentina celebraretur invaluerant : Scilicet Spiritum Sanctum Roma & Patribus Tridentinis evocari atque Tridentum mitti. Verum hæc illorum Oratio declarat quorsum absolutæ Monarchiæ persuasio evadat : nempe ut nobis animum inducamus Christum divinos affatus per unum Papam Ecclesiæ largiri. Quod certe regulis à Christo positis & praxi Ecclesiæ primitivæ sub octo primis universalibus Conciliis servatæ omnino adversatur. Enimvero Dominus Matthæi XVIII. suam & Spiritus Sancti opem ac præsentiam non unicuiquam Monarchæ & singulari Homini, Loco, aut Urbi, Sedi, vel Cathedræ Episcopali, sed duntaxat Congregationi factæ in suo nomine sic pollicetur : *Ubi fuerint duo vel tres congregati in nomine meo ibi sum in medio eorum, &c.* quo de Textu disputatum est Axiomate XVII. Apologiæ nostræ. Porro Ecclesiæ praxim à Libro primo hujus Historiæ mutuaberis : quo demonstratur omnia in Synodis consensu & communione sanctorum sua-*

suaviter inita & collecta decerni semper consuevissent. Et ita insurgit, Patres Tridentinos Canonice Congregatos, nihil plane opus habuisse ut mitterent Romam petitem illuminationem Spiritus Sancti ad infallibiliter decernendum: cum vi & pondere promissionum Christi facultas infallibiliter statuendi illis competeret. Porro, hanc novam & ante inauditam rationem procedendi introductam, à Patribus Tridentinis, nemo mirabitur, qui sciverit Episcopos partim desuetudine habendarum Synodorum & tractandi omnia libere & secundum leges Aristocratici regiminis, tandem legibus absolutæ Monarchiæ Pontificis assuevissent: & non ausos temperamentum Aristocraticum ad usum revocare: partim etiam quoniam Pontifices sedulam operam dederant, ut in Tridentino Concilio Episcopi Italiæ triplo ferme aliarum Provinciarum Episcopos superarent: ac proinde omnia ex animi sui arbitrio & Curiae Romanæ stilo, ac placitis, quibus innutriti erant, decernerentur. Nam in editionibus Tridentini Concilii legimus ex sola Natione Italica *Centum octoginta septem*, ex aliis vero omnibus Provinciis & Nationibus solummodo octoginta interfuisse Episcopos. Quocirca Italiæ Episcopi, assueti dominationi Curiae Romanæ, toti à nutu Pontificis tanquam absoluti Monarchæ pendebant. Hercle quidem Joannes Baptista Adriani Florentinus qui



Guichardini Historiam continuavit atque magno Duci Hetruriæ erat à Secretis, narrat, Anno 1562. Pium IV ex familia Mediceorum oriundum, vix sibi à magno Duce Hetruriæ cognato suo passum persuaderi, ut ad Synodi celebratinem animum adjungeret: tandemque rationibus Ducis Hetruriæ impulsus, indixisse Concilium Tridenti: atque Universis Italiæ Episcopis imperavisse ut sese illuc conferrent: In eumque usum aliquos etiam de novo citasse Episcopos: sic enim suffragiorum numero se quicquid vellet consequuturum speravit. Magister Claudius Espensæus qui Synodo Tridentinæ interfuit, Commentariis in Epistolam ad Titum, prima digressionem aliquanto post initium de hac procedendi ratione ita conqueritur: *Verum hæc sive potestas sive prerogativa & privilegium, cum ut reliquæ majores Ecclesiarum causæ penes R. S. hætenus fuerint, factum est posterioribus sæculis: ut quod merito in Concilio Basileensi Ludovicus Arelatensis querebatur, in Conciliis demum id fiat & necessario fiat, quod Nationi placeat Italica: ut quæ sola Episcoporum qui & ipsi soli vocem illic decisivam habent, numero Nationes alias æquet, aut superet: sicut scripsit Lib. primo de gestis ejus Concilii Aeneas sylvius nondum Pius.* HÆC ILLA EST HELENA QUÆ NUPER TRIDENTI OBTINUIT: ait Espensæus, ostendens Curiam Romanam haud ferme aliter Tridenti decernisse ut numero suffragiorum vinceret, quam

Græ-

Græcos & Trojanos pro Helena sua : siquidem memorat *in Conciliis id fieri & NECESSARIO FIERI, quod uni placet Italica Nationi* : continuoque liberas non esse Synodos frustra Reformationem Ecclesiæ sperari. Cui malo ut Patres Constantienses & Basileenses occurrerent, merito statuerunt suffragia tributim & nationaliter ferri, ut supra dictum est. Profecto si acta integra Synodi Tridentinæ haberemus, multa nobis Curia Romanæ arcana paterent consilia, quæ silentio obruuntur.

In hac Synodo, duo rerum genera tractantur : primum dogmatica quæ ad fidem & doctrinam spectant ; de quibus nulla plane inter Catholicos movetur Controversia. Secundo Politica, quæ ad mores disciplinam & gubernationem Ecclesiæ faciunt. Hæc autem à Theologis & Canonistis bipartito dividuntur : Ita ut ex Constitutionibus Politicis, quædam antiquis Conciliis & Canonibus penitus concordent : quædam vero nullo modo, cujusmodi sunt novæ constitutiones quas Curia Romana ad suum privatum commodum & dominatum Monarchicum extorsit. Quod sectat ad Constitutiones Politicas prioris generis, *quia de Canonum disciplinis atque Ecclesiasticis ordinationibus exceptæ sunt*, ab omnibus etiam Catholicis magna ex parte approbantur : secus autem est de novis Constitutionibus. Equidem, Patribus octo primorum Con-

ciliorum generalium super hoc unum propositum legimus, ut Jus commune & regimen Aristocraticum vindicarent ac factum rectum ad posteros quale ab Apostolis acceperant transmitterent : saltem quantum tempora ferre poterant. Contra Episcopi Italiæ, totis animi & corporis nervis in Synodo Tridentina incubuerunt, ut cuncta negotia Ecclesiastica dehinc ad solum nutum & Curia Romanæ Imperium fluerent. Exempli gratia ex Ecclesiæ primitivæ consuetudine & institutis, unusquisque Episcopus tanquam unicus Sacerdotii atque Episcopatus Christi immediate particeps, suam Diocesim conformiter ad quintum Canonem Nicænum in solidum moderabatur : neque ullus Christianus ambitu Diœcesis habitabat qui non Episcopo proprio subderetur. Quæ politia forma sub octo primis universalibus Conciliis continuavit. At in Tridentina Synodo nova & antea-ctis temporibus incognita ratio inuenta est : qua Romanus Pontifex tanquam absolutus Monarcha, Ecclesiam universalem per Episcopos, *quasi per suos Procuratores, Commissarios, Delegatos*, haud ferme aliter regeret, quam Franciæ Rex, verbi causa, regnum suum per Prorèges, Magistratus, atque officarios potestatem delegatam ab Principe mutuantes gubernat. Quocirca Sessione quinta, Capite primo, & secundo de reformatione : Item Sessione sexta, capite secundo &

& tertio : Sessione vigesima secunda, capite quinto, sexto, & octavo : Item Sessione vigesima quinta, cap. nono quædam velut potestas Delegata omnibus Episcopis in propria Diœcesi residentibus tribuitur à Papa : ut hac ratione sensim novis mandatis absolutam Monarchiam & unicum Episcopum universalem recte & callide per universum orbem Christianum insinuantibus, assuescere discant : Etenim Curia Romana aut frustra aut gratis nihil unquam facit, sed omnia privato suo commodo modulatur & attemperat. Hic forsitan opponet aliquis Tridentinum Concilium delegatam solum tribuere potestatem Episcopis ratione exemptorum & Privilegiatorum qui immediate pendent à sede Apostolica : Respondeo, ita quidem in nonnullis prædictorum Capitum agi de Privilegiatis, sed in aliis secus esse. Præterea hoc etiam dato urgeo ejusmodi exemptiones Privilegiatorum, solo jure humano & ex Ecclesiæ consensu, ne dicam Episcoporum socordia vel ignorantia, inveterasse : atque omnes Episcopos jure divino in solidum tanquam Apostolorum successores potestatem habere supra cunctos Christianos tum Clericos, cum Monachos & laicos finibus suæ Diœcesis contentos. Et Papam excepto primatu, nihil jure divino quo aliis Episcopis antecellat habere, neque eorum auctoritati posse jure derogare. Unde illi Clamores & luctus S. Bernardi, Gre-



gorii VII. seculo, tertio de consideratione ad Eugenium cap. VIII. *Truncari se clamitant ac demembrari, vel nullæ Ecclesiæ vel pauca admodum sunt, quæ plagam istam aut non doleant aut non timeant. Quæris quum subtrahuntur Abbates Episcopis, Episcopi Archiepiscopis, Archiepiscopi Patriarchis sive Primatibus: bonane species hæc, nimirum si excusari queat vel opus, &c.* Deinde Cap. X Tu denique tibi licitum censeas suis Ecclesiis mutilare membris, confundere ordinem, perturbare terminos quos posuerunt Patres tui: Si Justitiæ est jus suum cuique servare suum, auferre cuiquam propria justo quo modo poterit convenire? Erras si ut summam ita & solam institutam à Deo vestram Apostolicam potestatem existimas. Si hoc sentis, dissentis ab eo qui ait: non est potestas nisi à Deo. Proinde quod sequitur, qui potestati resistit Dei ordinationi resistit: Et si principaliter pro te facit, non tamen singulariter. Denique idem ait omnis anima potestatibus summitoribus subdita sit. Non ait sublimiori tanquam in uno: Sed sublimioribus tanquam in multis, non ergo tua sola potestas à Domino; sunt & mediocres, sunt & inferiores. Monstrum facis si manui submovens digitum, facis pendere de capite: superiorem manu, brachio collateralem. Tale est si in Christi corpore membra aliter locas quam disposuit ipse Dominus, &c. Quando igitur Episcopi suam immediate derivant auctoritatem à Deo, sicut ipse Papa; hicque supra illos nihil divinitus, præter primum gradum Sacerdotii

dotii Christi & potestatis Ministerialis spiritualis obtinet : Certe Episcopi jure humano ea potestate quam divinitus habent à Deo privari nequeunt : & si quando huic privationi per vim & errorem assensum præbuerunt hoc non valet, juxta regulam : *Qui errat non consentit.* Adde res sacras & cœlitus constitutas diuturnitate temporis non præscribi ab usurpatoribus, sicut temporalia. Itaque Episcopi quotiescumque voluerint, possunt in integrum restitui si ad juris quæstionem attendamus : de vi autem & facto non disputamus.

Insuper dignum notatione occurrit, Episcopos Italiæ ad normam Sexti Decretalium, ex stilo & consuetudine Curia, pœnas temporales & pecuniarias in Tridentina Synodo passim irrogare quasi vero Dominus curam secularium & temporalium Ecclesiæ permisisset. Quæ procedendi aut statuendi ratio, nunquam alias facta aut attentata legitur in antiquis Conciliis vel ante Gregorii VII *Dictatus absolutos.* Nemo quidem negat Sacerdotem posse in foro Conscientiæ pœnitentibus imperare, ut aliquid pecuniarum aut temporalium in pios usus erogent : verum si hoc pœnitentes facere recusarint, presbyter pœnitentiarius illos cogere non potest : neque similiter Episcopi temporales pœnas in foro externo irrogare, easque executioni mandare valent : ratio est : quia temporalia & secularia

cularia sunt fori politici non Ecclesiastici. Cæterum quas temporales & pecuniarias poenas Romani Pontifices sciunt in decretalibus, in eam partem capi debent, ut ab illis velut à principibus politicis non tanquam ab Episcopis decernantur. Quocirca ejusmodi poenæ illos duntaxat obligant, qui Papæ subiecti sunt in temporalibus ratione patrimonii S. Petri, id est donationis Pipini & Caroli Magni: vel etiam propter eos qui se sponte regendos ejusmodi decretalibus mancipant: quæ decretales vim obligandi non habent nisi à populis recipiantur. Sed quotusquisque non admiratione ducatur, Patres Tridentinos, Sessione vigesima quinta cap. tertio, concedere Episcopis facultatem poenas corporales irrogandi atque adeo parere repugnantes compingendi in carcerem: Item Sessione vigesima quinta, capite decimo nono, statuunt, ut Dominus temporalis qui duellum fieri permiserit, *Urbe, terra, aut ditioni illa abdicetur in qua duellum patratum est.* Deinde vigesima tertia Sessione capite sexto cavetur, *ne homines tonsura donati, quamvis matrimonio juncti, coram alio judice quam Episcopo proprio vocentur: modo alicujus Ecclesie servitio & ministerio deputati sint ab Episcopo.* Quod decretum ex Bonifacii VIII. extravagante *de Clericis conjugatis* in sexto, promptum est. At Sessione vigesima quinta capite vigesimo decernitur ac præcipitur, *quatenus omnes*  
*(sacri*

*sacri Canones & Concilia Generalia omnia, necnon aliæ Apostolica sanctiones in favorem Ecclesiasticarum personarum libertatis Ecclesiasticæ & contra ejus violatores editæ innoventur, & exacte ab omnibus observentur. Quæ si locum habeant, oportet bullam Cœnæ Domini ab omnibus recipi & in rem judicatam mitti : quæ quidem nominatim statuit Ecclesiasticos non politicis Principibus, sed soli Papæ tanquam absoluto Monarchæ subijci etiam in temporalibus. Ex quo insurgit, Clericos si quid in Reges atque Principes politicos moliantur nullum posse crimen perduellionis aut læsæ Majestatis contrahere. Quod si Princeps aliquid in Ecclesiasticos rebus novis studentes decernere voluerit ipso facto, in sententiam excommunicationis incidit secundum hæc placita & si per annum in ejusmodi excommunicatione continuet pro Schismatico & Hæretico habetur. Quare juxta regulas directorii inquisitorum, quæ tam solerter à Jesuitis mittuntur in rem judicatam, jus est ejusmodi Principes trucidare, ut alias demonstrabitur. Porro Clericorum privilegia quæ Bulla Cœnæ Domini continentur ex Bonifacii VIII. decretalibus verbum de verbo hausta sunt: neque extra Curiam ullo modo obligant, nisi quantum juri divino, naturali & Canonibus receptis consentiunt : De qua re alias.*

Venio ad Decreta de morum & disciplinæ  
Ec-



Ecclesiasticæ reformatione : ad quam universæ Nationes Christianæ cum animo ardentissimo ab ducentis amplius annis anhelarent : tandem pro vera atque genuina imaginariam & subventaneam reformationem habuerunt. Enimvero, septima Sessione ubi de reformatione agitur, hoc egregium assumentum omnibus aliis capitibus quæ de disciplina aut Ecclesia emendanda sciscuntur pro exordio præmittitur : quo quidem cætera omnia diruuntur & antiquantur : præbe faventiam Lector : *Eadem Sacrosancta Synodus eisdem præsidentibus & legatis, inceptum residentie & reformationis negotium ad Dei laudem & Christiana religionis incrementum prosequi intendens, ut sequitur, statuendum censuit : salva semper in omnibus sedis Apostolicæ auctoritate. Quæ egregia clausula etiam frequentatur in Synodi conclusionem, Sessione vigesima quinta capite vigesimo primo, ut ultima primis quadrarent : Postremo Sancta Synodus omnia & singula sub quibuscumque clausulis & verbis quæ de morum reformatione, atque Ecclesiastica disciplina tam sub felicis recordationis Paulo III. ac Iulio III. quam sub Beatissimo Pio IV. Pontificibus maximis in hoc Sacro Concilio statuta sunt, declarat ita decreta fuisse, ut in his salva semper auctoritas sedis Apostolicæ sit, & esse intelligatur. Proculdubio, nullum unquam Concilium ad normam Apostolicæ disciplinæ habitum legimus, in quo Patres quantum fieri posset politiam*

litiam Ecclesiasticam & regimen fixum ac immobile non redderent : omnesque Episcopos, ne quidem Romano dempto, Canonibus obstringerent : quam ob causam omnia sua decreta juri communi conformia efficiebant : jus autem commune lege divina & naturali nititur. Ex quo fit, ut Zosimus Papa XXV. quæst. I. diserte doceat : *Contra statuta Patrum condere aliquid vel mutare, ne quidem sedis Apostolica auctoritatem posse : Apud nos, inquit, inconuulsis radicibus vivit antiquitas cui decreta Patrum sanxere reverentiam* : quo de Canone amplius disputavi Lib. IV. defensionis Libelli de Ecclesiastica & politica potestate, cap. VI. Verum nemo tam cæcus est qui non videat Episcopos Italiae his clausulis voluisse cassam ac irritam efficere reformationem : atque illis ipsis iter munire Romam qui à Curia dispensationes ad plura beneficia redimere cuperent. Nam vetus est querela S. Bernardi & plurimorum aliorum *omnia esse venalia Romæ*. Hinc autem facile est conjicere, cur stante Concilio Tridentino tam crebri Cursores Romam mitterentur : non quidem ad illinc afflatus divinos, ut Bellarminus & Vallius supra comminiscuntur eliciendos : sed ut Curia Romana certior fieret eorum omnium quæ singulis momentis tractarentur : & impediret ne quid juribus suis præsumptis & usurpatis derogaretur per accuratam Ecclesiæ reformationem. Quandoquidem omnes

mnes corruptelas Ecclesiæ & Ecclesiasticorum magno habet quæstui, illique instar messis aureæ sunt hominum peccata, ut taxa Cancellariæ declarat de qua paulo post. Sed ut nostram historiam ulterius promoveamus, capite secundo de reformatione, Sessione septima hoc notabile decretum occurrit, quod quidem factum diceres in aliquo primorum Conciliorum Generalium, dum unica tantum uni tantum committebatur Ecclesia, nullusque in dubium revocabat, quin Residentia Pastorum juris esset divini: *Nemo quacumque etiam dignitate, gradu, aut præeminentia præsulgens, plures Metropolitanas seu Cathedrales Ecclesias in titulum sive in commendam aut alio quovis nomine contra sacrorum Canonum instituta recipere & simul retinere præsumat: cum valde felix sit ille censendus cui unam Ecclesiam bene ac fructuosè & cum animarum sibi commissarum salute regere contigerit. Qui autem plures Ecclesias contra præsentis Decreti tenorem nunc detinent, una quam maluerint retenta, reliquas intra sex menses, si ad liberam sedis Apostolicæ dispensationem pertineant, alias intra annum dimittere teneantur. Alioquin Ecclesiæ ipsa ultimo obtenta duntaxat, excepta, eo ipso vacare censeantur.* O præclarum & salutare decretum, nisi clausula ante primum caput de reformatione affixa & in Conclusionem Synodi iterata, illud plane ludificaretur ac everteret. Profecto Magister Claudius Espensæus Doctor Parisiensis, qui cum Petro Danæ-

Danæ-

Danæſio Franciſci primi Oratore ſeſe ad Tridentinum Concilium contulerat, refert quam primum hoc decretum de non poſſidendis pluribus Eccleſiis unica latum eſt, Paulum III. declarationem & propoſitum ſuum ediſſe ſuper hoc decreto : quam declarationem ipſe Eſpenſæus teſtis oculatus exhibet, capite primo Commentariorum in Epistolam ad Titum ubi de *ἀρχιεπίσκοπος* diſſerit. Nam, inquit Eſpenſæus *Paulus III. Concilio ſelectorum Cardinalium quod ipſe haberi & edi voluerat non acquievit: cum Tridentini Sæſſione ſeptima decreto & Canone II. de reſormatione cauiſſent neminem plures Eccleſias Cathedrales in poſterum recipere, & ſimul retinere: qui autem plures tum haberent una quam mallent retenta, reliquas miſſas facerent: præſati tamen hæc ſe ſtatueræ ſalva ſemper in omnibus S. Apoſtolice auctoritate. Is, inquam, Paulus in Decreto Canonis huius interprete hæc addiderit. Sic autem ut fructus omnes ſibi reſervare poſſit: tantum ut aſſignet aliquid reſignatario pro ſuo dignitate utcumque tuenda. Regreſſum etiam retinere: ut ſi accideret Reſignatarium cedere vel decedere, Eccleſia ad Reſignantem regrediatur: eandem de novo alteri eadem conditione ceſſurum, & ſic in infinitum. Atqui Novemviri argumento plane inſolubili probaverunt, ait Eſpenſæus, magnum abuſum eſſe ſic omnia Reſignanti reſervari, & Reſignatario adimi: Officio enim beneficium, ideſt, redditus ſic annexus eſt, ut corpus anima: ideo ſua natura ad eum qui beneficium habet pertinere: quibus*  
*Lib. IV. Pars. II. N honeſte*

honeste pro suo ordine vivat, cultum divinum sustentet, sacras ades reparet, reliqua in pios usus erogaturus. Sic autem reservationes fructuum & administrationes beneficiorum cumulari, &c. Et hoc pacto jura plerumque omnia Episcopalia ei competunt qui amplius non est Episcopus: fiat autem Episcopus qui nullum Episcopi jus habet: Regressus autem pretextu & coadjutorum nomine, qui plerumque dantur minus idoneis quam ipsi sint Resignantes, ea non tam industria quam illusione, liquido nisi claudamus oculos, tum beneficia testamento legari, tum heredes institui: utrumque sacris Canonibus valde vetitum: quorum præ cæteris Romanum Episcopum custodem esse convenit: ut ad Orientales olim scripsit Julius I. Et hæc tamen Paulini Decreti praxi Tridentini Canonis mira fraude sic qui plures habebat Episcopas, unam videlicet retinuit, ut non ita nuper ex nostratibus Cardinalibus quidam obierit quinque Episcopatum præter Abbantias totidem, fructus percipiens, assignata quarta parte Resignatariis pro sua cuique scilicet dignitate, vix ac ne vix quidem tuenda nisi quod totidem vultures uni illi cadaveri inhiantes spem interim pretio emebant. Concilium interim Bononiam translatum, paulo post suspensum, & mortuo Paulo intermissum: successor Julius III. redauspicatus est Bononiæ: antea Sessione XI. palam professus in Sacramentorum Ecclesiæ ministerium innumerabiles abusus irrepsisse. Quorum indubie non minimus est, quod multis in locis minus gratuita est eorum ministratio: in aliquibus etiam adeo



adeo venalis, ut etiam cum sepultura pauperculis ea non semel denegata sint. Redassumptum ergo Tridenti & aliquo usque continuatum Sessione sexta, ad biennium secundo suspensum: Protestantibus interim & suspensionis decreto contradicentibus gravibus aliquot Episcopis Hispanis: maxime quibus erat cordi necessaria, ut nihil magis, morum & abusum reformatio & causantibus nec uni quidem, nedum hinc ex causis propter quas convocatum erat Concilium plene adhuc satisfactum esse. Integro igitur decennio interruptum, tot votis optatum, tandem etiam à Pio IV. obtentum, rursus Tridenti resumptum, & tertio congregatum: Patribus licet integrare à Pontifice permissa: adeo tamen Romanam Curiam repurgare sibi non permisit: ut etiam quaecumque de morum reformatione & disciplina Ecclesiastica inferioribus præscripsit, in his salvam semper S. Apostolica auctoritatem & esse & intelligi declaraverit, Sessionis septimæ & ultimæ. Canone vigesimo primo: ut non minus græte quam pie Pius idem magnam gratiam Patribus Tridentinis publica oratione Romæ in frequentissimo Romanorum Cardinalium confessu & consistorio habuerit: quod in Ecclesiastica emendatione tantam auctoritatis illius rationem habuerint: tantaque in eum moderatione sint usi, ut si is seipse suaque reformare voluisset, longe severior in se futurus fuerit. Quid igitur superest, nisi ut quod eodem scripto pollicetur & Concilii reformantis auctoritatem non declinet: & si quæ Patres aliqua vel ratione omiserunt vel circa ea mitiores fuerunt,

eorum, occurrens modestie, ea tanquam iudicio ejus relictâ, suppleat? Si enim non minus vere quam libere D. Arianus hodiernæ morum vastitatis tabem à Capite in reliquum Ecclesiæ corpus serpsisse dixit, percutiat sanctuarium suum Pius ejus Successor oportet, & à domo sua incipiat Ezechielis IX. primæ Petri IV. Certe videt propter aliquot ejus Præcessorum sua non quæ Iesu Christi sunt querentium avaritiam, & avaritiam, ut ex scriptoribus ei licet sedi addictissimis probare possumus in quem statum adducta sit SS. Apostolica, imo tota Christi Ecclesia: quam multa non multis ab hinc annis facta sit ab ea discessio: metuendum ne major fiat, in vel aliquando tandem remedium adhibeat: Si tantis quibus obruitur Ecclesia malis medendis allata mora fuerit: hoc futura damnosior quo longior: Et tam diuturnorum motuum non alia causa major quam quod tot annis nihil immutatur, nihil emendatur: & omnis reformandi spes inde abrupta SPECIES OBLATA: quod reliquum Ecclesiæ corpus reformatum velint, qui tam multis annorum Centenariis Urbem in qua merum atque mixtum habent Imperium, deformatissimam adhuc reliquerunt. Quid enim vel excusare vel excogitare verum aut verisimile possunt: quibus non vel Rex, vel Cæsar, non Populus, non Clerus, non generalis Synodus, non tota denique Ecclesia dicere potest cur ita facis? Quid, inquam, prætendere possunt, quod eis sibi suisque reformandis moram vel remoram tandiu fecerit, & ubi tamem sub sole major malorum omnium licentia, clamor, impunitas, ne dicam infamia

*famia & impudentia? Talis sane ac tanta, ut nemo credat nisi qui viderit, neget nemo nisi qui non viderit.* Subnectit Espensæus se de his cum Paulo IV. Pii IV. prædecessore libere egisse dum esset Romæ : & Paulum cogitasse de Espensæo retinendo Romæ cum eo honore quem ea sedes largiri solet maximum. Sed *laus & gratia Deo ac Domino nostro Jesu Christo, inquit Espensæus, qui quem ei mei promovendi animum dederat vel permiserat, mox abstulit: ne fortassis ambulare in magnis & mirabilibus super me, &c.*

Hucusque planctus lugubres Espensæi, inde manantes quod præsentem statum Ecclesiæ deploratissimum, lectione assidua Patrum & Conciliorum cum disciplina Apostolica sæpe contulisset : atque etiam ut jam monui Synodo Tridentinæ cum Petro Danesio Varenfi Episcopo sub Paulo III. interfuisset. Quare memor eorum quæ ipse viderat nunquam sibi persuaderi passus est à Cardinale Lothareno Anno 1562. ut cum aliis Doctoribus Parisiensis Scholæ ad Synodum Tridentinam sub Pio IV. proficisceretur : siquidem præfagebat certo quæcumque de morum reformatione ibidem statuerentur fore illusoria. Quam ob causam Magister Claudius Sanctius Doctor Sorbonicus, qui Cardinali Lothareno Comitatum præbuerat Tridentum, eidem Espensæo Collegæ suo literis valde congratulatur quod non se ad Synodum Tridentinam contulisset : Sanctii Literas Gallice scriptas



verbum de verbo sic Latine reddam: *Domine, nunquam tibi melius Spiritus adflavit, quam ne huc venires. Credo enim quod propter indignitates quæ hic committuntur ad impediendam reformationem mortuus fuisses. Franci sincerius, & studiosius se gerunt aliis: qui nos sæpe habent ludibrio propter adversos casus quibus nunc afflictaur Regnum Franciæ. Quamprimum huc appulimus, tractabatur de Sacramento ordinis. Hispani maxime urgebant ut Synodus declararet Episcopos institutos à Christo, & Presbyteris jure divino esse superiores: Galli omnes sese Hispanis adjunxerunt: Sed ut consequentia hujus propositionis impediretur, Itali in hoc solo Canone decem aut duodecim titulos in gratiam & favorem Papæ immiscebant: quibus titulis prætexebant solum Papam fuisse immediate institutum Episcopum à Christo, & reliquos Episcopos non habere potestatem nisi dependentem à Papæ potestate, & ab ipsomet Papa. Nullus est nostrum qui non vellet esse in Sorbona etiam cum viæ periculo. Mibi impossibile est tibi sigillatim omnia acta enarrare quæ vidi & audi in hoc Concilio. Tridenti XV. Junii 1563. His ergo de causis Espensæus stomachum demittere non poterat erga illos qui obstaculo erat quominus Ecclesia emendaretur. Proculdubio impossibile est viro & Civi optimo, illos æquo pati animo qui optimum Reipublicæ in qua nati sunt statum convellere moliantur ut privatum dominatum & divitias sibi quærant: plusque potentia quam tota Respublica habere.*

bere volunt. Hæc autem Collectio Espensæi, sex præsertim digna observatione complectitur.

Primum, quod ait, Patres Tridentinos in iis quæ de moribus emendandis & disciplinæ reformatione decreverunt semper voluisse & intellexisse salvam esse S. Apostolicæ auctoritatem, ut Papa ex animi sui arbitrio de Canonibus dispensaret : Id quidem in eam partem capi debere contendo, ut nimia cura Episcoporum Italiæ in efferenda potestate Pontificia, eidem hoc loco non mediocriter noceat. Enim vero, hæc clausula locupletissimum nobis testimonium auctoritatis Concilii supra Papam consignat : quoniam clare ostendit minime licitum Pontifici de Canonibus Conciliorum Generalium ad mores & disciplinam spectantibus pro lubitu dispensare, sed duntaxat ad mentem atque propositum Concilii : puta cum necessitas & bonum commune Ecclesiæ exigit. Certe absque hac exceptione nequaquam liceret Papæ de Tridentinæ Synodi canonibus ex animi sui arbitrio dispensare absque gravissimo peccato.

Secundo, Declaratio Pauli III, cujus meminit Espensæus pugnat omnino cum ejusdem Pauli instituto in Concilio Selectorum Cardinalium, quod jussu ejusdem Pauli conceptum atque editum est : & Novemvirale vocatur ab Espensæo, quoniam ut supra notavi à Novemviris, quorum quatuor erant

Cardinales conditum est. Et hinc colligit Espensæus, omnem Ecclesiæ & præsertim Curiae Romanæ, in melius reformandæ rationem his moribus desperatam esse: *Omnis reformandi spes inde abrupta species & prætextus*, ad illudendum hominibus *oblatus* inquit: sic enim legendum: non autem *species ablata*: qui error est operarum.

Tertio, quod istas insanas dispensationes exemplo cujusdam Cardinalis Galli illustrat, quinque habentis Episcopas cum totidem Abbatiis velut sponfas legitimas: potest quidem & alterius Cardinalis nostratis imagine cumulari: qui tres opulentissimos Archiepiscopatus cum sex ditissimis Abbatiis possidebat in Titulum: ac tum demum prædictos Archiepiscopatus ejuravit, vix dum aliquid proventuum Resignatariis ad onera perferenda relinquens. Cum autem Dominus ille Cardinalis supremum diem clausisset, sex illius Abbatiae cum uno Archiepiscopatum reservati sunt ejusdem Nepotulo trienni. Huc quoque accurrit & alterius Cardinalis factum, qui duodecim atque amplius Abbatias cum Nobilissimo & pinguisimo Episcopatu possidebat: Cumque in gratiam Nepotis Episcopatum ejurasset sibi omnium præbendarum, dignitatum, Prioratum, ac pinguiorum Sacerdotiorum collationes cum omnibus juribus atque proventibus feudalibus ejusdem Episcopatus & beneficiorum eidem Epi-

Episcopatuui unitorum reservavit. Et hæc sunt egregia monimenta emendationis Ecclesiæ post Tridentinæ reformationis regulas : quæ nominatim pugnant cum Articulis Concilii selectorum Cardinalium, ne quid de Canonibus antiquis jureque divino & naturali loquamur. Verum de hoc tam enormi abusu atque reservationibus, Regii Triumviri Parlamenti Anno .... die .. solenni quo causæ in magna decuria aguntur, tanquam ab abusu provocarunt. Hercle ad Corruptelarum cumulum apprime facit, quod Divites & Magnates nullo negotio à Curia Romana dispensationes obtinent ad plura beneficia : & inter alios Cardinales *propter privilegium, quod Os* A P E R T U M *nominant*, nulla omnino indigent dispensatione ad omnia omnis generis beneficia quantumvis incompatibilia possidenda. Quod genus Privilegii illis duntaxat Cardinalibus tribuitur, qui sese Romam ad Galerum Cardinalitium, sola quidem manu Pontificis obtinendum, contulerunt : atque inter ejusdem manus Sacramentum arcanum de juribus Curiae tutandis emiserunt : tum enim & non antea Cardinalibus *os aperitur* : hoc est datur potestas ingrediendi Conclave ad eligendum Pontificem quando sedes vacat : alias nullus Cardinalis hoc potest frui Privilegio. Quæ artes sunt eximiæ quibus Curia Romana sibi homines callide devincit. Verum, quando potentes atque opulenti tam

proclive dispensationes redimunt à Curia: Quis non miretur optimum atque Doctissimum Theologiæ Doctorem cum ab Episcopo Parisiensi in Ecclesiæ Parisiensis pœnitentiarium fuisset cooptatus absque præbenda, (siquidem præbendæ quibuscumque aliis potius quam onus ac æstus dici portantibus conferuntur) vixdum per duos annos integros ingeminatis & frequentatis idemtidem supplicationibus vanum atque inanem titulum Canonatus ad effectum, ut vocant, consequi valuisse. Mirabilis certe Ecclesiæ reformandæ ratio; judicet Lector, utrum hoc sit Camelum deglutire & culicem percolare, Matthæi XXIII.

Quarto, quod ait. Espensæus Julium III. palam professum in Sacramentorum Ecclesiæ ministerium innumerabiles abusus irrepisse, nomine quidem non re fallitur, ac Julium pro legatis Pauli III. accipit. Nam Acta Tridentini Concilii quæ huc ingeram in Sessione undecima editionis Antuerpiensis Anni 1564. apud viduam Martini Nutii ad insigne Ciconiarum, hæc referunt: *In nomine Domini nostri Jesu Christi Amen. Anno à Nativitate ejusdem millesimo quingentesimo quadragesimo septimo, indictione quinta, die vero Mercurii decima quarta mensis Septembris, Pontificatus SS. in Christo Patris & Domini nostri, Domini Pauli divina providentia Papæ III. Anno XIII. Bononiæ in domo Campegiorum, & solita residentia Reverendissi-*  
*morum*

*morum & Illustrissimorum Dominorum Sacri Concilii Præsidentium & Apostolicorum de latere Legatorum : & in aula ubi generales congregationes fieri consueverunt, hora circiter vigesima prima: Habita fuit congregatio generalis Patrum ipsius Sacri Concilii, in qua quidem congregatione primum more solito Reverendissimus & Illustrissimus Dominus Joannes Maria Episcopus Prænестinus Cardinalis de Monte ipsius Sacri Concilii Præsidentis & Legatus, invocavit auxilium S. Spiritus, legens alta voce & intelligibili voce infrascriptam orationem: videlicet, adsumus Domine Sancte Spiritus, adsumus quidem peccati immanitate detenti, sed in nomine tuo specialiter adgregati. Veni ad nos, esto nobiscum, &c. Qua oratione absoluta idem Reverendissimus & Illustrissimus Dominus Cardinalis de Monte Præsidentis & Legatus præfatus alloquutus fuit Patres his verbis: videlicet, Dies crastina SS. Patres, ut Dominationes vestræ sciunt, erit ea Dies quæ statuta fuit à nobis ad Sessionem celebrandam. Quot quantisque & quam diversis circumveniamur angustiis, difficultatibus, & impedimentis, nemo est qui non videat. Nondum venerunt Prælati complures quos scimus arripuisse iter: ac præsertim piæ ac inclytæ Nationis Gallicanæ. Aliqui venerunt hodie, heri, nudiustertius, denique de repente ut non potuerint seipsos & animum suum informare in materia tam gravi, ampla, & diffusa, prout est HÆC SACRAMENTORUM ECCLESIAE & abusuum innumerabilium qui in ministerio ipsorum Sacramentorum irreperunt. Sed quid loquimur de*

ab-

absentibus, aut de iis qui nuper venerunt: cum illi qui semper fuerunt praesentes & tota astate versati sunt, in disputationibus & examinationibus, & in audiendo privatim & publice minores Theologos adhuc parati non sint, neque esse potuerint: His difficultatibus accedit atrocitas insperati casus Illustrissimi Ducis Placentiae, qui nos ita detinet occupatos in tuenda libertate Civitatum Ecclesiae, ut nos ipsi neque per horam quidem vel punctum temporis liberi simus. Letamur & gratias agimus, Deo quod in Decreto proxime praeteritae Sessionis fuerit addita illa clausula, in fine prorogandi & restringendi terminum etiam in privata congregatione, &c. Haecenus Cardinalis de Monte Legatus Pauli III. cui etiam in Pontificatu successit Julius qui III. vocari voluit: unde etiam liquet si ad Julii Pontificatum attendas, recte quidem dictum ab Espensæo *Iulium III. palam professum in Sacramentorum Ecclesiae ministerium innumerabiles abusus irrepsisse*. Utinam vero omnia acta integra & illibata habere possimus, multa, inquam, arcana nobis innotescerent. Cæterum hinc discimus in Synodo Tridentina *Minores Theologos*, ut eos nominant, solitos res controversas examinare ac discutere: & quasi mansum in os ignarorum Prælatorum injicere: si tamen ignari illud mandere ac bene coquere quiverint. Stella in Lucam Cap. sexto ad hæc verba: *Nunquid potest cæcus cecum ducere, &c. ait sibi à risu temperare non potuisse, quod Episcopi secum ducerent*

Tri-



*Tridentum Theologos Doctos quieos illuminarent, dirigerent, & docerent quid dicturi & responsuri essent.* His etiam de causis Espensæus lib. secundo digressionum in primam Epistolam ad Timotheum de Clerico doctore, graviter lugeat, Episcopus hodiernos officium suum, quod est prædicare verbum, Dei quasi vile atque obscurum adjecisse. Verum quando clavis discretionis, necessario clavem Jurisdictionis præcedere debet; perpende quantum insit roboris atque virium Episcoporum suffragiis, qui nullam suæ sententiæ rationem reddere queunt.

Quinto, quod ait Espensæus Synodum Tridentinam toties intermissam prorogatam & suspensam, valde notabile est: quoniam nullum aliud unquam extitit Concilium in quo obtinendo, habendo, continuando & absolvendo tantum difficultatis, operæ, laboris, Cæremoniarum externarum, imo & fabricarum collocatum sit. Hercle dum jus commune & regimen Aristocraticum vigerent, Concilia nullo aut facili negotio cogebantur, & celebrabantur: Ita ut singulis diebus una actio aut Sessio cumulatissime perficerentur. Sed postquam absoluta Monarchia invaluit, omnia pessum ruere coeperunt: propterea quod dominandi libido quæ inimica est Charitati, Spiritui Ecclesiæ, & communioni Sanctorum, omnem extinxit charitatem, regulasque morum oppressit,  
ut

ut suæ privatæ utilitati velificaretur. Hinc factum, ut Synodus Tridentina sub Julio III. post quintam Sessionem, biennium integrum suspensa fuerit, Episcopis duodecim Hispaniarum contradicentibus, quorum intercessionem hic exscribam quæ extat in editione Tridentini Concilii viduæ Martini Nutii Antuerpiensis, cujus jam supra memini.

### Protestatio Patrum infraſcribentium

contra Decretum Suspensionis ad biennium Generalis Concilii Tridentini, lecta in præfata Sessione quinta per R. Salvatorem Archiepiscopum Turritanum.

**C**Um hoc Sacrum Oecumenicum Concilium ante tot annos à toto Christiano orbe desideratum, tantis laboribus procuratum, tandem Tridenti ad extirpandas Hæreses, tollenda Schismata, reformandos mores, pacemque inter Christianos Principes componendam fuerit convocatum: neque post ejus convocationem fuerit adhuc satisfactum, nedum omnibus, sed nec plane alicui ex causis propter quas convocatum est, præsertim reformationi necessariæ abusu, unde mala omnia quibus vexatur Ecclesia & orta esse & confoveri apertum est. Nos infra scripti Archiepiscopus & Episcopi nostrarum conscientiarum testimoniis compulsi, huic Decreto Suspensionis Concilii in eo contentis circumstantiis & conditionibus tam quoad substantiam ejus, quam quoad formam contradicere decrevimus, prout de præſenti contradicimus & repugnamus: tum quia causæ suspendendi  
quæ

qua in eo assignantur, bella scilicet, & Germaniae tumultus (quos brevi sedatos iri ac componi vel in ipso Decreto sperari dicitur) non usque adeo videntur urgere, ut sit propter eos ita à Concilio persequutione cessandum, saltem in iis quæ ad reformationem attinent. Quinimo ad sedandas Principum discordias, aptissima visa est Concilii convocatio subindeque prosecutio & continuatio. Tum etiam quia dicta Suspendio, magis dissolutionis quam justæ, moderatæ, aut necessariæ Suspensionis speciem præferre videtur. Neque enim, etsi ceteræ difficultates deerint quas timere nos docuit experientia, tam celebris Prælatorum Conventus, ex tam diversis remotisque Provinciis haberi facile poterit: nec deerunt impugnatoribus Catholicæ Ecclesiæ occasiones & rationes ad servanda alendaque bella atque discordias, quibus hujus Concilii, cujus nomen apud eos est tam odiosum, resumptionem impediant, aut ludificentur: quod nunc eos conari variisque rationibus tentare videmus: Si præsertim viderint conatus hujusmodi prospere eis cedere, nosque eo adegisse, ut ab incepto opere cessaverimus. Præterea, deterret nos ingens scandalum certaque Hæreseum prope confirmatio: quam ex tali & tam diuturna suspensione, nedum ipsis Ecclesiæ adversariis, sed & Catholicorum plerisque orituram esse manifestum est: Cum dominica castra, publicamque causam deferere non alia ratione magis quam persequutionum metu, laborum impatientia, & quod pejus est, causæ ipsius & divini auxilii desperatione opinabuntur, cum tamen in tuto loco ab  
omni

omni bellica injuria remoto sedisse nos viderint; ubi alias cum non minus periculosa bella gererentur, nihilominus ipsa Synodus fiducialiter in divino hoc opere perseveraverit: quod profecto inficiari nec nos ipsi possumus. Cum itaque e manibus nostris repetende erunt anime que peritura sunt, per subtractionem hujus salubris atque unici remedii aliisque de causis conscientias nostras moventibus, huic Decreto non expresse contradicere non possumus, imo & contradicimus, & quantum possumus absolute repugnamus. Ne tamen omni consilio non consentiendi rationem querere videamur neve abhorrere credamur à suavi rerum dispositione, cum & nos difficultatis temporum recessusque Prælatorum Germanicæ nationis fere omnium, rationem aliquam habendam esse non improbemus. Petimus, ut sequens viam quam hætenus tenuit atque servavit hæc Sancta Synodus, Sessionem ad proximas Calendas Maji indictam ad moderatum aliquem terminum proroget, diemque declarat, qui ipse ita pro homine interpellet, ut alia convocatio, declaratio, aut intimatio minime sit expectanda, quominus ad hunc locum Concilii omnes Prælati convenire & possint & teneantur. Addentes nihilominus quod si infra dictum declarandum terminum prædicta impedimenta cessaverint, curet Sanctitas sua Prælatos omnes ad prosecutionem Concilii revocare: quibus interim ad proprias Ecclesias remeare si libeat licebit. Ultima vero Decreti verba quibus commendatur Decretorum hujus Sanctæ Synodi observatio, placerent utique, si absque his verbis (quatenus ad

eos

*eos de jure spectat) publicetur : quæ litium occasio esse videntur & seminarium. Quæ quidem omnia ita & non aliter fieri petimus & protestamur. Quod si secus fiat, nullam nobis nec Sanctæ Synodo præjudicium fieri quovis tempore, tam propter hujus Decreti Suspensionis publicationem, quam ob quemcumque alium actum factum vel faciendum, attentatum vel attentandum, per quasumque personas contra hujus Oecumenici Concilii auctoritatem & potestatem. Conciliorumque Oecumenicorum omnium. Petimus, insuper à Synodi hujus Notario, ut hanc nostram Scedulam Contradictionis, attestationis, & protestationis inter acta Synodi unam cum hoc Decreto inferat : indeque ipse vel alii nobis unum vel plura Authentica instrumenta exhibeant. Prælati qui contraxerunt Decreta Suspensionis Concilii XXVIII. Aprilis 1552. fuerunt isti.*

*R. D. Salvator Alexius Sassarius Archiepiscopus Turritanus Hispanus.*

*R. D. Ioannes Salazar Episcopus Lucianensis Hispanus.*

*R. D. Alvarus Della Quadra Episcopus Venuntin. Hispanus.*

*R. D. Episcopus Tundensis.*

*R. D. Petrus Acuna & Avellaveda Episc. Astorincens. Hispanus.*

*R. D. Episcopus Civitatis.*

*R. D. Ioannes Fonseca Episcopus Castellimaris Hispanus.*

*R. D. Franciscus de Navarra Episcopus Pacen. Hispanus.*

O

R. D.

*R. D. Michaël Puch. Episcopus Elvensis Hispanus.*

*R. D. Episcopus Gadixenf.*

*R. D. Episcopus Pampilon.*

*R. D. Ioannes Bernardus Diaz Episcopus Calagurrita Hispanus contradixit simpliciter Suspensioni, nulla facta distinctione inter Suspensionem & prorogationem Concilii.*

Haftenus actum intercessionis Episcoporum Hispaniæ; quod sicut multa alia expunctum est ex editione Romana Concilii Tridentini. Cæterum ejusmodi protestatio nos evidenter docet, quantum intersit veram atque orthodoxam doctrinam de Aristocratico regimine Ecclesiæ, & Concilii auctoritate supra Papam vindicare, quemadmodum est Synodo Constantiensi Sessione IV. V. & XXXIX. ne Papa absque consensu & auctoritate Concilii Synodum dissolvat, suspendat, aut alio traducat: quod amplius cautum est Sessione XI. Basileensis Concilii, ut supra docuimus. Hercle nisi hæc Concilii & temperamenti Aristocratici auctoritas libera asseratur & retineatur, Ecclesiasticæ disciplinæ tabes nunquam in melius emendabitur propter Curia Romanæ artes: quæ magno cum religionis Catholicæ opprobrio, omnes abusus in suum privatum commodum & temporalem dominatum avidissime abripit: cujus rei testis est locupletissimus nullaque ratione refutandus aut improbandus Liber Taxæ Can-

Cancellariæ Romanæ: In quo ait Espensæus loco jam citato Commentariorum in Epistolam ad Titum, *Plus scelerum discas licet, quam in omnium vitiorum Summistis & Summariis, & plurimis quidem licentia omnibus autem absolutio empsurientibus proposita parco nominibus, nam quod ait nescio quis.*

*Nomina sunt ipso pœne timenda sono,*

*Mirum hoc tempore, hoc schismate; non suppressum, tot tamque fædorum: tamque horrendorum scelerum velut indicem adeo infamem: ut non putem in Germania, Helvetia, & ubicumque à Romana sede defectum est, opus prostare majore hujus scandalo, & adeo tamen non supprimitur ab Ecclesiæ Romanæ favissoribus: ut tantorum ac talium facinorum licentiæ ac impunitates, in facultatibus legatorum illinc huc venientium, bona ex parte innoventur atque confirmentur, adversus (si Deo placet) quæcumque natalia restituendi, ac etiam quoscumque Spurios, Manseres, Bastardos, ex quocumque illicito coitu; &c. Cum ex his qui se per adulterium polluerint, ut connubere possint, perjuros, Simoniacos, falsarios, item raptores, usurarios, Schismaticos, Hæreticos, sed ad cor reversos, non absolvendi tantum, sed & ad ordines, honores dignitates, & beneficia quæcumque, quocumq; qualicumque dispensandi: homicidas quoque sed Casuales seu involuntarios, nam nec voluntarios quidem excepit Taxa superior, presbytericidas, parricidas, matricidas, fratricidas, sororicidas, uxoricidas, infanticidas, veneficas, incantarices,*



*concubinarios, adulteros, incestos, cum affinibus aut consanguineis: denique contra naturam cum brutis, &c. Habeat jam Roma pudorem & tam nullius frontis criminum omne genus Catalogum prostitucere designat. Jam omittam Annetas quocumque colore uel prae-textu exigantur in Basileensi Concilio Sessione XXI. de Simonia damnatas, &c. hæc Epen-tæus. Sed ad propositum, lectoremque mo-neo in Synodo Tridentina sub Julio. III. nul-los Galliaë Episcopos interfuisse tum propter continua bella quæ inter Carolum V. Impe-ratorem & Henricum II. fervebant & pro-tectionem Ducis Placentini quam Henricus suscepit. Verum in Episcoporum Hispaniaë obnuntiatione, hoc amplius occurrit nota-bile quod iniquo ferant animo Julium III. in Decreto Suspensionis Concilii hanc adfuisse clausulam: *Interea tamen eadem Sancta Synodus exhortatur omnes Principes Christianos & omnes Prelatos, ut observent & respective quatenus ad eos spectat observare faciant in suis regnis, Dominiis & Ecclesiis omnia & singula, quæ per hoc Sacrum Oecumenium Concilium fuerunt hætenus Statuta & Decreta.* Siquidem futurum cernebant, ut hæc concepta vocabula *quatenus ad eos spe-ctat, &c.* præbitura essent magnam occasio-nem Curialibus, qui verborum apices au-cupantur, quo minus Decreta de reforma-tione Statuta Tridenti possent, mitti in rem judicatam ab Episcopis & Principibus Chri-stianis: quoniam hi quotiescumque id facere voluif-*

voluissent, semper proum erat Curia Romanæ causari & obtendere, hoc ad illos non spectare, nisi quantum & quatenus Papa absolutus Ecclesiæ Monarcha pati vellet. Quocirca clausulam illam magnum fore litium seminarium denuciant, & interea dum omnem laborem pro Ecclesia reformanda susceptum, cassum atque irritum futurum. Profecto Episcopos Hispaniæ hac sua protectione voluisse, dignitati Ecclesiæ & Conciliorum Generalium consulere, liquet. Idque hæc clausula indicat: *Contra hujus Oecumenici Concilii auctoritatem & potestatem Conciliorumque Oecumenicorum omnium, &c.*

Sexto, ait Espensæus, post curam omnem Ecclesiæ emendandæ & facultatem dispensandi de canonibus relictam Pontifici à Tridentinis Patribus, reuera spem melius regendæ Ecclesiæ, & morum castigandorum funditus abjectam: Cujus rei hanc assignat rationem, quod licet Papa merum & mixtum habeat Imperium Romæ, ita ut à nullo impediri possit, quin suam privatam Diocesim & Curiam ad aliquam tolerabilem emendationem reducat, nihilominus id ei curæ non esse: quamquam Romæ major malorum omnium licentia clamor, impunitas, infamia & impudentia quam uspiam alibi. Sed quicquid dicat, Ego opinor rebus sit nunc sunt in urbe stantibus, impossibile esse Pontifici suam Curiam reformare, nisi forte eam velit

& possit prius totam immutare. Nam eo miseriarum res evasisse claret : ut omnia Carcinomata & deformitates , in quandam formam status temporalis reipublicæ opulentissimæ degenerarint , & post Synodum Tridentinam magis ac magis stabilitæ sint. Quocirca Curiales jure vel injuria , hunc propudiosum & monstruosum statum non modo sartum tectum , sed etiam maxime auctum & ampliatum cupiunt : in eoque dies & noctes totas laborant , ex quo fit , ut Papa si velit bene agere pro Ecclesiæ emendatione non possit , ut Adriani VI. exemplo patet : à quo tempore abusus in immensum aucti cumulati & corroborati sunt , post Synodum Tridentinam ut jam docui. Cujus rei illustre ac domesticum aliud Testimonium edere lubet nimirum Gentiani Herveti viri Doctissimi qui Tridentino Concilio Anno 1562. interfuit , cum Cardinali Lothareno & Theologis Parisiensibus : suamque de necessitate reformandæ Ecclesiæ sententiam , luculentissima Epistola ad Alphonsum Salmeronem Theologum Societatis Jesuitarum referavit cum esset Tridenti , quam Epistolam hic solide exscribam : Causam vero eam tum lucubrandi illa celebris disputatio de Pastorum residentia Gentiano præbuit , quæ disputatio quamquam sub Paulo III. agitata fuisset Tridenti , tamen iterato sub Pio IV. renovata , quando actum est de Sacramento ordinis , vide Sessionem

CONCILIORUM GENERALIUM. 207  
XXIII. Cap. primo, ubi de reformatione &  
residentia Pastorum agitur.

Reverendo Patri Alphonso Salmeroni  
Sodalitatis Jesu Sodali Gentianus Hervetus S.

**C**UM tu me agrotantem, quæ tua fuit huma-  
nitas, nudius tertius invisisses: inter ceteros  
Sermones quos inter nos contulimus, hic fuit præ-  
cipuus: quod cum ego dixissem me non posse non  
dolere, quod propter hujus Concilii diuturnita-  
tem à suis gregibus tandè abesse cogerentur Episco-  
pi, hoc maxime infelicissimo tempore quo tot un-  
dique oriuntur lupi: qui miseras pecudes dilaniant,  
discerpunt, ac dilacerant: tu quoque hoc ipsum  
egre ferre præ te tulisti, & hoc etiam adjecisti: id  
eo magis esse dolendum, quod unicum juris divini  
vocabulum, tanquam aliquod malum aureum in  
medium injectum, tantam inter Patres excitavit  
disensionem: ut his jam sex mensibus feliciter cœ-  
ptum Concilii cursum retradaverit. Quod quidem  
te eo magis mirari dicebas. Quod non sit adeo ma-  
gna inter eos controversia. Nam cum utrique in  
suis Ecclesiis residentiam fateantur esse necessariam:  
alii eam juris esse divini absolute censeant. Alii au-  
tem juris quidem esse divini sed per Ecclesiam, id  
est, per summum Pontificem dispensabilis. Cum  
autem quarerem si res non est adeo magni momen-  
ti: qui sit ut alii hanc juris divini particulam De-  
creto de residentia inseri tantopere cupiant, alii  
Cane pejus & angue fugiant & horreant? Dixisti,  
nunquam permissurum Pontificem, & quæ ejus  
partes

O 4

partes sequuntur, ut de Pontificis detrabatur auctoritate: detractum autem iri, si propter hanc adjectam divini juris particulam à Pontifice accersiti, aut aliquo missi Episcopi, parere recusarent. Omitto cetera quæ dixisti, nempe ex Sacris Litteris nunquam adstrui residentiam esse juris divini, quod impune & facillime videamus violari quotidie. Hæc tu quidem dicebas, ad quæ facile potest responderi. Nam cum pascere gregem sit juris divini, id quoque sine quo explicari non potest juris sit divini necesse est. Et cum Episcopatum alicui mandat Pontifex, id quoque mandat quod est juris divini, nempe ut gregem pascat & ea ratione resideat. Si autem ante Cajetanum nemo scripsit residentiam esse juris divini, minime est mirandum. Nam nemo unquam de eo dubitavit: neque ut id scriberet Cajetanum aliud impulit, quam quod per summam indignitatem videret suas Ecclesias ab Episcopis deseriri: qua quidem in re magis est laudandus: quod cum jam esset Cardinalis nec quicquam esse quod amplius ambiret, Episcopos vera scribendo officii sui admonuerit: quod Catharinus & Campegius, quod juris non esse divini residentiam primos omnium dicentes, Episcopatibus quos habebant majus aliquid ambivisse non levis est conjectura. Si pænis autem Canonis non potuerint hactenus Episcopi contineri in officio: quid vetabit experiri num adjecta juris divini particula amplius aliquid poterit? Quod ergo prodesse potest, non potest obesse: id ne disertis verbis exprimatur, quid opus est tantopere contendere? Sed hoc ut dixi omitto; ad ea venio quæ dixisti, subodorari Pontificem

*Et qui ejus partes tuentur, fore ut dicto Pontificis minus pareant Episcopi, Et ita de Pontificia detra-  
batur auctoritate, si juris divini particula adjicia-  
tur Decreto de residentia. Ea autem dicam quæ cum  
tu mecum loquebaris minime cogitabam, cum tu  
autem discessisti mihi venerunt in mentem, repu-  
tanti Et diligentius examinanti verba quæ apud me  
feceras: Atque primum quidem omnium hoc mihi  
occurrit, Sacrosanctum Tridentinum coactum esse  
Concilium, ut profligetur Hæreses, Et lapsa Eccle-  
siastica reparetur disciplina: disertis enim verbis ex-  
pressum est ideo congregari, ut reformetur Ecclesia  
tam in Capite quam in membris: quod quidem ma-  
ximam speræ dedis bonis omnibus fore, ut prisci illi  
Et incorrupti mores in integrum restituerentur:  
Cum quod propter diuturnam Et longi temporis præ-  
scriptionem munitam consuetudine per se non posset  
facile efficere Pontifex, id libero Sanctæ Synodi per-  
mitteret arbitrio. Et jam cessabat quæ plurimorum  
animis infederat opinio, nolle Pontifices congregari  
Concilium, quod timerent sui Et suorum reforma-  
tionem. Ex hoc auctoritati Et dignitati Pontificis  
quantam putas factam esse accessionem? Quæ certe  
futura erat longe major si iis quæ verba præ se fere-  
bant, facta quoque respondissent. Sed cum subdu-  
bitari captum est, Et deinde manibus quodammodo  
palpari, simplicibus offendi tenebras: Et qui dolus est  
malus, aliud agi aliud simulari, subito mirandum in  
modum refrixit quam de Pontifice boni omnes con-  
ceperant opinio: quamquam meo quidem judicio non  
tam hujus rei culpa est in summum Pont. conferenda:*

qui non minus est re quam nomine Pius : quam in nummarios aliquot Episcopos , & Curia Romana aliquot aſſeclas : qui partim officii ſui immemores , & Eccleſias deferentes , partim majora captantes , & majores Titulos ambientes , non minus ſunt addiſti Romæ , quam ſervi glebæ : quorum tam importuna & tam cæca eſt ambitio , ut malint Germaniam perpetuis agitari ſeditionibus , recuperandæ Angliæ omnem ſpem amitti , Franciam , quæ ſummorum Pontificum potentiffimum & tutiffimum ſemper fuit propugnaculum , è Catholicorum manibus , quod nunc maxime eſt timendum , eripi : Cælum denique terræ miſceri , quam in animum inducere , ut relicta Roma ſuos greges paſcant : qui ſunt adeo inconfiderati , ut cum proximus ardet paries , ſuam quoque rem agi non videant. Hujus funeſti quod nunc eſt in Gallia belli , quis futurus ſit exitus Deus novit. Mibi certe valde timendum videtur , ne cum omnium noſtri temporis , abſit verbo invidia , quam virtute & morte ſuperavit Imperatorum fortiffimus & omnibus alioqui virtutibus adeo abſolutus , ut nullum ei vitium auſi ſint unquam abjicere adverſarii : ut qui ſolus prælia Domini pugnaffet dici poſſit Dux Guiſianus non minus immatura quam violenta morte nobis ſit præreptus : totque jam viri fortes pro fide Catholica ſuſcepta glorioſa Martyrii Corona in hoc bello ceciderunt : timendum eſt , inquam , ne ſi mores noſtros non corrigamus , Deus permittat , ut Gallia & Germania , connivente vel etiam conſpirante Italia , conjunctis ſimul copiis de Eccleſiaſticorum ,  
qui



qui nolunt corrigi, peccatis pœnas sumant. Deus faxit ut inanis meus sit hic metus; at facile id fieri posse, quemlibet vel parum cordatum ipsa docet experientia: si quid in Germania & Anglia intra paucos annos & nuperrime in Gallia factum sit recordetur, sed ut ad rem redeamus, maxima ex parte exceptis paucis, qui sincera & illasa conscientia libere dicunt quod sentiunt, sunt hujusmodi ut dixi Episcopi qui juris divini particulam Decreto de residentia addi nolunt: qui cum summi Pontificis auctoritatem se defendere simulant, revera autem suæ ambitioni & libidini serviunt: dici non potest in quantam invidiam vocent summum Pontificem.

Quid enim ad vulgi aures accidere potest, magis invidiosum quam si summus Pontifex, cujus sunt partes universam regere Ecclesiam, nolit providere ut Episcopi in suis resideant Ecclesiis? Nolle autem providere censëbitur, si per eum steterit quominus residentia juris esse divini statuatur: quod quidem videtur esse adeo perspicuum, ut sit ea veluti quedam notio impressa animis hominum.

Quam multis in locis, ut ego quidem arbitror, immerito male audiat summus Pontifex nemo est qui nesciat: & tamen à malevolis conflata in eum invidiam tantam vim videmus habuisse, ut multæ eaque maximæ nationes ab eo defecerint.

Quid futurum autem censemus, si per universum Christianum orbem quod maxime timendum est, hæc pervagatur fama, nolle Pontificem ut Episcopi in Diœcesibus suis resideant: Nolle autem dicetur, ut jam dixi, si per eam steterit, quod absit ne residen-

sidentia juris esse divini statuatur. Cavendum, cavendum est, inquam, ne si hoc fiat non minus apud Catholicos, quam apud Hæreticos laboret invidia: & tot pestilentissimis, quæ Christianum orbem vexant, Hæresibus, accedat, quod Deus avertat, etiam schisma. Sed quam quæso est perversum eorum judicium, qui Pontificis auctoritatem eos tutari, qui non esse juris divini residere existimant: de ea autem eos detrahere qui existimant. Quasi vero sit aliquid quod magis faciat ad conservandam, atque adeo augendam Pontificis auctoritatem, quam si omnes quibus sunt mandata munera Ecclesiastica, iis ut par est fungantur: fungi autem qui recte possunt, si ea ipsi deferentes vicaria semper utantur opera? Cujusmodi vero est, quod dicis jussis Pontificis minus esse parituros Episcopos, si in Decreto addatur residentiam esse juris divini? Quamobrem? quia si à summo, inquis, accersantur Pontifice aut jubeantur aliquo proficisci, poterunt semper ejus detrectare Imperium, hoc prætextu quod juris sit divini residentia. Tu ipse, inquiet Episcopus, jussisti residere me, imo vero Deus jussit, non licet itaque hinc me discedere. Ad hæc facile est respondere, non est magis Ecclesiæ suæ obligatus Episcopus quam uxori maritus: inter Episcopum certe & Ecclesiam, veluti quoddam Spirituale contrahitur matrimonium. Quamvis autem Matrimonium sit viri & mulieris conjunctio individuum vitæ consuetudinem retinens, non est tamen adeo hæc arcta ac individua vitæ consuetudo, ut non possit maritus justis de causis ab uxore aliquandiu abesse. Ita etiam Episco-

*piscopus quamvis jure divino obligetur residere, non tamen perpetua adstringitur residentia, ut ei non liceat aliquantisper abesse justis de causis: quæ quidem poterunt esse hujusmodi, ut minus nitantur jure divino quam ipsa residentia. Non est certe dubium quin si à Pontifice ad Concilium vocetur Episcopus, aut in locum aliquem mittatur, in quo ad compescendam Hæreticorum rabiem, sit ejus opera ad tempus opportuna ac necessaria, vel si quid aliud sit ejusmodi, in quo agatur vel de religione, vel de Ecclesiæ salute, sit semper lubenter pariturus Episcopus, ut qui satis intelligat cum ex scripturis sacris sit perspicuum Petri Apostolorum Principis Successorem esse Christi Vicarium, se etiam obligari ad ei parendum, in iis quæ ad Ecclesiæ pertinent ædificationem: Nec si ab Ecclesiâ suâ aliquandiu abfuerit pro desertore habendum: Cum nec ab ea deserendi animo recesserit & suæ Ecclesiæ providere sit censendus, qui pro tota laborat Ecclesiâ, cum communi salute contineatur etiam salus singularum. In his ergo non est dubium, quin sit quivis bonus & sui officii non immemor Episcopus summo Pontifici lubenter pariturus, nec veriturus ne si statutum fuerit juris divini esse residentiam, & parendo videatur commississe in Canonem. Neque tamen negari potest à summo Pontifice, nonnulla Episcopo imperari posse quibus si non pareat, non proptinus Pontificis Imperium detrectasse, sed justas attulisse causas propter quas jure sit excusandus, non immerito, sit censendus. Nec ea solum intelligo quæ aperte sunt, turpia & plane indigna*  
*quæ*

quæ jubeantur à Pontifice : sed etiam ea quæ videntur honorifica , & quæ etiam ad ipsius Ecclesiæ ædificationem , leviter intuenti videntur conducere : ut autem quid mihi velim facilius intelligas , unico exemplo eoque clarissimo rem totam oculis subjiciam , ex quo cætera facile elucescent. Quid videtur hodie magis honorificum , quam ad Cardinalatus à multis tantopore expetitam pervenire dignitatem ? Quid rursus ad Ecclesiæ ædificationem magis conferre creditur , quam si Pontifex eos Cardinales habeat à Conciliis qui & doctrina excellent , & ea vitæ sint sanctitate , ut exemplo non minus profint , quam verbo ? Et tamen poterit esse hujusmodi Episcopus , qui si à Pontifice cardinalitio Galero oblato Romam evocetur , longe melius Ecclesiæ sit consulturus , si oblatum honorem non admittens , & se excusans in sua Diœcesi maluerit , ut cæperat , residere quam Romam proficiscens inanem titulum quærere. Ponamus enim esse Episcopum , qui in iis habitet regionibus in quibus timeatur late serpens Heresis , quam & Libris doctissime & elegantissime scriptis compescat , & sua auctoritate populum in officio contineat. Ponamus ergo cum remisso , qui honoris causa efferebatur galero , & se excusare & ita apud Pontificem agere.

Ego, Sanctissime Pater , quam possum maximas tibi ago gratias , quod me indignum tanto honoris dignatus. Ego vero vel obvis , ut ajunt , ulnis cum excepissem & arctissime essem complexus , si id mihi liceret per meam vitæ conditionem : Sed cum in eo gradu sim collocatus , ut Episcopatum mihi jam-

*jampridem mandatum administranti, ab ovili & scriptis & concionum latratu lupos procul arcenti, populo mihi commissio verbum Dei sincere predicanti, & omnes Episcopi partes pro viribus implenti sit praesentia mea, in mea Dioecesi necessaria: ignoscas quaeso, si galerum quantumvis honorificum minime duxerim esse accipiendum. Et certe, cum quid ex eo evenisset, ut verum dicam, apud me considero, video si acceperem, eo rem fuisse redituram, ut accepto galero, ipso jure meus vacasset Episcopatus: qui cuinam mandaretur, in hoc infelicissimo quo vigilantissimis Pastoribus opus est tempore, mihi valde providendum censebam. Jam vero si per Cardinalatum ex Episcopo factus essem non Episcopus, & in presbyterorum numerum essem cooptatus, non immerito censerer ab Equis, quod ajunt, descendisse ad Asinos. Ego certe non possum adeo esse Aërianus, ut non Episcopi majorem esse censeam dignitatem, quam presbyteri; quantumvis ergo fuissim Cardinalis, nihil aliud fuissim quam presbyter. Quod mihi fuisset gravius adhuc si cum in meo Episcopatu, sit frequentissimus apud quem soleo concionari populus, Romæ mihi esset assignatus, cujusmodi sunt permulti, Titulus, in quo nullus esset populus: & in quo esset hujusmodi ades sacra, ut dignior videretur in qua staret Hara quam Ara. Dices forte beatiss. Pater non esse cur recusem accipere galerum: Nam & si ipso jure meus vacet Episcopatus, cum tamen mihi reditum iri: ut qui quadam veluti fiducia sit rursus mihi commendandus: futurum est ergo ut sim non*  

*verus*

verus Episcopus : quod quidem tantum abest, ut mihi persuaderi possit, ut nullam aliam rem Christianæ Reipublicæ majorem arbitrer creare perniciem, quam hanc fiduciarum Episcopatum & procul diffitorum Monasteriorum Cardinalibus commendationem : qua nihil est aliud, quam Ecclesiarum & Monasteriorum proventus eis commendandos propinare : dum ipsi Ecclesias & Monasteria deserant, imo nec semel quidem invisant. Hoc exemplum cum à Roma tanquam à capite ad cætera membra sit derivatum, incredibile est quantam calamitatem Christi attulit Ecclesiæ, tantam certe ut nisi Christus nos respexerit, & ad lapsam reparandam Ecclesiasticam disciplinam te, Sanctiss. Pater, inspiraverit, de Petri Navicula, cujus tu clavum tenes, actum plane videatur : Quanam autem spes est fore, ut lapsus reparetur ordo Ecclesiasticus, quandiu Cardinales commendatorum sibi Episcopatum & Monasteriorum fruentur proventus : quæ ipsi ne per somnium quidem viderint ? Quam vero hoc est miserandum & plane deplorandum, quod cum in Italia tot sint Diœceses, vix tamen vicesimus quisque Episcopus in sua Ecclesia resideat, & populum pascat : Neque vero hoc te fugere potest beatissime Pater, cum omnes fere qui Romæ in aula tua Magistratus gerunt, & munera obeunt, eorum sint numero : & diebus festis in tuo sacello tantam eorum videre possis multitudinem, ut fere ex ea justus conscribi possit exercitus. An vero cum eos vides, non tibi quandoque venit in mentem, quot illic sint Episcopi tot in Italia te vidente & permittente deser-

desertas esse Diœceses? Visne te pro Christi vero, quod tuus tribuit Pontificatus gerere vicario? Eos omnes à tuo conspectu ad suas deferunt Ecclesias expelle: populumque docere, verbum Dei prædicare, & quæ sunt Episcoporum partes implere compelle: nihil potes facere, quod fame verbi Dei laboranti populo possit esse gratius, & ad reparandam disciplinam, quæ est maxime necessaria accommodatius. An vero cum tot sint in Italia Episcopi qui non resideant, æquum censebis ut Ego Cardinalis creatus, & nihilo Episcopus fiduciarius Romæ degens, meo exemplo ad non residendum ceteros Episcopos incitem, qui ad residendum Romæ essent expellendi? Absit SS. Pater, ut quod vides plane iniquum, id à me fieri statuas. At dices fortasse, quod aliqui videri posset iniquum, æquum videri poteris, si consideres quod tam futurus esses, in Sanctissimo totius orbis Christiani conventu, in quo aguntur maxima, quæ ad Christianam Rempublicam pertinent causæ, tu eis tuis Consiliis adjuvamenti plurimum adferre posses: Ego vero de me tam præclare non sentio, ut meum Consilium rebus hodie tam afflictis, aliquid opis afferre posse putem: Hoc unum scio, ad profligandas Hereses & populum Christianum in officio continendum, non aliud præsentius esse remedium, quam si lapsa Ecclesiastica reparetur disciplina. Quam sit autem difficile eam reparare, ex hoc facile est conjicere, quod cum Doctissimis & Sanctissimis Cardinalibus Contareno, Sadoletto, Polo reformationis negotium mandasset Sanctæ memoriæ Paulus III. res habuit hunc exitum,

Lib. IV. Pars. II. P. 86



ut nullus inde sequutus sit effectus, Quamquam sit ea res ex se non multum difficilis : ex eo quidem est certe longe difficilior quod saepe contingat, ut Pontifices qui reformationem sedulo cupere praeseferunt, doctissimorum & optimorum virorum, quos ad se accersunt opera, non ad reformationem quam in vulgus jactant, sed ad suam stabiliendam potentiam abutantur. Hoc in te cadere SS. Pater tantum abest ut existimem, ut te nihil esse magis & re & nomine Pium iubens & sentiam & pradicem. Sed quoniam es in summo gradu potestatis collocatus, quo fit ut multorum sermonibus aures tuas patero necesse sit, tuque me Consilio nonnihil valere existimas, non verebor ea scribere, quae tua sanctitati coram si liceret dicerem. Nullos Sanctissime Pater majores habes hostes quam tuos domesticos, qui tibi perpetuo assentantes, & ea ratione ad amplissimos honores sibi viam munientes, divinam tuam potestatem & auctoritatem semper habent in ore: quam quidem si quispiam obstinato animo denegaret, is in impiorum numerum esset merito referendus. Falluntur autem, & fallunt, si qui existimant eam in eo esse sitam, ut tu prohibeas eos quibus munera sunt mandata Ecclesiastica, ne iis, ut par est, fungantur, & populum sibi commissum pascant. Quod cum explicari non possit absque residentia, etiam atque etiam cavendum est, ne levi aliquo pretextu à suo officio à te o Beatiss. P. avocentur Episcopi. Quoniam autem nihil est, quod ardentissimis omnium bonorum votis magis hodie exposcatur, quam ut Ecclesiastica reparetur disciplina:

plene:

*plina : tuque si istic adessem à me fortasse de ea re Consilium caperes , paucis dicam quod sentio : quod ut pro summa tua humanitate in bonam partem accipias te rogo & obsecro. Non ea dicam quæ forte ab Assentatoribus audire es solitus , qui semper ea quæ joconda videntur auribus tuis instillant : Sed quæ videbuntur quidem paulo acerbiora , sunt autem ejusmodi omnium , qui recte sentiunt judicio , ut Ecclesiæ tibi commissæ ex iis salus pendeat. Vis ó Pie Pontifex Sanctiss. Ecclesiasticam reparare disciplinam ? Vis certe , nec malevolorum qui de tua Sanctitate detraxerunt , maledicta mihi contrarium poterunt persuadere : Sed si vis , fac ut judicium à Domo Dei , à Domo , inquam , tua incipiat. Non vides quam barbarico prope dixerim luxu aula tua tota diffuat ? Cardinalium tuorum quantus sit comitatus , quam multi Anteambulones , quanta eos sequentium Episcoporum Caterva : quam superba sunt eorum vestes , quam superbus comitum ornatus , quam superba etiam multarum frena & ephippia , quam superba palatia. Quorsum in urbe Sancta auditur tot equorum hinnitus , tam sonorum tubarum & buccinarum clangor , tam horrendus bombardarum strepitus ? Hæcine fieri in ea urbe in qua sita sunt duorum Christi Discipulorum Corpora : qui ab omni fastu fuerunt alienissimi , & hæc ab iis fieri , qui ut eorum sunt Successores , ita eorum oportuit vitam , quoad ejus fieri potuit imitari. Sunt hæc omnia , Beatissime Pater & Sanctissime , corrigenda , totusque hic nimis superbus & dissolutus vivendi modus ad frugalitatem*

*reducendus. Sed quo modo hoc fieri poterit, in tam corruptis hominum moribus : maxime cum nihil sit difficilius, quam assueti relinquere? Ego quidem nullam video aliam commodiorem rationem, quam si renovetur sextus Canon Concilii Chalcedonensis. Consideretur quinam sint Romæ tituli in quibus sit populus qui pascatur, doceatur, regatur, & Sacramenta ei administrentur? Ad quemlibet horum titularum, cum ea vacare contigerit, ordinetur Cardinalis, qui ordinatus in eo prædicandi & Sacramenta administrandi suo fungatur munere, omni spe ei adempta potiundi alicujus Commendati Episcopatus aut Monasterii, in quo non possit reside-  
re. Eum suus alat Titulus : quod si in non possit, suppleat id quod deerit amplissimum Christi primum benignitate concessum, deinde Constantini, & Caroli Magni, ut cæteros omittam liberalitate Petri patrimonium. Ad eos autem Titulos ordinari poterunt non solum Romani, sed etiam externi, de quorum doctrina & nulli crimini affini vita erit satis constans & fama, modo ne sint Episcopi aut alicui Ecclesiastico muneri addicti, quod non possint deserere. Cæteri autem inanes Tituli, in quibus nullus est populus omnino supprimantur. Sed quoniam in eis multa templa antiqua religione sacra, ut quæ in honorem aliquorum martyrum, aut alioqui Sanctorum sunt consecrata, & ad quæ statis anni diebus soleat populus convenire, providebit summus Pontifex, ut easarta tecta maneant, & ad rem divinam faciendam, cum opus erit illuc convenient Sacerdotes ex aliis Ecclesiis. Hæc nonnullis for-  
tasse*

*taſſe nova videbuntur, cum ſint antiquiſſima, & à Synodi uſque Chalcedonenſis, quod imperante fuit Martiano, Pontificatum autem gerente SS. Leone I. temporibus repetita. Nova autem videntur; quoniam per quandam negligentiam, ne dicam pravitatem, ſunt antiquata: hinc certe factum eſt, ut non novæ ſint, ſed veteres de iis quæ Romæ contra Eccleſiaſticam diſciplinam fiunt querolæ: quæ nonnullam dederunt occaſionem, ut vel tam multe ſint Hæreſes exortæ, vel non tam cito ſint repreſſæ. Hoc Eccleſiaſtica diſciplinæ veluti jacto fundamento, nihil eſt facilius quam reliqua ſuperſtruire: Nolo itaque in iis exponendis diutius immorari, ſed ea curſim perſequi, quæ tibi Beatiſſ. Pater ſua ſponte ſatis occurrerent. Primum itaque non eſt committendum, ut uni plura mandentur Eccleſiaſtica munera. Hoc enim antiquis plane repugnat Canonibus, deinde tollenda ſunt, quæ citra rationem ſunt in beneficiis, ut vocam conferendis ſummi Pontificis præventiones: nec illorum conferendorum alia illi debet eſſe cauſa, quam ut eorum ſuppleatur negligentia, quarum ſunt partes conferre: utpote ſi exaëto ſexto menſe, ipſi nondum contulerint: regularia dentur regularibus, ſecularia ſecularibus, reſidentia omnibus imperetur: nec ab ea eſſe immunem niſi ad tempus certis & juſtis de cauſis cuiquam concedatur. Concilia tam Metropolitanæ, quam Episcoporum quotannis celebrentur: in quibus & de Eccleſiæ negotiis mature & diligenter inquiretur, & in Eccleſiaſticos quos deliquiſſe conſtiterit, ſevere animadvertatur: Legati à ſede Apoſtolica in*

diversas orbis partes mittantur, qui quicquid ubique fiat diligenter observent, & ad summum Pontificem renuncient: ut si aliquos se male gerere intellexerit, eos vel missis Literis admoneat, & arguat: si res postulaverit eos etiam ad se evocet. Ipsi autem interea se integre & innocentem gerant: nec hoc sibi proponant, ut ordinariorum præoccupando conferendi vices se & suos locupletent: Sed potius dent operam, ut Ordinarii in viros probos, & qui suscepto muneri pares esse possint conferant. Extremum est, quod mihi venit in mentem Beatiss. Pater, quod vel primum est omnium censendum: nempe ut quoad ejus fieri poterit, quaecumque in Curia expedientur Romana expediantur gratis, & deleatur illa macula, qua à priscis usque temporibus urbi infedit, OMNIA ROMÆ ESSE VENALIA. Hec sunt Beatiss. Pater, quæ si de Ecclesiastica disciplina reparanda rogarer essem responsurus: quæ cum tibi absens exposuerim, non est quod mea præsentis opera amplius tibi esse usui possit. Non est certe, quod hac in re ullius consilium desideres: Nemo est, qui melius Consilium tibi dare possit, quam tu ipse. Nunquam falleris si te ipsum audies: te ipsum, inquam, Spiritu Sancto afflatum, ad Christi universum regendam Ecclesiam. Nam qui te universa voluit præesse Ecclesia: non est dubium, quin per Spiritum Sanctum eas tibi sæpissime immittat cogitationes, quæ summo Pastore sunt dignissimæ: de reformanda, inquam, Ecclesiastica disciplina tam in capite, quam in membris: quas si sequaris, & non sinas à tuorum domesticorum te improbis abripi Consiliis, (qui  
dum

*dum sue ambitioni ſerviunt, ne tua minuatur aucto-  
ritas, (ſe ſemper timere præ ſe ferunt) longe erit feli-  
ciſſimus tuus Pontificatus, ut cujus tempore accidit,  
ut quod tam multis ſeculis fuit jam optatum, divini-  
tus concederetur: nempe ut tam ſæde lapſa Eccleſia-  
ſtica reſtitueretur diſciplina. Tibi certe quem Chriſtus  
ſuum conſtituit vicarium, & cui plenam contulit po-  
teſtatem, cum cæteri Epifcopi ſint tantum vocati in  
partem ſolicitudinis, eſſe debet perſuaſiſſimum, non  
alia ratione conſervatum, atque adeo auctum &  
amplificatum iri tuam auctoriſtatem, quam ſi is  
quibus ſunt mandata munera Eccleſiaſtica, in qui-  
bus Epifcopatus præcipuum tenet locum, ea ut par  
eſt, ſtrenue & diligenter obeant. Quod quidem  
facere non poſſint, ſi ſuas Eccleſias, niſi forte ad  
breve tempus & certis ac juſtis de cauſis deſerant,  
tibi etiam atque etiam providendum eſt, ut perpe-  
tuo Decreto eſſe neceſſariam ſtatuas reſidentiam.  
Quamobrem, mihi quaſo ignoſcas, ſi oblatum  
Galerum non acceperim: neque enim vel mille tan-  
ti ſunt Galeri, ut ad quam me Spiritus Sanctus  
poſuit regendam Eccleſiam Dei, eam deſeram, &  
à lupis qui eam undique circumſiſtunt, à pernicio-  
ſiſſimis inquam Hæreticis per ſummam indignitatem  
diſcerpi & dilaniari ſinam. Hæc ſi ille optimus &  
doctiſſimus Epifcopus ad Pontificem Galerum re-  
mittens dixiſſet, detrectare ne Pontificis viſus eſſet  
Imperium. An eas adferret excuſationes quas non  
poſſet ſummus Pontifex non accipere? Id autem  
ſi feciſſet num longe melius Eccleſie contuliſſet, quam  
ſi accepto Galero cum ſe duobus in locis videret non*

posse residere, juris divini non esse diceret residentiam, ut qui timeret si juris divini esse pronuncietur, ne eum à Canone non posset solvere Pontifex? Hinc genita sunt ille lacrymæ: hinc tanta digladiatio, hinc tam vehemens contentio Cardinalium fere omnium, & eorum Episcoporum, qui de Pontificis auctoritate aliquid detrahi egre ferre præse ferunt: Cum nihil magis formident, quam ne Romæ suis relictis delitiis Episcopi munere præsentés per se fungi cogantur: atque quod is quidem Episcopus Galero accepto à ~~exilidator~~ <sup>navia</sup> minime sit sequutus, nequaquam est vituperandus. Nam cum longissimi temporis præscriptione munita sit hæc consuetudo, ut idem possit esse presbyter & Cardinalis, & fiduciarius Episcopus, communi errore quivis, si modo error dicendus est, se potest tueri: ac majorem quidem certe ex repudiato Galero gloriam fuisset consequutus, & de universa Ecclesia longe fortasse melius meriturus. Quod autem juris divini neget esse residentiam, nescio quemadmodum sit excusandus: nisi forte dicatur id habere in mandatis, ut qui sit Legatus, ne dicam Ligatus. Quod si ita sit, quanam potest esse spes progressus Concilii, cum residentiam esse juris divini summus Pontifex, qui id sua sponte debebat decernere, per suorum, quod Deus avertat, APERTAM PROHIBeat CONSPIRATIONEM. Videntur etiam Episcopi qui hoc asserunt, hoc non temere tuendum suscepisse. Universos enim diversa ad id possunt movere cause: Sunt enim quibus intoleranda, ut *Ætna monte* gravior videatur residentia: quod  
à Ro-



à Romanis, quibus tamdiu assueverunt, & quæ  
 Circeorum instar poculorum eos dementarunt de-  
 litiis abstrahi, vel ipsa morte pejus censent. Sunt  
 qui à pinguiorum quos spe devorarunt Episcopa-  
 tum & Monasteriorum, & Cardinalitii etiam  
 Galeri diuturna expectatione, momento temporis  
 decidisse non ferendum arbitrantur. Non desunt  
 quos male habet, quod cum quosdam Magistratus,  
 seu quedam munera à Pontifice representata emē-  
 rint pecunia, ea si in suis residendum sit Ecclesiis  
 obire non posse, & quos ex iis percipiunt proventi-  
 bus se esse privandos intelligant. Sunt & alii minus  
 mali, qui lubenter residerent & suo fungerentur  
 officio: sed cum hoc etiam complectatur residentia,  
 ut verbum Dei prædicent, inscitia suæ conscii, hoc  
 nomine abhorreant residentiam: quod timeant ne  
 si sit concionandum, plane quod sint esse videantur:  
 nempe *omnes ad hoc*: Sunt alii quorum causa videtur  
 esse paulo æquior, & quorum querelæ in Concilio  
 est omnino habenda ratio: ii sunt qui in sua reside-  
 re Diœcesi ideo ægre ferunt, quod à sua potestate  
 exempti sunt Canonorum, Conventus & omnes  
 beneficiorum collationes, minimis quibusdam exce-  
 ptis sibi reservavit Pontifex: atque ea sunt non ju-  
 sta quidem, quæ enim justa esse potest causa, ut  
 quis recuset suo fungi munere? Sed quæ ad impel-  
 lendum vim aliquam habent causa, ut tam acriter  
 defendant residentiam non esse juris divini, & quod  
 eorum capitibus video imminere, (falsus utinam sim  
 Vates) prudentes & scientes in apertum proruant  
 exitium.

*At vos vos appello, Alphonse Salmeron & Jacobe Laines, quos ego non ignoro viros esse doctissimos, quosque hactenus judicavi esse optimos & vere pios: vos inquam, appello & rogo quidnam vos movit, ut & hanc tueremini sententiam: & miseris Episcopis, qui ad suum currunt exitium, frigidam ut ajunt, suffunderetis? Annon meminitis quam pulchrum vobis titulum usurpetis: UT VOS DICATIS SODALES SODALITATIS JESU; Si Sodalitatis Jesu vere estis Sodales, quod nobis verbo ostenditis, reipsa ostendite. Jesu estis Sodales? Jesu gloriam querite. Estne aliquid quod ad Jesu Christi gloriam magis faciat, quam si quos Spiritus Sanctus posuit Episcopos regere Ecclesiam Dei, ii presentes ut par est, rite suo fungantur munere? Potestisne esse Jesu Sodales, & Jesu gloriam non querere? Non queritis autem si impedimento estis quominus ejus ministri ei serviant: non serviunt autem si suis relictis Ecclesiis, suae ambitioni serviant & libidini. Desinite in vulgus jactare, vos auctoritatem tueri summi Pontificis. Quid agant, quid moliantur, quid sibi residentiam juris esse divini asserunt, est jam lippis notum & confessoribus. Pontificis Jesu Christi Vicarii auctoritatem, vos dicitis defendere: & interea Jesum ipsum cujus est vicarius, ignominia, probro, & dedecore, quod in vobis est, afficitis. Annon hoc est Jesum ignominia & dedecore afficere, eos qui ejus culcui sunt dedicati, ab ejus cultu abstrahere, & ad otium, ambitionem, & libidinem traducere? Vultisne vicarii majorem esse auctoritatem, quam*  
*ejus*

*ejus cujus vices gerit? Vult Christus honorem sibi ab Episcopis haberi, sacrificia offerri? Populum & verbo & exemplo posci: Hoc si nolit Vicarius & neglecto Domino cujus vicem gerit, in se omnem honorem transferri velit, se coli, se observari, se frequenti Episcoporum comitatu ornari: Isne se pro Vicario, an potius pro Domina gerere censendus erit? Desinite, desinite inquam, auctoritatem jactare summi Pontificis: Pontificis auctoritatem nihilest, quod magis conservet, augeat & amplificet, quam si perpetuo caveatur Edicto & Decreto, esse juris divini residentiam: Cum ita futurum sit, ut Christus laudetur, honoretur, & amplificetur: nec Pontificis auctoritas à Christi cujus vicem gerit auctoritate, gloria & honore potest separari, nisi forte se non pro Vicario, sed pro Domino velit gerere: & non Principis Pastorum vicem sustinere sed Tyrannidem, quod Christus prohibet exercere. Quid vos, inquam, movit, ut male sibi & Ecclesie consulenti Pontifici, si modo verum sit, quod hoc decretum nolit fieri, hac in re gratificaremini? Nam cum ita vestrum institutum sit Cœnobium, ut omnibus quæ sunt mundi renuntiaveritis, proprietatem omnem & possessionem à vobis abdicaveritis, rerum divinarum contemplationi, bonisque & piis actionibus vos totas dedicaveritis: non possum mihi persuadere, vos aliquid ambire à summo Pontifice. Sed quicquid sit, nempe non me decet in rebus aliorum nimis esse curiosum, videtis quantopere ab omnibus omnium hominum ordinibus postuletur lapsæ Ecclesiastica*  
*di -*

discipline restitutio, quæ est adeo necessaria, ut frustra scripturis aut argumentis, quod minime est difficile convinceantur, frustra Anathematis fulmine, quod minoris quam fulgur ex vitro æstimant, à Concilio feriantur Heretici, quamdiu oculis hominum observabuntur ministrorum Ecclesiasticorum, in primis autem Curie Romanæ abusus, fieri non poterit, ut populus contineatur in officio. Hoc videt prudentissimus, & religiosissimus Princeps Imperator Ferdinandus, qui de ea re per suos Oratores sæpius admonuit Concilium, & scriptis ad Pontificem literis, quænam esset sua sententia exposuit. Vident ceteri quoque Principes, qui per suos legatos nihil aliud urgent: imo vero hoc solum urgent, ut fiat reformatio: videt illustrissimus & in primis reverendus Cardinalis Lotharingus: Cujus opera cum in rebus afflictißimis Franciæ Regno potuisset esse utilissima, omnibus posthabitis venit ad Concilium sedulo conaturus, ut id persuaderet quod est maxime necessarium. Vident ceteri omnes, si soli non vident, quorum ut ea fiant maxime interest: Non vident autem, ut existimo quoniam Deus excecavit eos, vult eos occidere. Hujus reparandæ Ecclesiasticæ discipline & reformationis caput & initium est, ut provideatur, ut quilibet qui munus suscepit Ecclesiasticum, in sua resideat Ecclesia. Provideri autem melius non potest, quam si statuatur residentiam esse juris divini. Hoc cum intellexisset callidus Cacodemon, tam multos excitavit, quid enim aliud dicam, & Episcopos & alios, qui hoc jus divinum tam acriter oppugnarent: IN-

TER

TER QUOS TE ESSE MI ALPHONSE CUM RE-  
 VERENDO LAINES, pro veterē nostrā amicitia  
 non possum non dolere. Optarem quidem certe, ut  
 si & ipsa vobis persuadeat veritas, & vestra dictē  
 conscientia juris esse divini residentiam, divum imi-  
 tati Augustinum caneretis palinodiam. Digni certe  
 estis, qui omnem ingenii & doctrinæ vestræ vim,  
 quæ est longe maxima, in hoc conferatis, ut divini  
 juris statuatur esse residentia: & quod jam tot se-  
 culis frustra desideratum est, reparetur lapsa Ec-  
 clesiastica disciplina. Quod nisi fiat in hoc Concilio,  
 Deus mala prohibeat, quæ video impendere ordini  
 Ecclesiastico. Jam enim videre licet egressam iram  
 Dei, quæ gladium suum vibravit, arcum suum te-  
 tendit, & in eo paravit vasa mortis. Non possum  
 certe non timere, ne si peccata nostra non cor-  
 rigamus, & ut melius in posterum vivatur  
 provideamus, eventurum tandem sit, quod  
 prædixit Sybilla nempe <sup>populū</sup> futuram <sup>populū</sup>  
 Et forte ex uno ex septem collibus ingentem ejus  
 ruinam aliquis conspiciat magna voce excla-  
 mabit: Ecce Babylon magna, &c. Hoc ne  
 accadat Deus est à nobis precibus & pœnitentia  
 placandus: & restituendo lapsam Ecclesiasticam  
 disciplinam reconciliandus. Ad quod persuaden-  
 dum ut fiat, si omnes vestros ingenii & do-  
 ctrinæ nervos intenderetis, ea quæ vos de-  
 cent faceretis, & à Deo maximam mercedem  
 nempe immortalem gloriam referetis. Vale  
 Tridenti in Cubili, quinto Kalendis Aprilis  
 1563.

Hæc

ut nullus inde sequutus sit effectus, Quamquam sit ea res ex se non multum difficilis : ex eo quidem est certe longe difficilior quod saepe contingat, ut Pontifices qui reformationem sedulo cupere pra se ferunt, doctissimorum & optimorum virorum, quos ad se accersunt opera, non ad reformationem quam in vulgus jaectant, sed ad suam stabiliendam potentiam abutantur. Hoc in te cadere SS. Pater tantum abest ut existimem, ut te nihil esse magis & re & nomine Pium iubens & sentiam & predicem. Sed quoniam es in summo gradu potestatis collocatus, quo fit ut multorum sermonibus aures tuas patere necesse sit, tuque me Consilio nonnihil valere existimas, non verebor ea scribere, quae tua sanctitati coram si liceret dicerem. Nullos Sanctissime Pater majores habes hostes quam tuos domesticos, qui tibi perpetuo assentantes, & ea ratione ad amplissimos honores sibi viam munientes, divinam tuam potestatem & auctoritatem semper habent in ore: quam quidem si quispiam obstinato animo denegaret, is in impiorum numerum esset merito referendus. Falluntur autem, & fallunt, si qui existimant eam in eo esse sitam, ut tu prohibeas eos quibus munera sunt mandata Ecclesiastica, ne iis, ut par est, fungantur, & populum sibi commissum pascant. Quod cum explicari non possit absque residentia, etiam atque etiam cavendum est, ne levi aliquo pretextu à suo officio à te ô Beatiss. P. avocentur Episcopi. Quoniam autem nihil est, quod ardentissimis omnium bonorum votis magis hodie exposcatur, quam ut Ecclesiastica reparetur disciplina:

patre:

plina : tuque si istuc adessem à me fortasse de ea re  
 Consilium caperes , paucis dicam quod sentio : quod  
 ut pro summa tua humanitate in bonam partem ac-  
 cipias te rogo & obsecro. Non ea dicam quæ forte ab  
 Assentatoribus audire es solitus , qui semper ea quæ  
 joconda videntur auribus tuis instillant : Sed quæ  
 videbuntur quidem paulo acerbiora , sunt autem  
 ejusmodi omnium , qui recte sentiunt judicio , ut  
 Ecclesiæ tibi commissæ ex iis salus pendeat. Vis ó Pie  
 Pontifex Sanctiss. Ecclesiasticam reparare discipli-  
 nam ? Vis certe , nec malevolorum qui de tua San-  
 ctitate detraxerunt , maledicta mihi contrarium  
 poterunt persuadere : Sed si vis , fac ut judicium à  
 Domo Dei , à Domo , inquam , tua incipiat. Non  
 vides quam barbarico prope dixerim luxu aula tua  
 tota diffluet ? Cardinalium tuorum quantus sit co-  
 mitatus , quam multi Anteambulones , quanta  
 eos sequentium Episcoporum Caterva : quam su-  
 perbæ sunt eorum vestes , quam superbus comitum  
 ornatus , quam superba etiam multarum frena &  
 & ephippia , quam superba palatia. Quorsum in  
 urbe Sancta auditur tot equorum hinnitus , tam  
 sonorum tubarum & buccinarum clangor , tam  
 horrendus bombardarum strepitus ? Hæcine fieri  
 in ea urbe in qua sita sunt duorum Christi Discipu-  
 lorum Corpora : qui ab omni fastu fuerunt alienis-  
 simi , & hæc ab iis fieri , qui ut eorum sunt Succes-  
 sores , ita eorum oportuit vitam , quoad ejus fieri  
 potuit imitari. Sunt hæc omnia , Beatissime Pater  
 & Sanctissime , corrigenda , totusque hic nimis su-  
 perbus & dissolutus vivendi modus ad frugalitatem



*reducendus. Sed quo modo hoc fieri poterit, in tam corruptis hominum moribus : maxime cum nihil sit difficilius, quam assueta relinquere? Ego quidem nullam video aliam commodiorem rationem, quam si renovetur sextus Canon Concilii Chalcedonensis. Consideretur quinam sint Romæ tituli in quibus sit populus qui pascatur, doceatur, regatur, & Sacramenta ei administrentur? Ad quemlibet horum titularum, cum ea vacare contigerit, ordinetur Cardinalis, qui ordinatus in eo prædicandi & Sacramenta administrandi suo fungatur munere, omni spe ei adempta potiundi alicujus Commendati Episcopatus aut Monasterii, in quo non possit reside-  
re. Eum suus alat Titulus : quod si in non possit, suppleat id quod deerit amplissimum Christi primum benignitate concessum, deinde Constantini, & Caroli Magni, ut cæteros omitam liberalitate Petri patrimonium. Ad eos autem Titulos ordinari poterunt non solum Romani, sed etiam externi, de quorum doctrina & nulli crimini affini vita erit satis constans & fama, modo ne sint Episcopi aut alicui Ecclesiastico muneri addicti, quod non possint deferere. Cæteri autem inanes Tituli, in quibus nullus est populus omnino supprimantur. Sed quoniam in eis multa templa antiqua religione sacra, ut quæ in honorem aliquorum martyrum, aut alioqui Sanctorum sunt consecrata, & ad quæ statis anni diebus soleat populus convenire, providebit summus Pontifex, ut easarta tecta manean, & ad rem divinam faciendam, cum opus erit illuc convenient Sacerdotes ex aliis Ecclesiis. Hac nonnullis for-  
tasse*

tasse nova videbuntur, cum sint antiquissima, & à Synodi usque Chalcedonensis, quod imperante fuit Martino, Pontificatum autem gerente SS. Leone I. temporibus repetita. Nova autem videntur; quoniam per quandam negligentiam, ne dicam pravitatem, sunt antiquata: hinc certe factum est, ut non novæ sint, sed veteres de iis quæ Romæ contra Ecclesiasticam disciplinam fiunt querelæ: quæ nonnullam dederunt occasionem, ut vel tam multæ sint Hæreses exorta, vel non tam cito sint repressæ. Hoc Ecclesiastica disciplinæ veluti jacto fundamento, nihil est facilius quam reliqua superstruere: Nolo itaque in iis exponendis diutius immorari, sed ea cursim persequi, quæ tibi Beatiss. Pater sua sponte satis occurrerent. Primum itaque non est committendum, ut uni plura mandentur Ecclesiastica munera. Hoc enim antiquis plane repugnat Canonibus, deinde tollenda sunt, quæ citra rationem fiunt in beneficiis, ut vocam conferendis summi Pontificis præventiones: nec illorum conferendorum alia illi debet esse causa, quam ut eorum suppleatur negligentia, quarum sunt partes conferre: utpote si exacto sexto mense, ipsi nondum contulerint: regularia dentur regularibus, secularia secularibus, residentia omnibus imperetur: nec ab ea esse immunem nisi ad tempus certis & justis de causis cuiquam concedatur. Concilia tam Metropolitanæ, quam Episcopi quotannis celebrentur: in quibus & de Ecclesiæ negotiis mature & diligenter inquiretur, & in Ecclesiasticos quos deliquisse constiterit, severe animadvertatur: Legati à sede Apostolica in

diversas orbis partes mittantur, qui quicquid ubique fiat diligenter observent, & ad summum Pontificem renuncient: ut si aliquos se male gerere intellexerit, eos vel missis Litteris admoneat, & arguat: si res postulaverit eos etiam ad se evocet. Ipsi autem interca se integre & innocenter gerant: nec hoc sibi proponant, ut ordinariorum præoccupando conferendi vices se & suos locupletent: Sed potius dent operam, ut Ordinarii in viros probos, & qui suscepto muneri pares esse possint conferant. Extremum est, quod mihi venit in mentem Beatiss. Pater, quod vel primum est omnium censendum: nempe ut quoad ejus fieri poterit, quaecumque in Curia expedientur Romana expediantur gratis, & deleatur illa macula, qua à priscis usque temporibus urbi infedit, OMNIA ROMÆ ESSE VENALIA. Hæc sunt Beatiss. Pater, quæ si de Ecclesiastica disciplina reparanda rogarer essem responsurus: quæ cum tibi absens exposuerim, non est quod mea præsentis opera amplius tibi esse usui possit. Non est certe, quod hac in re ullius consilium desideres: Nemo est, qui melius Consilium tibi dare possit, quam tu ipse. Nunquam falleris si te ipsum audies: te ipsum, inquam, Spiritu Sancto afflatum, ad Christi universum regendam Ecclesiam. Nam qui te universa voluit præesse Ecclesie: non est dubium, quin per Spiritum Sanctum eas tibi sepiissime immittat cogitationes, quæ summo Pastore sunt dignissimæ: de reformanda, inquam, Ecclesiastica disciplina tam in capite, quam in membris: quas si sequaris, & non sinas à tuorum domesticorum te improbis abripi Consiliis, (qui  
dum

*dum suæ ambitioni serviunt, ne tua minuatur auctoritas, se semper timere præ se ferunt) longe erit felicissimus tuus Pontificatus, ut cujus tempore accidit, ut quod tam multis seculis fuit jam optatum, divinitus concederetur: nempe ut tam sæde lapsa Ecclesiastica restitueretur disciplina. Tibi certe quem Christus suum constituit vicarium, & cui plenam contulit potestatem, cum ceteri Episcopi sint tantum vocati in partem sollicitudinis, esse debet persuasissimum, non alia ratione conservatum, atque adeo auctum & amplificatum iri tuam auctoritatem, quam si is quibus sunt mandata munera Ecclesiastica, in quibus Episcopatus præcipuum tenet locum, ea ut par est, strenue & diligenter obeant. Quod quidem facere non possint, si suas Ecclesias, nisi forte ad breve tempus & certis ac justis de causis deserant, tibi etiam atque etiam providendum est, ut perpetuo Decreto esse necessariam statuas residentiam. Quamobrem, mihi quæso ignoscas, si oblatum Galerum non acceperim: neque enim vel mille tantisunt Galeri, ut ad quam me Spiritus Sanctus posuit regendam Ecclesiam Dei, eam deseram, & à lupis qui eam undique circumstant, à perniciosissimis inquam Hæreticis per summam indignitatem discerpi & dilaniari sinam. Hæc si ille optimus & doctissimus Episcopus ad Pontificem Galerum remittens dixisset, detrectare ne Pontificis visus esset Imperium. An eas adferret excusationes quas non posset summus Pontifex non accipere? Id autem si fecisset num longe melius Ecclesiæ contulisset, quam si accepto Galero cum se duobus in locis videret non*

posse residere, juris divini non esse diceret residentiam, ut qui timeret si juris divini esse pronuncietur, ne eum à Canone non posset solvere Pontifex? Hinc genita sunt illae lacrymae: hinc tanta digladiatio, hinc tam vehemens contentio Cardinalium fere omnium, & eorum Episcoporum, qui de Pontificis auctoritate aliquid detrahi egre ferre praeseferunt: Cum nihil magis formident, quam ne Romae suis relictis delitiis Episcopi munere praesentes per se fungi cogantur: atque quod is quidem Episcopus Galero accepto a relictis delitiis, navia minime sit sequutus, nequaquam est vituperandus. Nam cum longissimi temporis praescriptione munita sit haec consuetudo, ut idem possit esse presbyter & Cardinalis, & fiduciarius Episcopus, communi errore quivis, si modo error dicendus est, se potest tueri: ac majorem quidem certe ex repudiato Galero gloriam fuisset consequutus, & de universa Ecclesia longe fortasse melius meriturus. Quod autem juris divini neget esse residentiam, nescio quemadmodum sit excusandus: nisi forte dicatur id habere in mandatis, ut qui sit Legatus, ne dicam Ligatus. Quod si ita sit, quanquam potest esse spes progressus Concilii, cum residentiam esse juris divini summus Pontifex, qui id sua sponte debebat decernere, per suorum, quod Deus avertat, APERTAM PROHIBERE CONSPIRATIONEM. Videntur etiam Episcopi qui hoc asserunt, hoc non temere tuendum suscepisse. Universos enim diversa ad id possunt movere causa: Sunt enim quibus intoleranda, ut Aetna monte gravior videatur residentia: quod à Ro-

à Romanis, quibus tamdiu assueverunt, & quæ Circeorum instar poculorum eos dementarunt delitiis abstrahi, vel ipsa morte pejus censent. Sunt qui à pinguiorum quos spe devorarunt Episcopatum & Monasteriorum, & Cardinalitii etiam Galeri diuturna expectatione, momento temporis decidisse non ferendum arbitrantur. Non desunt quos male habet, quod cum quosdam Magistratus, seu quedam munera à Pontifice representata emerint pecunia, ea si in suis residendum sit Ecclesiis obire non posse, & quos ex iis percipiunt proventibus se esse privandos intelligant. Sunt & alii minus mali, qui lubenter residerent & suo fungerentur officio: sed cum hoc etiam complectatur residentia, ut verbum Dei prædicent, infcitie suæ conscii, hoc nomine abhorreant residentiam: quod timeant ne si sit concionandum, plane quod sint esse videantur: nempe *boni ad ex*: Sunt alii quorum causa videtur esse paulo æquior, & quorum querelæ in Concilio est omnino habenda ratio: ii sunt qui in suâ reside-  
re Diœcesi ideo ægre ferunt, quod à sua potestate exempti sunt Canonorum, Conventus & omnes beneficiorum collationes, minimis quibusdam exceptis sibi reservavit Pontifex: atque ea sunt non iusta quidem, quæ enim iusta esse potest causa, ut quis recuset suo fungi munere? Sed quæ ad impellendum vim aliquam habent causæ, ut tam acriter defendant residentiam non esse juris divini, & quod eorum capitibus video imminere, (falsus utinam sim Vates) prudentes & scientes in apertum proruant exitium.

At vos vos appello, Alphonse Salmeron & Jacobe Laines, quos ego non ignore viros esse doctissimos, quosque hactenus judicavi esse optimos & vere pios: vos inquam, appello & rogo quidnam vos movit, ut & hanc tueremini sententiam: & miseris Episcopis, qui ad suum currunt exitium, frigidam ut ajunt, suffunderetis? Annon meministis quam pulchrum vobis titulum usurpetis: UT VOS DICATIS SODALES SODALITATIS JESU; Si Sodalitatis Jesu vere estis Sodales, quod nobis verbo ostenditis, re ipsa ostendite. Jesu estis Sodales? Jesu gloriam querite. Estne aliquid quod ad Jesu Christi gloriam magis faciat, quam si quos Spiritus Sanctus posuit Episcopos regere Ecclesiam Dei, ii praesentes ut par est, rite suo fungantur munere? Potestisne esse Jesu Sodales, & Jesu gloriam non querere? Non queritis autem si impedimento estis quominus ejus ministri ei serviant: non serviunt autem si suis relictis Ecclesiis, suae ambitioni serviant & libidini. Desinite in vulgus jactare, vos auctoritatem tueri summi Pontificis. Quid agant, quid moliantur, quid sibi residentiam juris esse divini asserunt, est jam lippis notum & tonsoribus. Pontificis Jesu Christi Vicarii auctoritatem, vos dicitis defendere: & interea Jesum ipsum cujus est vicarius, ignominia, probro, & dedecore, quod in vobis est, afficitis. Annon hoc est Jesum ignominia & dedecore afficere, eos qui ejus cultui sunt dedicati, ab ejus cultu abstrahere, & ad otium, ambitionem, & libidinem traducere? Vultisne vicarii majorem esse auctoritatem, quam  
ejus



*ejus cujus vices gerit? Vult Christus honorem sibi ab Episcopis haberi, sacrificia offerri? Populum & verbo & exemplo pasci: Hoc si nolit Vicarius & neglecto Domino cujus vicem gerit, in se omnem honorem transferri velit, se coli, se observari, se frequenti Episcoporum comitatu ornari: Isne se pro Vicario, an potius pro Domina gerere censendus erit? Desinite, desinite inquam, auctoritatem jactare summi Pontificis: Pontificis auctoritatem nihilest, quod magis conservet, augeat & amplificet, quam si perpetuo caveatur Edicto & Decreto, esse juris divini residentiam: Cum ita futurum sit, ut Christus laudetur, honoretur, & amplificetur: nec Pontificis auctoritas à Christi cujus vicem gerit auctoritate, gloria & honore potest separari, nisi forte se non pro Vicario, sed pro Domino velit gerere: & non Principis Pastorum vicem sustinere sed Tyrannidem, quod Christus prohibet exercere. Quid vos, inquam, movit, ut male sibi & Ecclesiae consulenti Pontifici, si modo verum sit, quod hoc decretum nolit fieri, hac in re gratificaremini? Nam cum ita vestrum institutum sit Cœnobium, ut omnibus quæ sunt mundi renuntiaveritis, proprietatem omnem & possessionem à vobis abdicaveritis, rerum divinarum contemplationi, bonisque & piis actionibus vos totas dedicaveritis: non possum mihi persuadere, vos aliquid ambire à summo Pontifice. Sed quicquid sit, nempe non me decet in rebus aliorum nimis esse curiosum, videris quantopere ab omnibus omnium hominum ordinibus postuletur lapsæ Ecclesiasticæ*

di -



TER QUOS TE ESSE MI ALPHONSE CUM RE-  
 VERENDO LAINES, *pro veterē nostrā amicitia*  
*non possum non dolere. Optarem quidem certe, ut*  
*si & ipsa vobis persuadeat veritas, & vestra dicto*  
*conscientia juris esse divini residentiam, divum imi-*  
*tati Augustinum caneretis palinodiam. Digni certe*  
*estis, qui omnem ingenii & doctrinæ vestræ vim,*  
*quæ est longe maxima, in hoc conferatis, ut divini*  
*juris statuatur esse residentia: & quod jam tot se-*  
*culis frustra desideratum est, reparetur lapsa Ec-*  
*clesiastica disciplina. Quod nisi fiat in hoc Concilio,*  
*Deus mala prohibeat, quæ video impendere ordini*  
*Ecclesiastico. Jam enim videre licet egressam iram*  
*Dei, quæ gladium suum vibravit, arcum suum te-*  
*tendit, & in eo paravit vasa mortis. Non possum*  
*certe non timere, ne si peccata nostra non cor-*  
*rigamus, & ut melius in posterum vivatur*  
*provideamus, eventurum tandem sit, quod*  
*prædixit Sybilla nempe populo futuram populi*  
*Et forte ex uno ex septem collibus ingentem ejus*  
*ruinam aliquis conspiciat magna voce excla-*  
*mabit: Ecce Babylon magna, &c. Hoc ne*  
*accidat Deus est à nobis precibus & pœnitentia*  
*placandus: & restituendo lapsam Ecclesiasticam*  
*disciplinam reconciliandus. Ad quod persuaden-*  
*dum ut fiat, si omnes vestros ingenii & do-*  
*ctrinæ nervos intenderetis, ea quæ vos de-*  
*cent faceretis, & à Deo maximam mercedem*  
*nempe immortalem gloriam referetis. Vale*  
*Tridenti in Cubili, quinto Kalendis Aprilis*  
 1563.

Hæc

Hæc Nobilis Epistola Gentiani Herveti multa nobis Arcana Tridentini Concilii, & necessitatem reformandæ Ecclesiæ, necnon Curia Romanæ abusus & factiones clarissime detegit : magna autem pars eorum quæ hic narrantur, de emendanda Ecclesia excerpta sunt ex ejusdem Herveti libello de reparanda Ecclesiasticorum disciplina, Editio Parisiis Anno 1561. apud Nicolaum Chesneau. Verum causa hujus scribendæ Epistolæ ex Alphonsi Salmeronis Jesuitæ Colloquio cum Gentiano nata est : ille enim cum Gentianum ægrotum Tridenti inviseret, atque ultro citroque sermones agitarent de rebus ad Concilium spectantibus, & potissimum de residentia Pastorum, quæ una cum Sacramento ordinis tum à Patribus tractabatur, id huic descriptioni occasionem præbuit : atque inter alia valde notandum, Patres in hoc Decreto de residentia constituendo, vel potius prorogando & declinando, sex integros menses, propter factiosas Curia Romanæ praesentationes insumpsisse : neque tamen ab Italiae Episcopis, qui reliquos omnes numero vincebant obtineri unquam potuisse, ut Residentia juris esse divini statueretur. Hercle quidem, si Nicænam Synodum excipias, vix ullum ex octo primis generalibus Conciliis reperiēs, in quo tantum temporis, quantum in hoc solo Decreto definiendo, impensum fuerit : Imo vero, uno quoque die

una

una actio vel sessio perficiebatur, ut libro hujus Historiæ probavimus. Idque in hac Epistola primo venit observandum.

Secundum notabile est, Alphonsum Salmeronem Herveto miranti cur tandiu Patribus, aqua in definienda residentia hæreret; Respondisse, nunquam permissurum Pontificem, & qui ejus partes sequebantur, Episcopos Italiæ intelligit, ut residentia juris esse divini statueretur, quoniam hoc Pontificiæ Auctoritati derogaret: Ita ut pro animi sui arbitrio, non posset ad se Episcopos accersere, aut quo vellet mittere, &c. Et hinc claret, Concilium non liberum, sed ut idem ait Hervetus in calce Epistolæ, manifestam fuisse asseclarum Curia Romanæ conspirationem, de qua notabili decimo tertio.

Tertio, quod Salmeron causatur, Cajetanum omnium primum scripsisse residentiam juris esse divini: opponitur, quandiu disciplina Apostolica & jus commune viguerunt, neminem extitisse qui de ea re dubitaret: ac proinde nihil opus fuisse eam in rem aliquid commentari, nisi postquam summi Pontifices, sibi absolutam Monarchiam arrogarunt: atque Episcopos quasi *tabernacula Pastorum*, de loco ad locum pro lubito transportare voluerunt. Porro Cajetanus pridem antequam esset Cardinalis, lucubravat Commentarios in summam D. Thomæ, ubi residentiam juris esse divini disputat, secunda  
secun-

secundæ quæst. centesima octuagesima quinta Articulo V. quo quæritur, *Utrum liceat Episcopo propter aliquam persecutionem Corporalem deferere gregem sibi commissum.* Fallitur ergo Hervetus putans Cajetanum, hæc scripsisse post Galerum adeptum.

Quarto, hoc memorabile est Tridentinum Concilium indictum & coactum, ut hæreses profligantur & lapsa disciplina recuperetur: Sed jam manibus quodammodo palpari, tenebras offundi simplicibus, & aliud simulari, qui dolus est malus, inquit Hervetus: ejusque rei culpam hære in ambitione Curiae Romanæ: adnectit Episcopos atque alios, qui sunt impedimento quominus definiatur residentiam esse juris divini maximam Pontifici creare invidiam apud Catholicos: & illos plane cæcos esse, qui hac ratione auctoritatem Pontificis tutatum iri, contra autem alios ei detrachere, qui residentiam juris esse divini dicunt, cum nihil sit quod Pontificis auctoritatem æque muniat & corroboret, quam si omnes Ecclesiasticos residere, & suo recte defungi munere jubeat, quod absque residentia impleri penitus impossibile est.

Quinto, quibus de causis possit aliquando Episcopus à grege suo abesse planum eo ipso reddi, quod licet residentia juris sit divini, tamen id moraliter intelligendum est, sicut & cohabitatio viri cum conjuge sua, &c.

Sexto, per schematismum aut figuratam

ora-

orationem, sub persona Episcopi quem Pontifex, vocat ad Galeri Cardinalitii dignitatem, ostendit quam necessaria sit Ecclesiæ, sed præsertim Curia Romanæ instauratio, quam narrationem Hervetus magna parte ex libello suo, de reparanda Ecclesiasticorum disciplina cujus supra memini, excerptis.

Septimo, docet Cardinales neque veros esse presbyteros neque Episcopos, sed duntaxat fiduciarios & commendatarios: ac ejusmodi fiducias & commendas esse pestem totius ordinis Ecclesiastici, probitatis morem, omniumque Monasteriorum atque Episcopatum: ac proinde reformationem ab hoc Collegio esse ordiendam, eoque stante quale est, frustra Ecclesiæ emendationem sperari: quod tam certum quam quod certissimum est, hinc enim totius Ecclesiæ & religionis ruina.

Octavo, omnes Episcopos Italiae ordinario, in Aula & Capella Papa ipso vidente, atque approbante versari: neminemque residere, ut Curia Pontificis celebrior sit & frequentior: hocque Bartolomæus Caranza Dominicanus Hispanus, qui sub Paulo III. Tridentino Concilio interfuit testatur in opusculo, quod scripsit pro residentia adversus Catharinum, & Campegium, de qua re pluribus egi Lib. II. defensionis Libelli de Ecclesiastica & politica potestate.

Nono, quæritur Concilium Selectorum

*Lib. IV. Pars. II.*

*Q*

*Car-*



Cardinalium jussu Pauli III. editum, de quo supra numero quarto hujus Libri nihili prorsus fieri: atque Romanos Pontifices de more habere viros doctissimos, prætextu reformatæ Ecclesiæ plerumque ad se evocare, eisque tamen non ad instaurandam in melius disciplinam: sed ad suam potentiam ferrummandam uti consuevisse. Hoc enim est arcantum Imperii Curialium.

Decimo, Pontificem nullos habere infestiores hostes, quam proprios Domesticos & Curix Romanæ asseclas: quippe qui potestate divinitus concessa Petro, ad suas res privatas faciendas adulatorie abutantur: quasi potestas collata fuisset Petro, in destructionem & non in ædificationem Ecclesiæ, & ad terrenas opes cumulandas, non ad salutem animarum quæ sunt verum, atque genuinum Christi & Ecclesiæ patrimonium.

Undecimo, principium Ecclesiæ instaurandæ à Curia ipsa Pontificis, & barbarico luxu Collegii Cardinalium, atque aliorum aulicorum esse faciendum. *Quorsum in urbe Sancta auditur tot equorum hinnitas, tam sonorum tubarum & buccinarum clangor, tam horrendus bombardarum strepitus,* ait Hervetus: quibus verbis voluisse describere videtur, morem & consuetudinem usitatam Romæ, quando Papa defertur in Capellam ad missam audiendam, &c.

Duodecimo, fundamentum reformationis

nis Ecclesiæ ab innovatione sexti Canonis Synodi Chalcedonenfis pendere : quem Canonem hic adscribam ex ejusdem Gentiani versione in Nomocanone Photii : *Nullum absolute ordinari, nec presbyterum, nec Diaconum, nec omnino aliquem eorum, qui sunt in ordine Ecclesiastico, nisi specialiter in Ecclesia Civitatis, vel pagi, vel Matryrio, vel Monasterio, is qui ordinatur designetur. Eos autem qui absolute ordinantur decrevit Sancta Synodus, irritam ac invalidam habere ejusmodi manuum impositionem, & nusquam exercere ac operari posse, ad ejus qui ordinavit injuriam; De quo Canone Hervetus plura disputat memorato libello, de reparanda Ecclesiasticorum disciplina, & nos lib. quarto defensionis libelli de Ecclesiastica & politica potestate.*

Decimo tertio, narrat Legatum Pontificis in Tridentino Concilio, negasse residentiam esse juris divini, idque videri habuisse in mandatis : ac proinde Legatum non Legatum fuisse. *Quod si ita sit, quamnam potest esse spes progressus Concilii, cum residentiam esse juris divini summus Pontifex, qui id sua sponte debebat decernere, per suorum, quod Deus avertat, apertam prohibeat conspirationem; videntur etiam Episcopi qui hoc asserunt, hoc non tenere tuendum suscepisse, inquit Gentianus.*

Decimo quarto, notat permultos Episcopos ideo residere nolle in suis Episcopatibus, quoniam privilegia & exemptiones à Ponti-

ficibus Romanis partim Capitulis Canonico-  
rum, partim Monachis atque aliis privilegia-  
tis collatæ, sunt in causa ut Episcopi legiti-  
ma sua potestate uti nequeant: qua de re E-  
piscopos sæpe conquestos fuisse in Synodo  
Tridentina, nec tamen ullam rationem que-  
relarum ejusmodi habitam accepimus.

Decimo quinto, permagnum nobis refe-  
rat mysterium, facta Apostrophe ad Alphon-  
sum Salmeronem & Jacobum Laines Jesui-  
tas: scilicet qua fini quartum votum, de o-  
bediendo summo Pontifici ab Jesuitis edatur:  
hi enim obtendunt hac solum de causa emitti,  
ut Jesuitæ in exteris Nationes ad Hæreticos,  
& infideles convertendos mittantur à Ponti-  
fice. Verum hinc claret, idque in ipsis in-  
cunabulis Sodalitii Jesuitas hoc voto, non  
quidem gloriam Dei, quam voce & scriptis  
semper obtendunt, sed unius Curix Roma-  
næ & absolutæ Monarchiæ potentatum,  
etiam contra propriam gloriam Dei, & in  
manifestam Ecclesiæ ruinam teneri promo-  
vere. Cæterum Jacobus Laines & Alphon-  
sus Salmeron, quos his alloquitur Hervetus,  
non erant ex gregalibus, sed ex primis &  
clarissimis totius Sodalitii, quos ipse Igna-  
tius Comites & Socios delegerat. Unde præ-  
ter cæteros apprime Sodalitii institutum, cal-  
lebant, ejusque spiritu toti regebantur. Nam  
Laines successit Ignatio in Præfectura gene-  
rali, & à Pio IV. una cum Alphonso Salme-  
rone



rone delectus & missus fuerat Tridentum, ut partes Pontificis tuerentur. Quod si respondeant, Franciscum Turrianum Sodallem Jesuitam, scripsisse opusculum adversus Catinum & Campegium, pro residentia tanquam jure divino instituta; Excipies, id à Turriano factum sub Paulo III. antequam nomen dedisset Sodalitio Jesuitico, cui sese addixit Anno 1554. teste Orlandino lib. XIV. numero 86. Sed hic præstat ipsum Hervetum audire de iis loquentem, quæ ipse vidit & audivit in Tridentino Concilio. *At vos, vos appello, Alphonse Salmeron & Jacobe Laines, quos hæcenus judicavi esse optimos & vere pios; vos, inquam, appello & rogo, quidnam vos movit, ut hanc tueremini sententiam & miseris Episcopis, qui ad suum currunt exitium frigidam ut ajunt, suffunderetis? Si Sodalitatis Jesu vere estis Sodales, quod nobis verbo ostenditis, re ipsa ostendite? Iesu estis Sodales? Iesu gloriam quærite. Estne aliquid quod ad Iesu Christi gloriam magis faciat, quam si quos Spiritus Sanctus posuit Episcopos regere Ecclesiam Dei, ii præsentem, ut par est rite suo fungantur munere? Potestisne esse Iesu Sodales & Iesu gloriam non querere? Non queritis autem si impedimento estis, quo minus ejus ministri ei serviant: non serviunt autem si suis relictis Ecclesiis suæ ambitioni serviant & libidini. Desinite, in vulgus jactare, vos auctoritatem tueri summi Pontificis. Quid agant, quid moliantur, quid sibi proponant, qui residentiam ju-*

ris non esse divini asserunt, est jam lippis notum & tonforibus: Pontificis Iesu Christi Vicarii auctoritatem vos dicitis defendere, & intereadum ipsum Iesum cuius est Vicarius ignominia, probro, & dedecore, quod in vobis est, afficitis. Annon, hoc est, Iesum ignominia & dedecore afficere, eos qui ejus cultui sunt dedicati ab ejus cultu abstrahere, & ad otium, ambitionem & libidinem traducere? Vultisne Vicarii majorem esse auctoritatem, quam ejus cuius vices gerit? Vult Christus honorem sibi ab Episcopis haberi, sacrificia offerri, populum & verbo & exemplo pasci: Hoc si nolit Vicarius, & neglecto Domino cuius vicem gerit, in se omnem honorem transferri velit, se coli, se observari, se frequenti Episcoporum comitatu ornari, isne se pro Vicario an potius, pro domino gerere censendus erit. Desinite, inquam, auctoritatem jactare summi pontificis: &c. Quid vos movit, ut male sibi & Ecclesiae consulenti Pontifici hac in re gratificaremini, &c. Ubi dignum observatione occurrit, Gentianum loqui & argumentari ad hominem: quoniam Salmeron ei retulerat, neque Pontificem, neque Episcopos, qui partes Papæ tuebantur unquam passuros, ut residentia juris esse divini declararetur: quia hoc Pontificiæ auctoritati derogaret, vide supra notabile secundum: & hinc disce propositum esse Jesuitis, speciem pietatis ad proprium & privatum commodum sui Sodalitii abstrahere: & questum existimare pietatem, ut ait Apostolus I. ad Tim. VI. Unde Gentianus per-

perhibet, *se illos hactenus optimos & vere pios existimasse*: ubi *hactenus*, quendam correctionem significat: propter Christi oraculum, *ab operibus eorum cognoscetis eos: nam arbor bona bonum fructum facit*. Quocirca illos exhortatur ad resipiscentiam: *Optarem quidem ut si & ipsa vobis persuadeat veritas, & vestra dietet conscientia, juris esse divini Residentiam, divum imitati Augustinum, caneritis palinodiam, &c.* Proculdubio, gesta Jesuitarum in Concilio Tridentino sub Pio IV. Episcoporum Galliae, & praesertim Eustachii Ballaji Parisiensis Episcopi & Provisoris Sorbonici, qui Tridentino Concilio interfuerat, animos ita exacerbarant, (cum illos Tridenti totos ad nutum Curiae Romanae pendere cernerent,) ut eam ob causam Anno 1564. cum pedem in Academia Parisiensi primum figere voluerunt, ab memoratis Episcopis qui Tridentino Concilio interfuerant, atque omnibus ordinibus & Communitatibus urbis Parisiensis acriter oppugnati fuerint in Parlamento, Jam ergo Orlandinus scriptor Historiae Ignatii Lojolae, nobis operam Jacobi Laines Praefecti Societatis in Tridentino Concilio venditare cesset, quasi ab illo tota Synodus penderet. lib. undecimo. Quandoquidem haec Gentiani Epistola totum hoc mysterium nobis propalat: quod multo amplius liqueret si acta integra, non solos haberemus Canones Tridentinos; intereadum meminerit Orlandinus

dinus Sodalis Jesuita, domesticum Jesuitarum Testimonium in propria causa illis nocere, prodesse autem nullo modo posse, quanti autem rerum suarum admiratores & prædicatores sint, nullus qui Jesuitas novit, ignorat.

Decimo sexto, recte observat Hervetus frustra Testimoniis scripturæ, atque aliis argumentis contra Hæreticos certari, nisi Ecclesia & præsertim Curia Romana emendetur: quoniam depravati mores Ecclesiasticorum sunt tanquam pabulum, atque alimentum quo Hæreses & Schismata hodierna procreantur, foventur, & faginantur. Quamobrem omnes Christiani Principes, atque inter alios Ferdinandus Imperator, sicut etiam Carolus IX. Franciæ Rex, cum omnibus aliis Catholicis Principibus ardentem flagitabant, à Papa & Tridentinis Patribus, ut relictis disputationibus & relictis de doctrina, quæ à Catholicis minime in dubium revocabantur, totum tempus reparandis moribus Ecclesiasticorum potissimum impenderetur: quando notissimum esset depravatos mores, causam certissimam præbuisse Schismati. Sed hoc nunquam à Curia Romana impetrare poterunt: quæ quidem pro vera reformatione personatam & fucatam nobis exhibuit.

Decimo septimo, pro Epilogo Hervetus demonstrat nisi Ecclesia & Curia Romana reformetur, certissimum urbi impendere exi-

tium:

tium: quod primum ex Sybillinis versibus docet, deinde ex verbis Apocalypseos Cap. XVII- XVIII. *Ecce Babylon magna*. Equidem nullus est auctor Catholicus, qui non fateatur Cap. XVII. & XVIII. Apocalypseos agi de Roma. Bellarminus lib. secundo de Romano Pontifice. Cap. II. S. Joannem vocare Babylonem, sed hoc de Roma Ethnica intelligi perhibet: Contra Viegas & Ribera etiam Jesuitæ, id capi de statu urbis sub Antichristo. Verum qui sciverit, propositum esse S. Joanni Prophetiam, status universalis Ecclesiæ usque ad finem seculi, & præsertim ultimarum seculorum corruptelas, quas intuemur depingere: atque insuper Curiam Romanam ab Ecclesia tanquam adjectum à subjecto & vestem à Corpore secerni oportere: profecto de tota controversia, atque intelligentia XVII. & XVIII. Capitis Apocalypseos proclive judicabit.

Cæterum cum Galliæ Prælati viderent in Synodo Tridentina dicis tantum causa atque in solius Curia Romanæ splendorem & quantum reformationis capita delibari: Cardinalis Lotharingus, nomine totius Ecclesiæ Gallicanæ sequentem declarationem scripto edidit, die undecimo Novembris 1563. in Sessione vigesima quarta Tridentini Concilii: eamque in Acta referri postulavit: *Cum nudius tertius meam de reformationis Articulis dicerem sententiam, præfatus sum etiam me valde cupere,*

*ut prisca illa Ecclesiastica restitueretur disciplina: Sed cum his corruptissimis temporibus & moribus intelligam non posse ea, quibus maximo opus est, protinus adhiberi remedia: interim assentiri & probare ea quæ nunc sunt decreta: non quod ea iudicem satis esse ad integram egrotantis Reipublicæ Christianæ Curationem: sed quod sperem his prius levioribus fomentis adhibitis cum graviora medicamenta pati potuerit Ecclesia, Pontifices maximos, & maxime, SS. D. N. Pium pro sua insigni pietate & prudentia diligenter curaturum, ut ea quæ desunt implens, & efficaciora inveniens remedia in usum veteribus jam diu abolitis revocatis Canonibus, & maxime quatuor veterum illorum Conciliorum: quæ quantum fieri poterit observanda esse censeo: vel si expedire videbitur, frequentiori Oecumenicorum Conciliorum celebratione, morbum ab Ecclesia propulsans, eam suæ pristinae restituat sanitati. Hanc autem meam mentem & sententiam, tum meo, tum omnium Gallicæ Episcoporum nomine in Acta referri volo & ut id fiat à Notariis peto & postulo. Hercle Cardinalis Lotharingus mandato Regis Christianissimi sese Tridentum contulerat, ut cæteris omnibus posthabitis reformationem procuraret. Sicut notabili decimo sexto observatum est ex Herveto. Equidem nostri Theologi ob desperatam reformationem, Tridento tantopere offensi & male animati erga Curiam Romanam redierunt, ut palam & publice de Curialium fabricis querimonias sererent: atque*

atque inter alios Magister Claudius Sanctius quoties de Synodo Tridentina cum familiaribus ageret, allusione facta ad solennem formulam & conclusionem Hierosolymitani Concilii, *Visum est Spiritui Sancto & nobis, Actorum XV.* Gallice diceret: *O qu'il y a bien du NOBIS en ce Concile.* Qua voce indicabat omnia Decreta ad disciplinam & reformationem spectantia, non afflatu Spiritus Sancti, sed Curiae Romanae artibus fuisse condita. Quam pariter ob causam, Espensæus illam celebrem digressionem, cujus supra meminimus, Commentariis in Epistolam ad Titum, scripsit: quæ invitis librorum expurgatoribus æternum vigeat. An rogo ulla est in terris potestas quæ usum ratiocinandi hominibus interdiceret, atque efficere possit, ut quod oculis vident auribus præsentibus hauriunt, & maximo doloris sensu experiuntur, non videant, non audiant, & minime doleant? Tantum autem abest ut hæc librorum expurgandorum ratio à Jesuitis adinventæ & propagatæ fini atque proposito quid instituta est serviat, cum potius vehementer noceat atque magis ac magis Jesuitarum, & Curiae Romanae artes ac studia suspecta reddat: quasi vero Ecclesia & Religio Catholica istis humanis versutiis propugnari deberet: Gilbertus Doctor Parisiensis in Oratione funebri Petri Danesii Vaurenfis Episcopi, quam Anno 1677. habuit in æde sancti Germani à Pratis:



Pratis: quæ Oratio edita est Parisiis à Martino juvene ad insigne Serpentis: hoc egregium Vaurenſis Episcopi cum in Tridentina federet Synodo Apophthegma enarrat Gallice: quod verbum de verbo Latine reddam.

*Quidam Doct̃or nostræ Facultatis*, ait Genebrardus, *dum coram Patribus Tridentinis multa diceret, contra abusus & corruptelas, quæ in materia beneficiorum tam in Rota Romana quam in Curia Officiali Episcoporum committuntur, contigit, ut nescio quis, cui hæc Oratio de reformatione minus grata erat per ludibrium illis qui sibi adsidebant diceret, en Gallus cantat: quod Danesius noster audiens illum redargutorem ex tempore sic acute pupugit: utinam, inquit, hoc Gallicinio Petrus ad fletum & resipiscentiam excitetur.*

Veteres Philosophi qui de moribus hominum regendis inter alia Libros de Captanda utilitate ex propriis inimicis scripserunt. Equidem grassante Lutheranismò ob corruptissimos Ecclesiasticorum mores, & Curia Romanæ abusus, id & Pontificem atque ejus aulæ columnina ad vitæ & morum emendationem exstimulare oportuerat. Quod tantum abest ut fecerint, cum potius ex ea re confidentiores atque insolentiores evaserint: quoniam statim atque aliquis pius & Catholicus de moribus Ecclesiæ regendis mutire incipit pro Hæretico aut de Hæresi suspecto notatur: & si quid in eam lucubret, ut Espensæo contigit, ejus

Libri

Libri censura inuruntur aut expurgantur. Quare viri boni studio pacis atque unionis retinendæ in Ecclesia quidvis pati & ferre coguntur : ut supra monui ex Parisiensi Cancellario , dialogo pro Actis Synodi Constantiensis : *Zelus habenda unionis in Schismate tam desperato , fecit multa tolerari , quæ aliunde fuissent nec toleranda* , inquit. *Video quod Ecclesiæ reformatio nunquam fiet per Concilium sine presidentia Ductoris affectati bene & prudentis simul & constantis , provideant sibi dum sciverint & potuerint membra per provincias aut regna , non quidem in multiplicatione constitutionum novellarum , hoc magis inturbat quam adjuvat : sed per executionem vivacem & virilem earum legum quæ jam late sunt abundantissime , supervacuis etiam rescatis vel omissis . Video quod in doctrina quæ fidem , quæ Religionem , quæ bonos & salubres respiciunt mores , vix invenietur in hac tempestate , rebus ut sunt manentibus , nec habito forti favore potentie secularis , terminatio debita vel expedita iustitia .* Hæc Gersonius : quod si ea quæ Tridenti sunt actitata ut Ecclesiæ reformatiæ ratio impediretur conspexisset ? Proculdubio malum quadruplo & majus & periculosius est quam ab Espensæo , Herveto , aut quocumque alio Catholico explicari queat. Porro , hic Tridentinæ reformationis fuit exitus , & scopus , ut nihil ad veritatem sed in quandam speciem & pompam externam , atque ad privatum Curiae Romanæ splendorem & com-

commodum cuncta referrentur: Jesuitis quidem speciosum istum apparatus & Chorgium suis mundanis institutis modulantibus atque in hominum animos alte influentibus: *Papam esse infallibilem; neque cuiquam licitum de suis Pastoribus quamquam de pravatissimis moribus nobilitentur, obloqui.* Ex quo accidit, ut in dies certatim innumerae splendentes & variegatae Ceremoniae ad formam legis Judaicae ferviliter excogitentur. Hinc tam magnificus & pene theatralis templorum atque Altarium exterior ornatus: Sacerdotalia Ornamenta tota aurea atque argentea: Ipsi vero Sacerdotibus totis Ligneis, stipitibus, stramineis, intusque fordentibus & pauperibus fame pereuntibus, aliisque Charitatis officiis, in quibus Lex gratiae essentialiter consistit, plane extinctis. Hinc innumeri quotidie novi ordines religionum & Cœnobiorum Romae missi: Hinc tam crebrae atque solennes Librorum Censurae, & expurgationes: quibus artificiiis populi animus magno studio pascitur, atque à sensu & cogitatione desperatae reformationis callide avocatur: ut interea dum Curiae Romanae Principes & Praelati Ecclesiae solito luxu atque delitiis abunde & secure diffluant ac perfruantur. Quae externa & soporifera remedia qui diuturna fore putant, nam simulata & contra naturam minime durant, tantum quidem mea sententia, quantum qui omnium maxime falluntur.

VIII. Hoc autem quia omnium appositissime Andreas Mafius vir doctissimus & piissimus Cap. decimo septimo Commentariorum in Librum Iolue expressit hic ejus sententiam adgratinabo : *Lector*, inquit, *se convertat animo cogitationeque ad presentem nostrae Ecclesiae conditionem longe miserrimam, & unde ad ista tanta mala haec devenerit, quoquo se modo extricare possit consideret* : *Aequabili enim tenore mihi certe ista priscæ illi respondere videtur. Nam olim etiam ipsi gentibus permixta graves ab illis contumelias perfererat, quibus tamen ad pietatem mirifice stimulabatur, quod multorum Martyrum præclarissimis certaminibus est testatum. Porro stimulatque ab illis liberata est, mox odiis intestinis atque dissidiis consiliari cæpit. Sed ubi ista etiam utcumque exstirpata tandem sunt sacris Conciliis : continuo se otio & luxui dedit : ex quibus turpissima ambitio est nata, extincta pietas, neglecta disciplina, ad pompam solam compositi ritus : & in summa juribus omnibus pollutis, superstitio omnium fere animos oppressit : atque imbecillitatem hominum occupavit. Quæ mala cum diutius tolerare ac pati lenissimus alioqui Pater Deus nolle, denuo nos in acerbissimam relabi discordiam passus est : eamque tam variam & multiplicem atque inauditarum opinionum insolentia tam pertinacem, ut salutaria majorum nostrorum remedia, Concilia dico, jam prorsus respuantur, &c. Quapropter, frustra meo judicio disputationes instituuntur : frustra multi immanibus tormentis extarnificantur :*  
*frustra*

*frustra Principes, ut Religionem quasi Dei Arcam boum, hoc est Sacerdotum petulantia nutantem, tanquam manu admoto fulciant. Oze exemplo, formulas sacrorum novas singuli condunt: ad quas dum Ecclesiæ res corrigere volunt, plane dissipant: & vetera Patrum instituta novis suis commentis convellunt. in solius Dei misericordia spes bona reliqua est. Hic continuis precibus est interpellandus, ut memor esse velit placabilitatis sue. Sic enim Habacuc precabatur: & quidem ab illis maxime est implorandus, qui magis vitæ suavioris & umbratilis cupiditate, quam Sacræ Doctrinæ propagandæ amore adhuc Magistratum in Ecclesiâ Dei quibusvis artibus adepti, istorum malorum causas comprimis dederunt: neque etiam nunc dare desinunt, &c. Hucusque Masius, qui post Synodum Tridentinam hæc edi curavit Antverpiæ Anno 1572. quod autem de veteri Ecclesiâ narrat, repetes ab Eusebio Lib. octavo Historiæ Capite primo. Sacris Historiis edocemur. Judæos statim atque ex Captivitate Babylo-nica redierunt, omnem animi curam & corporis contentionem in Templo Hierosolymitano ædificando collocasse: atque opere perfecto, juvenes, qui Templi à Salomone constructi splendorem & majestatem nunquam viderant omnibus incessisse lætitiis: contra Antiquiores qui viderant, se totos in fletum & lacrymas effudisse: adeo quidem, ut ex isto mœrore & luctu vix ac ne vix quidem ob utriusque Templi differentiam recreari*

creari possent. Certe ex Synodi Tridentinæ consideratione hoc ipsum viris piis & Catholicis hodierna die usu evenire comperimus. Qui enim florentem Ecclesiæ primitivæ statum, dum Aristocraticum regimen, Jus commune; & Disciplina Apostolica bonique mores vigerent, minus perspectum habent, & soli absolutæ Monarchiæ assuefacti sunt: ad solam Tridentini Concilii recordationem, quasi ex ejusdem receptione aurea secula essent reditura (de sola Politia non de Doctrina hic loquor) incredibili exultant gaudio: Aliis vero secus contingit, qui cum apprime naturam regiminis Ecclesiæ à Christo instituti & ductu atque afflatu Spiritus Sancti sub octo primis universalibus Conciliis servati noscant: sibi que etiam insuper sint conscii quantum à Ducentis annis laboratum sit, ut Ecclesia in Capite & in membris reformaretur: & tum demum, Synodi Tridentinæ decretis eatenus in Ecclesiæ emendatione certatum, quatenus Curia Romanæ majestati & commodis non Gloriæ Dei & saluti Christianorum & potissimum Ecclesiasticorum consuleretur: merito quidem formidant ne Deus in nos justissime iratus pronunciet: *Ecce relinquetur vobis domus vestra deserta: dico enim non me videbitis à modo donec dicatis, Benedictus qui venit in nomine Domini. Matthæi XXIII.* Enimvero, nostri inemendabiles ac perditissimi mores; quando temporis ple-

nitudinem & mensuram complent in Dies, magnam profecto & expeditam faciunt accessiōem ad illam terribilem ac justis nedum sceleratis formidabilem diem Domini. Sed hic nonnullos partim obnoxios, partim ignaros mihi subaudire videor, objicientes ejusmodi querelas, hæreticis occasionem præbere, ut in suo errore obdurescant, atque Ecclesiæ Pastoribus detrahant. Contra rependo, doctorum Catholicorum monita & voces lugubres, contra depravatos mores Curialium minime causam scandali præbere, sed propudiosum luxum, atque inemendabilem Prælatorum ambitionem; Deinde quotusquisque ignorat, in vitiis Ecclesiasticorum carpendis longe disparem esse rationem Catholicorum & Hæreticorum? Etenim sicut in lege Moisaica Prophetæ, qui viam domino præparare cupiebant, vitia Hierosolymitanæ Ecclesiæ, quam purissimam esse volebant, acerrime infectabantur: nec tamen Charitatis vinculum laxabant: falsi autem Prophetæ relicta Hierosolymitana Ecclesia in lucos abscedebant: sibi que Aras in excelsis, laniata pace atque unione, extruebant.

IX. Similiter Doctores Catholici, cum super omnia gloriæ Dei, in pacis & Charitatis vinculo inservire, hominesque à vitiis absterre vehementer desiderent: stilum quidem Censorium in pestilentes seculi vomicas ita destringunt: ut multo magis in laudandis vir-  
tuti-



tutibus, quam in vitiis corripiendis suam operam mallent impendere, contra quam usu evenit Hæreticis, qui tanquam fues luto fœdissimo, vitiis, non sanctimonia, & vitæ integritate Ecclesiasticorum mirum in modum oblectantur. Atque Ecclesiæ unitatem toto animi & corporis impetu violare & discerpere moliantur. Hecle quidem, si Prophetæ ab Ecclesiæ Hierosolymitanæ carcinomatibus purgandis nihilo fecius olim abstinerunt, ne forsan Schismati & idololatriæ pseudo prophetarum opitulari crederentur. Aut etiam ne famæ & vitæ suæ pejus consulerent: quidnam causæ est, ut Catholicis doctoribus & bonis ac piis viris metus injiciatur, aut silentium imponatur vel eorum scripta, de necessitate instaurandæ disciplinæ Ecclesiasticæ & Ecclesiasticorum, moribus reparandis expungantur? Nisi forte cubitis & capitibus hominum peccantium quasi molles, atque delicatos pulvillos & cervicalia apponere velimus, Ezechielis XIII. atque insuper experientia comprobare, Ecclesiæ in melius emendandæ rationem plane impossibilem & desperatam esse.

At vero relicta disputatione de reformatione Ecclesiæ ad Synodi Tridentinæ Conclusionem veniamus. Nam in Editione Tridentini Concilii quam Gentianus Hervetus, etiam Gallice edi curavit statim, atque Tridento rediit Anno 1564. Parisius per Jacobum Ma-

cæum, in monte Sancti Hilarii sub signo Pyramidis : Similiter in Antverpiensi apud viduam Martini Nutii, ad insigne Ciconiarum eodem Anno 1564. cujus editionis non semel supra memini : Cardinalis Moronus Legatus summi Pontificis, ante acclamationes Patrum, his conceptis verbis Synodum concludit : *Placuit omnibus Patribus finem huic Sacro Concilio imponi, confirmationemque à SS. Domino nostro peti, TRIBUS DUNTAXAT EXCEPTIS, QUI CONFIRMATIONEM SE NON PETERE DIXERUNT : Ideoque nos Apostolica sedis Legati, & præfidentes, eidem Sacro Concilio finem imponimus : confirmationem vero quam primum à SS. Domino nostro petemus. Vos autem Illustrissimi & Reverendissimi Patres, post gratias Deo actas ite in pace.* Hæc propria sunt verba Cardinalis Moronii, quibus immediate subjiuntur acclamationes : *Beatissimo Pio Papæ, &c.* Hæc, inquam, ita habent in genuinis exemplaribus Gallorum & Flandrorum. Verum tamen Editio Romana, quam Manutius eodem Anno 1564. vulgavit in folio, aliter habet : quia in locum hujus formulæ, *Placuit omnibus Patribus finem huic Sacro Concilio imponi, confirmationemque à SS. Domino nostro peti, TRIBUS DUNTAXAT EXCEPTIS, qui confirmationem se non petere dixerunt, &c.* Hac alia subjiuntur. *Postmodum Illustrissimus & Reverendissimus Cardinalis Moronus, primus Legatus & præfidentis benedicens Sanctæ Synodo dixit, post gratias Deo actas*

*actas Reverendissimi Patres, ite in pace. Qui responderunt, Amen.* Tum postea immediate subnectuntur acclamationes, *Beatissimo Pio Papa, &c.* Hæc. inquam, in editione Romana Manutii, ad cujus normam dehinc omnes editiones Concilii Tridentini, quibus hodie utimur factæ sunt: sicque claret contra fidem nativorum exemplarium, responsum trium Episcoporum, qui nominatim dixerunt se non petere confirmationem Actorum Concilii à Papa expurgatam, atque expunctam fuisse. Ex quo patet, Curia Romanæ propositum esse omnia delere, atque suppressere acta, quæ juribus suis usurpatis adversantur: & hinc etiam fit, ut multa Apocrypha pro veris legantur etiam in antiquis Conciliis. Porro valde dolendum est, nomina trium illorum Episcoporum & cujusnam essent Nationis ignorari: certumque est illos maxime generosos, ac minime ambitiosos præmiorum, quibus Romana Curia homines allicere consuevit, atque etiam peritissimos fuisse Historiæ antiquorum Conciliorum; nunquam enim auditum sub octo primis universalibus Conciliis, ut confirmatio Actorum ab Episcopo Romano, tanquam Monarcha absoluto infallibili Ecclesiæ peteretur, ut fit hodie. Ratio est, quia Decreta Synodalia, vim & robur habent ab universali consensu & communione Sanctorum, non à comprobatione Papæ: qui quidem velut Catholicus, Symbolum

suum contesserare & ad Sanctorum Communionem more aliorum Episcoporum accedere tenetur. Quamobrem Christus Matthæi XVI. præsentiam suam non uni & singulari Monarchæ, sed duntaxat Sanctorum communioni pollicetur: *Ubi cumque fuerint duo vel tres congregati in nomine meo, ibi sum in medio eorum*, Quæ verba omnem singularitatem, quasi infallibilem excludunt. His autem accurate subductis, Jacobi Naclantii Clugienfis Episcopi futilia Argumenta depelluntur, qui cum Synodo Tridentinæ interesset, ex hac generosa atque Orthodoxa trium Episcoporum sententia, captavit occasionem scribendi tractatum, quem ita inscripsit: An Decreta Actaque Generalia Concilii, exigant necessario confirmationem Papæ: quod opusculum Cardinali Borromæo nuncupavit. Cardo in quem omnes Naclantii rationes vertuntur est; Christum dixisse Petro, Rogavi pro te ne deficiat fides tua: & tu aliquando conversus confirma Fratres tuos, Lucæ XXII. Atque Ecclesiæ regimen esse absolute Monarchicum, non Aristocraticum vel Oligarchicum, quæ Principia alias sunt à me dogmatice examinata, & labefactata; hic operæ pretium est verba Naclantii exscribere, unde Lector possit cognoscere, quid illum impulerit ut memoratum Tractatum lucubraret: *Verum quoniam his diebus ait: res à quibusdam revocatur in dubium, dum nonnulli Conciliorum Acta Decretaque Papæ, probatione, vel confirmatione non accedente ausi sunt adstruere validissima: abs re esse non duximus, si nostræ protenuitatis hæc certis solidisque constructa fuerint fundamentis. Quare hanc compendiarium enarrationem seu tractationem fecimus, ut valeat quis veritatem agnoscere, &c.* Hæc ille ut inde colligi possit, quantum homines obnoxii certent, ut absoluta Curiae Romanæ Monarchia evincat.

*Finis Historiæ Conciliorum Generalium.*

Hæc Ecclesiæ Catholicæ subiecta sunt.

Index

# Index Rerum præcipuarum quæ in hoc Libro Quarto occurrunt.

## A.

- A**ccessus Procuratorum ad urbem Romam & tradita ab Sacro Collegio eisdem responsio. 403  
Acta & Decreta Pisanz Synodi. 405. Acta Sessionis ejus septimæ. 525  
Accusatio Julii II. in Concilio P. 125. & seqq.  
Alexander VI. Papa veneno quod aliis paraverat ipse entingitur. 144  
Æneas Sylvius Concilium contemptum popularitatem Synodalem vocat, 104. fit Papa, 35. ejus animi dotes, ibid. ejus literæ ad Universitatem Parisiensem, ibid. ejus Epistola ad Ludovicum XII. Galliarum regem pro abrogatione Pragmaticæ, 53. De tribus Galliarum Ordinibus contemptum loquitur. 56  
Appellatio Universitatis Parisiensis pro Libertate Ecclesiæ. 107 Appellatio à Papa minus debite consulto ad seipsum melius consulendum. 128  
Apologia Concilii Pisani. 169  
Arma carnalis Ecclesia nescit. 28  
Artificium quo Cardinalis Senensis utitur adversus Imperatorem. 20

## B.

- B**eneficia Conciliarium nemo impetret, aut acceptet. 551. Beneficiati in Concilio existentes recipiant fructus beneficiorum. 417  
S. Bernhardus denegat Papæ absolutam potestatem, 24. ejus querelæ de statu Ecclesiæ. 28  
Bulla plumbea in literis Synodi ordinatur. 474

## C.

- C**anon Constantiensis de Concilio singulis Decenniis celebrando, 53 cui Pontifex vult illudere. ibid. Canon Tolertanus de gestu & moribus in Concilio. 424  
Capitula publica, vota & juramenta Julii Papæ & Cardinalium in ejusdem Pontificis creatione de Generali Concilio immediate intra sequens biennium indicendo & inchoando. 323  
Caput quando suspectum est etiam suspecti sunt qui illud sequuntur. 266  
Cardinalis Senensis liber de Germanorum moribus. 6. ejus Senensis sententia de Appellationibus à Papa ad Concilium. 15. Cardinales etiam particulares agere possunt pro interesse Ecclesiæ, 172. & Concilium indicare. 284. Cardinalis Ostiensis Juliani de Rovera postea Pontificis Julii II. durum ingenium. 144 Auctor est variorum Capitum auctoritatem Papæ restringentium. 145. promissis 518

# INDEX RERUM.

- sis non stat. ibid. Cardinalium minor pars an maiorem pro con-  
 gregatione Concilii requirere possit. **263**  
 Carolus VIII. Franciæ Rex ad Ecclesiæ Reformationem animum  
 intendit, **140.** ejus provocatio ad Generale Concilium. **36**  
 Casus in quibus Papa accusari potest, 250. in quibus Concilium sine  
 ejus auctoritate possit congregari. **282**  
 Censuræ Papæ in eos qui decimas solvere recusant pro nullis habentur. **138**  
 Ceremoniæ & ritus Synodi Lateranensis in speciem augustinæ. **162**  
 Clerici familiares suos ad sui defensionem armatos habere non  
 prohibentur. **290**  
 Concilia non tam numerum, quam Concordiam, & libertatem  
 Patrum requirunt. 309. Concilii Pisani convocatio sub Julio II.  
 Pontifice maximo. **335.** Concilii Generalis convocatio ex parte  
 Cardinalium. 353. Ex parte Principum. 363. Conciliorum libe-  
 rorum effectus. **18.** Concilium Pisanum ab Imperatore & Rege  
 Franciæ indictum. 306. Concilium Generale in quibus casibus  
 sit iudex Pontificis. **260.** Concilii Generalis & Papæ utra major  
 sit auctoritas. 103. Concilii Pisani Patres non parum insidiarum  
 in Laterano latere suspicantur. **209.** Concilium Pisis indictum à  
 9. Cardinalibus sub Gregorio XII. Pontifice. **206.** Concilium  
 Constantiense finem ultimum imposuit omni iniquæ de Ponti-  
 ficatu & diuturnæ contentioni. **207.** Concilii congregandi mo-  
 dus si Papa sit accusandus. 262. Concilium ad tempus Mediola-  
 num à Pisis transfertur. **436.** Concilium ex discessu Prælatorum  
 non censetur dissolutum. **425.** Concilii literis plena fides exhi-  
 beat. **452.** Concilia necessitate urgente anno celerius celebra-  
 da. 204. Concilii Pisani literæ ad Facultatem Parisiensem super  
 libro de Potestate Papæ supra Concilium. **164.** ejusdem argu-  
 menti literæ Ludovici XII. Galliarum Regis, **166.** Zelo amoris  
 & Spiritu Dei erga Papam incedit. 521. Concilii Generalis indi-  
 ctio in quibus casibus ad Cardinales spectet. **276.** & seqq.  
 Consilium Philippi Decii I&ti Clariss. habitum pro Ecclesiæ au-  
 thoritate. **232.**  
 Constantiensis Synodus pacem Ecclesiæ reddidit. **40**  
 Constitutio Constantiensis contra invasores a Concilio. 465 Augē-  
 tur poena ad supradicta. 474. Constitutio Basileensis Concilii in  
 qua Constantiensis Concilii Constitutio confirmatur. **319**  
 Conventus Moguntiz indictus ad ineundam rationem belli Turci-  
 ci. **32.** Conventus Aurelianensis seu Turonensis Articuli super  
 libertate & Privilegiis Ecclesiarum Gallicanarum. **154**  
 Copia Mandati D. Joh. Baptistæ de Theodorici Doctori, & Fran-  
 cisco de Trejo Romam proficiscentibus à R. D. Cardinalibus in  
 Insabria pro bono Ecclesiæ congregatis traditi. **400**  
 Curia Romana absolutam Monarchiam suam stabilire studet. **311**  
 Abominatur Concilia **18.** Ei nulla fides habenda in sua causa si con-  
 tra Jus Divinum Naturale & Canonicum loquatur. **33.** Curia  
 Parisiensis Defensio pro Libertate Gallicanæ Ecclesiæ, adversus  
 Curiam Romanam. **64.** Curialibus solemne est haurire argumenta



# INDEX RERUM.

à proportionne Monarchiarum temporalium 25. Curia Romana per impositionem Decimarum evacuat regnum Galliarum divisiis. 126. Decretis Synodi Basileensis & Constantiensis magna obijcit incrementa. 105. Impense laborat ut antiquetur Sanctio Pragmatica. 53

## D.

**D**ecimarum impositio in Gallia fundata super falsa causa. 125  
 Declaratio ad pontificem non pertinere loci ad Concilium celebrandum electionem. 512  
 Defensio sui est juris Divini & Naturalis. 157  
 Decretum Sacri Constantiensis Concilii de Ecclesiarum privilegiis & Libertate. 115. Decretum septimæ Sessionis Concilii Pisani. 530. Decreta quartæ Sessionis Mediolani habitæ. 439. Quintæ Sessionis. 454. Decreta primæ Sessionis Pisane Synodi. 415. Secundæ Sessionis. 424. Tertiæ Sessionis. 430  
 Difficultates obortæ ratione abrogandæ Pragmaticæ. 60  
 Disciplina Ecclesiastica collapsa. 39  
 Fr. Duareni literæ ad Galliarum Regis Legatum pro retinenda Pragmatica. 62

## E.

**E**cclēsia nescit arma carnalia. 29 Ecclesia primitiva Aristocraticè gubernata fuit. 32. Ecclesiæ Reformatio à Generali Concilio petenda. 280. Ecclesiæ Spiritus obliteratione Conciliorum magis ac magis extinguitur. 221. Ecclesia Gallicana à Papa multis gravaminibus læsa & afflicta. 123. Ecclesiarum & ministrorum earum libertas & immunitas. 110. Ecclesiastici quomodo Curiales, Aulici & assentatores effecti. 22  
 Episcopus Concordiensis gentes militares disponit in via ad interceptiendos Patres Pisanos. 184. Episcopi Italiæ ordinariæ Curiam Romanam sectantur. 309  
 Epistola Ludovici XII. Galliarum Regis ad Pontificem de abrogatione Pragmaticæ. 58  
 Exaltatio grandis illegitime natorum. 4  
 Examen Argumentorum Cardinalis Senensis quibus usus est in libro de Moribus Germanorum. 9

## F.

**F**orma Appellationis Franciæ Regis ad Generale Concilium 37

## G.

**G**ratia expectativæ. 22

## I.

**I**esuiz per æquivocationem sic loquuntur. 158  
 Imperator & Galliarum Rex Societatem ineunt pro reformanda Ecclesia. 160. Imperator & Rex Galliarum Procuratores ad Pisani Concilium constituunt. 348. Imperatoris Maximiliani Edictum super Concilio Pisano. 337. Imperator electus, & Rex Francorum, sub protectione Concilii recipiuntur. 513  
 Instrumentum Compositionis Rer. Patrum in Civitate Pisani, in



# INDEX RERUM

- in quo fundamenta & rationes indictmentis Pisani Concilii summarie recitantur. [384.](#) Instrumentum Procurationis & commissionis, datæ à Rev. Cardinalibus Pisani Concilii, 386.
- Iniquitas quando dolo evitatur non inconvenit. [184.](#)
- Johannes XXIII. propter crimina notoria & Benedictus XIII Pontifices depositi. [187.](#) à Concilio Constantiensi dissimulato habitu fugit. 202.
- Julii II. Papæ subscriptio, votum & juramentum super Capitulis à Cardinalibus ante ejus Creationem unanimiter factis. 334. Hic fuit auctor, suasion & dux bellorum. 305. Gallie Regem contra Veneros inflammat. 150. ejus artes contra Regem. 151. Procuratorem Ducis Sabaudie equuleo torquet. [152. Rogatur](#) ut à consiliis belli abstinere, [157. In](#) gravissimo etiam morbo nil præter arma cogitavit. [163.](#)
- Juramentum & votum factum à Cardinalibus super habendo Concilio. 331. Juramenta eorum irritantur qui ad Concilium non venire juraverunt. [442.](#)
- Jus Appellandi à Pontifice semper usitatum à primis Ecclesiæ temporibus. 33.

## L.

- L**egatus Bononiæ creatur. [475.](#) Legati Pontificii Regnum Gallicæ immensis pecuniis exhauriunt. 106.
- Litteræ Bononiensis legationis, [475.](#) Litteræ Apostolicæ Papæ Eugenii IV. quibus confirmatur sacrum Basileense Concilium ab initio utque ad Sessionem XVI. inclusive & deinceps. [319.](#) Litteræ Pii II. ad scholam Coloniensem. 97.
- Ludovicus XII. Galliarum Rex armat se contra Papam. 159. cur & quomodo. [161.](#) & seqq. ejus Epistolæ quibus indictio approbatur & acceptatur. 374. gratificatur Papæ ob spem recuperandi Ducatus sui Mediolanensis. [135.](#) Victoriæ suæ contra Papam occasione non utitur. [163.](#)
- Lycurgus Thraciæ Rex vites omnes extirandas censet. [19.](#)

## M.

- M**ala infecuta ex quo Pontifices temporalium rerum curam suscepunt. 30.
- Maximiliani Rom. Imp. Epistolæ, quibus prælibata Generalis Concilii iudictio recipitur & probatur. 370.
- Modus procedendi in Pisano Concilio per Deputationes, Congregationes & Sessiones. [428.](#)
- Monitio Universitatis Parisiensis de Decimis Pontifici non solvendis. [134.](#)
- Moræ purgatio non admittitur, ubi jus alteri quæsitum est. 134.

## O.

- O**ecumenici Concilii materia & objectum. [414.](#)

## P.

- P**apæ solitus in eos sævire qui voluntati ejus repugnant. 299. utrum semper moram suam purgare possit. [296. ejus](#) potestas in temporalibus. 28. quando ei non obediendum. 300. Concilio-  
rum

# INDEX RERUM

- rum Generalium decretis obedire tenetur. 431. an facultatem habeat corrigendi, interpretandi & abrogandi Sanctione Generalium Conciliorum. 17. si aliquid juravit & vovit an efficaciter obligetur 254. offertur facultas eligendi communem locum pro Concilio. 241. an possit accusari si incorrigibili sit in crimine quo Religio Christiana scandalum patiatur. 235. Papa & Christiani Principes ad bella intermittenda monentur. 447.
- Patres Pisani offerunt Pontifici omnem obedientiam & reverentiam. 306. formam & rationem Patrum Basileensium sibi annuendam censent. 226. Pontifici Censura, poenas, &c. irritas proclamant. 223, 225,
- Philippi Decii Sermo pro justificatione Concilii Pisani. 277. odium in quo apud Romanam Curiam inciderat in Galliam exulatum abit. 302.
- Pisanum Concilium quadrupli lege constare. 462. Pisani Concilii distributio post Missam. 492. ejus indictio & congregatio confirmantur. 306. Concilii ad tempus translatio legitima fuisse declaratur. 511. ejus responsio data Rever. Episcopo Alexandrino Nuncio. 321. ejus monitio ad Papam ut intra 24 dies revocet attentata. 516. ejus sigillum. 428. Sessio anticipatur ex causis urgentibus. 429. ejus Epistola ad Imperatorem. 226. ejus processus contro Papam. 519. & seqq. ejus Præsidens qui. 419. petit res Bononiensium & Ferrariensium absque Christiani sanguinis effusione tractari. 444.
- Pius II. Pontifex postquam adeptus esset à Rege Galliarum quæ petisset, promissis non stat. 79. Bullam retractioni omnium Actorum Basileensis Synodi à se scriptorum evulgat. 79. pugnantia loquitur. 101.
- Pœna quorundam qui Privilegia Ecclesiarum violarunt. 113.
- Pontifex ut effectum Concilii impediret indicit illud in loco non libero & minime tuto. 306. tentat Cæsarem à Regis Franciæ amicitia dissociare. 508. Pontifices omnia cum Oligarchico Consilio decernunt. 34. Pontificis promissa facta Galliæ Regi ut abrogaret Pragmaticam. 57. Pontifices decima super Clerum imponunt quæsito colore belli Turcici. 135.
- Potestas Ecclesiastica ubi resideat. 102. duo continet. 102.
- Prælati admittuntur qui post inchoatum Concilium ad illud venerunt. 448.
- Prætextu Monitorii Papæ, domestici & familiares Patrum Concilii non discedant absque licentia dominorum suorum. 252.
- Pragmatica num damnosa, & detestabilis 22. num tollat Sedi Apostolicæ eminentiam, &c. 23. quid contineat. ibid.
- Proclamatio Julii Secundi. 489.
- Progressus Pisani Concilii. 312.
- R2

# INDEX RERUM

R.

- R**ationes Patrum Pisanorum cur Roma ipsis suspecta sit. 211.  
215. & seqq.  
**R**egis Galliarum Edictum super Concilio Pisano, 340. ejus Man-  
datum ad Parlamentum Delphinatus super Privilegiis & liber-  
tate Ecclesiarum Gallicanarum defendendis, 153. Reges tem-  
pore heroico omnium possessionum Domini præterquam ea-  
rum quæ ad Sacerdotes spectabant. 111.  
**R**egiminis spiritualis & potestatis secularis longe diversa natura.  
31. Regimen Ecclesiasticum Christus, mixtum esse voluit ex  
Monarchia & Aristocratia & quare? 179.  
**R**omanum Concilium per Papam convocatum declaratur nul-  
lum. 111.

S.

- S**alvis Conductibus Papæ quantum credendum sit. 211.  
**S**chedula accusationis contumaciæ Julii Papæ secundi. 486.  
**S**chedula accusationis contra Julium secundum. 526.  
**S**cholæ Sorbonicæ Responsum ad quæstionem, quidnam de  
Censuris Papalibus esset tenendum. 136.  
**S**essio Octava Concilii Pisani. 132.  
**S**umma Pragmaticæ Sanctionis Beati Lodovici. 119.  
**S**ynodus Generalis auctoritatem habere immediate à Christo. 431.

T.

- T**heologorum Parisiensium Responsa Regi data super Refor-  
matione Ecclesiæ. 140.

F I N I S.

